


Al. compl. 1000. 1000.


XXI. 44

Dupl. 1000. 28.

~~1000. 53.~~

Traro 285





J. XXI 44. M. Joannis Hingst
Post vero M. Flor: Bars Beni

Ex Libris M. Stanisla
Patelski Phil^o Doctoris
et in Academia Posna
nien per triennium
studiorum Humaniorum
Opus.
1749.

10 880 I.



ILLUSTRISSIMO AC REVERENDISSIMO
DOMINO DOMINO
ANDREÆ LESZCYNski
DE LESZNO,

Dei & Apostolicæ sedis gratiâ
EPISCOPO CAMENECENSI,
Perpetuo ~~ABBATIS~~ **TYNECENSIS**
Administratori,
REGNI POLONIÆ VICECAN-
CELLARIO,

Domino ac Patrono meo colendissimo.

Multorum desideria precésq; ha-
tenus audiui, ILLUSTRISsIME ac
REVERENDISsIME PRÆSUL, quibus cu-
ram & impensas petebant, ut Ambro-
sius Marlianus, Scriptor in civilium re-
rum tractatione exactissimus, iterum
in lucem prodiret. Placuit nempe illis
Princeps, quem pulcherrimis præce-
ptis atq; exēplis instituit. Placuit dele-
ctus Consiliariorum, sine quibus nemo

)(

Rem:

Præfatio.

Rempubicam feliciter gessit. Conabantur non pauci nostro hoc tempore aliquod simile opus moliri: Sed quidam calliditatis inutiliumq; machinationum præscripto diligentiam & opinionem corruperunt. Marlianus autem omnia ex vero honestoq; agit. ad seculorum experientiam refert singula. Nihil contra sanctiones Dei, nihil contra rationis sinceritatem concludit. Obtinuit idcirco, ut non suo solum merito, sed etiam magnorum æstimatione virorum in palatia veniret. Et nunc postquam iterum mea operâ prodit, cujus potissimum manibus in Aulam VLADISLAI Regis deferatur, quàm Tuis, quæ eximiam ipsius civilis prudentiam sigillo approbant atq; obsignant? Cujus auctoritate veniat in Senatum melius, quàm Tua, cui Legum tutela & usus incumbit? Ita certè, Tuis auspicijs patrociniòq; subnixus, facilè inveniet oculos aliorum, quos quærit: animos, quos repererit idone-

Prefatio.

idoneos, occupabit. Nemo erit, qui eum non libenter in notitiam admittat, quem tanti nominis commendatio deducet. Gaudebit potius quilibet, THEATRUM POLITICUM sibi extructum, in quo singula liceat inspicere, quæ Reip. felicitatem faciunt: neq; verebitur in diversis exemplis varios spectare, quemadmodum fabulam suam absolverint. Non nemo etiam sagaci conjecturâ inquireret, quem tandem exitum habitura sit tam multiplex hac ætate nostrâ regiminis facies, quæ alibi sincero cultu, alibi sub persona plausum potius quàm solidam famam habet: Dum ita quisq; suam in Marliani lectione industriam exercebit, Tu, ILLUSTRISIME DOMINE, VLADISLAUM IV. Principem nostrum & tuum, qui omnem civilis prudentiæ apicem affecutus, in admirabile felicitatis exemplum excrevit, potissimum contemplaberis; neq; interim in ea meditatione Te ipsum separabis,

Prefatio

rabis, quem Princeps tantis honoribus officijsq; sibi conjunxit. Cùm enim religionem, dicendi libertatem, legum curam in Consiliarijs laudari audies, Te cogita, quem civilium rerum peritia, laborq; indefessus Pro-cancellarium, amor Patriæ Senatorem, eximia pietas Antistitem nuncupavit. Cum plures fidos consiliorum administros recenseri leges, quorum sententijs salus communis fundabatur; Tui Tibi LESZCZINIJ in mentem veniant, qui per plurima dignitatum subsellia sparsi, intra Poloniæ Prussiæq; trabeas splendorem suæ gentis & Reipubl. gloriam foveant. Cùm exempla bonorum Civium recitari intelliges, in peregrinorum nominum locum Tuos majores substitue, qui paria aut majora in omni honoris gradu gesserunt. Vide, ILLUSTRIS-SIME ac REVERENDISSIME AN-TISTES, quàm meritò librum Tibi
hunc

Prefatio.

hunc offeram. Dum enim optimo Rege nostro, dum Te ei ipso Tuisque plenum ostendo, repulsam non mereor: favorem potius, hactenus mihi satis superque exhibitum, hac quoq; de causâ non temerè expecto, quòd in decus VESTRUM rursus THEATRUM POLITICUM erexerim, in quo antiquissimæ Vestræ stirpis Proceres, pulchris omnium virtutum, celeberrimorumque Virorum, qui in hoc opere recensentur, vultibus tecti, magno numero imaginem veri Principis circumstant. Admitte hoc æstimationis publicæ indicium, ILLUSTRIS-
SIME ac REVERENDIS-
SIME PRÆSUL: admitte testimonium gratitudinis, quam aliter post plurima accepta beneficia loqui palàm non potui: admitte & votum, quo Tibi amplissimam in hoc celebri Civiliū Virtutum spectaculo


Prefatio.

Etaculo personam lætus libensque
designo. Gedani. Calend. Septemb.
Anno 1645.

*Illustrissima ac Reverendissima
Celsitudinis Tue*

Devotissimus cliens

GEORGIUS FÖRSTERUS
Bibliopola Dantiscanus.



Hic liber à quodam fauentissimo
 Alberto Miklus Lewic Sacristano Silec
 donatus e' Amico sui etiam largitor o
 mnium bonorum Deo suam Sanctam
 Benedictionem et in omni bus Actionibus
 pro genitatem det ac donet. In eo lumen
 reddat.

deinde copiarum duces, milites denique omnes. tantæ molis erat egregium Principis exemplum; viso in acie Imperatore animi militum accenduntur. Quid Iulii Cæsaris exercitum, ad Cordubam contra Pompejum juniorem perterrefactum, & jam de fuga magis, quam de pugna meditantem, restituit, animavit, & ad bellandum impulit? pudor militum ad Principis exemplum. Cum enim milites omnes audivissent Cæsarem in concione exclamantem, hic dies mihi finis vitæ erit, & militia vestra ultimus, & vidissent, quod his dictis mox arripuit obvii militis clypeum, solus hostes invasit, loco deturbavit, & ducenta circiter tela in se missa partim audacter evitavit, partim scuto excepit, tunc tanto pudore accensi fuere milites; moxque tanto impetu in hostes irruere, ut Pompejum cum universo exercitu in fugam compulerint, ducesque, capta Corduba in quam confugerunt, magna ex parte cæsi sunt, & eorum capita ad Cæsarem perlata. En quanti ponderis strenui ducis exemplum. Neronis parricidium laudant centuriones, & tribuni, mox cæpto exemplo proxima Campaniæ municipia, victimis & legationibus lætitiâ testantur. En populares viri, quam facile illustrium virorum exemplis inficiuntur.

Livius
lib. 2. de
cade 1.

Tac. l. 14
annal.

Clodoveus Gallorum rex, cum fidem publice profiteretur, & ad sanctum convolaret lavacrum, à beato Remigio Episcopo baptizatur, mox ipsius exemplo tria hominum millia baptismum susceperunt. Regnante Constantino optimo Principe Christiana fides in dies florebat. At regnante Constantio, quia Catholica Ecclesiæ fuit hostis acerrimus, etiam populus Arriana labe fere omnis infectus. Sed quid plura? nonne nostris temporibus regnante in Anglia Henrico octavo tunc fidei de-

Gregor.
Turon.
l. 2. hist.
Franc.

fen-

fenfore, totum Regnum in fidei fervore florebat: at ipsomet Annæ Bolenæ amore insaniente, & la-be hæresis infecto, totum fere Regnum à fide defecit. regnante Maria totum Regnum ad Ecclesiam rediit, at regnante Elisabetha iterum regnare cœpit Calvinismus, & vera exulare religio. En quantum refert, vel bonum, vel malum Principis exemplum, tantum utique, ut etiam corporum notas, motus, ac gestus imitari in dominis subditi gestiant. Hinc Persæ pulchrum existimabant naso adunco esse, quia Cyrus eorum Rex talem habebat. Platonis contractos humeros familiares eius exprimebant. Aristotelis gibbum discipuli pulchritudinis loco ducebant. ita cecinit Poeta:

Claudum, cum claudio Principe, vulgus erit.

Diodor.
Siculus
lib. 4. re-
rum an-
tiquar.
cap. 1.

Apud Æthiopes habebantur inglorii, qui non imitabantur Principes in corporis etiam defectibus, si quando Rex aliqua corporis parte ex qua-vis causa debilitabatur, domestici omnes sponte sua eandem partem debilitabant, turpe enim existimabant, Rege claudio non etiam amicos claudos esse, sed quod maioris admirationis est, non solum claudicabant cum claudio, sed mortuo Rege magis intimi & familiares morti se dabant, proinde subjunxit auctor, ferunt quoque consuetudinis esse amicos ultro in Regis morte vita defungi. Ad hanc rem satis apposite facit divini vatis oraculum, Vidi iniquitatem, & contradictionem in civitate, die, ac nocte circumdabit eam super muros ejus iniquitas, pulchre advertit Augustinus, non in muris lapideis iniquitas, sed in viris qui sunt munimenta civitatum, hoc est in Principibus, qui à Deo constituti sunt propugnacula urbibus. Quod autem hæc fuerit divini vatis intentio, liqui-

Psal. 54.

Eminent
P R
A N
B A R
S. R. E.
A M
Smi. D. N.
EX FR
Donus



neatissime
hauit exe
bvere Pr
cum quib
dnter su
ais, ut
riratione
quoque
stantibus

Eminentiss. ac Reverendiss.

PRINCIPI

ANTONIO

BARBERINO

S. R. E. CARDINALI

AMPLISSIMO,

S^{mi}. D. N. VRBANI VIII

EX FRATRE NEPOTI.

Domus Probationis praeuicentis scribitur



HEATRUM hoc sacra-
rum virtutum, quæ op-
timum Principem tan-
quam elementa consti-
tuunt, Patronum te hu-
militer deposcit, Emi-
nentissime Princeps, siquidem jam te
habuit exemplar, ut experimento pro-
bavere Principes potissimum Italiae,
cum quibus de summa rerum ita pru-
denter supra ætatem egisti, & in dies
agis, ut omnes in tui amorem, & ad-
mirationem rapiantur. Domesticae
quoque Apes, quæ cum solæ ex ani-
mantibus Regem habeant, Regendi

politiam hominibus tradidere, hoc idem suadent, ut ad Apes redeant præcepta Regnandi, quæ ab Apibus processere. Scio quidem, Isidoro teste, Apes ut plurimum pasci rore cœlesti, suavique florum odore apprime delectari, & proinde nil tibi deberi, nisi opus ingenio elaboratum, omnibus numeris absolutum, & ut nomen tuum græce sonat, floridissimum. Verum novi etiam, Fama undique personante, Regiam benignitatem tuam, qua potius animi offerentis benignitatem respicis, quam rem ipsam. Satis enim dedit, qui se ipsum donavit. Benigna igitur fronte, ut soles, conatulum hunc meum suscipe, meque ad tuam protectionem, tanquam ad beneficum sydus, prostrato corde, & corpore confugientem, protege, respice, fove. tunc mihi licebit dicere: Ex visu salus.

*Ambrosius Marlianus Papiensis Can. Reg.
Lateranensis, Sacræ Theologiæ Professor,
perpetuam optat felicitatem.*

BENI-

BENIGNO LECTORI.

COMMUNI commodo, quod vel unicuique, vel præcipuum Scriptoris scopum esse debere, nemo dubitat, quomodo inserviam Theatrum hoc exhibendo, ipse iudex esto. Certe hoc vel maxime studui, ut ibi virtutum præcepta inspergerem, unde ad omnes facile possent dimanare. Hoc autem proculdubio continget, dum Theatrum hoc meum Principibus spectandum proponam, cum eorum exempla apud cæteros vim legis obtineant. Erit fortasse, qui cultiorem desideret stylum, sed hoc mihi propositum non permisit argumentum, utpote, qui tantum juvandi studio hunc laborem suscepi. Si quidem non me latet, Principum vitam sanctis moribus institutam, totum fere orbem ad ipsorum imitationem suaviter allicere, ac propemodum impellere. sic namque canit Claudianus,

Regis ad exemplum totus componitur orbis.

Bene vale, & conatum hunc meum æqui, bonique consule.

*D. Polycarpus Capellus Casalensis Congregationis Canonico-
rum Regularium Lateranen. Abbas Generalis. Dile-
cto Nobis in Christo Patri D. Ambrosio Marliano Papien.
Canonico nostro professo, Sacerdoti, ac Concionatori.*

Visa approbatione facta per R. P. D. Angelum Ga-
brielem Placentinum, & R. P. D. Petrum Fran-
ciscum Casalen. Sacrae Theologiae professores, & Con-
cionatores, Libri inscripti *Theatrum Politicum*, ex
commessione nostra revisi, Tenore praesentium licenti-
am & facultatem tibi praedicto concedimus, & impar-
timur, ut ipsum typis mandari, & imprimi facere
possis, servatis tamen de jure servandis. In quorum
fidem, &c. Datum Papiæ in Canonica nostra S. Petri
sub Caelo aureo, die 2 Februarii 1631.

D. Polycarpus Abbas Generalis.

Loco † sigilli.

*Imprimatur, si videbitur Reverendiss. P. Mag. Sacri Pal.
Apost.*

A. Episc. Bellicastren. Vicesg.

Ego Don Bartholomæus Gavantus Congreg. Cle-
ricorum Regularium S. Pauli, & Sacrae Rituum
Cong. Consultor, de mandato Reverendiss. P. F. Ni-
colai Riccardii S. A. P. Magistri, praesens opus, cui
titulus, *Theatrum Politicum*, Auctore adm. Rev. P.
Ambrosio Marliano Canon. Reg. Lateran. Theologo,
recensui, & in eo nihil deprehendi Catholicae Religio-
ni, aut bonis moribus adversans; imo variae eruditio-
nis plenum est, & à Principibus viris ut legatur, quam
dignissimum. In quorum fidem, &c. in Collegio nostro
S S. Blasii & Caroli, Romæ, die 18 Decembris 1630.

Don Bartholomæus Gavantus qui supra.

Imprimatur.

Fr. Nicolaus Riccardius Sacri Palatii Apostolici Magi-
ster.

Ad

Ad Eminentiss. PRINCIPEM
ANTONIVM BARBERINVM
ANDREÆ BAIANI
DOCT. THEOL.

EPIGRAMMA.

Explicat Ambrosius vario dum flore Theatrum,
Ambrosias quarit, queis sacret, auctor, Apes.
Antoni, sunt, magne, tuae haec, quae cerula supra
Prata volant, caeli & pascua lata petunt,
Curarum cum spina premet minus, hosce per hortos
Lumina florentes pascere blanda feras.
Sic tandem areolis pretium immortale caducis,
Veramque Ambrosiam fundere culta dabis.

In Laudem

AMBROSII MARLIANI
CÆSARIS RASPONI

EPIGRAMMA.

Imperii claras artes, & jura potentum
Regnorum, Ambrosio sparsa lepore refers.
Nominis excelsi splendenti ANTONIVS umbra
Hæc tegit, Ambrosium fida tuetur Apis.
Artem regalem, regali ornare patrono,
Ambrosiam & melli jungere nempe decet.

Ad Eminentiss. CARDINALEM
ANTONIVM BARBERINVM

EPIGRAMMA.

Regnandi o quales liber hic mundo explicat artes?
Rite reget populos, qui sinet inde regi.
At tibi nil opus, ANTONI, his est artibus, ipsas
Nam Regnandi artes, ipse docere potes.
Hic igitur memoratus eris, ceu forma regentum,
Quod monet hic calamus, præcipis ipse manu.

In Laudem Libri

HEXASTICHON.

D E fossa antiquum terra qui credidit aurum,
Thesaurum arcanis condidit in tumulis.
Aureus Ambrosiam sed qui liber afflat, & artem
Regnandi, ingenua providus arte docet;
Divitias non condit iners, sed divite censa
Mentis opes auro nobiliore beat.

AMBROSII MARLIANI

A N A G R A M M A.

Antonius Barberinus.

An non est Urbis jubar?

DISTICHON.

E Xultat mundus radiantis lumine Phoebi
Urbis tu jubar es, perpetuumque decus.

THEA-

9

T H E A T R V M P O L I T I C V M,

In quo quid agendum sit à Principe,
& quid cavendum, accuratè
præscribitur.

C A P V T I.

*Honestam vivendi rationem sibi præscribat
Princeps, & sequetur eum Populus,
sicut umbra corpus.*



Irrutem suaptè natura amabilem, quamvis teneatur unusquisque omni studio complecti, & tale præbere exemplum, ut luceat coram hominibus, hoc tamen præcipua, ac singulari ratione exigitur ab eo, quem ad summum dignitatis apicem e-

vexit virtus, comite fortuna. Is enim alstringitur arctiori quodam vinculo, utpotè inferiorum exemplar, qualis autem superior, tales & inferiores esse solent, ità acclamante sapientissimo Rege, qualis rector civitatis, tales & habitantes in ea. Quoniam sicut heliotropium solis cursum imitatur, ita populi instituendæ vitæ regulam à Principis ingenio mutantur, hinc Poëta tragicus:

Rex velit honesta, nemo non eadem volet.

Primum mobile, ut tradunt Philosophi, ab oriente

Cicero
lib. 3 de
legib.

Isid. lib.
2 de
summo
bono c.
18.

Plato
epist. 4.

in occidentem tendens, omnes sphaeras violento impetu secum trahit, & modo quodam rapit, ita Princeps in vitium declinans, multos simul ad delictum ducit, rupis ingentis instar, quæ à montis vertice decidens, plurimos secum cadendo pertrahit lapillos. Quapropter omni studio cavendum, nè viri primarii pravo exemplo alios inficiant, quoniam quales Principes in Republica, tales reliqui solent esse cives, & quod magis refert, non solum vitia concipiunt ipsi, sed ea infundunt in civitatem, plusque exemplo, quam peccato nocent. Turpe quidem, non inficior, privatum hominem errare, at in Principe multò magis indecorum. Actio namque Principis cum in aperto ab omnibus conspiciatur, ad illum imitandum excitat subiectos. Ità Plutarchus docet, & quidem pulchre. ait enim, quemadmodum majore dedecore solent esse notæ in facie, quam in reliquo corpore, sic etiam minima quæque Principum errata notantur. ô quam pulchrè huic rei facit Isidorus, Crescit delicti cumulus juxta ordinem meritorum, & sæpe quod minoribus ignoscitur, majoribus imputatur. Nonnè in Hierusalem plurimi erant cives vitiis addicti? nullum tamen arguit Ioannes, nisi Herodem. Arguebat Herodem Ioannes. Quorsum hoc? quia in ipso tanquam in Rege major culpa notatur. Proinde Plato scribens Dioni Syracusarum Regi recens facto, hoc præcipuum præscripsit observandum, nempe quod ita se haberet tanquam speculum omnibus expositum. Siquidem Princeps solis instar omnium oculos in se convertit, propterea laudabile vivendi institutum amplectatur, quoniam ad ejus exemplum civium mores componuntur, & velut divinus magnes subditos ad se trahit. Notissimus est Claudiani

diani versiculus, huic rei egregiè deserviens,

In commune jubes siquid, censesve tenendum,

Primus jussa subi, tunc observantior equi

Fit populus, nec ferre vetat, quod viderit ipsum

Authorem parere sibi, componitur orbis

Regis ad exemplum. nec sic inflectere sensus

Humanos edicta valent, quam vita regentis.

Claud.
Paneg. 7.

Hinc per Ezechielis animalia Principes intelliguntur, per currus, & rotas, populares viri, Sicut enim rotæ non habebant motum proprium, sed ad motum animalium movebantur, ita, & subditi fere semper ad motum Principum moventur. Idcirco qui præfunt longe magis exemplo quam culpa nocent. Proinde Xenophon Cyrum Regem ad bonum regimen inducens, ajebat, præcipuum Principis opus est, se se virum bonum præbere, ac etiam pro virili operam dare, ut qui sub ejus imperio degunt, quam optimi evadant. Populi namque eorum vitam qui præfunt, solent æmulari, si boni fuerint, ad honesta eos ducunt, si mali, ad turpia. Quocirca non liceat Principi, ne latum quidem unguem, à legis præscripto recedere, ne pravo exemplo civitas corrumpatur, hæc est enim Principis conditio, ut quod ipse facit, id aliis præcipere videatur, & hoc est plebis ingenium, ut magis oculis, quam auribus credat, & magis exemplis vivis, quam verbis mortuis exciteretur. Hinc Livium Drusum Romanum summis laudibus celebravit antiquitas; is enim cum domum haberet ob fenestrarum multitudinem oculis vicinorum nimis patentem, fabro cuidam murario promittenti quinque talentorum mercede huic incommode occurrere, respondit, & quidem prudenter, decem potius dabo tibi, si totam domum meam conspicuam effeceris, ut cives

Vellejus
Patercu-
lus Rom.
hist. lib.
ultim.

omnes

Apocal.
Cap. 1.

omnes quemadmodum vitam instituo, cernere queant. voluit quippe vir egregius innuere, eum, qui ceteris præest, illud vivendi institutum sibi præscribere debere, ut sit omnibus tanquam exemplar, à quo ceteri ediscant, & speculum quoddam lucidissimum, in quod Populi insipientes viam virtutis assequantur. Quorsum Ioannes Apostolus stellarum nomine honestavit Principes? ut sub hoc velamine doceret, quod sicut stellæ in firmamento semper micant, & nunquam patiuntur eclipsim, quod nimis à terra remotæ sint, ejusque umbra ad eas usque nequeat pertingere, ita qui clavum tenet Imperii, vitæ honestate aliis præluere debet, nec ulla unquam macula licet minima deliquium pati. Cui doctrinæ egregie facit Basilii Imperatoris oraculum ad Leonem filium. Sicut ceteris prælatus es, ut omnibus imperares, ita contende, ut virtute quoque ceteris antecellas; virtus enim omni principatu præstantior est, si autem dignitate reliquis præstas omnibus, virtute autem ab aliis præcelleris, Imperator quidem es, sed in eo, quod minoris excellentiæ est, in eo verò, quod præclarius est, Imperator non es; imo sub alterius Imperio es. Nec desunt sacrarum litterarum testimonia: dixit enim Dominus ad Moysen, accipe virgas à Principibus tribuum, quem ex his elegero, germinabit virga eius, germinavit autem virga Aaron, & turgentibus gemmis erumpebant flores, qui foliis dilatatis in amygdalas formati sunt. Quid hinc? hoc nimirum, quod ille solus principatum gerere debet, qui germina virtutis profert; ô quam summa felicitas erat gentium in aureo sæculo degentium, in quo non poterat esse potentior, nisi melior. tunc enim penes sapientes fuit Regnum, quando

offi-

Numer.
c. 17.

offi-
hac
tin
rat p
quar
prec
sum
bon
tas,
ceba
non
Eug
salut
mus
bosa
vult
num
fic,
dere
spon
hom
mani
soph
quæ
incre
plor
illum
prav
hoc
pum
tur.
litter
baru
dies
perci

officium erat imperare, non Regnum. At nostra hac tempestate, quod nimis deplorandum est, statim, cum quis promotus est ad honores, non curat prodesse, sed gloriatur tantum præesse, non quarit opus, sed opes, non libros, sed libras, non prece, sed tantum pretio iuvat, & demum præsumit se meliorem, quia cernit se superiorem. at bonum facit, non gradus, sed virtus, non dignitas, sed honestas. scite admodum Cyrus, qui dicebat, neminem debere imperare, qui subditis non esset melior. Pulchre quidem Bernardus ad Eugenium, audi canticum meum minus suave, sed salutare, monstruosa res, gradus summus, & animus infimus, sedes prima, vita ima, lingua verborum, manus otiosa, sermo multus, fructus nullus, vultus gravis, actus levis, caput canum, cor vanum, ingens auctoritas, nutans stabilitas. Non sic, non sic, ô Principes, ait Ambrosius, sed studete, ut nomen congruat actioni, & actio respondeat nomini. Scio quidem, Principem esse hominem, nec ob dignitatem penitus exuere humanitatem, ut prudenter docuit quidam Philosophus; is enim flentem Imperatorem ob infausta quædam nuntia, cum à senatu, & à magistratibus increpari cerneret, in hæc verba prorupit, Sinite plorare, quia dignitas Imperatoris, non impedit illum esse hominem; negari tamen non potest, pravo Regis exemplo, plurimos perdi. Siquidem hoc in more positum est apud omnes, ut Principum actiones, aures, & oculi populorum sequantur. Quod quidem divinarum, humanarumque litterarum monimentis, facili negotio comprobatur. Acclamavit Ionas, adhuc quadraginta dies, & Ninive subvertetur. Tunc Rex hac voce perculsus sacco induitur, sedet in cinere, fundit lachry-

Confid.
lib. 3,
cap. 13.

Ionæ 3.

- lachrymarum imbres. Quid hinc? omnes illico
 Dan.c.5. secuti sunt Regem. Vasa templi prophanavit Rex
 Chaldæus, statim post illum, & optimates ejus.
 2 Reg.4. arripuit Saul gladium suum, & irruit super eum,
 hoc cum vidisset armiger ejus, irruit & ipse super
 gladium suum & mortuus est cum eo. tantum va-
 luit Principis exemplum in re omnium acerbissi-
 3 Reg. ma. Cum esset Ieroboam idolorum cultor, ejus
 cap. 12. exemplo plebs edocta idolis incensum adolere
 Gen. 18. non dubitavit. Abraham pius in hospites erat,
 famulum quoque habuit, qui celeriter ad gregem
 curreret, & vitulum occideret, quem & Sara
 2 Reg. uxor libentissime coxit. Absalon impius erat, fa-
 cap. 13. mulos quoque habuit ejusdem farinae, qui ad ejus
 nutum Ammon fratrem domini sui in ipso convi-
 Luc.c.16 vicio nefarie trucidarent. Dives, ille cum Lazaro
 crudelis erat, omnes etiam aulici impij, quia ne-
 mo illi dabat. Turbatur Herodes, mox turbatur
 Matth.2. omnis Hierosolyma cum illo. Vnde Bernardus
 exclamat, ô misera civitas in qua regnat Hero-
 des, quoniam herodianæ procul dubio particeps
 erit malitiæ. Nec desunt testimonia ex humanis
 litteris deprompta. Cum Dionysius Platone ma-
 Plutar. gistro Philosophiæ operam daret, tota regia pul-
 in suis vere fuit repleta præ turba geometricas pingenti-
 morali- um figuras, sed eodem ad sua pocula, & volup-
 bus. tates redeunte, vitæ mollietates universos occupa-
 vit. Alexander Macedonum Rex, cum interio-
 Q. Cur- rem Persidis regionem penetrasset, ventum est ad
 tius l. 5 iter perpetuis obsitum nivibus, ubi solitudines in-
 de gestis vitæ animos militum deterrebant, & detinebant,
 Alexand. tunc Rex ipse equo defiliit, pedesque per nivem,
 & concretam glaciem quasi reptans ingredi cœpit,
 & dolabra glaciem perfringens, viam sibi feliciter
 aperuît, erubuerunt non sequi primum amici,
 dein-

liquide constat ex alio ipsius oraculo, ubi vocat *Psal. 46.*
 Principes clypeos civitatum. quoniam dii fortes
 terræ vehementer elevati sunt, alia lectio habet,
 quoniam Principes sunt clypei terræ. nec inepte,
 quia Principes ad protectionem populorum con-
 stituti sunt. Cum autem in his appareat iniquitas,
 & re vera insit, quid mirum, si non defecit in
 plateis ejus usura, & dolus? qualis enim Rex,
 talis quoque grex. Heu quam perniciosum Prin-
 cipis exemplum, sanguineis lachrymis deploran-
 dum, & gravissimis suppliciis dignum. ita divino
 oraculo comminante, durissimum judicium fiet his
 qui præfunt. Hoc probe noverat Rex vere catho- *Sap. c. 6.*
 licus Ferdinandus, hic enim cum post multa egre-
 gia facinora, morti jam proximus esset, ingemi-
 scens dixit, O utinam divinæ Majestati placuisset,
 me monachum laicum fuisse; nunc enim tam ex-
 acte tot Regnorum ratio non esset reddenda. qua-
 si jugiter maneret alta mente repostum *Osee c.*
4. propheta oraculum. Peccata populi comederis. Quæ
 verba exponens Cyrillus dixit, peccata populi
 comederis, hoc est, hostias pro peccatis oblatas,
 ad religiosos viros dirigens sermonem. Scriptura *Levit. c.*
 enim ita loqui solet. Cur non comedistis hostiam *10.*
 pro peccato in loco sancto, in Hebræo est, cur non
 comedistis peccatum? decet enim ut sacerdotes
 qui laborant in altari de altari vivant. Alexander
 Pontifex hujus nominis primus, hoc dictum in-
 telligit de sacerdotibus, qui precibus suis peccata *1. q. 1.*
 populi delent. Comedere namque pro consume-
 re multoties in divinis litteris solet accipi, Quia
 comederunt Jacob, & locum ejus desolaverunt,
 comederunt, hoc est consumpserunt. Divus Hiero-
 nymus sic explicat, peccata populi comedunt,
 hoc est, ex eis vivunt, dissimulant enim peccata,

Homil.
17 in
Evang.

& laudant, sicque ad eorum quæstum afferuntur hostiæ, & populum spoliant, ac comedunt; de quibus loquitur scriptura, qui devorant plebem meam, sicut escam panis, quasi dicat, comedendo peccata populi, populum ipsum comedunt. Sic etiam exponit Gregorius, cur peccata populi comedere dicuntur, nisi quia peccata delinquentium foveant, ne temporalia stipendia amittant. Sed afferamus explicationem nostro instituto magis consonam, peccata populi comedetis, hoc est, pro peccatis populi pœnas luetis, hoc eodem modo explicandum venit oraculum illud, si sustinueris, infernus domus mea est. Si scelestos viros impunitos abire permiseris. Siquidem, ut ait Agapetus ad Iustinianum Imperatorem, delinquere, & eos qui delinquant nullo obstaculo occupare, perinde esse reputa, si enim quispiam in republica vitam ipse degat ab omni iniquitate immunem, eos autem sustineat, qui impure vitam traducunt, malitiæ collega à Deo judicatur. Cui doctrinæ egregie favet Romanus orator, si quid est in corpore quod reliquo corpori noceat, id uri, secarique patimur, ne totum corpus intereat, sic in reipublicæ corpore, ut totum salvum sit, quidquid pestiferum est, amputetur, dura vox, sed multo illa durior, salvi sint improbi, deleantur honesti. Ad bonum quippe Principem, cui bonum commune tuendum commissum est, pertinet impedire pro viribus, ne partes quæ sunt propter totum, illud corrumpant, & ideo si non potest omnes partes integras servare, potius debet unam partem amputare, quam sinere, ut bonum commune pereat, agricolarum exemplo edoctus, qui ramos amputant, & farmenta, quæ officiant viti, & medicorum, qui amputant membra

bra putrida, quæ totum corpus inficere possent. princeps namque integritate vitæ conspicuus, ad bonum publicum assidue anhelare debet, gerens pro stemmate illud insigne, nimirum, vas vitreum, in quo lumen inclusum, apposita notula, intus, quò foris. quod regium plane institutum, ut menti tenacius hæreat, tibi amantissime Princeps hoc insigne appingo, alvearium nempe una cum apibus, & melle, adjecta inscriptione Virgiliana, Sic vos non vobis. siquidem apes argumentosa non tam sibi ipsis, quam humano usui mellificant, ita Principes alieno semper & publico bono insudare debent. Quod sane propositum egregio emblemate exprimit, & re ipsa comprobatur Barberina Familia, dum in gentilitio stemmate apes pingit mellaferentes, quia semper dulcissima publicæ utilitati mella irrorare pro virili contendit, & in dies magis experimento probatur præ lætitia gestiens universa Christi respublica, sub regio Urbani Octavi Pontificatu, qui mente quotidie perpendit, se exactam rationem redditurum pro Christiano grege, si sanctitatis exemplo illum ad meliorem frugem non reducit, quasi vox illa auribus ejus insonet, sanguinem ejus de manu tua requiro. Hoc stimulo vehementer agebatur Rex David, proinde lachrymarum imbrebus quotidie ab oculis effundebat. Quoties in mentem redibat iniquitas, quam fecerat, toties exitus aquarum deducebant oculi ejus, nec unquam toto vitæ curriculo lachrymas intermisit, idcirco lachrymas appellabat panes; Fuerunt mihi lachrymæ meæ panes, dum dicitur mihi Psal. 41. quotidie ubi est Deus tuus? nec abs re vocabatur panes. Quoniam sicut inter omnes cibos, nullus est pane frequentior, ita continuus peccatorum

Ezech.
c. 3.

dolor, cor ejus angebat. bene panes, quia quemadmodum panis reliquos cibos comitatur, ita fletus omnium ejus actionum individuus erat comes. bene ergo panes, Quia sicut panis, est cibus omnibus communis, ita Rex coram omnibus plorabat, quoniam publice deliquit, ut si forte aliquis secutus sit errantem, sequatur & pœnitentem. bene igitur panes. quia licet panis famem avertat, sitim tamen non exstinguit, quin potius accendit. Vt igitur bonus Rex innueret, quod quo magis lachrymabatur, tanto magis in eo accendebatur lachrymarum sitis, propterea lachrymas appellabat, non aquas, sed panes, ac si diceret, plus ultra, Deum infinitum offendi; si ne sine plorabo, quia dolor de peccatis, nunquam satis. quasi pro stemmate haberet Crocodilum, de quo refert Plinius, quod semper crescit, quamdiu vivit, apposta hac nota, Nostri simulachra doloris.

Amarantho hæc inest natura, ut si in aquam mittatur, virorem nunquam amittat, & ego, dicebat David, aquarum lachrymis inundatus, dolorem cordis pro offensa Dei conceptum, non dimittam. quasi illud academicum pronuncians, At lachrymis mea vita viret. Quocirca lavabo per singulas noctes lectum meum, & lachrymis meis stratum meum rigabo. prudenter quidem lectum & stratum copulavit, quia in his præcipue locis divinum numen offenderat. lectum, en thori alieni violatio. stratum regium, en justitiæ corruptio. Nam ibi sententiam mortis contra innocentem Vriam promulgaverat, & manu regia firmaverat. sicut enim apud multas nationes mos inolevit, ut in eodem loco, ubi deliquit reus, ibi delicti pœnas luat, ita David in strato, & lecto, ubi

ubi deliquerat, de seipso vindictam sumebat, & quia in populis jam erat evulgatum delictum, ideo ut pœnitentiæ signum omnibus patefaceret, ubique amare flebat. Flebat in aula regia. stratum meum rigabo. Flebat in lecto. Lavabo lectum meum. Flebat in mensa. Fuerunt lachrymæ panes. Flebat etiam in via. Exitus aquarum deduxerunt oculi mei. & nunquam finis. Euripidis sententia fuit, quod regi flere non licet, non enim bene cohærent fletus & majestas, cur igitur Rex David plorat? non plorat quod civitatem amiserit, quod in bello superatus fuerit, quod in captivitatem ductus, sed plorabat, quia bonorum spiritualium jacturam fecit, nam gratiam divini numinis amiserat, justitiæ decorem, animam denique suam turpiter fœdavit, & ideo regiæ dignitatis oblitus, lachrymis & fletibus vacabat, nec unquam intermisit toto vitæ curriculo. Quidam orator celebris laudes Ephestionis Alexandri regis amici decantans, hoc unum repetebat, De dilecto nunquam satis. At Rex pœnitens frequentibus suspiriis clamabat, Pro offensa Dei, & pro plebe exemplo meo corrupta, die ac nocte plorabo, & nunquam satis. Siquidem qui clavum tenent, & in excelsa puppi sedent cæteris præfecti, pro commissis populis exactam rationem reddent, pœnasque gravissimas dabunt, nisi ad meliorem frugem illos reducant. Optimos itaque mores summo studio complectatur Princeps, turpes vero radicitus evellat, & idem prorsus facient populi. Nam quales virgas flegebat Iacob in canalibus, tales etiam partus edebant oves.

Huc facit apposite quod olim historiartum mo- D. Hieron. to. 3
nimenta tradidere. Legitur, & multi doctores epist.
non sane vulgares affirmant, speciosam quandam

Alvar. de
planctu
Ecclesiæ
lib. 1.

Isa. cap.

13.

Joel cap.

2.

Aulus
Gell.

Noct At-
tic. lib.

12, c. 12.

Corn.

Tac. lib.

5 annal.

Salust.
ad Cæ-
sarem.

& candidam mulierem, prolem edidisse, instar Mauri, nigerrimam, quam calamitatem cum eadem foemina ad Albertum Magnum retulisset, scire cupiens tanti casus rationem aliquam, Albertus Magnus Mauri imaginem reperit in thalamo, quam mulier in extremo voluptatis æstu fuerat contemplata, dixitque illi, Inveni domina patrem filii tui. Idem prorsus populis contingit, qualia enim vident in Principe talia pariunt, & operantur. Nunquam vel raro in sacris litteris de solis obscuracione fit mentio, quin statim subsequatur lunæ & stellarum obtenebratio. Obscuratus est sol in ortu suo, & luna non splendebit in lumine suo. Sol & luna obtenebrati sunt, stellæ quoque retraxerunt lumen suum. & in fine capitis, Sol converteretur in tenebras, & luna in sanguinem. Nec credat Princeps cum turpiter vivat, vitia sua latere, & proinde pravo exemplo non inficere, aberrat toto cælo. Fama enim penetrat abditos quosque Principum recessus, secreta quæque rimatur, occultiora introspectit, latebras omnes explorat, non tenebræ, non solitudo obstat, quo minus in vulgus dimanet quidquid egerit Princeps, nam lux principatus omnia reddit conspicua. Hinc veteres Poetæ veritatem finxere temporis & memoriæ filiam, quia licet aliquando lateat, parvo tamen temporis progressu emergit in lucem. Annales Taciti legantur, & omnes propemodum Romanæ aulæ angulos excussos reperiemus. Quid quæso, profuit Tiberio, seu potius Biberio, obscurum & subdolum fingendis virtutibus ingenium? Quid solitudines, ad inauditam, ac inexamplem libidinem occultandam quæsitæ? Nonne monstrum illud dimotis parietibus, historia nobis ob oculos ponit? O quam pulchre Salustius; Aliis alia

alia licentia est, qui demissi in obscuro vitam agunt, si quid iracundia deliquere, pauci sciunt, fama, atque fortuna eorum pares sunt, at qui in excelso dignitatum culmine degunt, eorum facta cuncti mortales novere.

Principis est vitium tanto conspectius in se,

Quanto aliis Princeps, est mage conspicuus.

Hoc enim habet magna fortuna, quod nihil tectum, nihilve occultum esse patiatur, privatus homo tegere improbitatem potest, principantium facta, dictaque omnia, ex edito prospectanda proponuntur. Quapropter maxime adnitendum, ne duces suis ad impietatem fiant, trahantque exemplo in interitum, quos debebant in salutem. Hoc autem facile præstabunt, si Iustitia, Pietate, Clementia, ac cæteris virtutibus comitari incedant, tanquam specula amplissimo totius orbis Theatro exposita. Siquidem domus regia Principis, debet esse Dei Templum, prudentiæ oculus, libra Iustitiæ, fortitudinis sedes, regula Temperantiæ, honestatis exemplar, Charitatis splendor, fons gratiarum, Musarum chorus, Oratorum, Poetarumque Gymnasium, Philosophorum, Theologorumque sacrarium, prudentum senatus, præmium litteratorum, pauperum mensa, bonorum spes, innocentium refugium, omnium miserorum tutissimum Præsidium.

Moribus ingenuis sint aurea sceptrā tenentes,

Moribus ingenuis sic erit & populus.

Mobilis ad primi motum volvuntur & astra,

Si currit corpus, currit & umbra simul.

Marfil.
Ficinus
lib. 5.
epist.

CAPVT II.

*Principi iustitia sit comes individua, &
diu florebit Regnum ejus.*



Egis à latere nunquam recedat Iustitia, omnium virtutum Regina, quæ regiam Majestatem foveat, dirigat, illustret, fulgentissimi solis instar. Hic enim universis cæli luminibus dominatur, & præest. Hæc morales virtutes omnes facile antecellit, & subiecti, & objecti, & effectuum dignitate. Subiecti quidem, quoniam in nobilissima animæ potestate collocatur, in voluntate nimirum, quæ præcipit jus suum unicuique tribui. Præclarissima etiam ratione objecti, nam virtus circa difficile versatur, difficilius autem est, hominem esse recte affectum ad alienum bonum, ad quod natura non propendet, quam ad proprium, cui libentissime inclinatur. Præstantissima itidem, si præclaros effectus contemplerur, concordiam siquidem, pacem, & societatem inter homines parit, ruetur, & servat. Quid si dixerim ipso sole longe splendidior? non falso id quidem. Sol enim interdiu solum, hæc etiam noctu refulget. Sol oculis tantum corporis, hæc autem oculis mentis. Sol diuturna, & assidua præsentia plurimum obest, & absentia noctu prodest non parum. Iustitiæ absentia semper obest, semper prodest præsentia. Pulchre quidem scripsit, qui Principis Iustitiam, Regni animam nuncupavit, siquidem recedente anima, corpus statim dissolvitur, exulante iustitia, in præceptis ruit Regnum. Princeps itaque quasi jus animatum, commune commodum præ oculis

oculis habens, sapius mente revolvat; quod ut profit, non ut præsit, in summo regimine est constitutus. Rex enim propter Regnum, non Regnum propter Regem; sicut non totum propter partes, sed quælibet pars etiam caput, propter bonum totius condita sunt. Hinc dicebat Plinius junior, Bonus Princeps post omnes est. Sed quomodo Paradoxum istud? Nonne caput præ aliis membris in corpore? qui igitur Princeps præsertim optimus reipublicæ caput optimum, post alios habendum? optime dixit, post omnes, non post singulos, quia & ipse Princeps reipublicæ pars est, sed præcipua, singulis comparatus, inter singulos est, at omnibus, hoc est, universo reipublicæ corpori, ut & alia quælibet pars, minor est toto, post omnes simul acceptos, quia & Princeps ad bonum commune creatus est. Porro principes, qui omnia in privatum commodum convertunt, tyranni sunt, non Reges. Vnde Bernardus lib. de consideratione ad Eugenium docte & eleganter, ut solet, Dejecti animi sunt Principes, qui subditorum profectum non quærunt, sed quæstum proprium, indecens est enim valde Principi, voluntate pro lege uti, & veluti rationis expertem, non pro ratione, sed pro libito agere, hac enim ratione distinguitur potestas regia à tyrannica, quod regia potestas commune bonum procurat, tyrannica vero privatum commodum. imo lex instituta ad privatum commodum, non dicenda lex, sed iniquitas, siquidem cessante boni communis ratione, cessat & ipsa lex, & vim obligandi non habet. Nam lex est proprium opus publicæ potestatis, at potestas publica de se in bonum publicum ordinata est. Hinc merito laudatur Augustus Cæsar, qui postquam multis ædificiis Romam decorasset, suis

Arist. 3
polit.Paneg.
in Tra-
jan.D. Tho.
in 1. 2.
q. 90. a.
2.

Ægid.
2. d. 1.
par. 2.

Florianus
Nannius
Episc.
Scol. in
sua Cat.
arg.

familiaribus dixit, Romam lateritiam accepi, marmoream relinquo. Proinde huic optimo Principi apprime convenit illud adagium, Dignus est obelisco. erat autem obeliscus columna pyramide minor, soli sacra, quæ nulli erigebatur apud Aegyptios, nisi ei, cuius vita veluti quidam solis splendor, omnibus posset prodesse, etiam non poscentibus. Siquidem ille tenet iusti Imperii clavum, qui nemini nocet, omnibus prodest, publico bono semper addictus, supremi Principis exemplo, qui produxit creaturas ex nihilo, non ut inde bonum reciperet, sed ut eis bonitatem, quam habebat, influeret, adeo quod, finis productionis creaturarum, non est necessitas indigentiae, sed abundantia divinae bonitatis, quam Deus creando communicat, non enim Deus agit propter desiderium boni & finis, ut alia agentia, sed propter amorem, nam desiderium proprie, est rei non habitæ, at Deus agit propter amorem boni & finis quem habet, & vult aliis communicare. Hoc igitur est proprium Principis munus, publicis commodis inhiare, ut enim sapientes affirmant, alienum bonum est iustitia. Proinde Adrianus Imperator veri Principis simulachrum, frequenter in senatu dicere solebat, se ita gesturum principatum, ut sciret rem populi esse, non suam privatam. Vox plane aurea, & res multo magis, cum præstatur. Hoc egregie testatum reliquit Pelopidas Imperator, nam in expeditionem proficiscenti, cum uxor ingemiscens sæpius exclamaret, ut propriam vitam tueretur, sibi que consuleret, Aliorum est respondit, vitam propriam tueri, at Imperatoris, ex suis incommodis omnia reipublicæ parare commoda. Huc apposite facit insigne illud academicum, nimirum, apes ex floribus mel confici-

ficiens, aliorum utilitati consulens, apposita notula, Sic vos non vobis. Quocirca bonus Princeps communis commodi gratia, tanquam verus pater, omnibus prospicit, nullum despicit, neminem respicit, sed unicuique quod suum est, fideliter tribuit, ut feliciter expressit doctissimus ille academicus, qui lucidissimum speculum appendens, brevem hanc sententiam apposuit, Cunctis æque fidum. Supremi Regis exemplo, qui reddit omnibus secundum opera sua. nec dicas quæso, quomodo jus suum unicuique tribuit, si ob temporalem, immo momentaneum lapsum perpetuas exigit pœnas? quomodo observatur illud, secundum mensuram delicti erit etiam plagarum modus? delictum enim est temporale, punitio autem delicti æterna. modica delectatione committitur, & pœna sine fine infligitur? hanc enim difficultatem egregie explicat Augustinus, In retributione, ait, justitiæ, non semper consideratur æqualitas temporis inter culpam & pœnam, nam & in civili republica pro brevissima adulterii culpa, capite plectitur adulter, & sic perpetuo privatur viventium societate. D. Gregorius aliter exponit & quidem optime. Conveniens est inquit, ut qui in suo æterno peccavit contra Deum, in æterno Dei puniatur, dicitur autem aliquem in suo æterno peccasse non solum secundum actus continuationem in tota hominis vita durantis, sed quia hoc ipso quod finem in peccato constituit, voluntatem habet in æternum peccandi, nam voluissent iniqui, ait Gregorius, sine fine vivere, ut potuissent sine fine peccare. ostendunt quippe, quod in peccatis semper vivere cupiunt, qui nunquam desinunt peccare, dum vivunt. ad magnam ergo iudicantis justitiam pertinet, ut nunquam careant

sup-

Aug. lib.
21 de
civ. Dei
cap. 2.

Greg.
lib. 4
dial. c.
44.

D. Tho.
lib. 3
cont.
gen. c.
44.

supplicio, qui dum viverent, nunquam voluerunt carere peccato. Divus Thomas Gregorii explicat expositionem, Apud divinum iudicium, ait, voluntas pro facto reputatur, qui autem propter temporale bonum aversus est ab ultimo fine, qui in æternum possidetur, praposuit illius fruitionem fruitioni ultimi finis, ex quo colligitur, quod multo magis voluisset in æternum illo bono temporali frui. mortaliter itaque peccans, sic puniri debet, ac si æternaliter peccasset. Et merito quidem, poena infinita punitur peccator, quia culpa fuit infinita. in peccato quippe, duo considerantur, aversio à bono incommutabili, & conversio ad bonum commutabile, ratione aversionis, peccatum est infinitum, quia privat bono infinito. Iustus itaque Deus, qui ad neutram partem desleceit, sed pro meritis retribuit, proinde medium semper locum elegit, ut ostendat Principes, utpote iudices populi, in medio debere consistere ad extrema non declinantes. Siquidem Iustitia inter virtutes morales est veluti terra inter elementa, hæc enim, ut placet Philosophis, æque librata in medio propriis consistit ponderibus. Sola quippe elementorum est immobilis, & cardo virtutum omnium est iustitia, quæ in medio virtutis locum occupans, ad neutram partem declinat, & est tanti ponderis inter alias virtutes morales, ut primum locum obtineat. Vnde interrogatus Agesilaus Rex, utra esset perfectior, iustitia, an fortitudo? respondit, Si omnes essemus iusti, fortitudine non esset opus, nam ubi viger iustitia, nunquam opus est viro forti, arubi est fortitudo, ibi opus est iusti viri præsidio, iustitia enim est necessaria in omni tempore, in omni loco, & in omnibus hominibus, at fortitudo est necessaria tantum in bello & ad tuendam

dam justitiam. Quod & facile conjici potest, ex ipsomet nomine Principis, qua enim de causa dicitur Princeps à capite? quia sicuti ex capitis partibus per universum corpus nervi omnes, & sensus distribuuntur, ita ex Principe per universum Imperium æquo jure justitia administratur. Cavendum est Principi, ne major sit pœna quam culpa, neve ex eisdem causis alii plectantur alii vero impune dimittantur, nihil enim iniquius tulit Populus Romanus, quam ab Imperatore Domitiano in eodem crimine deprehensos, pauperes capitali supplicio damnari, divites autem pecunia mulctari & patrimonii exutos absolvi. Hinc satis exploratum, nec amicorum, nec parentum, nec nobilitatis personam accipi debere, ubi justitiæ ratio habenda est. Sane ut sol non alius est pauperi, alius diviti, sed omnibus communis, ita Principes personam spectare non debent, sed causam. Nonne eadem trutina aurum ponderatur & plumbum? Sic eadem æquitate, parvis & magnis justitia administranda est. Hoc perbelle insinuavit Philosophus, cum Principem centro comparavit, quoniam sicut centrum est punctum in medio globi existens, à quo lineæ ad circumferentiam ducuntur æquales, ita Princeps medium locum tenet in administratione justitiæ ad neutram partem desectens, prima enim pars æquitatis, est æqualitas. Quorsum Aegyptii cupressum statuebant pro symbolo justitiæ? quoniam hæc arbor à radice ad fastigium recto surgit stipite æquales ramos æquo ordine protendens, ita ut aliud aliud non excedat, sed pari æqualitate consurgant, ita Princeps boni & æqui custos, à semita æquitatis non declinans, jus suum unicuique tribuit, utpote, qui neminem respiciens, ab omni affectu omnino est alienus.

Nam

Nam sicuti & lingua omni sapore est destituta, quo sensum habeat saporis universi, & acies oculorum expers est omnium colorum, quo possit colores omnes discernere, ita plane Princeps, ut queat de aliorum vitiis, & affectibus judicare, debet, odio, amore atque omni animi perturbatione carere. Quatuor siquidem animi perturbationibus judicium pervertitur, amore, timore, odio, & spe. Præ timore, Pilatus humani generis Salvatorem damnavit, primo enim agni innocentiam agnoscens, eruere cupiebat de luporum faucibus, postquam tamen in aure ei instillatum fuit verbum illud, Si hunc dimittis, non es amicus Cæsaris, ac si dicerent, à præfectura cades, auditio hoc verbo timuit, & mox turpiter pronuntiavit, Accipite eum vos & secundum legem vestram judicate. Præ amore, uxor Tlepolemi Helenam ob viri zelotypiam iussit suspendi. Proinde antiqui pingebant amorem puerum, & oculis captum, ut significarent locum iudicio non esse, ubi amor mentem occupat. Vnde non inepte quidam ait, Amantes amentibus, ut nominum similitudine, ita re ipsa affines esse. Hinc Publius mimus dictitabat, amare, & sapere vix Deo conceditur; idcirco nunquam debet fieri iudicium in conspectu obiecti delectabilis. Præ odio, Medea filios ex Iasone susceptos interfecit. Præ spe, denique & cupiditate Pigmaleon Rex Tyri Sicheum sororis suæ Didonis maritum occidit, ut auro ejus potiretur. Præclare Alexander Magnus in gyro rationis se continebat, is enim urgenti matri, ut occideret quendam infontem, & dictitanti se per novem menses portasse prægnantem, ita respondit prudenter, & pie, Aliam parens optima posce mercedem, hominis enim salus beneficio nullo com-

Ioan. 19.

Arist. 2
ethic.Amian.
Marc. 1.
14.

pen-
com-
ter-
rege-
egre-
vete-
opti-
nus
tum
arar-
ad f-
nam
justi-
feciss-
contr-
quasi
rogat-
usque
dam
te ab-
justæ
Regi-
sed p-
Soci-
vetu-
nem-
tiam
rem
igitu-
gem-
bratu-
Cum
fister-
dus
facis

penfatur. O verba fane aurea, æternis sæculis commendanda. En bonus Princeps, qui nec materno affectu ab honesto defleſſi potuit, in hoc regem ſe potius quam filium præſtitit. Nec minus egregium facinus, quod de Artaxerſe Xerſis filio veteres produnt hiſtoriæ. Cum enim quidam ex optimatibus Regni peteret ab ipſo quoddam minus juſtum, ſentiretque Rex hoc facere ſollicitatum triginta Daricorum millibus, ſtatim Quæſtori ærarii ſui mandavit, ut Daricorum triginta millia ad ſe referret, ea protinus dedit, dicens, Accipe, nam cum hæc tibi dederò, non ero pauperior, injuſtior quidem futurus, ſi illa quæ tu petebas, feciſſem. En Rex æquitatis amans, nec amicum contriſtavit, nec à juſto deflexit, precibus illeſtus, quaſi referens Periclis oraculum, qui ab amico rogatus, ait, Oportet me amicis accommodare, ſed uſque ad aras. hoc eſt, amici cauſa minime violandam religionem. Nec amicus ille dicendus eſt, qui te ab honeſtate, divinaque amicitia ſejungit, nec juſtæ humanæ leges ſine divina, quia terrenum Regnum quod cæleſti non fulcitur, non regnum, ſed publicum latrocinium jure nominatur. amicus Socrates, amicus Plato, ſed magis amica veritas, vetus eſt adagium, quo docemur, nullum hominem tam charum nobis eſſe debere, ut in illius gratiam veritas ullo ſupprimatur modo. Ad hanc rem pulchre facit Tullianum illud oraculum: Hæc igitur prima lex in amicitia ſancitur, ut nec rogemus res turpes, nec rogati faciamus. Hinc celebratur Vitellii Imperatoris ſententia, plane aurea. Cum enim amicus injuſtæ petitioni importune inſiſteret, nec orando exoraret, abiens indignabundus dixit, ecquid tua prodeſt amicitia, ſi non facis quod rogo? cui Imperator, Et mihi quid tua,

Aul. Gel.
lib. I.
Noſt. At-
tic. c. 3.

*Æneas
Silvius
lib. 3 in
res ge-
stas Al-
phonfi.*

*Fulgos.
l. 6, c. 4.*

*Niceph.
l. 3 hist.
ecclesi.
cap. 23.*

*Plat. in
Apoph.
Roman.*

si propter te aliquid contra honestum facturus sum? exiit homo personam amici, qui induit personam judicis. Princeps namque neque pro justis orandus, neque pro injustis exorandus. Federicus Imperator cum Ladislaum Hungariæ & Bohemiæ regem educaret, non defuerunt, qui pendendum suaderent puerum, cujus vita ingentes molestias Cæsari, mors regnum & opes allatura esset, ad quos ille, Ergo me, inquit, opulentum magis regem, quam pium & justum cupitis? at ego justitiam, bonumque nomen divitiis cunctis antepono. An silentio involvam aureum magni Themistoclis dictum? non ita plane nec rationi consonum. Simonidi petenti ut injustam causam diceret, prudenter respondit, Neque tu bonus Poeta fueris, si præter musicæ modulos caneres, neque ego Princeps bonus, si contra leges pronuntiem. Ita prorsus sentiebat Antiochus tertius Asiæ Rex, qui omnibus regni sui civitatibus scripsit, si quid in litteris, quæ ejus nomine scriberentur, esset, quod legibus adversum videretur, crederent, se incio ejusmodi epistolas scriptas esse, & idcirco iis non obtemperarent. Egregie se gessit Trajanus Imperator, fertur enim dixisse, Imperatorem esse debere juris atque justitiæ cultorem, cujus ipse adeo studiosus fuit, ut cum Præfecto prætorii gladium traderet, quo accingi moris est Imperatorem, in conspectu omnium illum stringens, nudatumque tenens, talia verba tanto Principe digna dixerit, Cape ferrum hoc, si recte imperium gesserō, pro me, si aliter, contra me utere. Simile quoddam legitur de Regibus Ægyptiorum, nam magistratibus præcipiebant, illos juramento devincientes, ne quid gererent contra leges, etiam si ab ipsismet regibus mandaretur, hoc

hoc monimento monentes, quod secundum leges omnino vivere volebant, licet legibus non essent adstricti. Non enim Rex imperando plus potest, quam jus & ratio, cum nihil aliud sit regis auctoritas, quam loquens iustitia, & lex animata. Quid de Cleone dicemus? is ut primum Rempublicam attingere destinavit, vocatis amicis omnibus, solvere se velle dixit amicitiae vincula, subdiditque rationem, quia solent amicitiae recta subvertere, homines enim Rempublicam administrantes, utpote affectu quodam occupati, non raro deducuntur à via recti officii. videantur annales Anglici, & statim se offeret memorabile exemplum Henrici Quinti Anglorum Regis, is enim suos omnes, quibus cum vivente patre dissolute vixerat, ad se vocatos, & quibusdam muneribus affectos, sic à se ablegavit, ut sub poena capitis interdiceret, ne unquam, nisi mores in melius mutarent, ad aulam regiam accederent, ne eorum corrupta familiaritate, vel ipse corrumpere, vel iudicium, & iustitiam saepe corrumpere, periret namque omne iudicium, cum res transit in affectum. Pro tuenda iustitia afferamus in medium Aristidis responsum. Themistocles advocato populo in concionem, magnum aliquid in animo se habere, aiebat, quod Rempublicam concerneret, efferre tamen id nolle, priusquam alicui id communicasset, quem populus deligeret, delectus est Aristides, re Aristidi per Themistoclem communicata, conscendens suggestum Philosophus, ut quid esset, populo referret; ait, Themistoclis consilio nihil rei publicae Atheniensi utilius, sed eodem nihil iniustius. hoc audito, tacere eum populus jubet, nec vel auribus excipere consilium maxime utile voluerunt, quod ab honesto, & recto

Sorus de
iustit. &
jure l. 4.
q. 4. a. 7.

Plut. in
polit.

Plut. in
vita Ari-
stidis.

Plut. in
Polit.

discreparet. En surgent Ethnici in iudicio, & nostros politicos condemnabunt. Sed quid pluribus? nonne personam fratris accipere noluerunt ipsi Ethnici, ut candorem iustitiæ colerent? Timoleon Corinthius, ubi fratrem quo tyrannide abstineret, monitis atque precibus monere, ac persuadere nequivit, his subinde navavit operam, qui illum interemerunt, non fratris odio, sed reipublicæ & iustitiæ amore. Non tamen in ferenda sententia cursu feratur præcipiti, sed gravi maturitate procedat, ne facti aliquando pœniteat, ad pœnitendum autem properat, qui cito iudicat. Hinc Cæsar consuevit dicere, omnia cavenda, prævidendaque, ne quando dicendum sit. Non putaram, quo nihil turpius ab Imperatoribus dici potest. Quot Principes ira perciti, ea efficiunt, quorum deinde pœnitentia ducti, ut infecta essent, magni emerent? Nonne Alexander Magnus ira insaniens, Clytium peremit paternæ militiæ, ac suæ fidiissimum, ac tutissimum custodem? Nonne etiam ira commotus Dionysius Syracusanus dilectum pusionem, & in deliciis habitum, pugione transegit? quorum tamen utrumque adeo facti pœnituit, ut vix à seipso manus abstinuerit? Proinde Vespasianus Princeps laudatissimus pro insigni gestavit Delphinum anchoræ alligatum, adjuncto elogio, Festina lente, ac si dixisset illud Sallustii, Antequam incipias, consulto, ubi consulueris, mature facto opus est. Quod pulchre insinuarunt antiqui sapientes sub quadam eleganti Iustitiæ pictura, fingeant iustitiæ currum à duabus mulieribus trahi, quarum altera fractum ensen manu gestabat, altera vero conto innitebatur. Quid quæso, per fractum ensen, eumque retusum, qui nec cito, nec facile secat?

Quid

Quid per mulierem conto innixam, quæ lento gradu vix movetur ad gressum? tarditatem plane in dandis suppliciis, & magnam in deliberando maturitatem indicabant; non enim credendum est omnibus quæ audimus, siquidem certiora sunt quæ videmus, veteri adagio teste, Melior est testis unus oculatus, quam decem auriti. hinc pulchre Poeta.

Segnius irritant animos demissa per aurem,

Quam quæ sunt oculis subjecta fidelibus.

Horat.
de arte
poëtica.

Non raro tamen decipit & visus, & non modo hebetiores, sed acutissimos quosque, quod uno hoc exemplo patebit. De pictura certamen aliquando fuit inter Zeuxim, & Parrhasium, Zeuxis itaque pictas à se uvas in scenam detulit, veris adeo similes, ut ad eas aves advolarent. Parrhasius autem pictum protulit linteum, tenuissimo velo connectum, illud tamen finxit adeo simile ut omnino verum videretur. Tum Zeuxis iudicio avium elatior, rogavit, ut amoto velo picturam ostenderet, subrisit Parrhasius, quia ex errore suum intellexit Zeuxis, ingenuoque pudore suffusus, victori cessit dicens, Heri aves ego decepi, tu me hodie, licet artificem. Non itaque omnia credenda quæ audimus, sed quæ videmus, & vix quidem, quando etiam visu decipimur. Nonne, ut tradunt Philosophi, stellæ sunt majores tota terra? & tamen oculis nostris videntur rotula qualibet minores. Vnde hoc? quia inter objectum & potentiam non est debita distantia. Cum videmus baculum, cujus medietas in aqua, & medietas in aëre, nonne judicamus illum fractum, & obliquum? & tamen re vera integer est, & rectus. Vnde hoc? quoniam oculus videt rem per diversa media; videt enim

unam partem baculi per medium aereum, & alteram per medium aqueum, & ideo male iudicat, quod baculus sit contractus. nonne glacies videntur crystallum? tamen re vera non est. nonne putamus littora recedere, & navem quiescere? quiescunt tamen littora, & movetur navis. In Iride nonne iudicant oculi verissimos esse colores? non sunt tamen nisi lumen reflexum. Non sunt ergo temere iudicanda, quæ non videntur, imo nec omnia quæ videntur, sæpe enim fallitur & visus, proinde iudex non facile credat, sed prius optime discutiatur, quia probationes debent esse luce meridiana clariores. Cujus aureæ doctrinæ præclarum habemus in sacris litteris monumentum, Clamor Sodomorum venit ad me de terra. Quid facies o Domine? descendam, & videbo, utrum clamorem qui venit ad me, opere compleverint an non? Nunquid Deum omniscientem aliquid latere potest? minime quidem. Cur igitur mittit Angelos, qui prius summam rei exacte explorent, antequam civitates evertat?

Philo 1.
de confus. ling.

Exod. 3.

ut doceantur Principes, ait Philo, ne de absentibus rebus, iisque incertis, temere sententiam proferant, nisi prius introspecto negotio, cuncta sedulo perlustrent. Vidit Moyses rubum qui ardebat, non tamen consumebatur, at hoc non fatis esse duxit, sed propius accessit, ut rem melius discuteret. Vadam, & videbo visionem hanc magnam, quare rubus ardeat, & non comburatur. Quid hinc colligendum, o Princeps? quando de re aliqua iudicandum est, adhibe prius oculos, quam linguam, & propius accede, ut rectius examines. cui allusit Seneca in Medea,

*Qui statuit aliquid parte inaudita altera,
Aequum licet statueri, haud æquus fuit.*

Nar-

Narrat Fulgofius, quod cum duo nobiles co-
 ram Ferdinando quarto Rege Castellæ & Legionis
 de proditione accusarentur, rex præcipiti iudicio
 iussit eos præcipitari de altissima rupe, illi tamen
 sese innocentes afferebant, quare cum humanum
 deesset auxilium, ad divinum confugerunt, &
 propter injustam mortem Regem citarunt, ut
 infra triginta dies coram summo compareret tri-
 bunali rationem de iniqua morte redditurus, ad-
 veniente igitur die citationis, cum Rex esset apud
 civitatem Gienensem post somnum meridianum,
 repertus est mortuus. Quid hinc? ex hoc moni-
 mento colligere debent Principes, non cæco ca-
 su, nec opinionis temeritate duci debere, sed
 vero iudicio judicare. Quamobrem Alexander
 Rex prudentissimus, cum in causis capitalibus
 sederet iudex, accusatori aurem unam occlude-
 bat, rogatus autem, cur id faceret? Servo, ait,
 alteram integram reo. hoc quippe boni Principis
 munus est, ad neutram partem desistere. dixit
 aliquando adversarius Cæsari, ecquis nocens esse
 poterit, si negare sufficit? tunc Cæsar, & quis
 innocens erit, si accusare sufficit? Hinc Robertus
 Princeps invictus, quia intelligebat nihil esse ita
 accommodatum ad conciliandos populorum ani-
 mos, sicut æqualitas, pro insigni gerebat hiru-
 dinem, quæ pullis in nido æqualiter distribuit es-
 cam. apposita nota, Concordia regnorum. hoc
 autem nunquam continget, nisi Princeps jus suum
 unicuique tribuat, re prius mature discussa. Un-
 de ad hoc innuendum existimat Seneca, inven-
 tam fuisse à Poetis fabulam, qua fingebant, Io-
 vem universum deorum senatum consulere solitum,
 cum de plectendis hominibus ageretur,
 cum autem de miserendo, neminem nisi se solum

Fulgos.
lib. I. c. 6.

Pier. Va-
ler. l. 30.
Plin. l. 33
C. I.

adhibere. quo sane apologo admonentur Principes, ne in pœnis infligendis præcipites ruant, sed sano adhibito consilio delinquentes puniant. Quam apposite convenit Principi hac maturitate procedenti cognomen illud, quod impositum fuit cuidam Duci Muricæ nomine, qui cognominatus fuit remora salutaris, sumpta metaphora à pisce, de quo tradunt naturæ indagatores, quod licet quantitate molis sit parvulus, tantæ tamen est virtutis, quod navim velis, remisque volantem, diu sistere faciat. Ratio autem ob quam honorifico illo nomine ducem illum appellarunt, hæc fuit, quod cum missus esset à Rege in civitatem Guido ad juvenes omnes eunuchos reddendos; statuerat enim Rex, nimio furore percitus, gentem illam penitus extinguere, ipse quam potuit moram in itinere traxit, ut sufficiens eis suppleret tempus ad placandum Regem, & sententiæ revocationem obtinendam. Quod quia successit ex votis, idcirco salutarem remoram illum salutabant, utpote, qui sua mora eorum vitæ, & salutis causa extitisset. Quorsum Senatus Romanus instituit, ut securibus, quæ præferebantur magistratibus, virgarum alligarentur fasces? nimirum, ut dum solverentur, spatium cogitandi daretur magistratui, ne iratus ea fieri imperaret, quorum postea frustra pœniteret. Quam maturitatem apprime consulebat Athenodorus philosophus; cum enim ab Augusto postulasset, ut senectutis causâ sibi liceret ad domum propriam se conferre, annuit Augustus, rogans in postremo congressu, ut aliquod scitu dignum apud illum deponeret, tunc philosophus ait; ô Cæsar, cum fueris iratus, nihil prius dicas, vel agas, quam Græcum alphabetum recitaveris. mox Cæsar philo-

Plut. in
apoph.
Roman.

Iosophi dexteram apprehendens, Adhuc, inquit, te presente mihi opus est, totumque etiam annum apud se detinuit, aureum illud documentum observans, quippe qui intelligeret, maximum iræ remedium dilationem esse. Proinde Ambrosius sanctarum legum observantissimus antistes, Theodosio Imperatori præcepit, ut ante trigesimum diem nullus damnaretur ad mortem. Noverat enim vir sanctus, quantum judiciis obsit, præpropera festinatio. Deinde illum objurgavit his verbis, Quoniam furori iudicium tuum commisisti, & non ratio sententiam protulit, sed iracundia, scribe legem, quæ decreta furoris evacuet, & triginta diebus sententia necis in litteris maneat, iudicium rationis expectet, quibus transactis diebus, ira jam cessante, ratio causam judicans, quid sit justum, disponat. quam admonitionem libenti animo suscepit Imperator, & legem scribi iussit, propriaque manu regia confirmavit. Quocirca mos apud Romanos inolevit, isque laudabilis, ut Iudices ferendo sententiam sederent, adeo quod jure erat cautum, sententiam à Iudice stando, non sedendo prolatam, nullius fere momenti esse, ea propter statutum arbitror, ut externa corporis quies pacatum iudicis animum præferreret, pariterque indicaret, quod maturo, non præcipiti consilio ad ferendam sententiam duceretur. Hoc sane laudabile institutum si observasset Philippus Macedonum Rex, utique non fuisset opus mutare iudicium; is enim cum Machetæ causam, pro tribunali sedens perperam judicasset, exclamaretque Macheta, & se provocare diceret, iratus admodum Rex ait, Ad quem provocas? ad te ipsum, inquit, cum attentius audieris, tunc quidem Philippus quasi indignatus surrexit, &

Sen. l. 3

de ira
c. 12.Theod.
l. 5 hist.
ecclesi.Aul. Gel.
l. 7. c. 1.

judicium distulit. Caterum cum causam melius examinaſſet, intelligeretque Machetæ factam iniuriam, judicata quidem non reſcikit, ſed pecuniam, qua damnatus fuerat, ipſe perſolvit, ut regia Maieſtas neminem læderet, juſque ſuum unicuique daret. Noverat quippe egregius Princeps, quam bene Principi conveniat Juſtitia, ſine qua, neque Reges regnant, neque potentes juſta decernunt, propterea Rex David illam ſibi neceſſariam comitem advertens, exclamabat, Deus juſtitiam tuam Regi da, & juſtitiam tuam filio Regis. Juſtitia namque in Principe debet eſſe accidens inſeparabile, & individua comes; ſi enim Princeps non eſt juſtus, nec Princeps jure dicendus. hinc Saul duobus tantum annis regnaſſe dicitur, cum tamen quadraginta annis regnaverit, quia in reliquo tempore, cum non fuerit juſtus, nec inter Reges numerandus. quod divini oraculi teſtimonio facile comprobatur, nam Matthæus dicit, multi Prophetæ & Reges voluerunt videre quæ vos videtis. Lucas vero, multi Prophetæ & juſti. Quorſum hoc? quia non eſt rex, qui non ſit juſtus. Huc accedit appoſite, quod de Ranutio Farnelio Duce præſtantiffimo tradunt ſcriptores; matronæ enim cuiſdam importunius poſtulant, pro filii flagitioſi libertate, & querenti quod orando non exoraret, objectanti etiam, Octavii Ducis clementiam, ita reſpondit, Octavius avus meus profitebatur ſe ducem gratiarum, Alexander pater meus ducem bellorum, ego autem profiteor me Juſtitie ducem. regium plane reſponſum, quaſi quoddam oraculum ex arcanis philoſophiæ penetrabilibus depromptum. princeps enim, ſi Philoſopho credimus, eſt quidam publicus juſtitie miniſter.

Quo-

Quomodo autem Iustitia rite administrari debeat, dialogus iste miro artificio elaboratus, usquequaque declarabit,

Qua Dea? iustitia. et quid torvo lumine? Flesti

Nescia sum, lachrymis, vel prece, vel pretio.

Quod genus? à superis. ex quo genitore? modo. qua

Maire? Fido. nutrix qua tua? pauperies.

Quis gremio infantem fovit? prudentia. quonam

Frete Duce agnoscis crimina? iudicio.

Cur gladium tua dextra gerit? cur lava balancem?

Ponderat hæc causas, percutit illa reos.

Aurium aperta tibi cur altera? & altera clausa?

Hæc surda iniustis, panditur illa bonis.

Paupere cur semper cultu? iustissimus esse

Qui cupit, exiguas semper habebit opes.

Iustitiam itaque veram regnorum custodiam, non inficior, colere debent Principes omni studio, sed illam mansuetudine, clementia, ac prudenti examinatione moderari, ne populis transeat in odium, & de illis non decantetur, quod de Dracone legillatore; huic enim, quia leges omnes instituit sub pœna capitali, dictum fuit, nec sine probro, Ille scripsit leges sanguine. Proinde Salomon Rex sapientissimus, Principi consulens dicebat, Noli esse nimium iustus, sed clementiam comitem individuum adhibe. asperum quippe ac nimis grave esset, omnia ad calculos revocare. Rex apum sine aculeo est, ait Seneca, Divus autem Basilus aculeum in Rege ponit, sed illo non utitur ad vindictam, quoniam præcipua pars Principis, est juvare, non nocere. sint ergo Principes apiani, non vespasiani, melliferi agminis Imperatorem æmulentur, non vespas, quæ non nisi ad nocendum exercere norunt aculeum. Vis ergo ô Princeps iuste & feliciter Republicam

Ecl. 1.
c. 2.

Arist. 1. 3.
de hist.
animal.
c. 16.
Hom. 8.
in exam.

cam administrare ? observa diligenter mandatum, quod dedit prudens pater Icaro filio ceratis pennis volaturo,

Inter utrumque vola, medio tutissimus ibis.

Hoc autem non præstabis, nisi virtutibus morali-
libus tanquam sororibus, honorifice stipatus
procedas, istæ namque mutuis nexibus inter se
colligatæ, nullo unquam tempore debent disjun-
gi. quippe, quod una sine aliis perfecta esse ne-
quit, quin manca omnino languescit. ita sentit

Amb. l. 5
in Luc.
Hieron.
super
Ila. c. 1.
Aug. l. 6
de Trin.
c. 4.

Clem.
Alexan-
drom. I.

Arist. 6
Ethic.

Ambrosius, Connexæ sibi sunt, & concatenatæ
virtutes. ita scribit Hieronymus, Virtutes mora-
les ita sibi cohærent, ut qui unam habuerit,
omnes habeat, & qui una caruerit, cunctis careat.
ita confirmat Augustinus, Virtutes quæ in animo
nostro sunt, nullo modo separantur ab invicem.
ita concludit Gregorius, Una virtus sine aliis,
aut nulla est, aut imperfecta est. ita denique Cle-
mens Alexandrinus, Virtus, quia ejus usus mul-
tiplex, multis nominibus nuncupatur. eo nimi-
rum modo quo drachma, si detur nauclo, di-
citur naulum, si publicano vestigal, si pro re
empta, pretium, si operario, merces appellatur,
ita virtus, ut ad varios sensus adhibetur, modo
justitia, modo prudentia, modo aliis nominibus
vocatur; dum enim considerat, quid sit agen-
dum, vel non, prudentiæ nomen fortitur, dum
moderatur cupiditates, temperantiæ, dum in
preferendis rebus versatur, fortitudinis, dum
æqualitatem constituit, in his quæ sunt ad alte-
rum, justitiæ. Hinc Plato testatus est, virtutes
omnes mutua invicem amicitia vinciri. Quid
fortitudo sine prudentia? temeritas. Quid pru-
dentia sine justitia? calliditas. Quid temperan-
tia sine fortitudine? ignavia. Quid justitia sine
tem-

temperantia? crudelitas. Verum est enim illud Ennii adagium longo usu comprobatum, Summum jus, summa injuria. Et præcipue quidem cum summa legum auctoritas, non in omnes æquo jure animadvertat. Tunc enim non leges, sed aranearum telas appellabat Anacharsis, quas muscæ grandiores evolvendo perfringunt, at minus valida irretiuntur inclusæ. De qua re eleganter Poeta.

Dat veniam corvis, vexat censura columbas.

Juven.
Satyr. 7.

Hoc porro iniquum regimen, ipsene Regnum dixerim? non ita profecto. Remota enim Iustitia, dicebat Augustinus, quid sunt Regna, nisi aperta latrocinia? Huc facit ad amissum, quod olim Alexandro Magno, totius orbis imperium sitienti, respondit pirata comprehensus. Siquidem cum Rex hominem interrogasset, Dic homo perditissime, quo scelere impulsus, mare habes infestum? ille intrepidus ait, eodem, quo tu orbem terræ, sed quia exiguo navigio ipse hoc facio, latro vocor, quia tu magna classe, Imperator.

August.
de civ.
Dei l. 4,
c. 4.

Marc.
Tull. l. 3
de rep.

Imperii quicumque sacras moderaris habenas,

Ius cunctis tribuas, conditione pari.

Sic populis charus, fama super aethera clarus,

Sic verus Princeps, nomine, reque simul.

CAPVT III.

Firmamentum Regni Clementia Principis.

Prover.
c. 30.



Memoria, & veritas custodiunt Regem, & roboratur clementia thronus ejus. Divinum hoc sanc oraculum apprimè noverat Severus Imperator. Nam cum Memmia ejus uxor, animadverteret Severum non esse, ut nomen præferebat, ac proinde objiceret, quod nimia facilitate regalem auctoritatem minueret, protulit dignam tanto viro sententiam: Imo, ait, regiam potestatem, & securiorem, & diuturniorem reddo. Pulchre quidem, & sapienter. Quoniam non sufficit Principi regna parere, sed summa debet adhiberi diligentia, ut parta serventur diu. Hoc autem non præstabitur, nisi justitia duce, & comite clementia. Proinde Augustum Cæsarem valde admiratum fuisse, refert Plutarchus, quod Alexander trigésimum secundum agens annum, post devictam Asiam, & Europam, & subiectum prope orbem terrarum, dixisset, Quid in reliquo vitæ meæ cursu faciendum sit, nescio, cum jam nullum Regnum supersit acquirendum. hanc sententiam improbavit Cæsar his verbis, Majus opus est, ô Alexander, partum gubernare imperium, quam magnum acquisisse.

Plut. in
apoph.
Rom.

Non minor est virtus quam querere, parta tueri.
Hoc autem fuit præsidio clementiæ, quæ populorum animos in amorem Principis modo incredibili accendit. Proinde antiqui amorem pinxerunt armatum, & dormientem, ut significarent,
tuto

ruto dormire posse dilectum, cum ad ejus custodiam amor assistit. Huc optime facit Antigoni regis responsum; hic enim interrogatus quid causæ esset, quod cum initio regni durior fuisset, senex deinde factus, ita placide regnum gubernaret? Prius, inquit, opus erat Regno, nunc gloria, & benevolentia. quibus verbis sapienter admodum indicavit, quod quamvis regnum, armorum vi soleat sapius comparari, non diu tamen conservetur, nisi animi mansuetudine, morum facilitate, & civium benevolentia. siquidem nihil ad mortalium animos vinciendos magis accommodatum, quam clementia. Auream hanc regnandi institutionem iterum comprobavit. Cum enim amici suaderent, ut si Athenas caperet, validis illam præfidiis communiret, egregie respondit, Ego fui semper in hac sententia, ut crederem nullum esse Regni præsidium firmitus benevolentia. Hæc est tutissima regum custodia, dicebat Isocrates, quæ non turribus, non propugnaculis, non armis continetur, sed amicorum præfidiis, & amore populorum, quibus quidem opibus regna, & imperia, non modo servantur, verum in dies latè propagantur. Pulchre Sallustius ad Cæsarem, Qui benignitate ac clementia imperium temperavere, his candida, & læta omnia fuere. Quoniam non exercitus, neque thesauri præfidia Regni sunt, sed amici, quos neque armis cogere, neque auro parare queas, officio, ac fide præstantur. Hac vivendi ratione tutus in Regno Princeps, tunc enim non erit opus construere in altum editas arces, non in excelsum arduos colles emunire, non latera montium abscindere, non se multiplicibus muris, turribusque sepire, saluum Regem in aperto clem-

Sen. l. i
de clem.

mentia præstabit. Verum enim est inexpugnabile munimentum amor civium. Quid pulchrius, quam vivere optantibus cunctis? Quid optabilius, quam si paululum valetudo titubaverit, non spem hominum excitari, sed metum? at contra, quid miserius, quam ita vivere, ut neminem videas qui te saluum velit? Nulla re Imperium pluribus firmabit præsidiiis Princeps, quam si se præstabit Principem, hoc est, Dei vices gerentem, est autem mitis Deus, mitem quoque decet esse Principem. Ad hanc rem apposite faciunt aurea veba oratoris Demosthenis ad Alexandrum Regem, Nulla de virtutibus tuis, licet multæ sint, vel gloriosior misericordia, vel admirabilior clementia, nec per aliud propius ad deos accedere potes, quam si salutem conferas hominibus, vel dando, si egerint, vel parcendo, si deliquerint, vel indulgendo, si supplicaverint. Cum enim vincamur à diis omni in munere, sola clementia est, quæ deos nobis reddit æquales. Tale consilium dedit apud Claudianum Theodosius Honorio filio,

Sis pius imprimis, nam cum vincamur in omni

Munere, sola deos aequat clementia nobis.

Hinc Philippus Macedo dicere solebat, Oportere Regem semper meminisse se hominem esse, & per clementiam similem se Deo fieri. Siquidem clementiæ nomen Deo maxime convenire, divina passim oracula testantur. Martinus Doyza Hispanus refert, quod Vespasiani Imperatoris tempore, Romæ in Senatu disceptatum fuit, Quis deorum esset optimus? Et quonam nomine foret nuncupandus? censebant aliqui eum potentem esse nominandum, quod ejus virtus & potentia cuncta perfringat. Alii vero putarunt nomen

*Marking Doyza
H. 1719*

men
obedi
pellar
& qu
horum
varia
hare
poter
lari,
Deu
fugia
tiaru
non v
anxi
qui D
susper
vit.
chiu
stra,
adeo
circu
clem
fider
zam
firmi
agno
mitter
cuiqu
divini
se fin
nome
ô Pri
divin
Rex
Clem

men divitiarum ei tribuendum, quod pecuniæ obediunt omnia: nonnulli deum scientiarum appellari debere affirmabant, quod norit omnia, & quem nullum lateat secretum. Porro nullum horum apte convenire visum est, atque ideo in varias sententias distracti, ancipites Senatotes hærebant. Conferebant enim ad invicem, si Deus potentiæ, armorum, bellorumque debet appellari, quem Deum timidi & pusilli habebunt? si Deum divitiarum, inopes & egeni ad quem confugiant, Deum non habebunt. Si Deum scientiarum, Oratores & Philosophi felices erunt, non vero ignari & rudes. Cum itaque hærent anxii, ecce mox adstantem viderunt juvenem, qui Dei, quem cæteri adorarent, imaginem collo suspensam gerebat, quam unicuique demonstravit. Pictus autem erat quidam, extensis brachiis, in cuius dextera legebatur, Promitto, in sinistra, Expecto. latus quoque apertum habebat, adeo ut pateret, cui inscriptum erat, Remitto. circum latus veluti elogium insculptum erat, Deo clementiæ. Hanc cum Senatores imaginem considerassent, cœperunt singuli exclamare, hanc veram Dei imaginem esse, quem adorare vellent, firmiterque asseriebant nullum alium Deum se agnoscere velle, quam qui probis felicitatem promitteret, improbos ad pœnitentiam expectaret, cuique nomen foret, Deus clementiæ, nomen divinitati maxime proprium, quodque omnes ad se sine ullo discrimine alliciat. En clementia, nomen Dei proprium, quod & vobis convenit, ô Principes, quia Dei vicem gerentes estis, & divinitatis imagines. Hinc Philippus Macedonum Rex clementiam appellabat gloriæ suæ theatrum. Clementia enim hominibus est necessaria, maxi-

me autem decora Imperatoribus. Proinde doctissimus Aristoteles inter multas institutiones, quas Alexandro Regi præscripsit observandas, hanc unam præcipue tradidit, Pateat omnibus clementia majestatis tuæ. Hinc Reges antiquitus ungebantur, ut hac observatione admonerentur, quod lenes, pii, ac clementes essent futuri. Debet quidem Princeps omni studio incumbere, ut populus ad rectam rationis formam institutur, sed leniter ac leviter, non mordendo, sed ursæ instar lambendo. Hæc enim, ut ait Plinius, parit catulos informes, quos postea linguæ linctu conformat, & paulatim figurat. Decreverunt olim Athenienses in Areopago, ut civitatis dominium alicui deorum committeretur, qui eam protegeret, contendunt Neptunus, & Minerva, quis potiatur dominio? tandem statuere Athenienses, adhibito prius consilio, ei dominium concedendum, qui insigne aliquod prodigium patraret. Extemplo Neptunus tridente aquas percutiens, duos equos repente prodire fecit. inauditum sane prodigium. At Minerva benignitatis amans, virga leviter humum tangit, & ecce ramus surgit virentis olivæ. hoc autem non tanta admiratione dignum censebat vulgus, re tamen apud sapientes maturius discussa, longe præstantius fuit judicatum. Equi enim quid portendunt? bella utique & seditiones. Oliva vero præfert clementiam. Non mirum igitur si præclarum illius civitatis dominium omnium votis, & vocibus soli Minervæ fuit dedicatum. Quorsum autem hic apologus? ut ediscant Principes imperii clavum sustinentes, magis studere benignitati, quam severitati, & magis clementiæ, quam sævitæ, quo Imperium firmiores agat radices, æternitæque de-

man-

mandetur. Hinc in sacris litteris monarcha principum omnium, habet stellas in manu, gladium in ore, quia supplicia comminatur verbis, beneficia autem re ipsa confert, idcirco de ejus manibus dicitur, manus ejus tornatiles, virtus enim omnium rerum effectrix, tornatilis est propter summam in benefaciendo celeritatem. Qui enim tuto & diu regnare appetit, summo studio niti debet, ut clementia, non armis stipatus regnet. Quotidiano namque experimento compertum habemus, quod Principes qui nimio tumore elati, quasi super cardines cæli perambulantes, inaccessible se exhibent, tantum abest, ut à subditis amentur, quod etiam capitali ab omnibus habentur odio. Quot enim sunt, hac nostra tempestate, Principes, qui propter nimiam eorum inhumanitatem, subditorum animos adeo perturbant, ut, eis debitum honorem præstare recusent, & cum præstant, inviti tamen ac reluctantes. Porro qui se humanos subditis exhibent, illorum animos facile conciliant, divino oraculo ita attestante, Fili in mansuetudine opera tua perface, & Eccl. 23. super hominum gloriam diligeris. Loca munita, aggeres, valla, arces, tutum faciunt Principem, sed non omnino. Hæc siquidem prodicionibus, & arte, possunt alterius dominio subdi, aut armorum vi dissipari, at hominum corda ingenui amoris vinculo colligata, nullatenus possunt everti. hæc est custodia invincibilis, amor populi erga Principem. hoc est inexpugnabile munimentum, munimento non egere. Longe valentior amor ad obtinendum quod velis, quam timor, nulla major ad amorem invitatio, quam prævenire amando. amore Imperia durant, subvertuntur terrore, amore nectuntur, secantur metu,

Valer.

l. 4, c. 1.

Plut. in
apoph.

solus amor ex invalido, validum imperium statuit. Peragit quandoque tranquilla potestas, quod violenta nequit, mandataque fortius urget imperiosa quies, quam acris nimium, & sæva auctoritas. Imperia enim crudelia magis acerba, quam diuturna sunt, & Princeps ad sævitiam natus, nunquam & nusquam tutus erit, semper autem, & ubique in metu. Illa illa potentia tuta est, quæ viribus suis modum imponit, & cum punitione opus est, non tamen cum omni rigore, supremi Iudicis exemplo, qui cum posset de rigore iustitiæ peccatorem ad nihilum redigere, illi relinquit esse, quod bonum & pulchrum est: ita intelligitur illud axioma Theologicum, Deus punit citra condignum. Ideo dicitur Dominus, quasi dominus. Apologum huic instituto satis accommodatum affert Plutarchus, ait enim, Inter solem & ventum aquilonem non parvam ortam fuisse contentionem, quis prius altero viatorem vestibus expoliare posset, cœpit aquilo pedestrem viatorem vehementer impetere, ut fere galerus è capite, & pallium ex humeris decideret, quanto tamen ipse acrius flabat, tanto viator diligentius galerum capiti, & pallium scapulis aptabat, unde non ventus aquilo de viatore, sed viator de aquilone victor evasit. Sol vero potentiam suam ostentans, cœpit ardentes radios viatori immittere, quibus ille adeo cœpit incalescere, ut ad deponendum pallium cogeretur, deinde incalescente solis calore, & illum acrius premente, exteriori tunica se expoliavit, atque hoc modo Phœbus de aquilone triumphavit. Quid hinc? hoc nimirum, quod facilius vincuntur, & vinciuntur hominum ingenia clementiæ, & beneficiorum calore, quam nimix severitatis violentia.

Quod

*Augustus Cinnam
sibi insidiarum
beneficio vixit,
et amicissimum
efficit.*

Quod egregie comprobatur Augusti Caesaris testimonio. Hic cum jam quadragesimum excessisset annum, delatum est ad illum, Lucium Cinnam adolescentem nobilem; ac magni Pompei nepotem, sed hominem turbulentum insidias illi struere, dictum est, ubi, quando, & quomodo aggredi vellet, dictabatur proscriptionis sententia, sed Augusto interim varias edente voces, ingressa Livia uxor, Fac, inquit, quod medici solent, qui ubi usitata remedia non profunt, tentant contraria, severitate nihil adhuc proficisci, ignosce, Cinna deprehensus vitæ tuæ nocere non potest, fama prodesse potest. Protinus Imperator Liviae consilium secutus, Cinnam accersiri jubet, tum dimissis omnibus ex cubiculo, sic eum allocutus est, Hoc Cinna primum abs te peto, ne me loquentem interpellas, dabitur & tibi loquendi tempus. hic commemoratis pluribus in Cinnam beneficiis, enixe rogavit, quare putarit ipsum occidendum? sed perturbato Cinna, sic finiit objurgationem, Vitam tibi Cinna iterum do, prius hosti, nunc insidiatori, ac parricidæ, ex hodierno die inter nos incipiat amicitia. Contendamus utrum ego meliore fide vitam tibi dederim, an tu mihi debeas. Posthac ultro detulit consulatum, questus quod non auderet petere. vis exitum? Cinnam habuit perpetuo amicissimum, & solus illi fuit hæres. Porro ex tanta clementia quem fructum cepit Augustus? non solum mens Cinnæ omnino mutata, sed omnes postea in eum conspirationes ita compressæ sunt, ut nemo unquam ejus vitæ deinceps insidiari ausus fuerit. Noverat quippe optimus Princeps, non paucas ex nimio rigore seditiones excitari, excitatas autem sedari clementiæ beneficio. Pro-

Na. 26.

inde Iſaias propheta ſedulis votis expoſtulabat hanc ſane regiam dominandi inſtitutionem, Emitte agnum Domine dominatorem terræ. non petit leonem, qui dilaniet, non taurum qui percutiat, non elephantem qui terreat, nec cervum qui fugiat, ſed petit agnum, qui clementer imperet. Cur quaſo, propheta non petit leonem, qui fortiffimus animalium, & petit agnum ad omnia trepidantem? ut innuat quod qui conſtituendus eſt Rex terræ, debet habere clementiam agni. Hinc alia littera legit, Emitte ducem. quoniam qui feliciter, & diu regnare appetit, populos regere debet, non leonis ſævitia, ſed manuſtudine agni. Non enim Principi ideo datur potentia, ut damnum inferat, ſed ſalutem, non ut deſtruat, ſed ut conſtruat, non ut obſit, ſed ut proſit, ut de apum Rege tradunt naturæ indagatores, qui licet habeat aculeum, non tamen ad vindictam. Huic rei ſatis appoſite facit quod refert Plutarchus, Vnus ex primariis, ait, laudavit Philippi potentiam quia magnam urbem Olyntum ſolo æquavit, at quidam philoſophus hoc audiens dixit, atqui non potuit tam bellam ſtruere. Vnde longe digniori encomio celebrandus Auguſtus Cæſar qui poſtquam ſuperbis ædificiis Romam decoraffet, dixit, Romam lateritiam accepi, marmoream relinquo. Magnanimi quippe Principis partes ſunt, prodeſſe, non obeſſe, juvare, non perdere, hinc Iuppiter quaſi juvans pater. Athenis conſilium contra Alcibiadis honorem, & fortunam convocatum fuit, ut autem id cum majori omnium aſſenſu fieret, convocarunt etiam ſacerdotes omnes, & virgines Veſtales, interrogatæ autem de opinione, & ſententia, una earum reſpondit, Ad nos ſupplicatio pertinet, non

exe-

execratio. Quorsum è Davidica turri pendebant clypei, arma ad defensionem, non ad offensam spectantia? quia Princeps verè pius in salutem, non in perniciem potentia uti debet, & tamquam pater vitia quidem corrigere, at subditos servare, veluti alter Alco, qui cum esset peritissimus sagittarum jaculator, & videret ingentem colubrum, corpus filii sui cingentem undequaque cum magno vitæ illius discrimine, paterna pietate commotus arcum tetendit, impulsunque sagittæ tam singulari arte temperavit, ut colubrum transfigens, filium indemnem omninò reliquerit, quod factum admiratus Manilius dixit, Mirabile fuit hoc opus, sed ars erat esse patrem. ita Principes mittant sagittas suas, quibus vitia dissipent, subditos autem tanquam filios, si fieri potest, non perdant. ita se gerebat Rex David, proinde dicebat, Perfecto odio oderam illos, hoc est, vitia, non naturam persequebar. Vnde Augustinus ajebat, Oderam in eis iniquitates eorum, diligebam conditionem tuam; hoc enim est perfecto odio odisse, ut nec propter vitia homines oderis, nec vitia propter homines diligas. cui doctrinæ subscribens Gregorius dicebat: Quid est inimicos Dei perfecto odio odisse? quod facti sunt diligere, & quod faciunt increpare.

Ps. 138.

Non tamen credas in Principe solam clementiam desiderari, quia etiam suo loco in administranda justitia severitate opus est. sic docuere optimi quique politici, & ita nimirum vivendum est Principi, ut nec severitas amorem diminuat, nec facilitas auctoritatem. Siquidem tam omnibus ignoscere crudelitas est, quàm nulli. Acutè olim Frontonius Consul in Nervam jam senem & ehevem nimis indulgentem, Malum quidem est

Senec.
lib. 1 de
clem.
c. 2.
Fulgof.
li. 2, c. 2.

Principem habere, sub quo nihil liceat, sed longè
 pejus, sub quo omnia omnibus liceant. Scitè ad-
 modum Lactantius, Princeps qui commovetur in-
 tempestiva lenitate, vel sæpius quam est necesse,
 vel etiam semper ignoscit, is planè & illorum vi-
 tam perdit, quorum audaciam nutrit ad facinora
 majora, & sibi ipsi nunquam deficientem mole-
 stiarum materiam subministrat. Nam qui mitior
 est, dum paucorum tolerat socordiam, multorum
 adversus imperium invitat insaniam. Hinc lauda-
 tur tertius Otho Imperator, hic enim cum vici-
 nalis adolescentiæ vix adhuc excessisset ætatem, in-
 ter insignia multa quæ gessit, tribus regni proceri-
 bus Rempublicam perturbantibus oculos eruit,
 Rodulpho, Raimundo, & Arimundo, quo facto
 ita omnium aliena diripientium viscera tremefe-
 cit, ita totum Regnum in pacis tranquillitate com-
 posuit, ut nemo deinceps juris proprii terminos
 per insolentiam transilire auderet, unde communi
 voce proclamabatur, In evulsione sex oculorum
 unum pacatum est regnum. siquidem enervato
 rigore justitiæ, status evertitur disciplinæ, & dum
 ultoriæ severitatis censura reprimatur, temeraria
 delinquendi licentia relaxatur: inordinata sanè
 pietas nutrit impietatem, & timida manus medi-
 ci, vulnus augeat ægroti. Proinde solebat dicere
 Cato senior, Mallem mihi pro collato beneficio
 gratiam non haberi, quam pro maleficio perpetra-
 to culpam non expiari supplicio. Hujus sententiæ
 fuit Antisthenes, rogatus enim quæ res portende-
 ret civitatibus exitium? Quando, inquit, non est
 bonorum, ac malorum discrimen; sentiens eam
 Rempublicam non posse consistere, ubi nec esset
 honos virtuti, nec improbis pœna. Noverant
 quippe sapientes viri, spem impunitatis magnam
 ille-

Lact. li.
 de ira c.
 18.

Petr.
 Dam.
 Card. li.
 7. epist.

Laert. li.
 6. c. 11.

Senec.
 lib. 1 de
 Clem.

illece-
 nitio-
 semper
 cipem
 serper-
 re est
 sangui-
 tu de
 pro sto-
 dem i
 politici
 na. Hi
 pruden-
 cuncta
 enim c
 bit? qu
 Transf
 voluit
 ri? u
 Christi
 severi
 dine la
 scant.
 regen
 matre
 gium.
 beat P
 riculo
 terrim
 que po
 derista
 gicus,

Nec er

illecebram esse peccandi, & nihil in republica perniciosius esse impunitate, qua fontes ad deteriora semper invitantur. satis appositè pertinet ad Principem illud insigne Academicum, ciconia nimirum serpentes deglutiens, adjecta inscriptione, Conficere est animus. Quid quæso per serpentes? sicarios, sanguini inhiantes. hos debet Princeps omni conatu de terra viventium radicitus evellere, hæc verba pro stemmate gerens, Dabis improbe pœnas. siquidem illud regimen præclarum censetur apud veros politicos, ubi in fontibus præmium, at fontibus pœna. Hinc Democritus consuevit dicere, & quidem prudenter, Duo esse in sinu justitiæ Numina, quæ cuncta gubernant, pœna nempe, & præmium; si enim crimina impunita, quis securas noctes habebit? quis innocuos dies? Quorsum in admirabili Transfigurationis mysterio supremus Monarcha voluit inter Moysen & Heliam constitutus videri? ut colligant Principes, quorum exemplar Christus, inter Moysen mansuetum, & Heliam ~~severum~~ debere collocari, ne vel nimia mansuetudine languescant, vel nimia severitate excandescant, sed lenitatem cum majestate jungant, ne regendi frangatur auctoritas, nam familiaritatem matrem esse contemptus, commune testatur adagium. Nemini itaque se tam familiarem exhibeat Princeps, quin possit, si opus fuerit, sine periculo succensere, aut sine rerum mutatione: deterrimi namque consilii est, amicos ad parem usque potentiam efferre. Ama tamquam osurus, oderistanquam amaturus. Pulchrè admodum Tragicus,

Nulli te facias nimis sodalem,

Gaudebis minus, & minus dolebis.

Nec erit absconum, imò valdè consonum, si proferamus

feramus aurea quædam verba, quæ Lupus Abbas Ferrariensis scripsit ad Carolum Calvum Imperatoris Ludovici filium, Pro regno optimè administrando inter cætera hoc sit aureum documentum, Videte, ne vos cuilibet ita subjiciatis, ut ad ejus arbitrium omnia faciatis. Cur enim regium nomen prætenditis, si regnare nescitis? certè non expedit vobis, & populo, ut aliquem vobis æquetis, nedum præponatis. non admittantur ergo à vobis in supremo culmine primarii, ne gloriam vestram ipsi inter se partiantur, & meliorem amorem alienent à vobis. Tandem, ut omnia uno verbo perstringamus, In summa rei administranda oraculum Solonis præ oculis tenendum, Ne quid nimis. Nam sicut nimia severitas nunquam prodest, sic nimia indulgentia sæpenumero obest. Quod egregiè nostris temporibus observavit Henricus hujus nominis quartus Rex Galliarum, qui pro insigni regio suscepit malum granatum, nec penitus acre, nec dulce omnino, apposito hoc brevi titulo. Subacre. quo insinuare volebat, Principes in excelsò regimine sedentes, partim mansuetudine, & dulcedine, partim justitia & rigore uti debere. Egregium planè insigne, Leo sedens, regiam majestatem præferens, apposita notula, Metuenda voluptas. in omni imperatorio munere ita se gerat, ut & amabilem, & formidabilem se præbeat. unde Gregorius, sit amor, sed non emolliens, sit rigor, sed non exasperans, sit zelus, sed non immoderatè severus, sit pietas, sed non plusquam expediat parcens. pulcrè docet Seneca, pœnam si tutò potes, donabis, sin minus, temperabis, Monarchæ cælestis exemplo, qui nunquam admittit misericordiam sine justitia comite, misericors Dominus, & justus.

Crinitus
li. I. hon.
disp. c. 3.

De

De Tamberlano Scytharum Imperatore insignem historiam narrat Petrus Crinitus, Dux iste, Pet. Crinitus li. I, c. I, de hon. disc. ait, toto orbe celebris, ut majorem hostibus metum incuteret, triplici tentorio in bellis uti consuevit, ita tamen quod in unoquoque dispar color appareret, quo animi quoque mutatio intelligeretur. Prima igitur die tentorium exponebat, albo colore. Ex colore tentorii belli conditiones insinuabat, cum quibus ad certamen descendisset. prima itaque die tentorium colore albo explicabat, ut ostenderet, quod civitati nullam injuriam esset illaturus, modo sponte se traderet, at si alteram diem hostis expectasset, tunc coloris rubei tentorium educebat, quasi ad sanguinis effusionem vocaret. Quod si ad triduum res protraheretur, per colorem atrum, atra omnia futura portendebat, & extremam cunctis perniciem prænuntiabat. Quid hinc colligere debet Princeps? clementiam in regimine adhibendam, sed cum severitate conjunctam. Cujus etiam instituti normam manifestè præscribunt oracula divina: nam in Deuteronomio habentur hæc verba, Si quando Deut. 10. accesseris ad impugnandam civitatem, offeres ei primum pacem, si susceperit, & aperuerit tibi portas, cunctus populus qui in ea est, salvabitur, & serviet tibi sub tributo, si autem foedus inire noluerit, & ceperit contra te bellum, oppugnabis eam. Hoc itidem apud Romanos in more positum erat. Legati enim Romanorum ad Athenienses profecti, aurea hæc verba proferebant, Aut pacem, aut bellum eligit, mors & vita in manibus vestris sita est. Hanc regendi institutionem observabat Philippus Macedonum Rex. Nam filium Alexandrum frequenter admonere solebat, ut cum Macedoni-

bus comiter haberet consuetudinem, quia intellegebat nulla re melius constabiliri imperium, quam civium benevolentia, ita tamen quod scelera suppliciis coerceantur. Regibus enim ea-tenus temperanda est humanitas erga cives, ut interim regiam tueantur auctoritatem. quoniam immodica benignitas sæpè contemptum parit. Qui enim videri volunt nimium civiles, fiunt viles, & nimia conversatio gignit contemptum, raritas autem conciliat rebus admirationem. Legantur oracula divina, & videbimus Deum diversimodè armatum; modò enim gestat gladium in femore, Accingere gladio tuo super femur tuum potentissime, modò mucronem in ore, Ex ore ejus exibat gladius ex utraque parte acutus, modò gladium in manu, Gladium suum vibravit. Quid diversa hæc armorum gestatio designat? Varios Dei puniendi modos. arma quippe lateri accincta gerit, ut delinquenti metum incutiat, seque illi reddat formidabilem. in ore, ut minas intenter, at ubi verba non proficiunt, ad verbera deveniendum, proinde in manu ensẽ, ut percutiat. ita planè se gerat Princeps, verbis prius mulceat, ac si populus non respiscit, ad pœnas prodeat. Mirabilis visio Danielis, Facies ejus sicut facies fulguris, oculi ejus ut lampas ardens, brachia ejus, & quæ deorsum sunt usque ad pedes quasi species aris candentis, & ecce vir indurus lineis, & renes ejus accincti auro obrizo. Quid nam hæc sibi volunt? Facies fulgure, oculi flamma, brachia ære armantur, & tamen lineo vestitur. Quid linea vestis cum armis? thorace opus est in bello, non lineo amictu. Quid zona aurea cum vultu fulminante? En justitia & misericordia

Dan. 10.

dia fi
bus
niti d
cum,
logi i
vinæ
ricor
caner
cium
re vo
lum p
rum
Angel
serico
Data
terra.
lia, p
tia; n
tinet
jus.
Deo
cens,
confe
Princ
sibi f
nirati
quod
cordia
tia co
Dei,
lant,
ti era
rectio
malos
lud,

dia simul, quibus orbis totus sustinetur. Duobus polis universam totius mundi machinam inniti dixerunt philosophi, quorum alterum arcticum, alterum antarcticum appellarunt, ita Theologi in duos polos, ut ita dicam, dividere divinæ essentiæ operationes, quorum unum misericordiam, justitiam alterum nuncuparunt, ita canente divino Vate, Misericordiam & judi-
 cium cantabo tibi Domine. Hoc idem insinuare voluit dilectus, dum narrat se vidisse Angelum ponentem unum pedem supra mare, alterum super terram, omnium Patrum consensu Angelus ille est Filius Dei, gemini pedes, misericordia & iudicium. Proinde de eo dicitur, Data est mihi omnis potestas in cælo, & in terra. Licet in Deo sint quatuor attributa æqualia, potentia, sapientia, misericordia, & iustitia; misericordia tamen primarium locum obtinet, Miserationes ejus super omnia opera ejus. Quod etiam indicare voluit Paulus, cum I Cor. I. Deo hoc attributum quasi præcipuum tradit dicens, Pater misericordiarum, & Deus totius consolationis, ac si diceret, quemadmodum Princeps variis decoratus insignibus, nobiliora sibi solet adscribere, ita Deus inter varia divinitatis attributa, illud pro stemmate sibi assumit, quod suæ maximè convenit majestati, misericordiam nimirum, nunquam tamen sine iustitia comite. Clementia quidem proprium opus Dei, sed quando & ratio, & tempus expostulant, severitatem induit. Hinc in arca testamenti erant duo simul, virga, & manna, virga correctionis, & manna dulcedinis, virga propter malos, manna propter bonos, quo pertinet illud, Descendi in hortum nucum, ut viderem po-
 ma

Guliel-
mus Pe-
rardus
lib. 4.

4 Reg. 4.

Isa. c. 2.

4 Reg. 4.

Petr.

Dam.

ep. 12,

c. 28.

Num.
20.

Lib. 16
contra
Faustum
super
nu. 26.

ma convallium. Per hortum figuratur Ecclesia, in qua sunt nuces, hoc est, mali, ad quos colligendos & excutiendos, opus est virga, sunt etiam poma, id est, boni, qui non percussione virgæ, sed levi manu carpendi sunt. Virga itaque sit in manu Principis, sed egrediatur de radice Iessè, hoc est amoris. Ab ore, & manu Principis debet quidem egredi virga justitiæ, sed de radice amoris. Discipulus Elisei, admovit baculum, sed nihil profecit, at Eliseus suavi spiritu, & tantum oscitando, viduæ filium ad vitam revocavit. Giezi posuit baculum super faciem pueri, sed non surrexit puer, Eliseus os suum super os ejus. quid hinc? calefacta est caro pueri. Ecce quem terroris virga suscitare non valuit, per amoris spiritum puer ad vitam redit. Quoniam non in spiritu Dominus, non in commotione Dominus, non in igne Dominus, sit sibi-
lus auræ tenuis, ibi Dominus. Cur olim Deus adversus Moysen adeo indignatus, ut terram promissionis ingredi prohibuerit? Quid commiserat sanctus ille propheta, ut tam rigide à Domino puniretur? Dixerat Dominus, Loquere ad petram, & illa dabit aquas, at Moyses bis virga percussit silicem, & egressæ sunt aquæ. Indignatus Dominus dixit, Non introducas hos populos in terram quam ego dabo eis. sed quod nam peccatum fuit? Augustinus ait, arguitur Moyses voce divina, quod ejus fides ad aquam de petra eliciendam titubaverit; ideo dixit, Quia non credidisti mihi. Lyranus credit, non dubitasse Moysen de Dei potentia, sed non credit tam rebelli populo aquas Deum daturum. Alii dicunt Moysen peccasse, quia petram percussit, non verò ad eam locutus est, ut Domi-

nus

nus præcepit, & sic verbum illud, non credidisti
 mihi, intelligendum est, non obedisti mihi.
 Ego autem si meam licet proferre sententiam,
 dicerem, Dominum indignatum esse, quia
 Moyses conatus est assequi virga, quod solo ver-
 bo poterat efficere. Hoc sanè monimento eru-
 diens Principes non debere uti virga, & ver-
 beribus, cum possunt verbis, & monitis æquè
 bene præstare, Herculis invicti consilium sequen-
 tes, hic enim contendebat hydræ caput abscin-
 dere, sed uno capite absciso, pullulabant septem,
 juxta illud, Vno avulso non deficit alter, nec un-
 quam negotium perficere valuit, donec assumpto
 igne absciso capiti applicaret. Quid hinc? quod
 gladio rigoris non potes, amoris igne perficies.
 Vidit olim propheta Cherubinum, qui hinc hu- Ezech.
 manam, illinc leoninam faciem habebat, en Prin- c. 1.
 cipis conditio; debet enim instar Cherubini, fa-
 ciem hominis habere, ad clementiam erga subdi-
 tos demonstrandam, aliquando leonis, quo justi-
 tiæ amatores se ostendant ad improborum delicta
 digno supplicio plectenda. Hinc Ægyptiorum Re- Pier. Va-
 ges sceptrum gestabant, cujus summitati caput ler. li. 9.
 ciconiæ, clementiæ symbolum, extremitati ca-
 put equi marini, pro nota justitiæ adjunctum e-
 rat. Quorsum hoc? ut Principes intelligant, quod
 licet mansuetudine insignes esse debeant, justii
 tamen rigoris non debent oblivisci, mente sæpius
 revolventes, se Dei vice fungi. At Deus summa D. Th. 1
 quidem clementia cuncta moderatur, non tamen P. q. 21.
 absque justitia. Licet enim Deus voluntate ante 2. 4.
 cedente omnes homines ordinet ad gloriam, vo-
 luntate tamen consequente illos tantum vult sal-
 vos esse, qui vivunt ex præscripto Legis, ita Prin-
 ceptis debet quidem omnes subditos incolumes
 ser-

fervare, non autem omnino omnes, sed tantum rectè viventes. satis appositè huc spectat, quod de Cassio produnt historiæ, is postquam una cum sociis conjuratis Cæsarem interfecit, quod patriam libertatem proditum iret, cæde peracta nummos signavit viola & gladio inter ramos olivarum interposito. Quid hoc insigne portendebat? viola Rempublicam, gladius justitiam, oliva clementiam designabat, quibus ipsa veluti vinculo quodam continebatur, adeo ut qui sine his dominari vellet, non Rex, aut Consul, sed tyrannus & prædo foret dicendus, utraque enim virtus ad Reipublicæ administrationem in primis necessaria est. Siquidem pura justitia, non comite clementia, mera crudelitas est, sola clementia, altera socia destituta, parum, aut nihil proficit ad regimen. cui quadrat nota academica, Altera non sufficit. Non tamen pro qualibet re levi justitia à Principe exercenda, ne similis judicetur Pharaoni Regi non minus insipienti, quam crudeli, de quo referunt peritissimi Hebræorum Rabbini, quod pistorem & pincernam in carcerem conjecit, quia ille panem unico, eoque minutissimo terræ grano coxit, iste vero in vini calice ciniphem sibi propinaverat. sanè si pro rebus nullius ferè ponderis in populos ita deserviunt Principes, & pœnarum illos fulmine feriunt assidue, quis poterit diu æquo animo sustinere? oporteret eos fulminum copia Iove locupletiores esse, nec satis esset. Hinc eleganter Poeta.

Siquoties peccant homines sua fulmina mittat

Iuppiter, exiguo tempore inermis erit.

Ecquis nam Regum tutus evaderet, si statim delicta potentium illatis è cælo fulminibus Deus perderet? Placatur ille omnipotens, & uno gemitu

Gen. c.
40.

gemitu
erit?

Sis p

For

Non

N

Potius



populi

Prince

benev

Quoci

quam

tyrann

far cog

ruant.

illa ver

toris p

sum el

restabi

populo

opulen

moris

qui po

quo sen

gemitu placatur, & homo homini implacabilis erit?

Sis pius, ô Princeps, nam si clementia regnat,

Felix, atque diu, regia sceptrâ feret.

Non tamen in pœnis languescat summa Potestas,

Ne nimis indulgens, Regia virga cadat.

CAPVT IV.

Potius amari quam timeri studeat Princeps, & gloriosè dilatabitur Regnum ejus.



MOR populorum custodia tuta Regnorum. Adagium sanè aureum, experimento probatum. Quod apprime intelligebat Octavius Augustus Imperator, proinde nihil magis timebat, quàm quod vehementer à populis timeretur. Noverat quippe egregius Princeps, quod malus custos civitatis metus, at benevolentia custodia fidelis ad perpetuitatem. Quocirca imperii clavum sustinentes fugiant tanquam detestabilem Regni perniciem, vocem illam tyrannicam quam frequenter jactare solebat Cæsar cognomento Caligula, Oderint, dum metuant. totis autem viribus complectantur aurea illa verba, seu potius oracula ex ore Romani oratoris prolata, nempe, Laudari, diligi, coli, gloriosum est, at metui, & odio haberi invidiosum, detestabile, non diuturnum, quippe, quod amore populorum septum esse oportet Principem, non opulentia, aut armis. Optimum sanè Catonis senioris consilium, admonebat enim frequenter, ut qui potentes essent, parcè uterentur sua potestate, quo semper uti possent, sentiens potentiam clementia

Plut. in
Apoph.
Rom.

mentia fieri diuturnam, sævitia brevem. cui convenit Senecæ Tragici dictum.

Qui vult amari, languida regnet manu,

Iniqua imperia non retinentur diu.

Cic. 2 de
offic. Perinde ac si diceret, nulla contra hostes arx firmior, quàm populi erga Principem benevolentia. Siquidem ad incolumitatem imperii, nec aptius quidquam, quàm eum diligi, nec alienum magis, quàm timeri. Nulla est enim tanta vis Imperii, quæ premente metu possit esse diuturna, quia quem metuunt populi oderunt, & quem quisque odit, periisse experit.

Iustitia & charitas validae sunt Principis arces,

Nulla tyrannorum vis diuturna fuit.

Ad hanc rem pulchrè Tragicus,

Qui sceptrâ duro sævus imperio regit

Timet timentes, metus in authorem redit.

Aureum planè documentum, & quidem multo sale aspersum Alexandro Magno oblatum. Cum enim ad Alexandrum ducerentur nonnulli captivi insignes, natu majorem interrogavit Rex, Quidnam agendo diu tutus in Regno foret? Si nemini, respondit, te formidandum tradideris. quo audito Alexander eos dimitti jussit, & multis muneribus affectos quàm maximè laudavit. Opportunè huc facit, Agasicles Lacedæmoniorum Regis testimonium. Cum quidam ab eo sciscitaretur quo pacto posset aliquis tutò imperare? hæc aurea verba deprompsit, quasi ex Aristotelis fonte potarit. Si imperet suis quemadmodum pater imperat liberis. Egregium plane insigne, nimirum, vitis parvula, quæ tenaci vinculo adhæret trunco, & truncus brachiis illam excipit, & amanter sustinet, adjecta nota, Vix nata sustentor. En Princeps vere politicus, qui plebem sibi

sibi commissam debet fulcire, fovere, & clementiæ brachiis benignè complecti. Pulchra sanè responsio. Ecquis unquam poterat plura dicere majore compendio? Hinc namque regium dominium distinguitur à tyrannico. Tyrannus quipè, sævitia & feritate cordibus subditorum odiosum ingenerat metum. At Rex amore populos regit, verbis faver, ac beneficiis fovet. Tyrannus efferata immanitate regnum debilitat, & usque ad interitum prosternit. At Rex clementia, & moderata justitia quasi quibusdam anchoris Regnum corroborat. tyrannus proprium commodum respicit, præterea nihil. Rex populis tanquam filiis prospicit, consulit, invigilat. tyrannus sanguinè inhians ad pœnas infligendas cursu fertur præcipiti. Porro REX ad supplicia procedit invitus, & gemens, ut pulchrè monet Poëta.

Sit piger ad pœnas Princeps, ad præmia velox,

Et doleat quoties cogitur esse ferox.

Sic Neronem aliquando fecisse, refert Seneca, initio Regni sui non sine magna admiratione. Cùm enim de supplicio cujusdam capite damnati, ut ex more subscriberet, moneretur, suspirans exclamavit, Utinam litteras nescirem. Vox quidem generosa fuit parsimoniam sanguinis promittens, si ex animo prodisset. de quo Trajanus solebat dicere, ut refert Sextus Aurelius, procul distare cunctos Principes à Neronis quinquennio. Hac pia regendi institutione florebat Pericles, hic enim in extremo vitæ termino dicebat gaudens, Nemo mea opera pullatus unquam incessit. O quam benè Alphonfus Rex Neapolis, admirantibus enim & quærentibus, cur erga omnes etiam malos ita lenis esset? sic respondit, Bonos justitia conciliat, malos clementia. Quid de Constantino verè Magno?

E

Cùm

Arist. lib.
8 de mo.
ribus c.
10.

Ovid.
lib. I de
Ponto.

Sen. de
Clem.
lib. 2 c.
1.

Cum ad ultionem aliqui familiares illum concitarent, contra eos qui statuum ejus lapidibus appetissent, dicerentque, faciem Imperatoris à scelestis hominibus foedè vulneratam, tùm ille manu faciem, & caput palpan, ego verò, inquit, & os & caput sana mihi perſentio. Quid plura? nonnè Adrianus eo ipſo die quo ad Imperium aſſumptus, cum in quemdam incidisset olim ſibi inſenſum, Evaſiſti, inquit, quia factus ſum Imperator. In ſumma enim poteſtate imminent ille ſibi nocendi facultatem animo planè imperatorio cenſuit, quam viliffimus quiſpiam totam pleno impetu ad ultionem effuſiſſet. Hanc regiam virtutem reſcripto egregiè probaverunt Theodoſius, Arcadius, Honorius, cujus reſcripti hæc erat formula. Si opprobrium ex levitate proceſſerit, negligendum, ſi ex furore, & infania, condolendum, ſi ab injuria, remittendum. Hæc eſt aurea regendi ratio, quam frequenter docebat Divus Bernardus ad Principes terræ ſcribens, Erudimini, qui judicatis terram, diſcite vos ſubditorum patres eſſe debere, non dominos. ſtudete magis amari, quàm metui. & ſi interdum ſeveritate opus eſt, paterna ſit, non tyrannica. exhibeatis vos matres fovendo, patres corripiendo. manſueſcite, feritatem ponite, ſuſpendite verbera, producite ubera, pectora lacte pingueſcant, non elatione turgeant. Patris tandem officio fungimini, & tunc Regnum veſtrum benediſtionibus redundabit. Quid pater pro filiis? anxius eſt ſemper, ut nihil eis ad benè, beateque vivendum deſit, unus pro omnibus excubat, ratione cum illis agit, non poteſtate, mavult eos emendare, quàm punire. ita Rex quaſi pater communis ſuis civibus indulgere debet, medici prudentis inſtar.

Bern.
ſuper
Cant.
ſerm.
23.

star, qui oleum potius adhibere solet quàm ferum. Nec nisi tentatis omnibus ad sectionem descendit, non enim minus turpia sunt Principi multa supplicia, quàm medico plurima funera. Non est semper accepta potestate utendum, sed in tempore ea dissimulanda, multa quidem tolerando, in quæ statim animadvertere non expedit, Christi vestigia sequendo, qui abscondit se & exiit de templo. Perdere illos poterat, noluit. sed expectavit, ut ipsi resipiscerent, quibus deinde misericordiam prestatet. Ad rem satis egregiè accommodatur, quod Aristoteles docuit de recto Principe, sit in ultione gravipes, in beneficio delphinus. Insignis est velocitate delphinus, illud verò animal quod gravipedem vocamus, ita tardo incedit gressu, ut testudinis tarditatem superet, per diem enim integrum gradiens, unius palmi spatium conficit, ita sanè se habeant Principes, in benefaciendo veloces, in puniendo lenti, divinam institutionem pro viribus imitantes. Ecce ego stridebo super eos sicut stridere solet plaustrum fœno onustum; hoc est Dei ingenium, ad puniendum pergit contracto ac brevi passu, ad juvandum ita expeditis gressibus prope-
rat, ut cervorum velocitatem longè superet. Hæc est virtus regia, quæ ad pietatem prona, at illa improba potestas, quæ valet ad nocendum. Hinc apes illum sibi in regem constituunt, qui sit inter ceteros mansuetudine clarior, nec aculeum habet, vel si habet, non ad vindictam. Utinam non pudeat Principes ab exiguis animantibus trahere mores. Rex apum sine feritate in medio ac tutissimo loco quiescit, amico grege stipatus, nec tibi ô Princeps, erit opus armato exercitu, qui latera undique custodiat, si ætatem agas clementiæ clypeo circumseptus. Proinde Cæsarem primum

Plin. de
animal.
lib. 10.

Amos 6:
2.

num Romanorum Imperatorem laudavit antiquitas, quod detectas conjurationes non ultra arguit, quàm ut edicto ostenderet sibi notas. hujus etiàm Imperio dejectæ Pompei statua, restituta. Litteræ in scriniis repertæ, igni traditæ. poterat intus cognoscere conspiratores, noluit. Nec minori elogio dignus Vespasianus, qui monitus, ut ab insidiis Metii caveret, consulem fecit, Erit, inquit, tanti beneficii aliquando memor. Augustus post Livie monita, dixit, Ego judico plus clementia, quàm sævitia proficere. Dignum æternis præconiis illud Rudolphi Imperatoris oraculum; Severum, & immitem fuisse, me aliquando pœnituit, levem ac placabilem nunquam. Egregium sanè apophthegma Alphonsi Aragonum Regis, Male multos mea clementia servare, quàm paucos mea sævitia perdere. Temperanda itaque clementia, justitia est, ita præscribit optimum quoque Regimen. sed ita, ut primum locum obtineat clementia, si fortunatum, si firmum, si diuturnum volumus Imperium. Certiora enim ab amore, quàm à terrore obsequia nascuntur. misera quippe veneratio, quæ metu paratur. Quorsum Lacedæmonii priusquam ad bellum moverentur, vestimas amoris immolabant? cur non potius Marti bellorum duci? credebant victoriam in bello magis subditorum affectu, quàm ab armorum robore dependere. ô quam eleganter olim Claudianus,

Plin. lib.
8. epist.

Alexan.
ab Alex.
lib. 4. c.
7.

*Non sic excubia, nec circumstantia tela
Quàm tuatur amor, peragit tranquilla potestas
Quod violenta nequit, mandataque fortius urget.
Imperiosa quies.*

Hanc regnandi institutionem probè noverat Philippus Macedonum Rex; is enim cum audisset aliquan-

aliquando Pithiam pugnatores quendam strenuum, à se prorsus alienatum, quod filias tres inops vix aleret, nec à Rege adjuvaretur, hortantibus quibusdam, ut eum è medio tolleretur, Dicere quæso, inquit, si partem corporis ægram habeam, abscindendamne, an curandam suadebitis? sanè curandam. Pithiam itaque tam præclaris donis ornatum à se dimisit, ut summa fide Philippum deinceps coluerit. En gloriosus clementiæ fructus, qui Principem apud omnes amabilem reddit. Nam sicut hostes armis, ita subditi beneficio vincuntur, & vinciuntur. Beneficiis quippè qui afficitur, compedibus quibusdam adstringitur, qui non ferri retinent naturam, sed obsequii & obligationis. Quid enim aliud est Principis donum, nisi veluti quoddam servitutis vinculum? Nam beneficium accipere, libertatem vendere est. Toto cælo aberrat, qui existimat, tutum esse ibi Principem, ubi nihil à Principe tutum est. Multos metuat oportet, quem metuunt multi. Securitas securitate mutua fovetur, & amore conciliatur amor. magnæ amoris amor. ita scribit Augustinus. Dogma naturæ est, ut amatus ames. ita testatur Nazianzenus. Ostendam tibi potissimum remedium, ut ameris, ama. ita docet Seneca. Si vis amari, ama, notum est proverbium apud omnes receptum. Hinc est quod variæ amoris etymologiæ à probatissimis authoribus circumferuntur, omnes tamen in hoc conveniunt, quod amor amorem pariat, & mutuo quodam nexu amantes liget ad invicem. Plato existimabat hoc nomen deduci à verbo quodam, quod signat furari, eò quod amantis cor deprædetur, & in potestatem alterius traducat. Alii deducunt à verbo quod importat sequi, quod amans rem amatam vehementer sequatur.

Seneca
de Be-
nef.

tur. Alii deducunt ex verbo, quod fortitudinem designat, ut innuat amorem super omnia fortem esse, Omnia vincit amor. Alii dicunt amorem trahere originem à verbo quod significat dicere; amor enim dicaces & eloquentes facit. Alii verò, & benè à verbo quod significat vincere, ed quod amantes vinciat, & in vincula trahat, & amatos quoque ad amandum alliciat. Scio quidem varias esse circa amoris causam doctorum opiniones.

2, 2. q. 28

a. 2,

Angelicus doctor arbitratur causam amoris effectivam esse bonum, quoniam omnis amor ex bono gignitur, & in bonum tendit, nec aliquid diligitur, nisi in quantum habet rationem boni.

De div.
nomin.
c. 4.

Dionysius Areopagita sentit præcipuam causam amoris esse pulchrum, nam pulchrum idem est cum bono sola ratione differens.

Augustinus opinatur cognitionem esse causam amoris, nam voluntas non potest ferri nisi in bonum cognitum, proinde dicebat, Invisa amare possumus, incognita nequaquam.

Platonici volunt similitudinem esse causam amoris, omne enim simile diligit sibi simile, hinc Academici, Dissimilium infida societas. ea namque similitudo quæ inducit te, ut ames me, ipsa eadem inducit me, ad tui amorem.

Sed meo iudicio sententia Philosophi moralis omnibus votis est complectenda, & nostro instituto magis consona; ipse enim asserit veram & propriam causam amoris, esse amorem. Si vis amari, ama. Huc pulchrè facit apologus Porphyrii Græco idiomate conscriptus, à Celio Calcinino in Latinum redactus. Quo tempore Venus cupidinem peperit, venustus erat puer, & forma insignis, nec tantillum à matre pulcherrima degene-

degenerabat. Caterum semper erat statura pusillus. anxia igitur eam ob rem, & inops consilii mater affligebatur non parum, nec minus Gratiaë infantis nutrices; itaque oraculum Apollinis ad-euntes orabant supplices, ut ad insolitam calamitatem remedium aliquod inveniret; at Apollo huiusmodi habuit responsum, Potest quidem, ô Venus, amor solus nasci, at crescere solus non potest, quod si cupis, ut adolescat, Anterotis opera opus est, hoc est mutui amoris, qui reciproca benevolentia respondeat, eritque conditio fratrum talis, ut alter alteri mutuetur incrementum, si se mutuo intueantur, aequali propagine germinabunt. Porro si alter deficiat, ambos pariter deficere oportebit. Hoc usa consilio Venus Anterorem parit, quô vix in lucem edito, statim Cupido adolescere cœpit, & jam procero corpore incedere, sed cum huic forti obnoxius sit, multis plerumque conficiatur ærumnis; nam interdum pullulat, interdum deflorescit, rursus augetur, ita tamen, ut nunquam non presentia fratris indigeat, quem si grandescere animadverterit, longè grandior ipse effici contendit, si verò pusillum esse deprehenderit, sæpè vel invitus elanguet. Sed quid hinc? egregiè utique docemur, nulla alia ratione amorem conciliari, & alios ad nostri amorem pellicere, quam si nos diligentes diligamus, & amantes redamemus. sic & divina docent Scripturæ, Ego diligentes me diligo. Pulchrè quoque Martialis,

Ut præstem Pyladen, aliquis mihi præstet Orestem,

Hoc non sit verbis, Marce, ut ameris, ama.

Tunc siquidem stabilis, tunc diuturna Potestas Principis, quando mutuo amore prosequitur populos, tanquam pater filios, quando communi com-

Martialis lib. 6
epigram.

modo consulit, quando sermone est affabilis, accessu facilis, vultu amabilis, quem populi ad commune auxilium natum prædicant, quem excubare pro salute singulorum quotidie experiuntur, quo procedente non tanquam aliquod noxium animal è cubili profiliret, diffugiunt, sed tanquam ad clarum, ac beneficum sydus certatim confugiunt. hic ab omnibus amatur, defenditur, colitur; hic tutus in Regno nullis prædiis eget, solus potest incedere in qualibet urbis parte, sine ullo prorsus timore, etiam si nullus sequatur comes, nullus ad latus gladius, Tunc enim populi vicissim pro salute tanti Principis mucronibus se objiciunt, corpora spontè offerunt, & ad necem, incurrentibus periculis libenti animo se opponunt. At ubi animadvertunt Principem sævitæ deditum, truci aspectu minitantem, sanguine gaudentem, sono catenarum delectantem, necibus inhiantem, & tandem ferina rabie agitatam, execrabile illud verbum jactantem, Oderint dum metuant; mox populorum animi concitantur, seditiones parantur, pullulant odia, nullibi quies, utrinque timores. Quoniam qui se metui volunt, & ipsi metuant, necesse est. Nec mirum, si ingenia principantium præcipuè improborum, prona sint ad formidinem; percurrendo enim historias passim inveniunt plurimorum Regum tragicos, ac miserabiles exitus. alios namque vident nudos & catenis vinctos ante victoris triumphum duci, alios tanquam feras cavea inclusos, ossa à mensa projecta corrodere, alios denique superbo, ac barbaro Principi equum conscensuro, pro scabello subservire. Et quis non horreret, audiens Reges, & Imperatores à vilissimis hominibus, quin & à suismet militibus trucidatos? Legantur annales, &

& videbimus suorum gladiis cecidisse Cæsarem, Neronem, Claudium, Heliogabalum, Galbam, Caligulam, Vitellium; ferro autem suo, Catonem, Brutum, Antonium, Othonem, & alios propè innumeros, quos omnes enumerare supervacaneum esset. omnino illud Curtii verissimum est; Nihil tam firmum, cui periculum non sit, etiam ab invalido. Huc facit opportunè, quod nostræ tempestatis scriptor insignis refert. Princeps quidam Italus, ait, cum gravi tyrannide suos premeret, jugumque intolerabile civibus imponeret, illi tyrannidem detestantes, quo eum ad benignitatem excitarent, Legatum miserunt virum rebus gerendis idoneum, summique ingenii arte medicum, qui disertâ & gravi oratione civium calamitatem exponeret. hic mox ut in Principis conspectum venit, sertum è basilica herba contextum eidem obtulit dicens, non alia de causa se à Populo legatum, quam ut herbam illam, verum reipublicæ afflictæ symbolum, Principi offerret. Princeps igitur cum ænigmaticam legationem non intelligeret, Legatus sic exposuit. Huic herbæ subditos tuos persimiles crede, quæ cum leviter tractatur, suavem & jucundum sanè emittit odorem, si premitur, & violenter avellitur, non modò malè olet, sed scorpis, etiam, & vipers progignit. ita prorsus subditi tui; si enim placidè habeas, tibi omnem exhibebunt fidelitatem, sicque amorem, & gloriam apud omnes consequeris; si verò crudeliter opprimas, præterquam quod perperam de te sentient, & obloquantur, conspirationes, viperis deteriores, in caput tuum excogitabunt. ô præclaram planè Legationem. Ecquid unquam poterat prudentius afferri? hinc discant Principes non favos, & inexo-

Curt.
lib. 7.

Boëth.
de con-
sol.
Phil. lib.
2 prosa
6.
Plut.
tom. I
opusc.
Pausan.
lib. 2.

Pausan.
lib. 4.

3 Reg.
22.
Exod. c.
I.
Iud. c. I.

Lib. 2
Machab.
c. 5.

Niceph.
lib. 1. c.
20 hist.
eccl'es.

rabiles, sed mites & humanos, subditis se exhibere, memores illius adagii per omnium ora decantati, Ab alio expectes, alteri quod feceris. Quid est enim, ait Boëthius Romanus, quod quisquam in alium possit facere, quod sustinere ab alio ipse non possit? Nonne accepimus Bufiridem necare hospites solitum? ab Hercule hospite, & ipsam fuisse mactatum legimus. Regulus plures Pœnorum bello captos in vincula conjecerat, mox & ipse victorum catenis manus proprias præbuit invitus. In prima Isthmi fronte locus est, ubi Sinis latro curvatis ad terram diversarum arborum ramis, ad eos quos pugnando vicisset arctis utrinque vinculis alligabat, ut cum in suam naturam arbores redissent, miserabilem in modum illi distraherentur. Eodem ipse postea supplicii genere à Theseo affectus est. Cum ad Hercei Iouis aram Neoptolemus Priamum jugulasset, ipsi postea accidit, ut ad Apollinis Delphici aram interimeretur. Impius Achab & ejus uxor Regina Iezabel interfecerunt Nabot injustè, sed in eodem loco in quo linxerunt canes viri innocentis sanguinem, linxerunt etiam sanguinem Achab. Pharao tyrannus impius suffocabat in aquis Hebræos, ipse pariter in mari rubro obrutus aquis, cum curribus suis interiit. Adonibezech dixit: Septuaginta Reges amputatis manuum ac pedum summitatibus, colligebant sub mensa mea ciborum reliquias, sed sicut feci, ita reddidit mihi Deus. Iason multos de patria sua expulerat, peregrè & ipse periit, & qui inséputos multos abjecerat, ipse quoque & illamentatus, & inséputus abjicitur, sepultura neque peregrina usus, neque patrio sepulchro participans. Herodias illa saltatrix, quæ ab impio Herode caput Ioannis Baptistæ petiit amputari, & amputatum accepit,

cepit, postea fluvium quendam glacie constrictum pedes transiens, glacie rupta demergitur capite tenus, quod glacie statim à reliquo corpore resectum, talem ei vitæ finem dedit, qualem crudelis in alio expetiverat. De Duce Annibale historiarum produnt monumenta, quod tanta strage apud Cannas Romanum exercitum affecerat, ut equestrium annulorum tres modios cum dimidio Carthaginem miserit, at ipsemet coactus est venenum haurire, quod secum in annulo gestabat. Eutropius Arcadii Imperatoris cubicularius auctor legis fuit, nè quis ad ecclesiam confugeret alicujus criminis convictus, si autem confugisset, vi extraheretur: sed non longo temporis spatio interjecto, cum Imperatorem ipsemet offendisset, ad ecclesiam simplex confugit, sed inde extractus capitale tulit supplicium, iniquæ legis æquam ferens poenam. De quo, jure potest dici, Patere legem quam tu ipse tuleris. Malum consilium consultori pessimum. Eadem mensura qua mensi fueritis, remetiatur vobis. Apud Ludovicum XI, Francorum Regem, Episcopus quidam Verodunensis inventor fuit, carceres quosdam & cancellos ferreos, aspectu terribiles, horrore ac tenebris plenos, clausuris autem munitissimos construendi, sed ipse primus in eos conjectus fuit, & quatuordecim illic annis jacuit. Trasilus qui Busiridi tyranno persuasit, hospite immolato placandos esse Deos, immolatus statim ipse, quia hospes erat. Perillus qui taurum æneum fabricavit, in quo subjecto igne, qui poneretur, vocem bovinam ederet, ut Phalaridi Siculo tyranno crudelissimo obsequium præstaret, eodem jubente & cogente tyranno, primus ipse omnium, ut canit Claudianus, sensit opus, docuitq; suum mugire juvencum. Thomas Cromvellus Henrico octavo Angliæ regi,

Lucius
Florus
lib. 2.

Niceph.
lib. 13,
c. 4.

Philip.
Comi-
neus
hist. suæ
c. 126.

Ovid. de
trist. lib.
5.

cui

cui à consiliis erat, author fuit, ut legem ferret, qua caveretur, ne quisquam læsæ majestatis suspēctus, aut delatus, ad colloquium Regis admitteretur, nisi causa prius in Senatu regio cognita, at ipse paulo post omnium primus, hujus legis rigorem sensit, & omni ad Regem, cui carissimus erat, aditu interdicto, capitalem sententiam accepit, & subiit. ecce quod incidit in foveam, quam fecit. Ioannes Andreas Genevæ homo primarius, ut aliquod sprætæ Catholicæ religionis specimen daret, Senatui Genevensi, author fuisse narratur, ut quæ in ara maxima extaret tabula marmorea, ad carnificinam deinceps adhiberetur, placuit perditis hominibus execrandum consilium, verum non multò post decretum ea de re factum, in consultoris caput recidit; nam sceleris convictus primus lapidem sacrum impurissimo sanguine cruentavit. Verissimum itaque adagium longo usu comprobatum, Ab alio expectes, alteri quod feceris. Hinc est quod tyranni sanguinem sitientes jugi timore percutiuntur, trepidant ad omnia, pallent semper, semper pavent. de quibus Iob vaticinatur, Sonitus terroris semper in auribus illorum, & cum pax sit, semper insidias suspicantur. Hoc stimulo torquebatur Cainus, qui Deo interroganti, cur concidit vultus tuus? respondit; Omnis qui viderit me, occidet me. ita mali Principes jugi timore affliguntur ob conscientiam malefactorum, quæ semper illos torquet. Quoniam, ut verbis utar Labentii equitis Romani, Necesse est, ut multos timeat, quem multi timent. Hanc verò doctrinam, ut omnibus pateat, multorum exemplis comprobare operæpretium duco. Dionysium tyrannum proponamus in primis, cujus assiduum timorem quis ignorat? adeò dire agebatur

Tull. lib.
5. de of-
fic.

batur Rex impius, torquente conscientia, quod candente carbone sibi adurebat capillum, ne col- lum, ac guttur tonfori committeret, & allocuturus populum, cum singulos quosque formidaret, ex alta turri concionabatur. Sed quid? nonne Vale- rius Maximus de hujus tyranni anxio timore lo- quens, scriptum reliquit, quod præ nimia formidi- ne, proprios etiam filios expavescebat? imò ut securius dormiret, ligneum pontem, quo transi- tus erat ad aulam regiam, nocturno tempore amo- veri præcipiebat? Quid de Clearcho Pontico ty- ranno? nonne ut quiesceret, in arcam se abde- bat? Argivus Aristodemus, teste Plutarcho, in Tull. lib. 2 de of- fic. coenaculum habebat portam pensilem, supra quam lectulum locaverat, in eo autem dormiturus, utebatur scalâ qua lectulum conscenderet, quam postea mater cum ascendisset, mox auferebat, mane demum ut descenderet, afferebat. An silentio comprimam, quod de Alexandro Phereo, tradunt scriptores? is non audebat ingredi uxoris cubi- culum, quin prius unus de satellitibus districto gladio ante iret. De Massinissa refert Valerius, Val. Max. lib. ult. quod quia timeri, non amari studebat, proinde anxius, & tremens salutem suam non hominum, sed canum custodia vallavit. O longè feliciores Principes, qui Regni præsidia, non in timore, & ferro, sed in populorum benevolentia, & in divini numinis præsidio firmant; his enim omnia cooperantur in bonum, & diu, & feliciter cun- cta succedunt ex votis. Quod facili negotio com- probabitur, si volumus memoriam refricare tem- porum. Hister. eccl. lib. 2. Christianam coluit religionem, ad eam ampli- ficandam acri studio incubuit, ejusque splendorem ad summum perducere laboravit, proinde rerum omnium

Aug. de
civ. Dei
lib. 5 c.
25.

Aug. de
civ. Dei
lib. 5 c.
26.

Fulgof.
lib. 2.

omnium moderator. Deus tantis illum terrenis implevit muneribus, quanta optare nullus unquam auderet. Nam diu feliciterque imperavit, universum orbem Romanum unus Augustus tenuit, ac defendit, in administrandis bellis gloriosus, in tyrannis opprimendis invictus, & grandævus senectute defunctus, filios imperantes reliquit. Theodosius Imperator strenuè ac fortiter pugnando, quot hostes prostravit? quot victorias obtinuit? quot triumphos celebravit? hoc autem an copiarum viribus? an ducis peritia? an Imperii auctoritate? non ita quidem. sed quia clementissimus, proinde amore populorum circumseptus, & quia piissimus, proinde divino præsidio stipatus. Hinc tela hostium, sic jubente Deo, in ipsos retorquebantur ad eorum exitium. Pro cuius rei elogio cecinit Claudianus,

*Te propter gelidis aquilo de monte procellis
Obruit adversas acies, revolutaque tela
Vertit in authores, & turbine repulit ictus.
O nimium dilecte Deo, cui militat ether,
Et conjurati veniunt ad classica venti.*

Baron.
in annal.
an. Christi
773.

Quid de Carolo Magno Francorum Rege? is cum bellum gereret adversus Saxones, quia oculi ejus erant ad Dominum, affuit ei cælitus auxilium. Siquidem cum fanum vellet destruere, & oportere ibi per triduum commorari, dum ingenti aquæ penuria laboraret, statim media die cuncto exercitu quiescente, apparuit ei torrens aquas salubres ebulliens, ut exercitus, & jumenta abundè reficerentur, & tandiu aqua ebullit, donec fanum funditus eversum. Pro tam ingenti beneficio, divino Numini plurimæ gratiæ peractæ, ac omnia benedictionibus repleta. Sed quis unquam Trajano & potentior, & felicior? cur autem tam felicit

citer omnia? quia in tractando Imperii clavo fuit ei clementia comes semper individua. quod ex hoc conjici potest, ut plura id genus omittamus, Is enim amicis aliquando incusantibus, quod parum memor imperatoriae majestatis, nimium esset omnibus expositus, prudenter & aptè respondit, Talem præstabo Imperatorem privatis, qualem optarem ipse privatus. aureum oraculum tanto Imperatore dignum. Alphonfus Aragoniæ Rex feliciter & ipse regnavit, quoniam omnibus prodesse, nulli obesse studuit. Is admonitus, nè nimia lenitas exiret in contemptum, & ex contemptu perniciēs; Magis, inquit, cavendum, nè severitas pariat invidiam, undè longè majus exitii periculum. O præclaros Principes, dignos sanè, ut omnibus sæculis divinis laudibus celebrentur. Sed quid de Regibus Galliæ, qui olim in toto Orbe victores floruerunt? quorum egregia facinora Homeri præconio dignissima, in omnem posteritatem personabunt? quorum nomina immortalitati consecranda, apud omnes gentes gloriosè prædicantur? Cur quæso tot victorias adepti? tot triumphos consecuti? tot coronis decorati? quia pietatis amatores, Apostolicæ Sedis propugnatores, Ecclesiastici principatus ditatores; aded ut inter Reges sacro fonte renatos Christianissimum nomen meritò obtinuerint. Clodoveus in provinciis Gallicanis, nonnè Christianæ fidei semina mandavit? Childebertus Arrianorum infecutor acerrimus, nonne Arrianam pestem è suis finibus exterminavit? Carolus re & cognomento Magnus, nonnè nequissimum Saracenorum gregem prælio fortiter devastavit? nonnè Saxones favos veræ religionis hostes, tandiu armis fatigavit, donec perdomitis eorum cervicibus, fidem denuò amplecterentur?

Pipinus

Pipinus nonnè Hunnorum Regem Romani Imperii fines longè, lateque vastantem profigavit? Astulphum etiam, Summum Pontificem acriter insectantem, nonnè penitus debilitavit? Pontificemque in pristinam dignitatem restituit? Ludovicus Pius Apostolicæ Sedis amplitudinem, perditorum nequitia derurbatam, nonnè ad pristinum dignitatis splendorem erexit? Quid de illa penè incredibile Regum Galliæ liberalitate proferam? qua Ecclesiasticam hierarchiam ditaverunt, ditatam auxerunt, auctam sempiternis monimentis ornaverunt, ornatam victricibus armis defenderunt. nonnè ipsi Romanæ Ecclesiæ largiti sunt Ducatum Spoletanum, Ravennatum Exarchiam, ac unicum toto orbe Pontificatus quondam domicilium Avenionem. Vndè experimento comprobaturum est, inclytam Galliæ Regum virtutem Romanæ Ecclesiæ fuisse secundis temporibus ornamento, turbulentis, & asperioribus præsidio. Proinde sub divinis auspiciis florere, & semper florebunt Lilia. Si enim Deus pugnat pro eis, quis contra eos? Pugnabit autem & quidem dextera potenti, ut protegat assidue Christianæ fidei protectores, inter quos insignem locum obtinet Ludovicus XIII, Galliarum nunc Rex dignissimus; is namque tertium ante annum Bearniam Galliarum provinciam victor ingressus, cum sibi ab iis populis Umbella auro, gemmisque contexta fuisset oblata, statim rejecit, eamque addixit Eucharisticæ hostiæ triumphali pompa eas per urbes circumferendæ. Quo in facinore quis non videret modestiam, & pietatem pari victoria regio in pectore triumphare? An loquendum de florentissimis Hispaniarum Regibus? Percurre annales, & illos videbis unius orbis monarchas, tot victoriis coro-

coro-
decor
merit
ad Ph
per in
adinv
tot P
plure
tholic
per co
tus,
omnia
nunqu
Eccles
deon
quia hi
Aposto
tia ven
clyper
stanti
guiner
enim,
confir
tur, se
tur, se
tur, se
tantur
sol nu
virum
erit.
facine
eram
Mona
poster
Ben

coronatos, tot coronis ornatos, tot triumphis decoratos; sed quia omnes penè innumeros enumerare nimis longum esset, nec sermo explicaret, ad Philippum Regem nostrum Augustum, & semper invictum convertamus sermonem, & dicamus adinvicem, cur ad hunc Principem potentissimum tot Regnorum coronæ devolutæ sunt numero plures, quàm sint ejus anni? quia susceptum Catholicæ fidei patrociniū inviolata religione semper complexus est; quia ad Ecclesiæ tutelam natus, & ad Catholicæ sedis robur de cælo datus, omnia quæ in eo sunt auxilia, pro Ecclesiæ salute nunquam prætermisit; quia in summis angustiis Ecclesiasticam hierarchiam, tanquam alter Gedeon eximia pietate, & invicta virtute sublevavit; quia hierarchas suo semper præsidio munivit, & Apostolicam Sedem singulari quadam observantia veneratus est. Hunc igitur militantis Ecclesiæ clypeum, imitami, ô Principes, & hujus præstantissimi Regis exemplo, etiam usque ad sanguinem ecclesiasticam observate libertatem. Hac enim, regnorum jurisdictio non infirmatur, sed confirmatur; Principatus dignitas, non dejicitur, sed erigitur. Imperii amplitudo non coarctatur, sed dilatatur; splendor Regius non obscuratur, sed illustratur. Et unde Austriaca familia ad tantum potentiæ culmen pervenit, ut ejus Imperio sol numquam occidat? Rodolphum clarissimum virum memoria repetite, & responsio in promptu erit. Ejus enim religioso, & jam omnibus noto facinori, cum sacerdoti occurrit in venatione sacram hostiam ad ægrotum ferenti, tam ampla Monarchiæ moles prædictione promissa, & ejus posteris una cum religione commissa est.

Bene sit tibi, ô Rodulphe, & stemmati tuo; vi-

F

vent,

vent, vincent, & regnabunt, qui à te descendunt Reges, quamdiu fidem Catholicam tuebuntur; quia benedictio Domini firmat domos divina Numina colentium.

Videamus modò, si lubet, miserabiles exitus potentium, qui humano sanguini inhiantes, & Deum post terga habentes, sævitiam pro voluptate, & libidinem pro lege sibi præscribebant, qui intrarunt ut vulpes, regnarunt ut lupi, occubuerunt ut canes. Prodeat primo loco Sextus Nero Imperator impius, qui sibi illo die datum Imperium distitabat, quo matrem iussit necari, quæ ut vidit Centurionem jussu tyranni ferrum in mortem distringentem, protinus ventrem manu ostendens, cum ejulatu, & lachrymis exclamavit; Hunc percutite, hic est ferro fodiendus qui portentum illud genuit, defuncta Agrippina, ad visendum interfectæ cadaver accurrit Nero, attrectavit, alia vituperavit, laudavit alia, sitique interim oborta bibit; parricidio matris junxit amitæ necem; sed nec populo, aut mœnibus patriæ pepercit. Vere in hoc scelesto, improbißimoque viro, tanquam in suo domicilio crudelitas ad suas vires ostentandas consedisset, suumque vexillum sustulisse videtur. Bellæ feritatem audivimus, respiciamus modò finem. Post occisum Claudium patrem, post interfectam Agrippinam matrem, post Britannicum fratrem veneno necatum, post Octaviam uxorem turpiter abdicatam, post Senecam præceptorem de medio sublatum, post innumera flagitia perpetrata, tandem omnibus & odio, & despectui habitus, rebus jam desperatis, cum fuisset hostis judicatus à Senatu, ne ab hostibus trucidaretur, adigens ipse jugulo ferrum, extremum clausit diem; tam horrendum sævitiz

Tac. l. 13
annal.

sævitix portentum trigesimo secundo ætatis suæ anno.

Caligulæ feritatem ad cædes nati quis non perhorrescat? impius iste tyrannus humano sanguini aded inhiabat, ut aliquando dicere auderet; Vt-
nam Populus Romanus unicam cervicem haberet, ut uno ictu omnes simul perderem: omnibus infensus, quid mirum si & omnibus invisus turpiter occubuit perditissimus homo. In Tiberii principatu quam latè grassata crudelitas, quando quidem cum his redibatur in gratiam, quorum cædes maturabatur; cum enim custodias recognosceret, rogatus, ut supplicium maturaret, respondit, Nondum tecum redii in gratiam; humanitatis officium ducens, si damnatum citò occidisset. Ipsemet audivit quemdam ex reis nomine Servilium sibi mortem conscivisse, priusquam esset damnatus, protinus exclamavit, Servilius me evasit; aded leve supplicium esse judicabat mortem. Quid si dixerim in principatu Tiberii sub pœna capitali interdictum, mortuos deslere? ô ferreum tunc sæculum, quando ipsæ matres accusabantur, quod filios ultimo supplicio affectos, cum ejulatu deslerent, & convictæ jussu Senatus necabantur. ô quam miserum est lædi ab illo, de quo queri non est tutum. Horrendum dictu. Ecquis crederet? sed percurrere annales, & videbis abominationes majores. Quis unquam barbarus, aut Scythæ viperino sanguine cretus, aded crudelis, qui imperaverit silentium his, in quos animadverti volebat? iste Impius eò sævitix devenit, ut juberet os inserta spongia includi, ne vocis emittendæ haberet facultatem. Cui unquam morituro, non est relictum, quò gemeret? timuit ne liberio rem vocem extremus dolor mitteret, ne quid audiret, quod

Fulgos.
lib. 9. c.
11.

Corn.
Tac. li. 5
annal.

Sen. li. 3
de ira.

Etrav.
de var.
hist. li. 4.

nollet. Sciebat autem innumerabilia esse, quæ ob-
jicere illi nemo auderet, nisi periturus; sed audia-
mus aliam immanitatem prorsus incredibilem, ve-
ram tamen. Cum vellet quidam tyrannus nomine
Thyrsus omnem viam præcludere ad fovendam
conjuratorem contra se initam, publico edicto
cavit, ne quisquam nec publicè, nec privatim collo-
qui auderet; æquè tulit populus duram legem,
loquelam tamen supplebant nutus, quibus internos
animi conceptus quoquo modo exprimebant. hoc
autem cum ad tyranni notitiam devenisset, mox
signa, & nutus eis interdixit. Porro cives mole-
stissimè ferinam hanc rabiem ferentes, coeperunt
plerique publico foro tristes singultus profusis et-
iam lachrymis emittere, calamitatem Patriæ a-
mare flentes. Hoc ad Principem illico relatum
fuit. Ipse verò magis periculosam sibi judicans,
lachrymarum quam verborum conjurationem, &
rimens, ne vehementius fletibus, quam vocibus a-
nimi contra ipsum incitarentur, multis ipse militi-
bus stipatus, ad forum perrexit, ejulatus, & la-
chrymas prohibere contendens, ut non solum
linguam constringeret, sed etiam oculis à natura
tributam libertatem eriperet. At res non cessit ex
votis, quia non ipse, sed lachrymantium fletus
prævaluerunt. Siquidem repente veluti leones
summa rabie insurgentes, illum dilaniarunt, inter-
fecerunt, trucidarunt. Eandem penè fortunæ mu-
tationem expertus est Amasis Aegyptiorum Rex,
cum enim plerosque ex suis extremo supplicio af-
fecisset, alios fortunis spoliasset, imperium ejus
aliquantò toleratum est, Actisanes tamen Æthio-
pum Rex, vix in eum armis & potentia irrupit,
& ecce statim odia occulta erupere, cumque mul-
ti ab eo descivissent, Regno tandem pulsus est.

Diodor.
lib. 4.

En

En m
qui n
rum
usque
Sede
feder
Rege
pes, &
cum
tur, a
anima
ubi a
dono
petula
sus, &
rantib
stra el
audian
cilis a
rum e
sces,
siquid
nimio
admo
mis r
gener
ita reg
tollen
cti sum
Discit
res vel
dis ad
impera
raret, n
sed tole

En miserales exitus Imperatorum sævientium, qui magis timeri, quàm amari appetunt, quorum colla propria virtute calcatur Deus ad terram usque prosteruens: sic divino attestante oraculo: Sedes ducum superborum destruxit Dominus, & Eccles. c. 10. sedere fecit mites pro eis. Philippum Macedonum Regem ante oculos vestros proponite, ô Principes, & feliciter vobis omnia contingant; hic enim cum maledictis à Nicanore Macedone laceraretur, atque idcirco urgeretur ab amicis, ut in illum animadverteret, non solum non annuit Rex, sed ubi accepit Nicanorem magna inopia laborare, dono ei pecuniâ misit, qua accepta, statim expetulant, & maledico, factus est Regis studiosus, & indefessus ejus gloriæ buccinator; tunc mirantibus, inquit Rex; Nonne videtis in manu nostra esse, ut quæ velimus à populo de nobis audiamus? Non est populi in Principem difficilis amor, modò adsit clementiæ umbra. Verum est enim vetus illud adagium; Vt hamo pisces, sic beneficio capiuntur homines. Noverat siquidem optimus Princeps, non paucas ex nimio rigore excitari seditiones. Quoniam quem admodum arbores ferè omnes præcisæ, plurimis ramis repullulant, & multorum satorum genera, ut densiora resurgant, præscinduntur, ita regia crudelitas augeat inimicorum numerum, tollendo præsentis, nam liberi eorum qui interfecisti sunt, & amici in locum singulorum succedunt. Discite à Fabio Maximo Duce prudentissimo, & res vestræ componentur felicius; hic in tolerandis adversis hominum moribus feliciter populo imperavit; asserebat enim, eum qui aliis imperaret, non verbis, aut verberibus sævire debere; sed tolerando, & mulcendo hominum corda in

Gen.
c. 59.

Greg. in
pastor. p.
l. c. 6.

suam sententiam adducere. Absurdum quippe & à ratione prorsus alienum, feras belluas à nobis, cibo & blanditiis reddi mansuetiores, homines verò morum asperitate, & metu, ad nostri amorem compelli. Quod divini oraculi testimonio comprobatur. Nam Dominus benedicens Noë ejusque filiis, hisce verbis usus est, Crescite, multiplicamini, replete terram, & terror vester sit super cuncta animalia terræ. Gregorius allegoricum hujus loci sensum enodans dixit: Deum non aliam ob causam hæc verba locutum, quam ut ostenderet terrorem & severitatem nobis non esse, nisi ad animalia domanda exhibendam, verum ad homines regendos, lenitatem desiderari cum majestate conjunctam. Decet quidem timeri Cæsarem, at plus diligi, quoniam ita natura comparatum est, ut homo non vinculis, sed amore trahatur, taurus funibus ligatur, catenis leo, at amore homo, liberè enim agit, proinde ejus voluntas in actibus internis nequit cogi, neque trahitur nisi amore mutuo & mutuis obsequiis. Hinc Thales unus ex septem sapientibus interrogatus, quodnam rarissimum rerum omnium foret? respondit; tyrannus senex, quia iniqua & violenta imperia, non retinentur diu. Nunquam enim & nullibi tuta crudelitas, & quò magis secura sibi videtur, eò magis præcipitio proxima est. Quis enim ignorat longo usu & experimento probatum, illos, qui rerum potentia confidentes, terræ, cæloque minantur, quasi nullius egentes, omnia contemnentes, temerè regentes, perperam judicantes, tandem & semetipsos, & Regnum in præcipitium traxisse, extremumque diem infelicitè clausisse? sic de Phaetonte scribit eleganter anonymus quidam, sed egregius Poeta,

Ausus

*Quid sit rarissimum?
Res senex tyrannus.*

Am
Ob

Tem
fed v
fidu
ciam
Viti
enses
nihil
que
nim
quid
cerra

Aug

I

Si

Ha

Prim



men
omni

Ausus in athereos juvenis conscendere currus

Ignaeque audaci sumere lora manu,

Oblitus pariterque sui, metaque paterna,

Quos mundo sparfit, ignibus ipse perit.

Temperatus timor cohibet animos, non inficior, Sen.li. 1
de clem.
sed velim habeas persuasum, ô Princeps, quod as-
fiduus, improbus, & extrema admoventes in auda-
ciam jacentes excitat, & omnia experiri suadet.
Ultima namque desperatio vomeres & ligones in
enses vertit, odia parat, ad sanguinem invitat, &
nihil crudelius timore, cum induit odium, nulla-
que sitis implacabilior, metu excitata. Quisquis e- Sen.li. 4
epistol.
nim vitam suam contempsit, tuæ Dominus est. Si-
quidem patientia sæpius læsa, fit furor, & tunc a-
cerrima virtus, quam ultima necessitas impellit.

Augusti pietas Regnum firmavit, & auxit.

Funditus evertit, improbitate Nero.

Si cupis, ô Princeps, in Regno tutus amari,

Dilige, sic namque conciliatur amor.

Hoc est presidium, hac Regni custodia tuta

Solus amor populi, non timor, atque metus.

CAPUT V.

*Principum status laboribus, ac periculis obno-
xius, proinde invigilandum.*



VANTIS laboribus, ac curis cir-
cumscripta sit Principantium vita,
adamussim expressit Dionysius ty-
rannus; is enim cum audiret quem-
dam nomine Damoclem, ad cæ-
lum usque extollere ejus opes im-
mensas, ædium regiarum magnificentiam, rerum
omnium abundantiam, acclamaretque, nullum

Macrobius
li. 1, c. 16.

Dionysio beatiorem. Tunc, ait Rex, Vis ô Damocles, fortunam experiri meam, illamque degustare? illico annuit ille, & se cupere dixit quàm maximè. mox iussit Rex collocari hominem in aureo lecto, abacosque complures ornavit argento, auroque calato, ad mensam deinde eximia forma pueros delectos iussit circumfistere, eosque ad nutum illius intuentes, diligenter ministrare: aderant unguenta, incendebantur odores, exquisitissimis epulis mensæ extruebantur. Tunc Democles præ lætitia gestiens, fortunatum se prædicabat; sed in hoc medio apparatu, fulgentem gladium è laqueari feta equina appensum demitti imperavit, ut impenderet illius beatuli cervicibus; itaque mox in alium mutatus, nec pulchros illos amplius aspiciebat, nec plenum artis argentum considerabat, non amplius manum porrigebat ad mensam, jam ipsæ defluebant coronæ, odores non fragrant, & tandem profusis lachrymis exoravit tyrannum, ut abire liceret, quod jam beatus nolleret esse, feliciorem iudicans Damoclis fortunam. Quippe quod cerneret omnia periculis plena, & in Regnis administrandis, plus fellic, quàm mellis inesse. ô egregiam historiam veritatis plenam. Ita planè sentiebat Saturninus vir ingenuus; nam hortantibus amicis, ut Imperium susciperet, ait, Nescitis, ô milites, quantum mali sit imperare; gladii cervicibus imminent, hastæ undique & spicula, ipsi quoque custodes timentur, ipsi comites formidantur; non cibis pro voluntate, non iter pro auctoritate, non bella pro iudicio, non arma pro studio. aurea planè verba Hieronis Sicilia tyranni. Potus ac somnos non aliter quam insidias caveo, timeo

Cic. li. 5
Tusculan. qu.

Brut. in
lib. 3, c.
13.

cele-

celeb
meo
neque
que a
pum i
exper
nove
fui, C
nihil
gnita
nus in
regia
ras fili
esse, q
darius
rinus
Princi
te, ali
Rex
litate
duse
licum
nium
rum
tus in
dici
Huc
enim
in qu
more
ad lat
dum
quocu
tur, h
dinis f

celebritatem omnium, timeo solitudinem, timeo incustoditos aditus, timeo ipsos custodes, neque inermes illos habere velim circa latus, neque armatis confido. Quid plura? varia Principum incommoda, & pericula vulgo incognita, experimento probat, qui imperat. Hoc optimè noverat Iulianus Cæsar, qui cum initio Imperii sui, Gallico tumultu premeretur, dicere solebat, nihil se amplius affectum esse propter Cæsaris dignitatem, nisi quod occupatus viveret. Antigonus itidem Rex Macedonum, cum de maiestate regia incidisset sermo, dixit filio heredi, an ignoras fili, regiam nostram potestatem, nihil aliud esse, quam splendidam servitutem? Et quid cordatius unquam dici poterat? Nam Princeps non minus observare cogitur populo, quam populus Principi, nisi quod Princeps id facit cum dignitate, alioqui re vera mutua servitus est. Siquidem Rex qui propriè rex est, non suam, sed populi utilitatem quærit, proinde minister & servus dicendus est, & hoc ad litteram significat illud euangelicum; Qui voluerit inter vos primus fieri, erit omnium servus. Hinc summus Pontifex servus servorum Dei se nominat. Adeo quod si ulla est servitus in politico principatu, magis propriè servus dici debet, qui præest, quam qui subiectus est. Huc aptè accedit Senecæ moralis auctoritas; is enim alloquens Neronem, sic ait; Possum ego in qualibet urbis parte incedere solus, sine timore, quamvis nullus sequatur comes, nullus ad latus gladius, tibi in tua pace armato, vivendum est, turba militum ubique te obsidet, & quocumque descendis magnus apparatus sequitur, hoc autem quid est? Nonne summæ magnitudinis servitus est? oblatum fuit olim, narrant divi-

Ælian.
lib. 2 de
var. hist.

Matt. 20.

Aug. lib.
1 de civ.
Dei, cap.
14.

Sen. li. 1
de clem.

Ila.c.3.

næ historiæ, cuidam viro insigni Regium diadema, Legationis autem verba sunt hæc : Vestimentum tibi est, Princeps esto noster ; ille verò renuit dicens: Non sum medicus, & in domo mea non est panis, neque vestimentum, nolite constituere me Principem populi. Loco illius, non sum medicus, verterunt Septuaginta, Non ero Princeps. Pagninus legit; Non ero dominus: alia littera; Non ero ligatus. & quidem optimè. Nam Princeps re vera servit, vinculo cujusdam splendida servitutis ligatus. Hinc antiquitus loco coronæ regiæ, vitam capiti Regis circumdatam apponebant; bonus enim Princeps servus est publicus nec ad ipsum summa deferitur potestas, ut delitiis diffuat, sed ut pro omnibus vigilet, considerans regiam coronam crebris curarum aculeis esse cuspidatam, & regiam purpuram quasi rosam spinoso satellitio circumvallatam. Hanc miseram Principum servitutem deridebat Plato, quandoquidem videns Dionysium multis septum custodibus, joci gratia dicebat: Quidnam mali fecisti, ut à tam multis necesse habeas custodiri? Quid mirum si tot Principes prudentia, & probitate insignes, ut tam grave servitutis jugum devitarent, vitamque beatiorem traducerent, sponte imperio se abdicaverent? non desunt monumenta ex historiis deprompta. Pericles inter Græcos multis nominibus celebrandus, cum Atheniensibus imperaret, humanorum fluctuum inconstantiam considerans, & ingentes curas, quibus premitur Imperator, Atheniensem ducatum contempsit, & quasi de quodam naufragio evasisset, ad portum solitudinis se contulit, in remota & exigua domuncula vitam quietam ducens, incujus primo limine hoc distichon inscribi jussit,

Policra-
tus li. 4.
c. 4.

Inveni

Inveni portum, spes, & fortuna valete,

Nil mihi vobiscum, ludite nunc alios.

Scite admodum quidam Aulicus cùm sero tandem sapiens ab aula tempestatibus, ad privata & proinde tranquillæ vitæ portum se recepisset, septimo post anno moriturus sepulchro inscribi voluit hoc epitaphium,

Hic jacet septuagenarius, qui septem vixit annos.

Diocletianus Romanorum Imperator mente volutans regni fastigia, nihil aliud esse, nisi pretiosa quædam pericula, aureos compedes, splendidas infelicitates, catenas adamantinas ad certam ruinam trahentes, post plurimas res præclare gestas, post multas victorias adeptas, post superbum illud Romæ ædificium peractum, quod thermas appellavit, ultroneus, & nullo cogente, imperio se abdicavit, & ad parvam villulam circa Solonam Liburniæ civitatem se contulit, ubi à mundi tumultu separatus, lætus aliquandiu vixit. Quin etiam dicere solebat, Nunquam solem tam jucundum & splendidum intuitum fuisse, quam post Imperii abdicationem, imò adjiciebat, quod Imperatori condolendum, agricolæ verò invidendum foret; sed quid pluribus immoror? Cùm aliquando Romani Legatos misissent, ut ei dentio imperii coronam afferrent, invenissentque eum in hortulo suo lactucas colligentem, nequaquam se eam accepturum, respondit; quippe quod volebat ille lactucis cum tranquillitate vesci, quas ipsemet plantaverat ac si diceret, hoc vivendi genus optandum, nempe, urbium tumultus vitare, euras curiæ aliis linquere, nemorum umbras amare, pratis virentibus gaudere, paucis servis, sed multis comitatum libris, nunc querula in ripa sedere, nunc tenero in gramine quiescere. pulchrè & appositè tragicus,

Siet

Stet quicumque volet potens

Aula culmine lubrico,

Me dulcis saturet quies,

Obscuro positus loco,

Leni perfruar otio.

Quod & Ovidius eleganter docuit,

Ovid. de
tristib.
lib. 3.

Vsibus edocto si quidquam credis amico

Vive tibi, & longe nomina magna fuge.

Hoc idem Seneca scribens Lucilio, Vaco mi Lucili, vaco, & ubicumque sum, meus sum; rebus enim non me trado, sed commodo; magnam potentiam ambit inexpers, sed odit expertus.

Senec.
de brev.
vitæ, c. 5.

Divus Augustus, cujus Imperium verè augmentum, enixè quietem sibi precabatur, vacationem à Republica instanter perebat, omnis ejus sermo ad hoc semper revolutus erat, ut sibi pararet otium, hinc labores suos etiam si falsò, dulci tamen oblectabat solatio, aliquando se victurum sibi, tanta res visa est otium, ut illam, qui usum non poterat, cogitatione præsumeret. Res sane miranda.

Ægip-
pippus
lib. 4.

Qui omnia videbat ex se uno pendentia, qui omnibus gentibus fortunam dabat, qui alios voti compotes facere poterat, illum diem lætissimum putabat, quo magnitudinem suam exueret. Expertus quippe erat egregius Imperator, quantum illa bona per omnes terras fulgentia, sudoris exprimerent, proinde otium optabat, in cujus spe, & cogitatione labores ejus residebant. Ad rem nostram perbelle facit, quod de Vespasiano spectatæ probitatis viro, produnt historiæ, is cum esset in obsidione Hierosolymitana, & increbuisse rumor, Neronem fuisse occisum, & Galbam interfectum, tunc viri primarii veteris militiæ elegerunt Vespasianum, rogantes, ut susciperet Imperium, ille verò refugiebat, indignum se existi-

mans,

mans, instabant illi, renuebat ipse, tandem ipsum
reluctantem gladiis armati circumfistunt, mortem
etiam minantes. In angustia positus, animadver-
tens vir egregius sibi ingens discrimen imminere,
si diutius resisteret, at grave periculum si recipe-
ret, cessit tandem potius imponentibus, quam ac-
cepit voluntarius. Urgebant milites, suadebant
duces, curam potius, quàm honorem induit. De
hoc præstantissimo Principe, memorandum illud, Val. lib.
7, c. 2.
refert Valerius, Quo tempore militum applausu
traditum fuit diadema, prius quàm capiti impone-
ret, diu manibus retentum consideravit, & protin-
us emissio suspirio dixit: ò nobilem magis, quàm
felicem pannum, quem si quis penitus agnosceret,
ne humi quidem jacentem dignaretur tollere.

Si scires quanti plenum est diadema pericli,

Malles Sisyphii ponderis esse reus.

Vide an sit felix imperandi genus, in ipso nomine
felicitatis syllaba fel propinat. Quocirca Otho Bruson.
li. 3. cap.
13.
Romanorum Imperator sæpe ad suos dicere sole-
bat, Nescitis amici, quid sit Romanum gubernare
Imperium, mihi credite jam experto, qui jam
mori malo, quàm imperare. Pompa quidem ad-
miranda, & magnifica majestas, sed cruciatus, qui-
bus angitur Princeps, acerbissimi. Foris tantum
lustramus, non introspicimus. Voluptates vide-
mus foris apparentes, sed non angustias intus la-
tentes, dæmonis fraude decepti, qui ostendit re-
gna mundi, sed non vepres & spinas quibus tor-
quentur Reges, & hoc in momento, ut ambientes
fallat. Apelles tam singulari arte pinxit Buce-
phalum, ut alium equum ad hinnitum concitaret;
Zeusis uvas tam simili forma figuravit, ut aves
certatim advolarent; Parrhasius linteum in tabella
tam mira artis peritia formavit, ut verum prorsus

*Volate-
ran. lib.
10.*

*Ælian.
lib. 4.*

appa-

appareret; ita honores mundi decipiunt incautos, quia videntur veri, fucati tamen sunt. Orator Græcus Isocrates distitabat de urbe Atheniensis, Pulchra quidem visu, & ad ambulandum amœna, ad habitandum verò periculis exposita. Demetrius quoque Lacedæmonum Rex non ignarus, quid sit Principis personam sustinere, sæpius dicebat; Si quis nosset, quam grave foret sceptrum manibus tractare, & quæ in regum tentoriis curæ, anxietates, & pericula versentur, vix esset in mundo aliquis, qui Regnum ambiret, Imperium acciperet, & à terra diadema sustolleret. Hinc notatur illius stultitia, qui dixit, Villam emi, & vado videre illam. Quid stolidius quam emere non visam? Si dignitatibus inhiantes, mundi villam viderent, priusquam emerēt, non illam profecto tantis periculis emerent, sed cum Demosthene dicerent; Non emo tanti pœnitere. Ad rem egregiè facit, quod de Paulo Æmilio legitur apud Plutarchum. Nobilis Romanus nuntium remiserau uxori, sed amicis divortium dissuadentibus, quærentibusque nonne casta? nonne formosa? prolato calceo, mox, inquit, Nonne ornatus? nonne pulcher? at nemo vestrum novit, ubi pedem meum urgeat. Ego quidem sentio. rident principantes, & sæpe, sed non verum risum; gaudent, sed non germanum gaudium; non hercle magis, quàm hi qui capitis damnati in carcere attinentur, & talis interdum, aut tesseris, fallere se conantur, nec fallunt; manet enim impressus imminenti supplicii terror, nec tollit se unquam ab oculis imago luridæ mortis. jactant felicitatem foris, sed intus torquentur cruciatibus. At quomodo felix qui timere non desinit? Num potentem censes, & felicem, qui satellite latus ambit, qui quos terret, ipse plus metuit?

Aul. Gel.
li. lib. 1
noct. at-
tic. c. 8.

Plut. in
vita P.
Æmil.
tom. 1.

Lipsius
lib. 2 de
const. c.
14.

Boethius
li. 3 pro-
fa. §.

tuit? P
haber
gerit
bus, &
tanto
quide
quiesc
ut ele

Qui ad
tem, h
beatos
fiduas
gentu
inven
est au
tente
mine
Vnde

Qu
Hinc
bat: l
ut nin
neant
armu
stria
minif
ris, s
Ecqu

tuit? Recte Aulus Gellius, Multis eget, qui multa habet. at quæso quæ potestas, quæ omnium curam gerit, & omnium ope indiget? quæ præest omnibus, & omnes timet? quæ quo in loco eminentiori tanto in periculo majori versatur? Recumbunt quidem in purpureo strato, non tamen placidè quiescunt, quoniam assiduus timoribus anguntur. ut eleganter Tragicus,

Aurea rumpunt tecta quietem

Vigilesque trahit purpura noctes.

Pectora pauper securo gerit,

Tenet è patula pocula fago,

Sed non trepida tenet ipsa manu.

Carpit felices, vigilesque cibos,

Sed non stricto respicit ense.

Qui ad coronam Regiam auro, & gemmis rutilantem, lumina convertit, ad pauca respiciens, facile beatos Principes pronuntiabit, porro qui curas assiduas, quibus tanguntur, qui pericula, quibus urgentur, qui onera, quibus premuntur, proculdubio inveniet miseros gigantes gemere sub aquis. Quid est autem gigantes gemere sub aquis? nisi quia potentes hujus sæculi gemunt, & tremunt sub regimine dignitatum, & sæpe sub onere succumbunt. Vnde Martialis,

Quæris onus magnum, magnum dum quæris honorem.

Hinc est, quod Isaias loquens de Principe dicebat: Factus est principatus super humerum ejus. ut nimirum intelligatur, quantum ponderis sustineant, qui præsunt. Proinde Regi fuit appositus armus ad manducandum. Comede, quia de industria servatum est tibi. Siquidem qui regnum administrat, quasi Atlas suis mundum sustinet humeris, sub quo pondere gemit, nec rarò deprimitur. Ecquid mirum, si pauci Principes bene imperant,

cum

Greg. li.
17. c. 11.
Iob. cap.
20.

Isa. c. 9.

1 Reg.
c. 9.

Corn.
Tac. lib.
1. hist.

cum bene regere, hoc est, recte agere, sit multi ponderis, & exacti laboris. Est enim magnum quoddam, in summa fortuna non abripi licentiæ ventis, & in mari illo undoso cursum rectum semper tenere. O quam multis, & quam sæpe contingit, quod olim evenit Imperatori Galbæ, qui omnium judicio dignus imperio, nisi imperasset, hoc idem de aliis multis, qui post multos exantlatos labores, adepti denique Imperium, ostendunt eo se minores. nec temerè à Pittaco dictum, Magistratus ostendit virum. Quocirca non inepte mimus ille Claudii Neronis dictitare consueverat, bonorum Principum facies in unius annuli pala facile inscribi posse, sentiens magnum quidem numerum Imperatorum esse, sed perpaucos bonos. At unde quæso, tanta bonorum raritas, & virtutis inopia, ut verum sit dicere,

Rara avis in terris, nigroque simillima cygno

Vir bonus, & sapiens, qualem vix repperit ullum

Millibus è multis hominum consultus Apollo.

D.Th. 1.
2. q. 63.
a. 1.

Vnde tanta virtutum penuria, cum virtutes sint nobis secundum inclinationem naturalem, ut optimè docet Angelicus doctor? Pro responsione plurimæ rationes solent adduci ex sacris Theologis excerptæ, quarum prima hæc est, quoniam bona sensibilia sunt magis nota nobis, & magis nos movent, & alliciunt. Altera ratio est, quoniam hæc bona sensibilia afferunt secum præmium suum, nimirum voluptatem, bona verò honesta promittunt in futurum; tertia causa est, quia voluptas carnis nobiscum crescit, nobiscum alitur, propterea difficile est, istum affectum à nobis avellere; addamus, & est quarta ratio, quoniam gerimus bellum contra hostes fortissimos, de quo bello dicit Paulus; Non est nobis colluctatio adversus carnem & san-

fanguinem, sed adversus principatus & potestates. Ac demum fortissima causa est, quia virtus consistit in medio, medium vero, & scopum attingere, paucorum est, aberrare autem à scopo, multorum. Quam rationem pulchrè insinuavit David, qui inquirens causam, undè tanta malorum colluvies, dixit, In circuitu impii ambulant, ac si diceret, cuique facillimum est, circulum, & circumferentiam attingere, medium verò, difficile est, & paucorum; at virtus consistit in medio. Hinc est, quod paucissimi viam rectam percurrunt, & multi, præcipuè potentiores ab æquitatis tramite declinant. Proinde cognita virium humanarum exiguitate, & gravissima rerum gerendarum mole, ad auxilium divinum tanquam ad tutissimum asylum confugere debet Princeps, ut virtutem benè regendi conferat, Salomonis sapientissimi Regis vestigia sequens, qui in ipso primordio Regni cognita sui parvitate, pro tanto regimine, sic oravit ad Dominum; Domine Deus tu regna-
 re fecisti servum tuum pro David patre meo, ^{3 Regi}
 ego autem sum puer parvulus ignorans egressum, ^{c. 3.}
 & introitum meum, & servus tuus in medio est populi, quem elegisti, populi infiniti, qui numerari non potest, dabis igitur cor docile servo tuo, ut populum tuum judicare possit, & discernere inter bonum & malum. De Adriano Pontifice optimo, referunt sacri annales, quod assiduis precibus & lachrymis exorabat Dominum, ut dexteram apponeret, quo tam grave onus, tamque infelicem felicitatem ferre posset; is enim nihil sibi infelicius in vita duxit, quam quod imperaret. Urbanus Septimus quoties lineam vestem superinduebat, ad purpuratos Principes conversus, hæc aurea verba depromebat, En tunica levis,

Niceph.
lib. II. c.
37.

Pet. Ble-
senfis
epist.
103.

tanti tamen ponderis. Gregorius Magnus cathedram Pontificiam appellabat spinosam, supremumque illud fastigium, acutissimis usquequaque confertum aculeis. Hinc est, quod tot heroes præclarissimi, sponte dignitates oblatas recusarunt. Cælestinus ad supremam apud mortales dignitatem assumptus, nonne sponte lætior deposuit, quam quilibet alius suscepisset? Divus Ambrosius quem lapidem non movit, ut Episcopatum Mediolanensem refugeret? Superiorem locum in domo Dei non ambiebat Augustinus. Quas latebras non quæsit Gregorius, ut summi Pontificatus apicem declinaret? Quid? nonne legitur apud ecclesiasticæ historiæ Scriptores, quod cum beatus Amonius ad regimen populi traheretur invitus, aurem sinistram radicitus ferè sibi secuit, dicens; Lex divina præcisa aure permittit fieri sacerdotem. Reversi sunt itaque populi ad Timotheum tunc temporis Patriarcham, qui Amonium non solum si auribus mutilatus, verum etiam si naribus truncatus esset, propter sanctitatem ipsius censuit promovendum. Revertentibus autem illis, & iterum trahentibus virum Dei, atque cogentibus; Linguam, inquit, meam, propter quam vobis placeo, si me ulterius cogitis, propriis dentibus amputabo; & sic tandem sibi relictus est. Nec silentio involvendum, quod narrat Petrus Bleseus de Galfrido viro doctrina, & sanctitate insigni; hic electus in Episcopum Tornacensem electioni nullatenus acquievit, qui postea defunctus, & apparens cuidam fratri inquirenti, quomodo ei esset? respondit; Revelavit mihi Trinitas sancta, quod si suscepissem Episcopatum, fuissem de numero reproborum. Sed quid pluribus immoror? Carolus Austriacus nostra

etate,

etate, cum rerum in Imperio præclare gestarum gloria penè omnes mortales superasset, seipso major tunc extitit, cum amplissimis Regnis, & Imperio se abdicavit, & non sine lachrymis, dixit: Miseret me, Proceres, filii carissimi Philippi, cujus humeris tam grave onus imponitur, quod dum gesturus est, vita ei in summis laboribus, & molestiis est transigenda. Non latebat hos viros sanctitate præclaros, quam magna secum trahat pericula, sublimis loci dignitas, quam sanè frustra premit invidia, cum potius miseratio debeat.

Quorsum totius mundi Monarcha in cruce pendens inclinavit caput? Et inclinato capite emisit spiritum. Divus Athanasius ita exponit, Cum mors, inquit, sit effectus peccati, & Salvator omnis peccati esset expers, non audebat mors illum invadere, ipse tamen quia mori cupiebat, nutu capitis, illam accersivit, ut veniret, verba Athanasii sunt hæc: Impletis omnibus quæ pati debuerat, sola mors adhuc restabat, atque hæc quidem sibi metuens, appropinquare non audebat, idè Christus inclinato capite, eam vocavit, nam antequam caput inclinasset, propius accedere verebatur. Augustinus rationem adducens, ait, Christum Dominum inclinasse caput, ad osculum nobis præbendum. Verba Augustini ex ardenti divini amoris pharetra deprompta sunt hæc, Inspicite vulnera pendentis, sanguinem morientis, pretium redimentis, caput habet inclinatum ad osculandum, cor apertum ad diligendum, brachia extensa ad amplexandum, totum corpus expositum ad redimendum. Chrysostomus docet; Christum inclinato capite tradidisse spiritum, ut non necessitate, sed voluntate, se mori ostenderet, quantum voluit, vixit, quando voluit, tradidit

Ioan. c.
19. D.
Athanas. li.
4 ad Antioch.

August.
lib. de
Virgine.

Chry.
sof.
hom.
104.

spiritum. Alii morientes primò emittunt spiritum, deinde caput inclinant, in Christo autem contra accidit, quoniam prius caput inclinavit, postea spiritum emisit, cum igitur liberè caput inclinaverit, utique inclinavit quando voluit, unde mortuus est, non quando inimici voluerunt, sed quando ipse voluit; proindè sapienter ait Matthæus; emisit spiritum; non amisit: quod enim emittitur, voluntarium est, quod amittitur, necessarium. Alię quamplures sunt Patrum explicationes, sed brevitati studens, unam tantum Danielis Mallonii adhibebo, utpotè præsentī instituto magis appositam. Supra caput, ait, titulum habebat Christus, quo Rex dicebatur, ut igitur ostenderet, se Regnum temporale non ambire, caput avertit, & inclinavit, ut nos doceret, regios honores fugiendos, tanquam scopulos periculis plenos, & plurimo felle refertos. Proindè sapienter ille, qui coronam Imperialem super fimeto pinxit, adjuncta hac nota. Tollat te, qui te non novit; qui enim maturè perpendit, illam spinis undique circumdatam reperiet. Quod divinarum litterarum testimonio facile comprobatur. In libro Iudicum legimus, quod cum arbores omnes ad Regem eligendum convenissent, neque vitis, neque oliva, neque ficus dignitatem regiam acceptare voluerunt, quod nativam quandam dulcedinem haberent, sola ramnus spinis onerata, oblatum honorem suscepit, dicens: Venite, & sub umbra mea requiescite. Quid hinc? ut dicant Principes, dignitates Regias tribulis & spinis sociari. Cum Deus Moysen decrevisset Ducem populi sui constituere, in medio ignis, & rubi apparuit. Quorsum hoc? ad insinuandum dignitates omnes spinis, & igne circumdari. Populus Hebræus Christum Regem constituere optabant,

Mallon.
20.

Coarui-
as in
emblem.

Iudic. c.
9.

Exod. c.
3.

opta
subd
sedu
hoc
tati
stia
terf
legi
& c
Ves
ut p
tiis
rem
nè p
ordi
cupa
quan
tion
Ma
nar
xan
du
ced
&
mo
dig
que
dic
diti
xan
sità
pen
orac
titis
latie

optabant , at ipse secedens in montem , se eis subduxit , cum verò spinis coronaretur , latus sedit , & Regem se appellari permisit . Quid hoc ? ut innueret , Coronam spineam dignitati regali debere conjungi . Rex Saul in angustia positus , dixit armigero ; Sta super me , interfice me , quia tenent me angustæ . Hebræus legit ; quia tenent me coronæ ; quasi angustia , & corona sint idem . Hoc apprime intelligebat Vespasianus Imperator , qui rogatus à medicis , ut pro salute recuperanda tantillum ab audientibus abstineret ; An nescitis , inquit , Imperatorem stantem mori oportere ? De Tiberio , nonnè produnt historiæ , Oratorem quendam in exordio sermonis proclamantem , inter sacras occupationes tuas ; mox correxisse his verbis , O quam aptius diceres : inter laboriosas occupationes . Alexander Severus arguit Alexandrum Magnum dicentem , se velle post adeptam monarchiam in pace vitam transigere . Falleris Alexander , quia in Regno non est quies , sed assiduus & improbus labor . Philippus Rex Macedo , rogatus à vetula quadam , ut illam audiret , & dixisset , tunc temporis non habere otium , mox intulit mulier ; Noli ergo regnare . En regia dignitas curtis plena , quietis vacua , spinis undique circumsepta . Hinc Alphonsus Aragoniæ Rex dicebat : Principem esse jumentis , deterioris conditionis ; nam ista dum capiunt cibum , non vexantur , at nos etiam inter pocula . Cui rei appositè facit adagium illud , Nec ad aures quidem scalpendas otium est . Huc spectat Salvatoris nostri oraculum , Nescitis quid petatis . Peritis & appetitis præfecturam , & vocatis sedem ? quasi in prælatione requies ? Quis enim tam mentis inops ,

qui cum ex longo itinere fuerit defatigatus, ad requiem captandam gravissimum onus humeris suis superimponat? non minori stultitia notandus, qui cum vitæ hujus laboribus gravatus fuerit, onus prælationis supra dorsum suum imponit, existimans in ipso onere tranquillam mentis quietem sitam esse. Stultus planè nauta, qui relicto portu, in altum vela facit, tranquillitatem quærens; tutò quippè calcantur plana, pericula in edito sunt; nulla præcipitia in vallibus timenda; in excelsò sunt.

*In brevibus nunquam sese probat Æolus undis,
Nec capit angustus Fœrea certamina collis.*

Quapropter dicebat Phocion Atheniensis, multò satius esse, humi cubantem, quieto animo esse, quàm perturbatum, in purpureo lecto; sicut enim arbores in montis cacumine positæ, procellis ac ventorum flatibus sunt subjectæ, ita homines in dignitatum fastigio constituti, curarum ventis concutiantur. Nonnè legistis Horatianum illud?

*Sapius ventis agitur ingens
Pinus, & celsa graviore lapsu
Decidunt turres, feriuntque summos
Fulmina montes.*

- 4 Reg. 2. Huc appositè facit, quod olim Eliseo dictum fuit; Optima habitatio, sed terra sterilis, & aquæ pessimæ. Foris purpura, sceptrum, thronus, en optima habitatio, sed aquæ pessimæ & terra sterilis, quia omnia periculis plena, & ubique luctus, & mortis imago. Hoc fortasse volebat innuere dux ille egregius, qui pro stemmate gerebat Pharetram sagittis vacuam; cum inscriptione, Hærent sub corde sagittæ. hoc est, intus dolor, intus angor, intus spinæ & timores. Proindè apud Romanos hoc erat in more positum, ut triumphum
- agentes

Sambu-
cus in
emblem.

agentes, tintinnabula, & verbera ante pompam triumphi gestarent; insinuare volentes eam felicitatem non esse doloris expertem. Quocirca verum scopum videntur attigisse, qui diadema regium spinosum vocitarunt; spina enim cuspidem habet, aded exiguum, ut visu foris vix percipi queat, at intus vehementer pungit. In culmine dignitatis aliquis foris emicat radius honoris, non inficior, at tantis tamen adversantium molibus obruitur, ut tam modica mella, tanto felle emi non debeant. Radius aliquis splendet gloriæ, sed tantis illa venenis intingitur, ut nemo prudens tanto natantia toxico fercula amaverit. Imperare magnum & dulce videtur, sed tanto absinthio miscentur hæc dulcia, ut caruisse dulcius sit. magnitudinis comes veneratio, sed tantis invidentium jaculis undequaque pungitur, ut infania quoddam genus sit, Imperium amare. Quod probè intelligebat Bias Prienensis, nam appellatus à Cræso Rege irriforiè, & minaciter; respondit: I, ô Cræse, capas ede. ac si diceret: ô miser, quid intumescis? nescis te hoc ipso, quod Rex es, ob infinitas Regnorum infelicitates, ab omnibus atque in primis à te ipso complorandum? Capas qui edunt, lachrymantur, qui regunt, si benè sapiunt, lachrymas eliciunt. Vndè non ab re exclamabat Gregorius Nazianzenus vitam principantium considerans, tot laboribus & curis obnoxiam; Re vera mihi videtur ars artium, & disciplina disciplinarum regere hominem, qui inter omnes animantes, & moribus varius, & voluntate diversus, & quod periculosius est, insensus semper eis, qui sibi præsunt, qui die noctuque insidias meditatur, fraudes molitur, novisque rebus studet. Leo in leonem non sævit, nec pardus in pardum.

Philo li.
de Prob.
liberta-
te.

Franc.
Sen. de
Regno.
& re-
pub. li. I.

fed quælibet animalia in suo genere congregantur, ipsæque dimicant communibus viribus contra dissimilia; homini verò insidiæ semper, & ab homine plurima mala, aded ut solus ex omnibus animalibus in suo genere tutus esse non possit. Verum sanè est illud Aristotelis oraculum, ut optimum animalium est homo, cum ratione regitur, ita deterrimum, cum rationi non obsequitur. Tunc enim rabies hominis omnium ferarum excedit fævitiam. Nam feræ beneficiis aliquando mansuescunt, at homines, sunt leopardis crudeliores, quibus cum benefeceris, peiores fiunt. Quod ex oraculis divinis non erit difficile comprobare. Daniel Propheta cum ad satraparum petitionem, in lacum leonum conjectus esset, Darius Rex credens mitiores esse leones, quàm suos, ingenti saxo locum manivit, regioque sigillo obsignavit. Sed quid agis ô Rex? virum sanctum leonibus objicis, & ab hominibus caves? Nunquid homo crudelior leone? ita planè. Proinde prudenter egit, sciebat namque Rex nullum animal homine crudelius, qui nec agnatis parcat, modo appetitui satisfaciat, & optatum finem consequatur; homo homini lupus, dixit quispiam, sed multò aptius dixisset; homo homini homo. Huc spectat appositè, insignis locus ille Danielis, ubi volens Deus ostendere Regi Chaldæo supplicii signum, quo eum affecturus erat, manum hominis scriptionis immisit. Scripsit autem mortis suæ sententiam, & Regni ad Persas translationem sub ænigmate, Manè, Thecel, Phares. Quid? ad insinuandam mortis sententiam manus hominis ostenditur lenis, & levis? nonnè magis opportunum, manum leonis, aut ursi porrigere, ut sub his ferarum manibus majorem incuteret timorem? manum hominis ostendit quoniam non est manus super

Arist. lib.
1 pol. c.
22

Dan. c. 6.

Dan. c. 5.

13 homo homo

super manum hominis irati, nec ulla rabies ira formidanda, sicut hominis ad savitiam propensi. mirabile dictu. Vir bellator egregius, qui non in præliorum æstu, non inter pugnae clangores, non in urforum, aprorumque venatione pallue- rat, ad solum manus humanæ conspectum expavescens, & exanguis in terram concidit. Hoc apprimè intelligebat Serenissimus David. Pro- 2 Reg, 24. inde, cum Deus trium plagarum optionem illi dedisset, pestem, nimirum, famem, & bellum; pestem potius elegit, dicens, Coarctor nimis, sed melius est mihi, quod incidam in manus Domini, quoniam multæ sunt misericordiæ ejus. Sciebat quidem Rex, satius esse in Dei, quàm in hominum manus incidere. Hinc fit, ut magna res sit, & periculosa, hominibus imperare, cum homo sit in custodem & rectorem suum ingratissimus. Vetus est enim adagium, Lupum auri- bus tenet, qui imperium agit. Propterea mille præconiis ad cælum extollendus, qui cum aliis imperat, meminerit se Principem esse, & idè invidiæ, calumniisque multorum obnoxium, in quem cives omnes ora obvertunt, linguasque in Principes sic vibrant, ut trilingues serpentes esse videantur, & in ipsos omnia invidiæ spicula di- rigunt, tanquam sagittarii in scopum intenden- tes. Iure quidem Princeps potest exclamare, Pos- itus sum, quasi signum ad sagittam. In maximis enim rebus administrandis, difficillimum factu omninò est, omnibus placere posse. nec Iuppi- ter quidem omnibus placet, ait adagium. Siqui- dem cum tot sint sententiæ, quot sunt capita, quid est difficilius, quàm multis placere? cum vix duos invenias, quibus idem placeat. Fieri non po- test, publica agentem omnibus placere.

Perfius
satyra 5.

*Mille hominum species, & rerum discolor usus,
Velle suum cuique est, nec voto vivitur uno.*

Apoc. c.
19.

Princeps itaque qui aliis imperat, sibi metuat, multos timeat, ab omnibus caveat, neminem negligat, sibi que persuadeat, non ad commoda, & delicias, sed ad labores, & pericula ad summa fastigia elevatum esse. Hinc Ioannes de supremo Rege loquens, divinis monimentis tradit, nomen ejus regium scriptum in femore, Rex regum, & Dominus dominantium. Sed cur in femore titulum regium habebat inscriptum? Nonne aptius esset in fronte, vel in pectore? jure quidem in femore, unde gladius pendet, ut ostendatur, quod quando Rex ad Regni apicem conscendit, tunc ad praelia se accingit; imò tot periculis anguntur imperantes, tanta curarum mole opprimuntur, ut nonnulli talem vitam sibi acerbam & odiosam putaverint. Iulii Cæsaris testimonium proferam; is enim amicis obsecrantibus, ut in quodam imminenti periculo satellitum præsidio, corpus suum tueretur, & ultrò ad eam rem operam suam pollicentibus, id omninò recusavit, affirmans, multò satius esse semel mori, quàm jugi timore, assidueque animi anxietate torqueri.

Regia quàm dira lacerent diademata cura,

Appenso gladio barbarus ille docet.

Elogiis multis meritò tollendus ad astra

Qui pro lætucis, aurea secta dedit.

CAPVT VI.

Vigilantia Principis populorum salus.

VORSVM apud Ægyptios pro symbolo vigilantiae leo animalium imperator ? quia populis invigilare, præcipuum Regis munus. Leo enim Græcè, Rex Latine dicitur. & jure quidem. Nam leo quieti non multum vacat, & si aliquando dormit, oculis tamen apertis. Proinde in templorum foribus solent frequenter insculpi. ut pulchrè & eleganter describit Alciatus in suis Emblematibus,

Arist.lib.
de som-
no &
vig.

*Est leo, sed custos, oculis quia dormit apertis,
Templorum idcirco ponitur ante fores.*

Ira quoque Princeps pro summa rei ritè administranda semper invigilare debet. Quod præclaro divinæ Scripturæ testimonio perspicuè declaratur; Vitam enim Principis diem appellare consuevit, nulla noctis habita mentione. ita præscribitur in regum annalibus, Nonnè hæc scripta sunt in libro sermonum dierum regum Iuda? Deum immortalem, quid hoc? Nonnè & Principibus noctes concedendæ? an ipsis solis interdicitur, post laboriosas occupationes optata quiete frui? Cur ergo dierum & non noctium mentionem facit? Divina Scriptura nomine dierum comprehendit & noctem & diem simul; duplex namque est acceptio diei, ut egregiè scribit Florianus Nannius ex Canonico Regulari ad Episcopatum assumptus. una est, secundum quam dicimus diem naturalem, qui habet viginti quatuor

Florianus
Nannius Bo-
non. cat.
arg. in
Gen.

tuor horas, sic sumitur illud Gen. 1, Factum est vespere & mane dies unus; altera est secundum quam, dicimus diem artificialem, tempus nimirum, quo sol nostrum hemisphaerium illuminat, & hoc modo sumitur, quando dicitur; Tenebras appellavit noctem, & lucem diem. Ego autem dicerem, si licet proferre quod sentio, nullam noctis mentionem factam fuisse in annalibus Regum, ut detur intelligi, quod Regis vita non quieti, aut somno, sed vigilantia & labori debet esse mancipata. pulchrè Poëta,

Excubias grus sola gerit, pars cetera dormit

Tuta, nec infido sperat ab hoste dolos.

Grus notat hac Regem vigilantem pro grege, qui si

Dormiat, incautum vastat ovile lupus.

Hinc doctus Homerus eleganter cecinit.

Non decet integram noctem dormire regentem

Imperio populos, & agentem pectore curas.

Vigilantiam in Principe maximè necessariam, præclaro exemplo docuit Alexander Magnus. Hic enim cum ad quiescendum se componeret, nè à somno deciperetur, extento brachio extra cubile dormiebat manu tenens globum quandam argenteum supposita aenea pelvi, eo consilio, ut cum nervorum rigorem sopor laxasset, lapsa pilæ tinnitus somnum abrumperet, & ejus sonitu excitaretur. Sciebat namque vir egregius, Principi proprium, & præcipuum munus, invigilare. Quippè quod in corpore politico cordis gerat vices. Vnde populus optimo jure illud, sibi posset accommodare; Ego dormio, & cor meum vigilat. Iuliani Imperatoris cognomento Apostata mira laudatur vigilantia; scribit enim Amianus, quod noctes dividebat ad officia tripartita, quietis, publicæ rei, & Musarum. Idem fecit Alexander, sed multò hic fortius. ille namque

Amian.
Marcell.
lib. 16.
Cant. c.
§.

namq
ctunq
lapi
ties v
bat. l
dus,
motu
mod
& pe
cor p
te, fo
mniu
otium
omni
omni
ova ad
ovis h
effici
cum,
band
li ad
tur r
Rex
nam
lus d
rari,
pum
sarius
vineæ
neæ p
somm
storè
Apost
Petri
fieret.

namque ænea concha supposita, brachio extra lectum portento, pilam tenebat argenteam, cuius lapsu evigilabat, hic verò absque instrumento, quoties voluit, evigilavit, & nocte dimidiata exurgebat. Noverat enim vir iste, hoc solo titulo laudandus, quod sicuti corpori somno torpenti, assiduo motu cor assistit, ita Princeps, ut communi commodo consulat, non modò diurnas, sed nocturnas & perpetuas excubias agere debet: En Princeps cor populi, quo dormiente, vigilar, quo quiescente, sollicitat, quo otiant, laborat; adeò quod omnium domos illius vigilantia defendit; omnium otium illius labor, omnium delitias illius industria, omnium vacationem illius occupatio, & denique omnium actiones illius aspectus, quasi struthio, qui ova aspiciendo fovet, suoque intuitu, foetum ab ovis haurit, quæ si intueri desinat, inania prorsus efficiuntur, & vacua; cui appositè illud academicum, Ex visu salus. Nam sicuti struthio non incubando, sed intuendo animat ova, ita Principis oculi ad virtutes populum instruunt. hinc illius laudatur responsum multo sale aspersum. Cum enim Rex interrogasset alendis equis præfectum, quodnam redderet equum pinguem, & celeriter? Oculus domini, respondit, sentiens equum optimè curari, si dominus frequenter adsit. ita planè Principum aspectus, subditis nè pereant, perquam necessarius. Huc spectant verba illa; Mane surgamus ad vineas, videamus si vinea nostra floruit; quia qui vinea præpositus est, summo manè debet surgere, somno non indulgens, sapius mente revolvens, pastorem esse gregi, quod anima corpori. Hinc in Actis Apostolorum habemus, plurimos infirmos umbra Petri sanatos. Quorsum hoc? ut inde manifestum fieret, quantum, vel sola pastoris umbra, Ecclesiæ adferat

Sen. lib.
de con-
fil. c. 26.

Cant. 7.

A& A.
post. c. 5.

- adferat emolumenti. Cur Salvator noster permisit ipso in navi dormiente, tempestatem insurgere, ita ut navis operiretur fluctibus, ipso autem experrecto mox sedari? ut discant pastores, ipsis letargo oppressis, tempestates in Ecclesia exoriri, easdem tamen sopiri, cum vigilias agunt super gregem. Quid est quod Ioannes scribit, se vidisse Angelum in medio candelaborum aureorum? ut doceret pastores in medio Ecclesiarum semper hærere; ut Concilii Tridentini Patres apertissimo canone decrevere; sciebant enim ex pastoris absentia plurima damna evenire gregi. Luna inter planetas minima quidem, sed quia non procul distat, magis influit. Præsules quamvis minus docti, sapius tamen visitantes gregem, ovibus suis utiliores sunt, quam eruditi doctores in aulis versantes, procul ab ovibus errantes. Quare in sacris litteris Præsules appellantur nomine salis? Sal non condit nisi præfens, & ex prælati præsentia multa commoda eveniunt Ecclesiæ, ex absentia plurima emergunt mala. Et quæ mala non acciderunt, dum Moyses ab universa populi multitudine fuit separatus? statim filii Israël vitulos aureos conficere, eisdem victimas immolare, & proni omnes adorare cœperunt, quamvis etiam Aaronem virum summa integritate ornatum præsentem haberent, nullo sermone explicari potest quot damna in pastorum absentia contingere soleant, etiam vigilantissimis vicepastoribus constitutis. Damasus Romanus Pontifex, de pastoribus sermonem habens, qui substitutis vicegerentibus ab ecclesiis suis absunt, scitè admodum scripsit, Isti videntur mihi similes matronis, quæ statim ut pariunt, infantes suos nutricibus exponunt educandos, ut suam ci-
- tius
- Matth. c. 3.
- Apoc. c. 1.
- Conc. Trid. de reform. sess. 6. c. 1.
- Matth. c. 5.

tius v
quor
reun
fiæ d
innu
cuit
gent
repo
hinc
in m
nere
re. C
lent d
signe
ventu
veste
tu for
precl
libro
proxi
cis su
dedin
runt
sapie
laure
reun
stand
fide f
Hanc
rum c
tur, q
est, ux
spons
esse, f
Apost

tius valeant explere libidinem. at istorum culpa, quot mala emergunt, animæ negliguntur, oves pereunt, morbi crescunt, schismata prodeunt, ecclesiæ destruuntur, sacerdotes vitiantur, & tandem innumera mala proveniunt. Non ita, non ita, docuit cælestis pastor, nam ipse ovem perditam diligenter quæsit, ipse invenit, ipse propriis humeris reportavit, nosque id ipsum facere perdocuit. hinc est, quod præfecturam administrantes, solent in manibus annulos gestare, ut innuant, se in munere obeundo tanquam sponso fideles esse debere. Ob quatuor præcipuè causas annuli aurei solent deferri; primo ad decorem, & nobilitatis insigne; sic Divus Iacobus ait: Si introierit in conventum vestrum vir aureum anulum habens in veste candida, introierit autem & pauper in habitu sordido, intenditis in eum, qui indutus est veste præclara. secundo ob regiam magnificentiam, sic in libro Machabæorum Antiochus Rex cum morti proximus esset, vocavit Philippum unum de amicis suis, præposuit illum super universum regnum, dedit ei diadema, stolam suam, & anulum. Deferruntur insuper annuli ad contestandam insignem sapientiam, proinde inolevit usus, ut doctoratus laurea insigniti, anulum in digitis deferant aureum. demum deferuntur ad fidelitatem protestandam, sic deferri solent à sponso, pro mutua fide servanda: appposito titulo, Hos junxit amor. Hancque ob causam traduntur Episcopis in eorum consecratione, quando Ecclesiis desponsantur, quasi dicat Romana sedes, Sicut sponsi munus est, uxorem non dimittere, ita Prælati animarum sponsus nunquam abesse debet, sed fideliter adesse, præesse, & prodesse. Idcirco Divus Petrus Apostolorum Princeps hortans pastores ad vigilantiam,

*de annuli
aurei p[er]v[er]it*
Iac. c. 2.

lantiam, dicebat: Facti forma gregis, pascite qui in vobis est gregem Dei. quid hinc? ut doceret, quod sicut materia sine forma nequit consistere, ita nec grex absque ductore. imò Doctor Angelicus unà cum pluribus, hisq; probatissimis viris, arbitratur Deum non posse facere etiam de potentia absoluta, quod materia sit sine omni forma. ratio est, quoniam nihil implicans contradictionem subest divinæ potentiæ, at materiam esse sine omni forma actualiter in rerum natura, implicat contradictionem. Nam omne quod est actu, vel est ipse actus, vel est potentia participans actum, esse actum repugnat rationi materiæ, quæ secundum propriam rationem, est ens in potentia, participare actum repugnat materiæ sine forma, quoniam actus participatus à materia, nihil aliud est quàm forma.

D. Tho.
quodlib.
3. 2. 1.

Flor.
Nan. in
sua cat.
arg.

Scio tamen Doctorem subtilem opinari, Deum posse facere materiam sine omni forma, hac autem ratione nititur, si mediante forma Deus conservat materiam in esse, quare non poterit conservare sine illa? Stante Philosophorum placito, quidquid potest Deus mediante causa secunda, potest & immediatè, sine illa. Magis tamen placet opinio D. Thomæ, utpotè veritati, & præsentī instituto magis consona; illa autem propositio, quam pro se adducit Subtilis, non est vera, nisi in genere causæ efficientis, fallit vero in genere causæ materialis & formalis; non enim potest facere albū, sine albedine, nec animal sine corpore, & ratio in promptu est, quoniam materia & forma sunt intrinseca rebus, idè ab ipsis excludi non possunt; at agens semper est extrinsecum, propter quod virtute divina à causalitate rei, absq; contradictione excludi potest. Cum itaque juxta opinionem Divi Thomæ communiter receptam, materia non subsistat sine forma,

forma
dicam
præ
vobis
posui
plere
lium,
curæ
minus
modu
suis co
præsen
pastor
pastor
quis igit
ita sine
objicia
fuerim
niam
epistol
fuger
scopu
tunc
confu
quos
persec
nium
ves re
nis cau
in Mer
clitatio
tia past
gis. P
futura
videt. S

forma, & prælatus sit forma gregis, necesse est, ut dicamus, gregem non posse subsistere sine pastoris præsentia. Proinde dicebat Apostolus; Attendite vobis & universo gregi, in quo Spiritus sanctus posuit vos regere Ecclesiam Dei. Hoc autem implere nequaquam possunt, inquit sacrum Concilium, si greges sibi commissos deserant, & eorum curæ non incumbant. Hinc per os Salomonis Dominus dixit: Agnosce vultum pecoristui. at quomodo cognoscat pastor gregem suum, nisi oculis suis cernat? suis autem oculis cernere nequit, nisi præsens sit. Et ideo Divus Athanasius comparat pastorem animæ, gregem corpori: Sciant, inquit, pastorem esse gregi, quod anima corpori, at quis ignorat corpus dissolvi sine anima comite? ita sine pastoris præsentia dissipabitur ovis. Nec objicias Salvatoris oraculum; Si vos persecuti fuerint in una civitate, fugite in aliam. Quoniam egregiè nodum solvit Augustinus in suis epistolis, dicens: Fas est aliquando Episcopis fugere, & deserere gregem, quando ipse Episcopus personaliter à persecutoribus quaritur, tunc enim non fugit mercenarii more, sed sibi consulens, fugit, commissa aliis Ecclesia, in quos persecutoris rabies non fremit. Porro in persecutione non personali simpliciter, sed omnium ovium communiter, non debent lupis oves relinquere pastores, ne periclitentur, religionis causa, & totum ruat ovile. Pulchrè Aristoteles in Metaphysicis, absentia naucleri causa est periculationis navis. sic in re nostra dicendum, Absentia pastoris causa est, sine qua non, perditionis gregis. Prudens enim nauclerus, ad clavum sedens futuras tempestates prævidet, & ne obruant, providet. Sic Ulysses, atque Argus, Regum symbola

Gen. c.
31.

priscis fuere, quorum ille multiscius ab Homero appellatur, hic verò multioculus figuratur. Cur Deus pastores in duces populorum antiquitus præciebat? Moyſes enim tunc dux populi cooptatus, quando pascebat gregem in deserto. Iacob non prius ad summi regiminis apicem e-
vectus fuit, quàm in munere pastoralis jamdiu insudaverit, ipſo attestante, Die noctuque, æstu urgebar & gelu, fugiebatque somnus ab oculis meis. David tunc in Regem constitutus, cum patris sui gregem custodiebat. Sed quid? nonne Plato ille divinus more Homericò loquens; Regem in optima politia dominantem, vocabat humani generis pastorem? cur autem pastorum nomen, ad magnos reges translatum? ut omnibus esset exploratum, tales erga populos debere esse Reges, quales pastores erga greges. Pastor gregem pascit, nec ab illo discedit, Rex populum sublevare debet, & præsens adesse. Cura pastoralis die noctuque in custodiendis gregibus intenta, & vita Principis ad vigilandum, non ad quiescendum instituta. Quod optimè noverat
Macrob. lib. 2 Saturn. c. 4. Augustus, proinde equite Romano defuncto, cum res illius auctioni subjicerentur, ut ex pecunia creditoribus satisfieret, compertum enim fuit, tantum habuisse æris alieni, ut summam ducenties nummum excederet, tunc Augustus jussit emi culcitram illius cubicularem, & cunctis mirantibus, hanc rationem reddidit, habenda est ad somnum conciliandum culcitra illa, in qua ille tanto ære alieno obstrictus, somnum capere potuit. Nam Augustus ob ingentes curas, maximam noctis partem sæpe ducebat insomnem. Cur Homerus Agamemnonem, cum cæteri dormiant, constituit vigilantem? sic enim canebat.

At reliqui Danaum proceres noctem usque per omnem

Dormibant, placido correpti membra sopore :

At non Atridem pastorem Agamemnona plebis

Somnus habet dulcis, versantem pectore multa.

Quia Principatus tunc bonis omnibus abundat, cum inops est otii. Cæsaris accedit authoritas, cui nulla hora fuit labore, & studio vacua, quique, ad eam tenax fuit temporis, ut duobus pluribusve scribis, epistolas alienissimi argumenti eodem tempore frequenter dictaret. Nec minus fuit vigilantia studiosus Pericles clarissimus Athenarum Princeps. Is enim quoties vestem prætextatam magistratui propriam induebat, eam aspiciens, his verbis seipsum alloquebatur, Attende tibi Pericles, liberis imperas, Græcis imperas, Atheniensibus imperas. Liberi sunt, proinde non mancipiorum more regendi sunt. Græci sunt, turbulenti, seditiosi, reluctantes. Athenienses sunt, omnium mortalium ingratisissimi. Quapropter tibi prospice, ne capiti tuo periculum accedat. Noverat quippe vir egregius, respublicas summa vigilantia tractandas, & ideo ad eas minime accedendum, quasi otii fallendi gratia, ac si legisset Platonem, cuius aurea verba sunt hæc : Principes, qui noctu vigilant in civitatibus, malis civibus sunt formidabiles pariter & hostibus. Huc spectat opportunè, quod Ricardus Brixius memoriæ prodidit. Fabius Cunctator, inter Romanos Duces maximus, ut ostenderet, quas virtutum dotes in bono, ac strenuo duce requireret, in annulo suo gemmam gestavit, cui hæc præcipue insculpta erant: Caput equi, facies hominis barbati, caput galli, & pedes gruis. Hæc simul annexa, Chimæram quandam constituere videntur, at si bene discutiatur, ex istis simul collectis, plurimarum virtutum confurgit

Plutarc.
in poli-
tica.

Plato li.
7 de le-
gib.

hieroglyphicum, Imperatori mirificè conveniens. Caput equinum, strenuitatem innuit; vultus barbatus, prudentiam designat; caput galli, & pedes gruis, vigilantiam insinuant in populis regendis adhibendam. Cui sententiæ subscribit divinus Plauto, Marsilio Ficino interprete, his verbis, Somnus multus, nec corporibus, nec animis, neque rebus gerendis conducit, nemo quidem dum dormit, alicujus pretii est, non magis, quàm si non viveret, quare quicumque vivere, & sapere cupit maximè, longo tempore vigilet, sola sanitatis commoditate servata. Ad hanc verò, non multò opus est somno, si bene assueveris. Cōsentit & Ovidius hoc carmine.

Infelix tota quicumque quiescere nocte

Sustinet, & somnos premia magna vocat.

Stulte quid est somnus, gelida nisi mortis imago?

Longa quiescendi tempora, fata dabunt.

Plutarchus in libello adversus ducem imperitum, narrat, quoddam non indignum memoratu, huic rei valde accommodatum; nimirum Regi Persarum hunc fuisse morem, ut semper unum quempiam haberet cubicularium, cui hoc munus erat demandatum, ut mane regium thalamum ingressus, his verbis illum excitaret, Surge Rex, somnum ab oculis excute, negotia populi cura. Perinde ac, si dixisset, maximè Principibus convenit vigilantia, utpotè, qui tantam negotiorum molem sustinent humeris. Vnde Virgilius Æneam ducem aliis dormientibus vigilantem facit, & fingit cogitabundum,

At pius Æneas per noctem plurima volvens.

Qui præest, debet assiduè orare, cum Eliseo, Oro, ut fiat in me duplex spiritus tuus, duplici namque spiritu indiget, qui sibi, & aliis invigilare debet. De Epaminonda Thebanorum duce, nonne produnt

dunt historia, facinus infigne huic rei valde appositum? Cum Thebani cives festis quibusdam diebus, licentius voluptatibus fruerentur, ille solus vigil, ac sobrius arma lustrabat, & urbis obambulabat mania. rogatus cur id faceret? respondit, Se vigilare, quò reliquis liceret dormire. Rem planè notatu dignam, observat magnus Theologus Robertus Olchor, nimirum, cur Christus in tristi passionis nocte, cum Petrum in horto, somno sepultum cerneret, & ad eum excitandum accederet, honorabile illud Petri nomen subtrahit, quod illi imposuerat, dum Ecclesiæ caput constitueret, & alio nomine compellavit? Simon dormis? Quia Principis & custodis Matth. c. 14. nomine, indignus est, qui somno indulget. Quod non ignorans Philippus Macedonum Rex, seipsum excusavit, quasi censura esset dignus, quod tempore pugnae, somno vacasset, experrectus enim, Tuto, inquit, dormivi. nam vigilavit Antipater; subindicans, non esse regium indulgere somno, in bello præsertim, sed tamen interdum absque periculo fieri, si Rex habeat fidum, ac vigilantem præfectum; ita cum laude amici, suam excusavit somnolentiam, simulque docuit præfecturam administrantes, vigilantes esse debere, & fideles. Sunt enim sorores, quæ mutuis amplexibus se prosequuntur. Hinc pro insigni, canis & anser, adjuncta nota, Neuter solus. Siquidem vigilantia, & fidelitas debent esse comites individua, quarum una sine altera parum, ambæ simul plurimum profunt; altera non sufficit. Interrogatus olim Iphicrates Atheniensium dux, cur tempore pacis excubias ageret, aciem explicaret, arma expediret, & milites paratos haberet, non secus, ac si hostis à tergo instaret, & res in summo discrimine versaretur;

Plut. in
apoph.
Regum.

Hierem.
c. I.

respondit, Quia timeo, ne obruar incautus, & tunc dicere cogar, Non putabam, quæ vox solet esse imprudentis, non hominis cordati, & publicæ salutis curam gerentis. Hinc divina oracula sceptrum Regium appellabant virgam, virgam vigilantem. Quid vides Hieremia? ait Dominus. Virgam vigilantem ego video, respondit Vates. Vbi advertendum, quod textus Hebræus legit; virgam amygdalinam ego video. Sed cur virgam, præcipuè amygdalinam? quia, ut scribit Procopius, cervicali dormientis supposita, quamprimum somnum abrumpit. At quid virga somni inimica? symbolum præsulis, qui semper invigilare debet pro communi populi salute. Hac ducti ratione Ægyptii ad exprimendum Principem, sceptrum quoddam pingebant, oculum apertum desuper habens, quod & virgam vigilantem appellabant. Sed quorsum hoc? ut vigilantiam Principis, nunquam deficientem insinuarent, quem oporteret esse Argum, centum oculos habentem; & hoc fortasse non sufficeret, de quo eleganter Poeta,

Ovid, li.
I. me-
tam.

*Centum luminibus cinctum caput Argus habebat,
Inde suis vicibus capiebant bina quietem,
Cætera servabant: atque in statione manebant.
Constitit erat quocumque loco spectabat ad Io,
Ante oculos Io, quamvis aversus habebat.*

Sed quare Argus à Iunone ad custodiam constitutus? quia omni ex parte oculatus. Cur Draco adhibitus est custos pomis hesperidum, & aureo velleri apud Colchos? quia solus inter cætera animalia non dormit, assidueque vigilat, ita Princeps, quoniam custos populi à Deo destinatus est, proinde plenus oculis, die noctuque invigilare debet. Cujus præclarum insigne apud Ægyptios, Oculus in sceptro.

EXCU-

*Excubat assidue pastor, custodiat tuta,
Omnia prospiciens, ut bene pascat oves.
Quid faciet Princeps, orbem qui Atlantis ad instar
Sustinet, ut felix aurea sceptrā regat?
Invigilet populis, vigili vigilantior Argo,
Pascua grata paret, gaudia vera ferat.*

CAPUT VII.

Anima regiminis, silentium Principis.



VREVM sanè oraculum, aureis
litteris præ foribus inscribendum,
Fieri quid debeat, cum multis tra-
ctato, quid facturus sis, cum paucis-
simis, vel potius ipse tecum. Quod
enim intendis facere, paucorum fi-

Veget.
de re
milit.
lib. 3.

dei committendum. Siquidem, nihil est diffi-
lius, quàm secreta regere silentio, tanta est linguæ
volubilis incontinentia, Sapiente sic acclamante, Eccl. c. 6.
Omnis labor hominis in ore ejus. Quod bene ad-
vertens Philippides comicus Poeta, interpellatus
à Lyfimacho Rege, ut aliquid peteret; ô Rex, ait,
Aliud à te non peto, nisi ut reconditi consilii tui,
nunquam me facias conscium. Proinde non om-
nibus passim animi nostri arcana aperienda sunt.

Quod semel emittis, nunquam est revocabile verbum.

Cur, ubi, cui, quando, quidve loquere, vide.

Arbores, quarum radices sunt nudæ, citò are-
scunt, ac pereunt, is quoque nescit vivere, cujus
cor temerè omnibus patet. Prudentis Imperii re-
gula præcipua, est silentium, quo qui destituitur,
tanquam naclerus gubernaculo destitutus, vento,
ac fluctibus ludibrium fiet, & qui non servata op-
portunitate, totum spiritum profert, facile deci-

Valer. li.
2, c. 1.

Q. Cur-
tius li. 4.

pietur, imò turpiter corruet, nescit enim diu regnare, qui nescit res gerendas silentio involvere. Quanti autem ponderis sit, consilia recondita silentio premere, Romanorum testimonio apprimè comprobatur. Siquidem cautum erat apud illos, ne ullus Senator arcana consilia Patrum enuntiaret, quam legem ita exactè observabant, ut non unum, sed neminem audisse crederes, quod tam multorum auribus fuerat commissum. Hoc idem apud Persas magna cum laude observabatur. Cum enim Alexander, quam regionem Darii petiisset, omni cura vestigaret, nunquam tamen explorare potuit, more quodam Persarum, arcana Regum, mira celantium fide. non metus, non spes elicit vocem, qua prodantur occulta. Lingua apud eos gravius castigatur, quam ullum probum; ob hanc causam Alexander omnium, quæ apud hostem agebantur, ignarus. Hoc ipsum apud Ægyptios, docuit olim Harpocratis imago, quæ digito labiis impresso, silentii fidem commendabat. sed quid? Nonne etiam apud Philosophos magna fuit semper silentii veneratio? Simonides, cum servaret modestiam, silendo, potius, quam dicendo, interrogatus cur id faceret? Nunquam, ait, tacuisse me poenituit, poenituit sæpe esse locutum. Solon ex fabientibus unus, inter alios tacens, interrogatus, an id faceret ex stultitia, an ex sermonis inopia? respondit; At stultus tacere non potest: imò quidam voce liberiori dixit; Hic, vel stultus, vel mutus est; cui Philosophus respondit, & quidem acutè, Non utique mutus sum, cum loquar, nec stultus, cum taceam, quia stultus tacere non potest. Socrates querenti, quomodo quis hominibus placere posset? Si gesserit, inquit, optima, & locutus fuerit pauca.

Zeno

Zeno dictitare solebat, Cur binas habemus aures, & os unicum? ut plurima audiamus, loquamur paucissima. Eloqui Romani pater, Catonem suum laudibus extollens, hoc illi in primis adscripsit elogium: Nunquam verbum emisit, quod emissum doleret. Pythagoras nunquam adduci potuit, ut pisces comederet, quod natura muti essent, & proinde silentii symbolum, quod divinum quoddam esse arbitrabatur, tanti faciebat venerandam silentii majestatem. Periander discipulum monens, dicebat, Audito multa, loquere pauca. Quod sedulo observabat Thomas Aquinas, qui mente multaolvebat, ex ore pauca promebat, non ut canalis, qui statim reddit, quod accipit, sed instar conchæ, quæ nihil effundit, nisi plena fuerit: hinc cum à sodalibus bos mutus vocaretur, Albertus Magnus ejus tunc magister, rem tacitus considerans, dixit: Bos iste mutus, talem mox edet mugitum, quod ipsius sonum rotus admiraturus sit mundus. Sed quid pluribus immoramur? Nonne apud præstantissimos etiam Principes, magna semper fuit silentii observatio? Tiberius Cæsar, cum aliquando apud eum quispiam percunctaretur, quid causæ esset, quod sua consilia non committeret iis, quibus tuto fidere poterat, respondit; Aut nulli, aut paucis cognitum debet esse consilium Principis. Hoc etiam probè novit Metellus Macedonicus; is enim Tribuno percunctanti, quid postero die esset facturus? tunc ille, Si ipsam vestem scirem mentis meæ consciam, eam continuò cremarem: quippe, qui sciret Principis munus esse, plurima cogitare, summa operari, minimum autem loqui. Antigonus Rex Macedonum, Philippo filio multis præsentibus percunctanti, Quando castra

Sur. lib.
vit. tom.
2.

Bruson.
lib. 6, c.
10.

movebimus? Quid, inquit Rex; num metuis, ne solus tubam non audias? innuere volens, consilia Principum silentio tegenda. Perinde ac si diceret, Rex prudentissimus, res magnæ, ô fili, sustineri non possunt ab eo, cui tacere grave est. Non enim secreta Regni detegenda, nisi prout ratio temporis expostulat: divino sic attestante oraculo, Tempus loquendi, tempus tacendi. Propterea Isocrates cuidam loquaculo erudiri volenti, sic respondit; Libenter operam dabo, sed duplicem mercedem mihi dari posco, alteram, ut loqui, alteram, ut tacere discas. Innuebat quippe Philosophus, non minoris esse artis, bene tacere, quam bene loqui. Hinc regia Ranutii Farnesii ducis, Pythagoricum Gymnasium vocitabatur; quia in ejus aula cuncta sub silentio servabantur. hoc idem quoque servatur in curia supremi Regis. Quis unquam hominum novit qua hora moriturus? ratio divini status sic exigit, ne ignavia torpeamus. diceret forte lascivus, Fruamur voluptatibus usque ad tempus præscriptum, deinceps resipiscam. at nescit homo finem suum, ut simus semper parati.

Quis unquam novit certitudine fidei, cui non potest subesse falsum, se in gratia Dei constitutum? Nescit homo utrum amore vel odio dignus sit, sed omnia in futurum reservantur incerta. hoc arcantum sacro silentio regit divina Majestas, quia sic exigit ordo status, ne turpiter deficiamus, sed fortiter pugnando proficiamus, & per bona opera certam faciamus vocationem nostram. Silentium quippè, est rerum gerendarum clavis aurea, in Regni præsertim administratione, & potissimum in re militari; omnis enim error emendationem recipit, sed error, qui in bello committitur, emendationem non suscipit; sed errorem Martis statim sequitur

Q. Cur-
tius li. 4.

Brunson.
li. 6, c. 6.

Eccl. c. 9.

Val.
Max. de
discipl.
milit.

sequit
bat. I
divin
omne
vias n
autem
seque
cum f
scerer
set ve
non d
ctione
plere
cier; c
ad sem
lum ac
cùm m
tus, a
vem, i
molis
Princi
tem, r
tantum
dum.
perpe
Poeta
Pro
Idcirco
conviv
rem fa
pore, &
lingua
quid lo
ex quib
Hinc fit

sequitur pœnitentia. Quocirca Rex David orabat: Pone Domine custodiam ori meo: subinde divino auxilio fretus, statuit ori frena injicere, ut omnem viam vitii præcludat; Dixi custodiam vias meas, ut non delinquam in lingua mea. hic autem non erit absolum referre ex Cassiodoro, sequentem hanc historiam sanè egregiam. Pambus cum sine litteris esset, accessit ad quendam, ut edisceret psalmorum expositionem, qui cum audisset versum illum; Dixi custodiam vias meas, ut non delinquam in lingua mea: ad secundam lectionem accedere noluit, dicens; Si hoc opere implere potuero, hic versus tantummodo mihi sufficiet; cumque doctus quæreret, cur per sex menses ad se minimè venisset, respondit; quia versum illum adhuc opere non implevi. Postea verò, cum multos supervixisset annos, à quodam rogatus, an versum didicisset? Quadraginta, & novem, inquit, annis, vix eum implere valui, tantæ molis est, lubricam linguam cohibere. non tamen Principem facimus, tamquam aliquem Harpocratem, neque ut terminum, in hortis figimus, sed tantum suademus, opportuno tempore loquendum. Proinde David non silentium sibi indixit perpetuum, sed custodiam, ut sapienter docuit Poeta moralis,

Psal. 38.

Cassiodor. trip. hist. li. 8. c. 1.

Ambr. lib. 1 de offic. c. 2.

Proximus ille Deo, qui scit ratione tacere.

Idcirco Theophrastus, cum vidisset quendam in convivio nunquam loquentem, dixit: Si stultus es, rem facis sapientem, si sapiens, stultam, quia tempore, & loco loquendum. Prudenter tamen, ne lingua animum præcurrat, sed cogitandum prius, quid loquaris, quam lingua prorumpat in verba, ex quibus plerumque plurima emergunt mala. Hinc fit, ut nihil Principis dignitati sit magis consenta-

sentaneum, quàm silentium opportuno tempore servatum,

Eximia est virtus, prestare silentia rebus :

At contra, gravis est culpa, tacenda loqui.

Henri-
cus Far-
nes. li. I
de simu-
lac. reip.

Proinde antiqui, templum consilii, subterraneum esse voluerunt, ut docerent consilia, & arcana Principum, terra obrui, ac sepeliri debere, donec effectum sortiantur. Quorsum enim Aquila apud Romanos, aut Crocodilus apud Ægyptios, Principis hieroglyphicum constituebatur? nimirum, ut docerent, rem prorsus regiam esse silentium, atque agendo, non dicendo, administrari Imperium: illa namque sola inter alites volat sine clangore, hic autem lingua, & voce destituitur; ita Princeps, ac si esset elinguis, nunquam debet Regni secreta detegere, nisi prout ratio dicat, & temporis opportunitas exposulaverit. Proinde Plinius, duas linguarum venas tribuit, quorum una in cerebrum tendit; altera ad cor descecit. Quid hinc? ut ostenderet, nihil aliud esse loquendum, quàm, quod cor sentiat, neque semper loquendum; sed solum cum ratio verba exposulat, ne sermones nostri temerè prolati, insipientiam redeant. Siquidem frequenti experimento comperitum est, flumina ibi majori silentio profluere, ubi profundiores sinus habent, ubi autem magno fragore, quasi se præcipitantes aquarum defluunt, minor ibi adest aquarum copia, & profunditas; ita prorsus, ubi adest silentii majestas, ibi cordati sensus latet ubertas; sic acclamante sapientissimo Rege: Qui moderatur labia sua prudentissimus est. Cui appositè accedit vetus illud adagium, apud omnes celebratissimum,

Prov.
c. 20.

Verbum prius ad limam, quàm ad linguam.

In Principe præsertim, quem & aures, & oculi omnium

nium f
quem
conve
giis ex
in eo i
demio
habet

Co

N

super
Cato
verba
Nolit
public
esset, n
pe, qu
bis, qua
runt, q
foris ju
& poti
xius. E
quale n

nium semper sequuntur, & insequuntur; imò in quem solum, tanquam in solem, solent populi ora convertere, non ut præclara gesta aspicientes, elogiis extollant, sed ut nebeculam, licet levissimam, in eo inspicientes, despiciant. sic habet insigne academicum, addita nota, Nisi cum defecerit, non habet inspectorem.

Vis regnare diu? digito compesce labellum.

Hoc prudentis opus, qui tacet, ille sapit.

In rebus magnis, magna est doctrina tacere,

Sermo tuus tecum, sic age, tutus eris.

CAPUT VIII.

Continentia Principis, felicitas Regni.



NULLUM Imperium durabile, ubi regnat Principis intemperantia. Hinc Romanum Imperium exhaustum est Nerone imperante, cuius gula, omnia devoravit, maculavit avaritia, fregit ignavia, luxuria cum superbia exanimavit. Quod optimè intelligebat Cato, vir ille insignis. Proinde orans in Senatu verba hæc planè aurea, quasi oracula deprompsit, Nolite existimare majores nostros, armis rempublicam ex parva magnam fecisse; si enim ita esset, multò pulchriorem nos haberemus, quippe, quod armorum & equorum copia major nobis, quam illis, sed alia fuere, quæ illos magnos fecerunt, quæ tamen nobis nulla sunt; domi industria, foris iustum imperium, animus in cōsulendo liber, & potissimum non delicto, neque libidini obnoxius. Eapropter Anacharsis inter barbaros natus, quale malum hoc esset, mente revolvens, statuis, ac

Policra.
lib. 6, c.
12.

Aug. de
civi. Dei
lib. 5, c.
12.

ima-

imaginibus illius inscripsit, Linguae, ventri, pudendis temperandum. hoc est enim maximum Imperium, imperare sibi; hic est verus principantium triumphus, carnis illecebras expugnare, quas qui contemnit, heroicam animi virtutem demonstrat. Hoc probè noverat Rex ille inclytus, qui gigantes devicerat, leoni ora discerpserat, fortissimos hostium duces subjugaverat, qui tot triumphorum genere insignis erat, ad unius tamen mulieris intuitum prosternitur. Proinde rubore suffusus, quoties recordabatur, toties infinitis gemitibus omnia replebat, inclamando, Cur timebo in die mala? iniquitas calcanei mei circumdabit me. Scio quidem hujus loci varias esse Patrum explanationes, porro illam tantum proferam, quæ nostro facit instituto. Quid, quæso, intelligit vates Regius per iniquitatem calcanei? voluptates habitas cum Bersabea; quam iniquitatem, calcaneum appellat, nec ineptè; quia secundum medicorum placita, vena quædam à calce prodit, quæ libidinis fomitem excitat. Hinc Poetæ finxerunt Achillem strenuum ducem, in fortilegis aquis in calce fuisse vulneratum, hoc commento innuentes, eum qui cæteris in rebus, fortissimum se præbuerat, à sola fortilega, sensus voluptate fuisse prostratum. Fuit quidem Græcus miles providæ matris auxilio, aquis stygiis intinctus, quæ membra obdurantes, contra omnia pericula muniebant, sed talum non tetigit aqua, & in talo, à Paride telo occiditur. En strenuus miles invictus ad omnia, libidinis ictibus succubuit, quia amore Polyxenæ inglorius occubuit, quoniam licet hostes millies superasset, seipsum tamen superare non valuit. Porro, hoc est verum triumphandi

phandi genus. Quod quidem nec paganos latuit, siquidem Alexander Macedo oblectationis gratia à philosophis inquirens, quodnam maximum esset in rerum natura? varias à variis expositiones accepit, primus dixit, montem Olympum cætera omnia, quæ in mundo sunt magnitudine superare: secundus autem asseribat aquam esse, cui virtutem ignis extinguendi potestas data esset: tertius verò arbitrabatur solem esse, qui radiis totum orbem illustrat. sed hi omnes à veritate aberrarunt; quartus autem meo iudicio scopum attigit, dicens: Nihil in orbe majus animo, magna contemnente, & carnis illecebras conculcante. Propterea Diogenes Alexandro se orbis Dominum venditanti, audacter respondit; Nequaquam, ô Alexander, es dominus, sed servorum meorum es servus: illis enim cupiditatibus, quibus ego impero, tu mancipium es, ecquid turpius, quàm foedæ libidinis mancipium fieri? nunquid ille princeps dicendus est, cui leges imponit impudica mulier? nunquid ille dominus, qui imperanti mulieri nihil negare potest? nunquid ille est liber? cui mulier turpiter imperat? poscit illa? dandum est; vocat? veniendum; ejicit? abeundum; minatur? extimescendum: istum ego non modò servum, sed etiam nequissimum servum appellandum puto, licet clarissima familia prognatus sit; bonus etiam si serviat, liber est; malus etiam si regnet, servus est, nec unius hominis; sed quod gravius est, tot dominorum, quot vitiatorum. Imperare itaque sibi, maximum imperium est. Nec dissimile, quod eidem Regi scripsit Bracmanus quidam; Quid tibi prodest totius orbis dominum fieri, cum infimæ rei interim servias? inimicos externos subvertis, ut internos foveas. Pulchrè Poeta,

Laerr.
lib. 6.

Aug. li.
4 de Ci-
vit. Dei.

Q. Cur-
tius in
vita A-
lex.

Fortior

*Fortior est, qui se, quam qui fortissima vincis
Mœnia, nec virtus alius ire potest.*

Multò enim gloriosius est Principi, seipsum vincere, quam hostes superare, eo quod illud semper sit virtutis, hoc sæpe fortunæ. Hinc dicebat sapientissimus ille inter Reges; Melior est vir patiens viro forti, & qui dominatur animo suo, expugnatore urbium. Fortior David, inquit Chrysostomus, dum à cæde Saul abstinuit, quam cum gigantem prostravit; quia tunc seipsum victorem gigantis vicit. ò quam egregiè facer ille Vates,

Prov. 16.

Boeth.
de consolat. li.
2, metro 5.

*Qui se volet esse potentem,
Animos domet ille feroces,
Ne victa libidine colla,
Fœdis submittat habentis:
Etenim licet Indica longè
Tellus tua jura tremiscat,
Et serviat ultima Thule,
Tamen atras pellere curas,
Miseraeque fugare querelas
Non posse, potentia non est.*

Hinc Carolo Quinto Imperatori semper invicto, insigne elogium fuit adscriptum, litteris aureis inscriptum. Cujus memoria semper erit in benedictione,

*Hostem, teque simul superas, sed major in ipso
Est te vincendo laus, minor hoste tuo.*

*Namque quod ingentes populos evertis, & urbes,
Non hac debetur gloria tota tibi.*

*Sors & miles, habent, tormentaue bellica partem
Et partem virtus, consiliumque tuum.*

*Hoste sed evicto, quod te quoque vincis & iram,
Non est communis gloria, tota tua est.*

Princepsenim qui diu & feliciter regnare exoptat, debet instar Vlyssis, Sirenarū voces negligere, hoc est

est cupiditatum spernere voluptates : ille malo navis adhærebat , iste rationi debet esse alligatus , & ita sapienter se gerat , ut nullo Circeo poculo possit deformari , possit verò eo deformatos , non tam arte , quàm exemplo vitæ , ad pristinam formam revocare. Quod quidem feliciter eveniet , si Epicteti philosophi doctrinam verè auream corde retineat , dignam profectò , quæ omnibus parietibus inscribatur ; duobus autem verbis comprehenditur , Sustine , & abstine. quorum altero monemur , ut adversa fortiter toleremus ; altero , ut ab illicitis temperemus voluptatibus. Proinde dicebat Aristot. Considerandæ sunt voluptates , non advenientes , sed abeuntes ; si enim cum labore , honesti quidpiam egeris , abit labor , honestum manet ; si cum voluptate turpe feceris quidpiam , quod suave est , abit ; quod turpe est , manet. Aded execranda Venerea voluptas , ut quidam doctores , coitus fœditatem considerantes , posuerint , quod in statu innocentiae non fuisset generatio per coitum. Vnde Gregorius Nisænus in libro de homine scribit , quod in paradiso fuisset multiplicatum genus humanum , sicut multiplicati sunt Angeli absque concubitu , per operationem divinæ virtutis. at pace tanti viri , nullo modo potest sustineri hæc positio , quia Deus ante peccatum fecit masculum & fœminam , nihil autem est frustra in operibus Dei ; ergo etiam si homo non peccasset , adhuc fuisset coitus , ad quem distinctio sexuum ordinatur. Pro majori autem explicatione , duo sunt in coitu consideranda ; actus nempe generationis , & hic fuisset in statu innocentiae , & quedam deformitas immoderatæ concupiscentiæ , porrò hæc in statu innocentiae non fuisset , quando vires inferiores omnino rationi subdebantur. Vnde Augusti-

D. Tho.
1. p. q.
98. a. 2.

Florianus Mart.
Bon. cat.
arg. in
Gen.

Aug. lib.
14 de
civ. Dei.

nus; Absit ut suspicemur, non potuisse prolem fieri sine libidinis morbo, sed eo voluntatis nutu moverentur illa membra, quo cætera, & sine ardore, cum tranquillitate animæ & corporis.

O quam turpe Venereis cupiditatibus inservire!
 Prov. 29. Quid enim fœda carnis voluptas, nisi ignis quidam, usq; ad perditionem devorans, & omnia eradicans genimina? hoc est secundum Hieronymum, omnia bona devorans. Et quid non devorat insana libido? devorat bona fortunæ, quia qui nutrit scortum perdit substantiam. ita cecinit Poëta,

Dives ex am dudum, fecerunt me tria nudum.

Alea, Vina, Venus, tribus his, sum factus egenus.

Aul. Gell. li. i, c. 8. Omnibus titulis laudandus Demosthenes Græciæ primarius orator; hic enim cum ad Laidem meretricem accessisset, & illa pro exiguo corporis usu, mille drachmas Atticas postulasset, immenso hoc pretio deterritus philosophus, ait; Non em tanti pœnitere. Ad hanc rem apprimè facit, quod refert Athenæus, ait enim, Phrinem, insigne illud Græciæ scortum, tantas opes sui corporis evulgatione comparasse, ut civitatis Thebanæ muros jam ab Alexandro Magno dirutos, propriis sumptibus restaurare potuerit, quod à magistratu, ut sibi liceret, postulavit, modo hæc nota marmoreis tabulis inscriberetur, Alexander destruxit, Phrine meretrix extruxit. O rem plane portentosam, ac penè incredibilem. Sed quot domos illam voraginem oportuit evertisse, quot familias expilasse, quot patrimonium exhaustisse, tantas ut opes coacervaret, quo tantum ausa fuerit moliri? sed quid? nonnè de eadem scribit Plutarchus, eo impudentiæ devenisse, ut in templo Apollinis Delphici, statuam Veneris ex auro solido dedicare non erubuerit? hæc addita inscriptione, Ex Græcorum intemperantia, O quam

Athe-neus lib. 5, c. 11.

Laert. lib. 6.

quàm rectè scopum attingit secundus philosophus, qui interrogatus, quid esset mulier? Impudica præsertim, respondit, est naufragium viri, tempestas domus, quietis impedimentum, vitæ captivitas, damnum amabile, amor odibilis, hostis insatiabilis, pugna indeficiens. Nec ineptè, qui dixit, mulierem melle esse molliorem, sed quo nitentior, eò nocentior; dum te fovet, sibi favet; dum tangit, tingit; dum ridet, rodit, ac radit; non est virgo, nec virago, sed vorago, quæ vires vorat; corpus carpit; aurum haurit, & amando mandit. Devorat quoq; bonum famæ, quod infelici experimento comprobavit Salomon, cui decantatum fuit; Dedisti maculam in gloria tua. Hinc Regius vates enixè orabat; Amputa opprobriū meum, quid per opprobrium? utiq; vitium carnis, intelligit Augustinus. Proinde dicunt Theologi, & est doctrina communiter recepta, quod peccata carnalia, licet sint minoris culpæ, sunt tamen majoris infamiæ, minoris quidem culpæ, ratione motivi, quia quanto major impulsus, tantò minus delinquit peccator, at peccata carnalia habent majorem impulsū propter concupiscentiam carnis nobis innatam; majoris autem infamiæ, quia versantur circa illas delectationes, quæ sunt communes, & nobis & brutis. Hinc peccatum hominis reparabile, non autem Angeli, quoniam peccatum hominis à fragilitate naturæ habuit ortum; peccatum verò Angeli ex pura malitia processit; peccatum enim, quod urgente motivo committitur, dignius est venia, quàm illud, quod nulla ad id causa impellente; & hujus rationem adducit Incognitus explanans verba Psalmi. 77, Recordatus est quia caro sunt. Peccatum, inquit, quanto majori fit fragilitate, tanto magis est remissibile, quia minus habet rationem voluntarii;

Maximus sermo
mon. 394

D. Tho.
1, 2. q.
73.

Greg. li.
4. moral.
c. 9.

nam occasiones sunt aliquæ tam urgentes, quæ licet usum liberi arbitrii omnino non tollant, valde tamen sollicitant, & licet non cogant, fortiter tamen inclinant. Porro peccata quæ sic committuntur minoris sunt culpæ, quàm illa quæ nulla occasione fiunt, quia minus habent malitiæ. Et huc facit appositè illud Eccles. 25, Tres species odit anima mea, pauperem superbum, divitem mendacem, senem fatuum; hæc namque nullam habent occasionem impellentem. quam quæso occasionem habet pauper superbiendi? quam dives mentiendi? quam senex insaniendi? Devorat etiam bonum propriæ salutis, quia qui fornicatur in corpus suum peccat. Siquidem capiti dolorem infert, oculos debilitat, nervos enervat, ac demum totum hominem exsiccatur, exhaurit, ac penitus absumit. Vnde Hippocrates medicorum princeps, voluptatem carnis appellabat, parvum morbum comitiale. Et cui non exploratum axioma illud Aristotelicum? Omne finitum per ablationem finiti, tandem finitur. Quare columba exiguo tempore vivit? quia rei Veneræ addicta, & idè Veneri dicata, hinc dicitur columba, quasi colens lumbos. Pulchrè Pythagoras, cum enim interrogaretur, quando congregiendum esset cum fœmina? Quando, inquit, voles reipsa fieri debilior. sed quid? devorat etiam bonum mentis, quia fornicatio, & ebrietas auferunt cor. Hinc Plato divinus scriptum reliquit, nomen Venus, ex duabus vocibus componi, quarum prima apud Græcos significat, sine; altera mentem, quasi vellet innuere, Venerem sine mente, ab effectu nimirum, quia auferunt mentem, cor, & iudicium. Et quomodo hoc vinculo irretitus, poterit Imperii habenas ritè moderari; cum sit rationis præsidio destitutus?

Osæ c.
4.

Ad

Ad hanc rem facit statua illa Veneris, testudinem pede prementis. sed cur testudinem, non aliud animal premit? quia testudo inter animalia, sola corde caret. Quid est ergo Venerem habere sub pedibus testudinem? insinuare volebat antiquitas, amantes sub signo Veneris militantes, amantes omnino & excordes esse. Propterea dicebat Philosophus, Venus furatur intellectum sapientis. Adam primus parens, nonne perfectus fuit in statu innocentiae? ad Evæ tamen verbum concidit misellus. Fortissimus Sampson, Dalida mulier illum fregit. David strenuus miles, qui leones prosternebat, unica mulier Bersabea, illum emasculat, & penitus enervat. Sed quis sapientior Salomone? aspectus foeminarum illum dementavit. Tria sunt præcipue, quæ mentis aciem obtundunt, & arcem omnino everrunt. Ambitio, avaritia, voluptas. Sed nihil ita obruit rationis usum quam rei Veneræ abusus, proinde, non possum venire, dicebat quidam huic vitio addictus: cui appositè consonat Vatis oraculum; Non dabunt cogitationes suas, ut revertantur ad Dominum, quia spiritus fornicationum in medio eorum, & Dominum non cognoverunt. Hinc pictores cupidinem effinxerunt cæcum, ab effectu, quia facit hominem cæcum, & ex amante reddit amantem. Quocirca optimo jure vitium carnis comparatur igni. Ignis est usque ad perditionem devorans, nam sicut ex igne fumus egreditur oculos excacans, ita ex hoc vitio exeunt foeditates, rationem obscurantes, quò fit, ut amans, periculum non videat. Proinde Rex David amore Bersabeæ insaniens, cum se corde, & mente, spoliatum animadverteret, conversus ad Dominum, enixè orabat, dicens: Cor mundum crea in me Deus:

Aristot.
de som.
no &
vig.

Arist. 7
Ethic.

113

Osee
c. 5.

Iob. c.

& jure quidem divinum alloquens Numen, protulit hanc vocem. Siquidem creare soli Deo competit, & aded propriè, ut non possit actus creationis, creaturæ communicari. Verum si habebat cor, cur dicit crea? Hujus loci varias invenio doctorum explicationes. Divus Basilius explicans verba illa Isaïæ: Ego Dominus creans malum, ait, tunc Deus malum creat, quando convertit illud in bonum, prout fecit in primi parentis peccato, ex eo occasionem sumens mittendi Filium: unde Ecclesia culpam illam appellat felicem. O felix culpa, quæ talem ac tantum meruit habere redemptorem, quando ergo David orabat; Cor mundum crea in me Deus, postulabat, ut impurum cor suum dignaretur convertere in cor purum; sic enim convertebat malum in bonum. Secunda explicatio vim facit in verbo creare, quod in rigore theologico, est aliquid de nihilo producere. Cum igitur ex una parte peccatum sit nihil, & ex alia, peccans ad nihilum convertatur; hinc est, quod David bonæ Philosophiæ, & Theologiæ non ignarus, existimabat justificationem esse quandam spirituales creationem; in qua, sicut in illa, invenitur nihil, hoc est, peccatum, quod velut terminus à quo expelli debet, & terminus ad quem, qui est puritas cordis, introduci: ideo sapienter dixit; Crea in me Deus. Sic namque postulabat expulsionem peccati, & introductionem gratiæ mundantis cor. Tertia explicatio docet, Davidem insinuasse, quod sicut in creatione, nihil præsupponitur, cui jure justitiæ debeatur, id quod creatur; ita ex parte cordis, cum Spiritus sanctus illud per primam gratiam purificat, nihil præsupponitur; quantumcumque contritum sit, cui jure justitiæ, primæ gratiæ infusio debita sit, alias gratia non esset gratia. Vel dicamus,

camus, & est quarta expositio præsentis instituti
valde consentanea, quod David quærebat cor
suum, at non inveniēbat, quia Bersabæ pulchri-
tudo rapuerat; ideo dicit, Cor mundum crea;
perinde, ac si dixisset, cor meum discessit à me,
& ad illam se transtulit, peto Domine restitutionem
cordis. Et prudenter quidem, quia insana
libido aufert cor, rationis usum pervertit, & totum
hominem dementat. Sed quid plura? non solum
fœtidus iste ignis mentem amentem reddit, sed
devorat etiam ipsum lumen fidei. Ad memoriam
revocetur Henricus octavus Angliæ Rex, is ob res
præclare gestas pro fidei catholicæ dignitate, &
gladio, & calamo, à Leone decimo Summo Pon-
tifici, insigni titulo defensoris fidei decoratus fuit;
at postmodum, insano Annæ Bolenæ amore tur-
piter insaniens, à fide catholica, quod turpius est,
defecit, & proh dolor, Romanæ Ecclesiæ acer-
rimus hostis, & vixit, & mortuus est. Siquidem
à fœda libidine, ad hæresis labem facilis est transi-
tus, sic divino acclamante oraculo, Visum est
Spiritu Sancto, & nobis, ut abstinēatis à fornica-
tione, & idolatria. Cur quæso fornicatio idolatriæ
conglutinetur, non mendacium? non homici-
dium? ut docerent Apostoli, quod ab insana libi-
dine, ad amissionem fidei nimis facilis patet adi-
tus. Caveant itaque Principes ab hoc igne devo-
rante, quandoquidem præter innumera damna,
quæ longum nimis esset recensere, bono etiam re-
gimini adversatur. Pulchrum sanè dictum Roma-
ni oratoris huic instituto non absolum; nam
cùm Terentiam repudiasset, & suam Hirtius
sororem, in uxorem illi obtulisset, Divo Hiero-
nymo referente, ita respondit: Non possum simul
& philosophiæ, & uxori vacare. Hujus philosophi

Hieron.
li. i. epi.

responsum usurpans, dicam & ego; Non potest
 Princeps insanæ libidini, simul, & bono regimini
 diu & feliciter vacare. Proinde Dionysius quam-
 vis ad violentiam, & tyrannidem natus, cum au-
 disset à proprio filio Syracusanæ mulieri vim fuisse
 illatam, his verbis eum increpavit, Vnquam nè vi-
 disti, me talia agentem? cui filius, Non quidem;
 sed tu Regis filius non fuisti. mox adjecit Diony-
 sius, Neque tu, huic sceleri incumbens, filios tuos
 habebis Reges; & divinans dixit. Siquidem par-
 vo interjecto tempore, post Dionysii mortem,
 pulsus Regno, nec ipse, nec filii Regno potiti sunt.
 En perniciēs ignis devorantis. Scipio major ab
 antiquis in cælum usque attollitur, hoc præcipue
 titulo, quia continentia addictus fuit; quippe qui
 nunquam captivas mulieres ad se perducere permi-
 serit, & cum semel casu adduceretur quædam vir-
 go admirabilis formæ, eam honestè, integreque
 custodiri iussit. at cum paulò post comperisset,
 eam desponsatam esse, statim integram, & peni-
 tus intactam sponso restituit, cujus rei fama ita
 hostium corda sollicitavit, ut ultrò, & libenter in
 partes Romanorum concesserint, & quod armis
 Scipio assequi nequiverat, continentia rumore
 assecutus est. Alexander Magnus admirandis præ-
 coniiis celebratur ob res præclare gestas, sed præ-
 fertim Continentia nomine: Siquidem victo Da-
 rio, prælioque fractis Persis, uxor, & mater Per-
 sarum Regis ipsa quoque captiva fuerunt; uxor
 autem tam elegantis formæ erat, ut ei in tota Asia
 nulla posset comparari. in primo flore juventæ
 erat Alexander, Rex potentissimus, sub nullius
 potestate constitutus, aded tamen fuit continentia
 studiosus, ut rogatus illam videre, nunquam ad-
 duci potuerit; imò constanter negavit, dicens:

Fulgos.
 li. 7. c. 3.

Valer.
 Max.
 lib. 4.

Veget.
 lib. 2.

Plut. in
 vita
 Alex.

Com-

Com-
 muli-
 len-
 acies
 cupi-
 impo-
 nove-
 muli-
 in to-
 ejus
 grati-
 oculi
 Non
 roga-
 Alex-
 stè, &
 rius e-
 nus to-
 bilitè
 est, p-
 tam
 nent
 liatu
 P
 xan-
 quan-
 pem
 & ill-
 jam
 nam
 stav-
 tus f-
 audi-
 unde
 adult-

Committendum non esse, ut qui viros vicisset, à mulieribus vinceretur. quasi magis timeret mollem prospectum, quàm benè instructas & armatas acies. Nec enim Principi minus præclarum est, cupiditatibus, quàm hominibus imperare: nam imperare sibi, maximum Imperium est. Optimè noverat Alexander, incomparabilis formæ esse mulierem. fama ad Regem jam pervenerat, quæ in tota Asia celebris vagabatur, Leonatum tamen ejus familiarem misit ad Reginam consolandi gratia, atque ut mente voluit abstinere, ita nec oculis continentiam propriam voluit denigrare. Non multò post Eunuchus transfugit, quem enixè rogavit Darius, an uxoris pudicitiam violasset Alexander? deos testes invocans respondit: castè, sancteque habitam esse Reginam. Tunc Darius capite velato diu fleuit, deindè ad cælum manus tendens; Dii patrii, inquit, primùm mihi stabilite Regnum; deinde si de me jam transactum est, precor, nè quis potius Asiæ Rex sit, quam iste tam justus hostis, & misericors victor. En continentia gratia, quam magnus apud omnes conciliatur amor.

Plutarchus de eodem Alexandro dignam Alexandro refert historiam. Cùm milites mulierem quandam melioris formæ quàm famæ ad Principem de nocte adduxissent, ut cum Rege cubaret, & ille venientis strepitu, & motu excitatus, quia jam tertia noctis vigilia præterierat, rogasset, ubi nam tamdiu hæssisset? illaque respondisset; Expectavi, inquit, ô Rex, donec maritus somno sepultus sterteret, nè me exurgentem inaudiret; hoc audito, suos Rex advocat; jubetque mulierem, unde eam duxerant, reduci, dicens, Ergo nè me adulterum existimatis? & alterius me thorum

violare velle? apage, nihil enim est quod magis abhorream. Audiant quæso Principes, & discant ex hoc Ethnico, in gyro continentia contineri.

Veget.
lib. 2 de
conti-
nentia
Alex.

De eodem refert Vegetius, quod cum obtenta quadam victoria denuntiaretur ei foeminam omnium pulcherrimam esse captam, mox præcepit, ut nemo ante ipsius oculos audeat illam adducere, nè captivæ suæ fieret ipse captivus.

D. Hieron.
lib. 1 ad
Heli-
odorum.

Nec minus memorabile, quod de Cyro refert Hieronymus; ipse enim nunquam adduci potuit, ut Reginam Pantheam bello captam, summæ venustatis foeminam intueretur.

Nec Macedone minor Aphricanus, qui Hispanicas puellas, nec conspiciere voluit, nè ab illis expugnaretur, quarum parentes, armata dextera imperio subegerat, non timuit virile, non hostile ferrum, oculos timuit debilioris sexus: & prudenter quidem, quia in hoc mari foemineo, qui omnes scopulos, licet parvulos timet, & fugit: tuto navigio navigat, ut pulchrè, & luculenter cecinit ille,

Quid facies, facies Veneris cum veneris ante?

Ne sedeas, sed eas, nè pereas, per eas.

Hoc est enim potissimum remedium, Fuga. Sic docet Paulus veteranus, & strenuus miles, Fugite fornicationem. sed statim, ut allidamus parvulos ad petram, quia periculum est in mora, in aliis luctis strenue pugnandum, & fortiter obstandum; at in hoc genere pugnae, unicum genus victoriae, Parthica fuga est. Hanc viam regiam calearunt strenui milites Christi. Hieronymus saxo tunde-
bat pectus, vel ad sanguinem. Benedictus carnis illecebras vicit, inter spinas & vepres nudum corpus volutando. Franciscus, ut ignem exstingeret, in glaciem se projecit. Thomas, quia cella inclusus, fugam arripere nequibat, impudicam
tione

titione fugavit, & sic igne extinxit ignem. Nec
 minus gloriosum victoriæ genus à Nicephoro re-
 fertur. Decius persecutor Ecclesiæ, quendam ju-
 venili ætate florentem in amœnissimos hortulos,
 rarda ad mortem supplicia conquirens, & animas
 cupiens jugulare, non corpora, præcepit abduci,
 ibi inter lilia candentia, & rubentes rosas super le-
 ctum plumis exstructum resupinari, & nè inde se
 posset excutere, blandis serico nexibus irretitum
 relinqui: quo, cum recedentibus cunctis, mere-
 trix speciosa venisset, cœpit impudicis blanditiis
 attrectare, ut corpore in libidinem concitato, sic
 victrix impudica evaderet. Quid ageret miles
 Christi, & quo se verteret, nesciebat. Quem tor-
 menta non vicerant, de voluptate dubitabat. Tan-
 dem cælitus inspiratus, præcisam morsu linguam,
 in osculantis se faciem expuit, ac sic libidinis sen-
 sum, succedens doloris magnitudo superavit.
 Durum certamen, sed gloriosum victoriæ genus,
 quod non ferro, sed fuga comparatur. Omnibus
 exploratum Divi Augustini oraculum, Inter omnia
 Christianorum certamina, duriora sunt prælia ca-
 stitatis, ubi continua pugna, & rara victoria. vis
 habere victoriam? apprehende fugam. hinc Ioseph
 castissimus quomodo victor evasit? relicto pallio
 aufugit. Doctrinam hanc auream apprime novit
 adolescens ille, de quo tradit Ambrosius libro de
 pœnitentia. Sæpius decreverat impudicæ mulieris
 amplexus declinare, sed quoties in illam incide-
 bat, toties turpiter ruebat, tandem, fuga duce,
 respuit, & victoriam obtinuit. Reversus ad patrios
 lares, jam mutatus in virum alterum, cum casu illi
 obviam venisset mulier, dixissetque, Sum illa, sta-
 tim respondit generosus miles, Si tu es illa,
 ego non sum ille. Hinc dicebat, & docebat
 Socrates,

Nice-
 phor.
 histor.
 eccl. lib.
 7. c. 13.

Ambros.
 lib. de
 pœnit.

Bonav.
lib. de
puritate
consc. c.
14.

Socrates, voluptates carnis, non aliter, quàm Si-
renas esse prætereundas, more Vlyffis, qui cera
obturatis auribus præternavigavit. In hac pugna
non contendendum, sed fugiendum, more Par-
thorum; isti enim equis infidentes fugiunt, inse-
quentes tamen à tergo sagittis conficiunt. Sunt
quædam vitia, quibus obviam strenuè eundum est,
quæ ad certamen provocare possumus, & per con-
trarios actus debellare; at carnis pugna, potius
fugienda, quàm provocanda. Ex hac re colligi-
tur nodi illius explicatio, Melior est iniquitas viri,
quàm mulier benefaciens. Exponunt enim docto-
res, quantum ad confortium. testis est Hierony-
mus, cujus oraculum est, Cum mulieribus habita-
re, & de mulieribus non cogitare, majus est quàm
mortuos suscitare. Hinc est, quod humani generis
acerrimus hostis, cupiens à fidei firmitate Petrum
dejicere, quia militari industria non profecit;
ad mulierem confugit, cujus armis nihil fortius
ad cordis humani arcem expugnandam. Quod
Petrus Blefensis pulchrè advertit oracula Iobi ex-
ponens. Quærit enim, quare diabolus cum Io-
bum spoliasset omnibus, solam uxorem reliquit?
acutè respondit, hoc non fuit ad solatium viri, sed
ad majorem casus impulsus, ut nempe per femi-
nam vinceret, quem per flagella non poterat, &
quod verberibus nequiverat, hoc verbis mulieris
præstaret. hoc idem Gregorius de hac re agens,
Hoc fuit antiqui serpentis consilium, ut quoniam
non poterat in arcem omnibus virtutibus muni-
tam, aliqua ex parte irrumpere, neque mœnia,
hoc est, incredibilem animi celsitudinem attinge-
re, quasi artis bellicæ peritus, uxoris vocem, velu-
ti scalam quandam adhibuit, per quam ascendens,
rationis arcem occupare posset. Ex quo sequitur
quanto

quanto studio invigilandum, ut carnis victoriam consequamur, quod neutiquam fiet, nisi fugæ præsidio. Quoniam licet, instar vini, ingrediatur blandè, in fine tamen mordebit, ut coluber. Proinde non ineptè comparatur igni, siquidem, sicut modica scintilla non statim extincta, magnum parit incendium, ita tentatio adveniens, nisi statim repellatur, inextinguibile in anima parit detrimentum; primò in limine parvulus lapis videtur, at si negligitur, in montem magnum confurgit. Invigilet ergo princeps, & tanquam alter Vlysses infida Sirenarum blandimenta effugiat; tunc enim evitabit multa Regni incommoda. Nihil enim populis gratius esse potest, quàm Principis Continentia, & nihil optabilius mulierum honestate. Quod egregio Virginii Romani testimonio comprobatur. hic licet infimo genere natus, filiam cui Appius Claudius decemvir, potestatis viribus fretus, stuprum expetebat, in forum deductam, occidit, maluitque esse filiæ interfector, quam corruptæ pater. Hoc idem ferè contigit Pontio Eufidiano equiti Romano. is namque cum filiam, opera cuiusdam pædagogi castitatem amisisse comperisset, scelestum servum honoris proditorem, ultimis suppliciis affecit, deinde propriam etiam filiam jugulavit. maluit caro pignori exequias celebrare, quàm nuptias macula inhonestatis deturpare. Siquidem à mundi primordiis, ad nostra usque tempora, invaluit apud omnes huiusmodi opinio, ut familiæ decus, & sanguinis ornamentum, in muliebri sexu esset collocatum. Quid mirum igitur, si aliquoties legimus populos in Principum necem conspirasse, ab illoque defecisse, ob violatam mulierum pudicitiam? Quis ignorat avaritiam & luxuriam pestes esse, quæ multoties magna

magna Imperia everterunt? Nonne raptus Helena Trojanorum ruina, Hectoris mortis, & totius populi calamitatis causa fuit? Vis Lucretia illata, quantum exitium attulerit, passim docent historici. Dina vi rapta, quot tumultus excitarit, quas neces pepererit, quanti mali causa fuerit, nullus est, qui ambigat. Adsit itaque Potestati Continencia comes, & tutum erit Principis Imperium.

Sit procul à vobis, Regni qui sceptrā tenetis;

Mente carens, fallax, blandula, vana Venus.

Corpus enim carpit, vires vorat ista vorago,

Enervat nervos impia, dira lues,

Obscurat famam, mentem quoque reddit inertem,

Destruit Imperium, construit exitium.

CAPVT IX.

Ministros habeat Princeps integritate, & scientia ornatos. Et memoria illius in benedictione erit.



PRIMUM sanè Regiminis institutum, si Princeps in summa rerum administranda, viros illos præficiat, qui rationis moderamine uti sciant, ac velint, qui ex legis præscripto, sententias ferant, qui denique non solum crimine, sed etiam criminis suspitione vacent; tales enim Principes existimantur, quales sunt, qui illorum vices gerunt. Hinc Vespasianus Imperator avaritiæ labe notabatur, quia rapacissimos quosque ad amplissimos magistratus promovebat, ut locupletiores deinde factos, emungere, atque exhaurire posset. Proinde versum erat

erat in proverbium, Vespasianus amicis pro spongiis utitur, quippè, qui siccos madefaceret, turgidos postea exprimeret. de quo luculenter Alciatus,

Exprimit humentes, quos jam madefecerat ante

Spongiolas, cupidi Principis arcta manus.

Provehit ad summum fures, quos deinde coercet,

Vertat ut in fiscum, qua male parta, suum.

Et profectò, ut ingenuè fatear, cum magistratibus præficiuntur homines avari, & imperiti, qui officia capeffentes, ad auream messem se ire jactant, qui leges pro aranearum telis habentes, divites, & præpotentes, licet criminosos, impunè abire sinunt, infontes autem, quia pauperes, vel indicta causâ condemnant, qui per imperitiam jura omnia conturbant, sanctiones pervertunt, populos funditus evertunt, & demum qui, non quod lex sentit, sed quod mens cupit, non ut hoc libeat, quod licet, sed ut liceat, quod libet, non inclinant animum ad justitiam, sed justitiam ab animo declinant, & benè declinant, quasi plumbum ad profundam usque voraginem. Superbi enim declinant in nominativo, de quibus Vates regius, vocaverunt nomina sua in terris suis. Parentes declinant in genitivo, divitias coacervantes per fas & nefas, ut potentes relinquunt filios, dicentes cum matrona Hebræa; In me sit ista maledictio. Veneri servientes declinant in dativo, quia muneribus virgines corrumpunt; detractores & invidi, in accusativo, quia famam denigrantes injustè accusant; declinant in vocativo tyranni, qui temerè audent se vocare deos, ut Domitianus; mali demum ministri declinant in ablativo, quia perperam judicantes, bona pauperum diripiunt; tunc verè Majestas Principis obscuratur, & nomen ejus redditur inglorium; verissimum est enim illud Tragici dictum,

Valer.
Max.
lib. 8.

Qui non vetat peccare, cum possit, jubet.

Cui aptissimè accommodatur illud Socratis apud Xenophontem, Si noceat equus, plerumque in fessorem crimen rejicimus. Quare cum apud omnes satis compertum sit, plurimos Reges, quamvis integræ, & sanæ mentis, ab iniquis tamen ministris multoties & deceptos, & obscuratos fuisse; idè operæpretium duco, ut illorum exempla tibi proponas, quibus summa rei infelicitè cessit, quò illorum periculis cautior evadas. sic docet vetus adagium, Optimum est, aliena infamia frui. ita Plautus; Feliciter sapit, qui alieno periculo sapit. & pulchrè Poëta,

Felix quem faciunt aliena pericula cautum.

Corn.
Tac. lib.
1 hist.

In primis Galbam, & Tiberium ante oculos constitue, quorum unus sapientiæ fama clarissimus, miserandum tamen exitum sortitus est; hoc autem ex quo fonte prodit? ex ministrorum avaritia, & luxu. Propterea seditiones in illum sæpius excitatæ, illius amissæ provinciæ, & illius penè obscuratum nomen. Ex quibus satis apertè monentur Principes, nè ingenio ministrorum cuncta venalia afferentium, temere credant. nulla siquidem capitalior pestis, in summa rerum administranda, quàm venale judicium; non enim potest Respublica diu consistere, in qua fas est, jus nundinari. Quod probe noverat Alexander Severus, qui honores juris & gladii nunquam vendi passus est, dicens, *Qui emit, ut vendat, necesse est.* Alter verò, nimirum Tiberius, nonnè à Sejano, quem unicè dilexerat, & cui totum se committebat, turpiter & inique deceptus est? quandoquidem, lucris inhians, & imperandi libidine incensus, propinquos tantum, quamvis improbos, extollebat honoribus cumulando, cæteros quosque, licet virtutè in-

Brufon.
li. 4, c. 5.

insig
more
prop
quilt
valid
fordi
cum
patia
beas
stodia
non
attoll
virill
effug
nem v
paucos
bant.
rat in
mutab
hoc e
cum
haben
que a
quant
pant
tioni
porrè
fiunt a
tius co
laceb
movel
has di
ad que
amovi
xabant

insignes, negligendo, deprimebat. Verba Taciti ^{Corn.}
 mores mali ministri exprimentia, sunt hæc. Sejani ^{Tac.li.5.}
 propinqui & affines, honoribus augebantur, ut
 quisque Sejano intimus; ita ad Cæsaris amicitiam
 validus. Contrà, quibus esset infensus, metu, ac
 fordibus confictabantur. Tu itaque, ô Princeps,
 cum istis non vis falli? interrompe honores, nec ^{Liv.li.4.}
 patiaris potentes in magistratibus senescere. ha-
 beasque pro constanti, magnam Principatus cu-
 stodiam esse, si magna imperia diuturna esse
 non sinas. Siquidem longiora imperia multos
 attollunt, & ad res novandas impellunt. hoc
 viriliter præsta, ita infaustum Tiberij exitum ^{Tac.li. 1}
 effugies, cui mos erat plerosque usque ad fi- ^{annal.}
 nem vitæ, in summis rerum habere, & inter
 paucos coercebat, quæ pluribus patere debe-
 bant. De ipso enim produnt historiæ, quod e-
 rat in negotiis morosus nimis, vix aut nunquam
 mutabat administratores, & quærentibus causam,
 hoc erat responsum, Parco plebiculæ, quoniam,
 cum ministri intelligunt, ad modicum tempus se
 habere procurationem, emungunt populum us-
 que ad sanguinem, & tanto acrius dominantur,
 quanto brevius, & qui recentes veniunt, dissi-
 pant quidquid inveniunt. Qui enim administra-
 tioni præsumt, pecuniæ cupiditate alliciuntur,
 porro si diutius in magistratu versentur, segniores
 fiunt ad quæstum. Quam regendi rationem, ut for-
 tius comprobaret, satis apto utebatur apologo.
 Iacebat quidam, inquit, ulceribus plenus, nec a-
 movebat muscas, alter superveniens, putans quod
 has dimitteret ex imbecillitate, statim abegit eas,
 ad quem ille, Malè egisti viator, quia muscæ quas
 amovisti, sanguine jam erant repletæ, & me ve-
 xabant pareius, quæ autem supervenient, acris

Niceph.
 li. 1 ec-
 cles. hist.
 c. 17.

Corn.
Tac.
lib. 4.

Hest.
c. 19.

pungent. Ita ministri provinciarum, recenter instituti, acrius in subditos deserviunt. Quod autem hæc regiminis institutio, sit Principibus valde periculosa, unus Sejanus edoceat, qui diuturnis, ac non interruptis honoribus elatus, Drusum unicū Tiberii filium veneno extinxit, parumque abfuit, quin ipsum Tiberium vita & imperio privaret. auctoritas quippe suprema ex Principis bonitate collata, corrumpit sæpenumero, & arrogantes facit hominum mentes, ita ut de facili agant contra justitiam. testis sit Aman, de cujus arrogantia, & impietate, satis superque liquet. Vix ab Assuero Rege sublimatus fuit, & constitutus secundus à Rege, ut ipsemet Rex testabatur his verbis, Aman filius Adamathi animo, & gente Macedo, alienusque à Persarum sanguine, & pietatem nostram sua crudelitate commaculans, peregrinus à nobis susceptus est, & tantam in se expertus humanitatem, ut pater noster vocaretur, & adoraretur ab omnibus post Regem secundus, qui in tantum arrogantia tumorem sublevatus est, ut Regno nos privare niteretur, & spiritu. Nec parum facit ad rem nostram, Caesaris exemplum, cujus diuturnum & continuum Imperium, Romanæ reipublicæ libertatem abstulit. Ipse verò idem Cæsar experimento edoctus, ex bello Aphricano in urbem reversus, lege postmodum cavuit, ne Prætores ultra annum, Consules verò ultra biennium, continuarent Imperium, quippe, qui ad memoriam revocabat, se non alia re magis, quàm Imperio continuando, dominandi cupiditate incensum fuisse. Eiusdem sententiæ fuit etiam Mamercus dictator, qui asserbat magnam Reipublicæ custodiam esse, honores interrompere, & prudenter quidem. Nam sicut arbores

arbo
ces
fus a
nos
nistr
ctor
la. C
fi ve
& ne
fenes
stant
pore
perim
quos
non m
tes; ad
L. Vn
clarat
gni vi
fari
rium
torii
post
oblit
Narl
Galb
dus
evafin
dilige
perii
egreg
reneat
Siquid
tentian
quitas

arbores, quæ diu humi inhæserunt, altasque radices egerunt, ægrè admodum evelluntur, ita prorsus accidit ei, qui diutius imperavit, in quo hos altè radices fixerat, cum enim aufertur administratio summa, tunc & cor ipsum aufertur è pectore. hinc tumultus, hinc seditiones, hinc pericula. Quomodo igitur tot incommodis occurras? si venale ingenium suspectum semper habebis, & neminem permittes in magnis imperiis conflescere. Siquidem ob humani ingenii inconstantiam, non omnibus, omnino, nec omni tempore fidendum. Quis enim ignorat frequenti experimento jam apud omnes compertum, aliquos integrè, sanctèque provincias administrasse, non multo autem post, omnem pudorem exuentes, ad omne scelus turpiter esse prolapsos? quod L. Vitellii, & T. Iunii testimonio perspicuè declarat. Tac. li. i. hist.

Ille regendis provinciis prisca, & insigni virtute egit: at regressus, & formidine C. Cæsaris, & familiaritate Claudii, turpe in servitium mutatus, exemplar apud posteros adulatorii dedecoris relinquitur, cesseruntque prima postremis, & bona juventæ, flagitiosa senectus obliteravit. Hic autem pro consulatu Galliam Narbonensem, severè, integrèque rexit, mox Galbæ amicitia in abruptum tractus, audax, callidus, & ad omnia vitiorum genera paratissimus evasit. Hinc alieno exemplo discant Principes, & diligenter caveant, ne nimia alicujus fiducia, imperii partem alteri concedant, sed ita viris etiam egregiis, exequenda committant, ut clavum ipsi teneant, nec à gubernaculo manum dimittant. Siquidem grave periculum est, ad nimiam potentiam subditos evehere, ut bene testatur antiquitas sub Cæsare, Augusto, Tiberio, Caligula,

Domitiano, in quorum capita familiarium primi, sola purpura inferiores surrexerunt. Nec minister in magna potentia se extollat, quoniam magnam potentiam magna etiam sequuntur præcipitia. Pulchrè in hac re Stoicus, Segetem nimia sternit ubertas, onere franguntur rami. idem quoque contingit animis, quos immoderata felicitas rumpit. potentia ergo utatur, tanquam aliena veste, qua paulò post exuendus est, ne si quando fortuna mutaverit fidem, risum pro commiseratione referat. Exempla te moneant Sejani sub Tiberio, Severiani sub Severo, Asiatici liberti sub Vitellio, Theodori sub Isæcio, Lentuli Getulici sub Caligula, Domitii Corbulonis sub Claudio, Parmenionis sub Alexandro. Sit igitur hæc summa rei, nec minister potentia intumescat, nec Princeps ad nimiam potentiam assumat, nec passim omnes ad magistratus promoveat, nisi quorum fidem multis in rebus probaverit, & tunc ex millibus eligat. Zeuxis inter pictores clarissimi exemplo, is enim Agrigentinis facturus tabulam in templo Iunonis Lacinia dicandam, ingenii sui viribus minime confusus, penicillum inconsideratè non arripuit, sed eximia formæ virgines prius per totam civitatem inspexit, & ex quinque pulchrioribus, quas elegerat, quod in quaque latidatissimum fuit, pictura expressit: ita sane Princeps, non omnes inconsulto ad officia asciscat, sed æquo prius perpendat iudicio, qua præclara animi dote sit ornatus, qui aulae regiae dignus sit adscribi. illos tamen ita promovebit, ut frena semper Imperii manu ipse teneat, nec gubernaculi sui clavum alteri committat, ne imperare incipiat, qui subesse debebat, nescit enim parere elata potentia. Superbire homines quandoque solent, etiam

iam annua designatione, quid si honorem per longum tempus agitent? Credas mihi, nihil tam Tac. l. 5.
 utile reipublicæ, quàm brevem potestatem trade-
 re, ubi magna. Sejanus ad summam dignitatem
 evectus, invadere factionibus Imperium tentavit.
 Cleander cum domus Imperatoriæ servitio esset
 traditus, & cum ipso Commodò accrevisset, ad
 tantum honoris fastigium provectus est, ut & cor-
 poris custodiam, & cubiculi curam, præterea mili-
 tum præfecturam solus obtineret, sed magnitudo
 rerum, ad Imperii spem illum instigabat. Inter
 præcipua mandata, quæ Octavianus dedit mori-
 ens Tiberio, erat, ut multorum consiliis utere-
 tur, rempublicam non uni tantum traderet. Non
 vis itaque, ô Princeps, ministrorum incuria, seu
 potius perfidia decipi? ipsemet ad tribunalia in-
 terdum descendas, ipsemet miseris hominibus pa-
 tulas aures præbeas, ipsemet causas exactè co-
 gnoscas. Nam sæpe inauditi, atque indefensi, li-
 cet innocentes pereunt. In Ranutium Farnesium
 Ducem prudentissimum, mentis oculos con-
 verte, hinc hauries regiam veri Regiminis ra-
 tionem. hic enim, non ut Caligula pronuntian-
 ti, canentivè tragædo, gestum, vocemve accom-
 modabat, sed Reipublicæ lyram ad pacem, &
 civium concordiam temperabat. Non cum Do-
 mitiano, muscas, sed sicarios, latrones, viros ne-
 farios captabat, ut in ejus ditione, ne musca
 quidem, quæ alienum raperet, reperiretur. Non
 cum Nerone, libratís funambulorum spectacu-
 lis vacabat, sed utramque justitiæ lancem æquili-
 brabat. Non cum Vespasiano, scurrili mimorum
 dicacitate capiebatur, sed sapientissimorum re-
 sponso exquirebat, & studiosè observabat. Non
 cum Cæsare, lusoriis cartis operam navabat,

Hero-
dot. li. i.

sed supplices miserorum libellos manu versabat. Intelligebat enim quod quamvis praefectos substituerit, quorum humeris universam negotiorum molem imponeret, non propterea penitus cura vacabat. Ad Principem namque spectat, quid agant delegati, interdum investigare, rationes examinare, omnia explorare, ne populi sine causa poenas luant. Id fecisse constat Hebraeorum ducem, qui licet collegas ad regimen assumpserat, ipse tamen praesse, & summa cum auctoritate praesidere voluit, sic divina narrat historia, Moyses autem constituit Sapientes, qui iudicaret plebem Domini omni tempore, quidquid autem gravius erat, referebant ad eum. Hoc iudem erat egregium, & sanè regium institutum Augusti Caesaris, Trajani, Adriani, Severi, Philippi, Alexandri, ad quos facilis patebat accessus. Proinde apud omnes gentes honorabile nomen eorum. Hos igitur imitare, hos tibi magistros constitue, sed instar omnium, sit tibi tanquam lucidissimum speculum Rodolphus Austriacus Imperator, hic satellites suos, à quibus tenuiores homines, aditum Principis cupientes, rejiciebantur, & ipse rejecit, dicens; Per Deum, finite homines ad me venire, non enim ideo Imperator sum, ut in arcula includar. & prudenter quidem. Nam qui existimant morum facilitatem, obscurare Imperii maiestatem, & propterea miseris hominibus ad suas aures aditum pracludunt, nec veri, nec iusti Principes ullo unquam jure dicendi sunt.

Equidem non me latet, arduum prorsus, & Principi nimis durum, omnibus causis aures accommodare. Quippe nec maiestati consonum, debet enim solis, & imbris instar, latere aliquando, & aliquando etiam conspectui se tradere. Si quidem

quidem majestati, major ex longinquo reverentia. Lacides accersitus ab Attalo Rege, respondit, Imagines eminus esse spectandas, innuens assiduam, arctamque familiaritatem saepe minuere virtutis admirationem. Continuus namque aspectus magnos homines minus verendos ipsa satietate facit. Ad hanc rem appositè facit, quod scribit Paradinus, ait enim cives quosdam Mediolanenses, qui in necem Sfortiæ Ducis conspiraverant, ita vultum ejus & auctoritatem formidasse, ut aliquoties rem aggressi, sola vultus majestate percussi, à cœpro desisterent, sicut spiculator ad Marium occidendum missus, constanti ejus vultu perterritus, re infecta rediit. curarunt igitur imaginem ducis ad vivum in tabella depingi, ad hanc imaginem pugionibus suis confodiendam, & deformandam, ubi se per aliquot dies exercuissent, tandem ad ducem ipsum in ipso templo publicè occidendum, intrepidi accesserunt, & audacissimè occiderunt. ecce quod aliquando debet latere Princeps, ne majestatis veneratio minuat, hominibus namque omne ignotum semper pro magnifico est. Quærit Rupertus Abbas, cur erat antiquitus tanta difficultas adeundi Regem? ut patet de Rege Asuero, qui saepe per spatium triginta dierum non se exhibebat, respondit; hoc venerat ex nimia ventositate miseræ vanitatis, ne vilior fieret ex usu publicæ visionis. modus tamen servandus est, ne Calistrati sequamur præceptum, qui Principes consulebat, ne populis se præberent faciles, quasi essent res quædam, quæ non solum usu, sed & visu consumerentur. Quid igitur? graviora ipse tractet, minora ministris committat, sapientibus tamen & timentibus Deum, in quibus sit veritas, & qui oderint avaritiam. Proinde apud The-

Tac. lib.
1 annal.
Laert. li.
4. c. 8.
Livius
li. 15.

Rupert.
abbas li.
8 de vi-
tore
verbi
c. 10.

1. obser-
vandam
de offic.
Præsid.
Exodi
18.

banos statua Iudicis erat expressa sine manibus, ut insinuarent judicem à muneribus alienum esse debere. capitur enim, si capit. Ad quam rem facit egregiè M. Curii testimonium, qui contra jus neque capere, neque capi unquam potuit, propterea legatos Samnitum cum suis pecuniis remisit, in-
 quiens, Malo dominari aurum habentibus, quam auro; nam qui capitur auro, non est sui juris, sed aurum largientis. hinc Alcamenes à quodam rogatus, cur à Messeniis oblata munera recusasset? Quoniam, inquit, si recepissem, cum legibus pacem habere non poteram. ò mentem Imperio dignam, quæ obvio ingentique lucro legum auctoritatem anteposuit.

Egregius Ovidii apologus huic rei concinnè accommodatur. Fingit Atalantam Iassii Regis filiam, cum singulari corporis velocitate præstaret, cursus certamen proposuisse, in quo victus mortis pœnam, victor verò conjugii sui præmium obtineret. Pluribus jam devictis, Hippomenes tandem ad certamen venit, qui ut eam superaret, hac admirabili usus est industria; dum enim cursu certarent, mala quædam aurea extra curriculum tractim projiciebat, ipsa autem Atalanta auri cupiditate illecta, extra curriculum profiliens, cursumque interrumpens, ad colligenda mala se inclinabat; interim præcurrens Hippomenes, hoc adhibito strategemate, victoriam certaminis reportavit. Quid hinc? Ex hoc commento non difficile est intelligere, muneribus fortissima quæque facile expugnari; nec eum difficile capi, qui paratus est ad capiendum. Quod probè noverat Lysander vir ille clarissimus; cum enim tyrannus quidam Siciliae, pretiosas vestes cum donis aureis filibus ejus misisset, noluit pater, ut munus acciperent, quod

quod illarum honori indubiè insidiaretur, dicens; Nolite capere, ne capiamini, Obsidebat aliquando Philippus Macedo castrum quoddam ingenio loci adeo munitum, ut nullus omnino pateret accessus. Tunc Rex percunctatus, An asellus pecunia onustus, illuc quiret accedere? respondentibus exploratoribus, quod sic, tum ait, Vicinus ergo. ut ostenderet aurum nonnulla conficere, quæ vix aliis viribus effici possint. Hinc pecuniæ dicuntur opes, quia ferunt opem, & facultates à facilitate, quod omnia ex difficillimis, reddant facillima. Nichil enim tam munitum, quod pecunia expugnari non possit, cum argenteus gladius omnia penetraret. Hæc autem sacra fames à ministrorum mentibus procul esse debet, ne iustitiam venalem habentes, proditores appellentur, ita enim lege sancitum est. Iudex qui iustitiam vendit, proditor dicitur, & proceditur contra ipsum, tanquam contra reum, qui commisit crimen læsæ majestatis. & hoc citra injuriam. Quoniam iudex iniquus ad reipublicæ perniciem natus, ultimi supplicii pœnas meretur luere. ut prudenter egit Cambyses Rex Persarum, is enim iudicem pecunia corruptum, decoriari iussit, & pellem è corpore detractam, sellæ judicariæ apposuit, in eaque filium ejus judicaturum sedere mandavit, ut novo supplicii genere percussus, æqua lance judicaret, super quam sedem, hoc distichon iussit inscribi,

Sit tibi lucerna, pellis, sedesque paterna,

A manibus resces munus, ab aure preces.

Nec minus præclare se gessit Artaxerxes Rex item Persarum, is enim plurimis regni sui magistratibus auro corruptis, pellem detrahi iussit, eamque per tribunalia suspendi, ut qui ad eandem dignitatem promoverentur, rigido hoc supplicio

Tiraq.
l. si un-
quam c.
de revo-
cat. don.

Val.
Max.
lib. 6.
Amian.
lib. 25.

Herod.
lib. 5.

Diodor.
Siculus
c. 15.

perterriti, ab iisdem flagitiis abstinere, sed suum unicuique jus administrarent. Utinam nostrorum temporum iudices, ante oculos haberent hoc exemplum, non enim ita facile à tramite iustitiæ declinarent, Phariseis omnino similes, qui Christi pauperis causam agentes, unanimi consensu inclamant, Expedi, ut moriatur. Porro cum de Lazaro divite tractant, consilia ineunt, cogitaverunt, ut Lazarum interficerent. divinum supplicia protrahuntur, pauperes statim neci traduntur. hoc autem quàm sit turpe nefas, declarat Dominus per regium prophetam, Devorant plebem meam sicut escam panis. En iustitia, telis aranearum comparata. En iustitia, virga quidem, sed non æquitatis. En iustitia, cingulum lumborum. hinc enim inclinatur ad potentiæ timorem, illinc ad pecuniæ pondus. En iustitia, statua illa multiformis, in qua caput aureum non comminuitur, lutei pedes dissipantur. ita fecit impius Saul, proinde percussus à Deo. Vade, iussit Dominus, percuti Amalech, & demolire universa ejus. Instruit Rex exercitum, regionem vastat, sed pepercit universis, quæ pulchra erant, quidquid autem vile fuit, hoc demolitus est. En iudex, facies peccatorum sumens, contra quos clamabat Salomon, Pondus & pondus, mensura & mensura, utrumque abominabile apud Deum. hinc emergit malorum congeries, quam describit Oseas Propheta, Non est veritas, non est misericordia, non est scientia in terra, maledictum, mendacium, homicidium, furtum, adulterium inundaverunt. sed, quæso, unde tot mala? sanguis sanguinem tetigit. Cur Regna evertuntur? cur bona reipublicæ dissipantur? cur tot civitates exterminantur? cur solo æquantur? quia æquitatis invertitur ordo. Siquidem iudices sanguini

2 Reg.
c. 15.

guini tantum, & auro inhiantes, non quod jus exigit, hoc decernunt, sed quod cupiditas impellit, eò deflectunt. Sicut enim imposita humeris onera deprimunt, & ad terram flectunt etiam validissimos, ita animi licet erecti, munerum pondere incurvantur, mollescent duri, liqueſcunt solidi, subsidunt robore pleni, reliquisque invicti vitiis, auro victi jacent. hinc Poeta,

Auro pulsa fides, auro venalia jura,

Aurum Rex sequitur, mox sine lege pudor.

Proinde Athenienses, ut huic incommodo occurrerent, apud illos cautum erat, ut judices in tenebris causas agerent, quod ad causam, non ad personam respicerent, ne muneribus illecti, perperam judicarent. Apud Thebanos, in loco ubi congregabatur magistratus, pingebantur Senatores, & in medio eorum Princeps, senatores sine manibus, princeps sine oculis; sine manibus, ne munera acciperent; sine oculis, ne personam respiceret. Lacedæmonii non solum oculos claudabant, sed & aures, volebant enim, ut per schedulas peterent, ne coram iudicibus loquentes, eos fletibus, efficaci-que modo dicendi emulcerent. Hunc modum videntur probare divinæ Scripturæ, Non secundum visionem oculorum judicabit, nec secundum auditum aurium arguet, sed judicabit in justitiâ pauperes, & arguet in æquitate pro mansueris terræ. Quandoquidem, qui munera diligit, muneribus oppletus, veluti Cerberus, objecta ossa latrare desistit. de quo Sapiens, Quasi mutus in ore, lectio Græca habet, Quasi frenum in ore. Et apud Athenienses versum erat in proverbium, Bos in lingua. appellabant autem bovem, quandam monetam, in qua imago bovis erat picta. Porro quando iudex adversus divitem facinorosum, non audebat

Alex. ab
Alex.
dierum
genial.

c. 5.

Pineda
in Job
c. 9.

Isa. 18.

senten-

Aul.
Gell. li.
11, c. 9.
Bruson.
li. 1, c. 1.

sententiam proferre, mox populus inclamabat, Bos in lingua. Quod Demostheni celeberrimo Græciæ oratori accidisse refert Aulus Gellius. Is enim pecuniis corruptus, ne diceret contra legatos, qui Mileto publicæ rei causa venerant Athenas, lana circa collum advoluta, ad populum prodiit, dixitque se anginam pati, propterea contra Miletos loqui non quire, tum è populo unus clamatavit, Non anginam, sed argentanginam pati, quoniam argenti mole suffocatus, orationem contra habere non poterat.

Quid non argento, quid non corrumpitur auro?

Qui majora dabit munera, victor erit.

Stob.
serm. 35.

Vtinam iudices hujus sæculi ad verba Phocionis mentis aciem dirigerent, proculdubio à tramite justitiæ, ne latum quidem unguem, discederent. Alexander Macedonum Rex, centum talenta dono miserat Phocioni, is verò percunctatus est eos, qui pecuniam adferebant, Quid ita? cum essent Athenienses permulti, sibi unī illa mitteret Alexander? illis respondentibus, Quoniam unum te judicat virum & honestum, & bonum. Ergo, inquit, sinat Alexander me talem & haberi, & esse. Insinuavit vir prudens illos, qui rempublicam administrant, & tamen à capiendis muneribus non abstinere, nec bonos esse viros, nec tales debere existimari. Et quidem prudenter. Quoniam sic cautum est in sacrarum litterarum monimentis, Iudices & magistratus constitues in omnibus portis tuis, ut judicent populum recto judicio, nec in alteram partem declinent. Declinabit autem iudex, si munera inhianter accipiat, qui enim capit, capitur, & rigidi canis instar, objecto cibo mansuescit, & ad potentis nutum contra jus animum flectit, & ab æquitate declinat. Non sic Ioannes,

Dent.
c. 16.

qui

qui ob aureum dicendi flumen, os aureum nuncupatur. Huic enim Eudoxia Imperatrix Arcadii conjux, per suos nuntios minas, & terrores intenuit, ed quod ejus iniquis cupiditatibus strenue se opposuerat, at responsum est ei à suis, quos miserat legatis, Frustrà illum hominem terres, qui nihil, nisi peccatum timer, & mortem potius subibit, quam à semita justitiæ recedat. Non sic Ambrosius Ecclesiasticæ disciplinæ propugnator acerrimus. Cùm enim Ruffinus magister militum, Theodosium Imperatorem de censura valde sollicitum, hortaretur, ut bono animo esset, & promitteret, se curaturum, ut Episcopus Ambrosius etiam sua sponte vincula ei laxaret; respondit Theodosius, Novi ego constantiam Ambrosii, qui nullo regiæ majestatis timore divinam legem transgredietur, qui potius deficiet, quam non efficiet, cujus mens in sanctis propositis semper immota manet. Non sic sanctus Thomas Cantuariensis Episcopus, cùm enim legibus regiis omnino injustis, animo infracto se opponeret, Gilbertus Londinensis Episcopus ad eum scripsit, ut mollius ageret cum Rege, sapienter respondit; Clavum teneo, & ad somnum me vocas? tales esse oportet præfecturam gerentes, ut nihil formidantes, viam Dei in veritate doceant, oraculi divini memores: Noli fieri judex, nisi valeas virtute irrumpere iniquitates, ne fortè extimescas faciem potentis. Sanctus Ludovicus Rex Gallorum, nonne hoc persuasum semper habuit ab ineunte ætate, potius mori velle, quàm contra legem æquitatis agere? Sed ne quis perfectionem Sanctorum, hoc loco excipiat, testimonium Ethnici proferamus, & faciem nostram operiat confusio. nonne Aristoteles sapius dictitabat? Melius est mori, quàm ali-

Theo-
dor. li. 5
hist. ec-
cles.
c. 18.

Ecc. 7.

Sur. in
vita e-
jus.

Arist. li. 3
ethic.

quid

quid agere contra bonum virtutis. Papinianus Iureconsultus mori maluit, quam jubente Antonio Caracalla Imperatore, parricidium ejus de occiso fratre Geta defendere, audacter enim respondit; Non tam facilè parricidium excusari posse, quàm fieri.

Verum graviora negotia, ut revertamur, unde digressi sumus, quæ debent à Principe tractari, non illa existimo, quæ ad nobilium causas dumtaxat pertinent; minime quidem. illa majora duco, & gravioris ponderis, quæ cæteri administri vix attingere consuecunt; immò obducunt supercilia, contrahunt frontem, dicunt non habere otium. Causæ nempe viduarum, pupillorum, & infimæ sortis hominum, quas minores judices despiciunt, gravissimæ meo judicio censendæ sunt, & catholico Principe dignæ, ne jure conqueratur

Hæc. I.

*Curia pauperibus clausa est, dat census honores,
Census amicitias, pauper ubique jacet.*

Quod quidem de plerisque nostri temporis potest decantari, qui nulla ratione ad opus exeunt, nisi sint auri & splendore, & sonitu excitati. Quod eleganter expressit Poeta,

*Aurea nunc verè sunt sæcula, plurimus auro
Venit honos: auro conciliatur amor.*

Ipse licet venias Musis comitatus Homere,

Si nihil attuleris, ibis Homere foras.

Innoc.
de mis.
hom. lib.
2. c. 39.

Huic rei convenit non ineptè, quod refert Innocentius Pontifex, de quodam philosopho, qui cum in vili vestimento Principis aulam adiisset, & diu pulsans, & rogans, non fuisset admissus, mutavit habitum, mox ad primam vocem patuit aditus; ille verò ad Principem accedens, pallium quod

quod gestabat frequenter osculabatur. at mirante Principe, cur ita faceret? respondit philosophus, Honorantem me honoro, quia quod virtus non potuit, vestis obtinuit, quasi diceret,

Si modo me spernis, mutata veste redibo,

Quod mihi non dederis, vestibus ipse dabis.

Sed unde hoc malum? ex malis ministris, lucro rantum inhiantibus, de quibus idem Pontifex e-
 gregiè loquitur, Mali ministri non attendunt me-
 rita causarum, sed pecuniarum, non quod ratio
 dicit, sed quod voluntas affectat, non respiciunt
 jura, sed munera; non justitiam, sed pecuniam.
 nec mirum. habent enim linguam, manus, & ani-
 mos venales. tales profectò non erant, quos insti-
 tuit Iosaphat Rex sapientissimus; is enim creans
 iudices pro servanda Imperii integritate, hanc
 concionem habebat, Videte quid facitis? Non e-
 nim hominis exercetis iudicium, sed Domini. Et
 quodcumque judicaveritis, in vos redundabit, Sit
 timor Domini vobiscum, & cum diligentia cuncta
 facite. Tales requirit Dominus quos ad magistra-
 tus assumere statuit: Provide, ait Moyse, de om-
 ni plebe viros sapientes, & timentes Deum, in
 quibus sit veritas, & qui oderint avaritiam. Ex eis
 constitue Tribunos & Centuriones. tales exqui-
 rebat David, & solos admittebat, Ambulans in
 via immaculata hic mihi ministrabit, & munera
 super innocentem non accipiens. Tales ex milli-
 bus eligebat Alexander Severus, præfides enim
 provinciarum quos verè laudabiles comperit, in
 itineribus semper secum in vehiculo habuit, &
 muneribus ornavit, dicens: Fures à republica pel-
 lendos, ac pauperandos, porrò integros, & insi-
 gnes viros, esse redimendos atque ditandos. Ta-
 les ambibat Philippus Macedonum Rex, fideles
 nimi-

Innoc.
de mi-
ser. hom.
lib. 2. c.
39.

2 Paral.
c. 19.

Exod. c.
16.

Ps. 100.
Lam-
prid. in
vita A-
lex. Sev.

nimirum, de quibus nulla suspicio corruptelæ, qui non auro ducuntur, sed jure, non cupiditate, sed veritate, qui non pro commodis privatis, sed ob salutem Regni, & Principis ornamentum laborant, more canis venatici, qui aggreditur, & firmat leporem, non tamen occidit, sed domino servat. apposita nota, Non edendi, sed vincendi cupidus. In admittendis ministris, ita erat studiosus Rex Macedo, ut quos aliqua labe notatos comperiebat, statim ab aula regia eliminabat. Hinc est, quod cum quendam ex Antipatri amicis, in numerum judicum adscripsisset, ubi primum cognovit, illum tingere capillos, mox submovit eum, dicens: Qui in capillis fidus non esset, in rebus gerendis non est dignus, cui fides adhibeatur. Chius quidam senex in Lacedæmonem pervenit, quem cum senectutis suæ puderet, canos tinctura oblitescere conabatur, progressus igitur in publicum, de rebus quarum gratia venerat concionem habuit; tunc surgens Archidamus dixit: Quid ille rectum diceret, qui mendacium non in anima solum, sed in capite quoque circumfert? Vis nosse, ô Princeps, quisnam minister in aula regia sit admittendus? Consule Iustinianum Imperatorem, qui luculenter illum describit his verbis, Minister debet esse à cupiditate aded sepositus, ut quærat co-gendus, rogatus recedat, invitatus effugiat; si autem accipiat, non auro, sed juri incumbat, quoniam gloria magistratus non residet in thesauris congestis, sed in rebus præclare gestis. ut re ipsa declaravit Tiri Labieni miles magnanimus; huic enim cum Labienus multum auri ex præda Gallica donasset, miles aurum ad pedes Labieni abiecit, & paulo deinceps, idem argenteis armillis donatus, lætus omnino abiit. contempsit aurum miles.

Lege 30
C. de
episc.

mile
niam
ratio
pio
Con
quo
Hisp
nus
Neu
bet
Imp
ritia
mult
rus,
nunq
bus e
quos
servi
mas,
Deo
mod
finer
fidu
tria
ut c
finer
avar
offic
erga
Deu
vena
enim
ergo
tam f
rem a

miles, honores amplexus est. & jure quidem. quoniam cupiditas habendi, animum prosternit; & rationis judicium pervertit. ut probè noverat Scipio Æmilianus. Narrat Valerius quod cum duo Consules contenderent in Senatu, quis de duobus, quorum alter nihil habebat, alteri nihil satis, in Hispaniam mitteretur? tunc ait Scipio Æmilianus, omnibus ejus sententiam expectantibus, Neuter horum mihi placet. alter, quia nihil habet, alter verò, quia nihil satis. æquè malum Imperii ministrum judicans, inopiam, & avaritiam. Quando enim Praefectus egenus est, multa extorquet, ut ditetur; quando verò avarus, multa rapit, ut os avaritiæ impleatur; at nunquam dicit, sufficit. At tales à magistratibus explodendi, utpotè Reipublicæ proditores. quos Paulus vocat idolatras. Avaritia idolorum servitus. Hujus autem rationem reddit D. Thomas, dicens: tunc esse idolatriam, cum honor soli Deo debitus, creaturis tribuitur. At honor duobus modis refertur in Deum, quando in eo ultimum finem statuimus, & quando in eo totam spem, & fiduciam nostram ponimus. qui secus facit, idolatriæ culpandus est: at avarus ed insanix redigitur, ut creaturam pro Deo habeat, in eaque ultimum finem ponat, & totam spem constituat. Qui ergo avaritiæ servit, pro idolatra habendus, proinde ab officiis, & dignitatibus eliminandus. Et quomodo erga Principem fidelis, qui Deo est infidelis? Deum autem negat, qui avaritiæ inhians, justitiam venalem habet, & jura divina conculcat. Non enim homini plures ultimi fines esse possunt. tales ergo ministri ab aulis regiis arceantur, nè totam Rempublicam turpiter inficiant. Ad hanc rem appositè facit, quod David de corruptis

Ephes.
c. 5.D. Tho.
2 p. q. 1.
a. 3.

ministis iustitiam venalem habentibus, dicebat,
 Psal. 70. Quoniam non cognovi litteraturam, introibo in
 potentias Domini. Sed quid audio, ô sancte Va-
 tes? numquid solis ignaris, cali patebit aditus?
 Hieronymus legit, Quoniam non cognovi nego-
 tiationem. hoc est, quia scientiam meam venalem
 non habui, ut plerique iudices, qui non ad iusti-
 tiam, sed tantum ad quæstum oculos converten-
 tes, leges pro libito intorquent. O venale ho-
 minum genus! prudenter ille, Vidi morbum in-
 curabilem, ad quem curandum non invenitur me-
 dicus, sed nunquam inveni causam adedè deper-
 ditam, ad quam tuendam non inveniatur advoca-
 tus. Pulchrè & luculenter Bernardus; Aliqui, ait,
 scire volunt, ut sciant, & hæc curiositas est; ali-
 qui ut sciantur, & hæc vanitas est; aliqui, ut
 ædificentur, & hæc prudentia est; aliqui ut ædi-
 ficient, & hæc charitas est; aliqui verò, ut scien-
 tiam vendant, & hic turpis quæstus est. Verum
 huiusmodi iudices, non introibunt in potentias
 Domini; imò perpetuis suppliciis tradentur sine
 fine cruciandi, ut pulchre sub velamine ostendit
 Ioannes; nam recensens numerosam multitudi-
 nem Prædestinatorum, refert ex qualibet tribu
 duodecim millia fuisse signatos, & cum singulas
 referret, solam tribum Dan silentio involvit;
 Apoc. c. 2. nullum enim ex hac tribu signari vidit, ad salu-
 tem. Quid hinc? Dan idem significat, quod iudex,
 Gen. c. 49. quod oraculi divini testimonio liquet; dicit
 enim Sacer textus; Dan iudicabit populum
 suum. & statim subditur: Fiat Dan coluber in
 via, cerastes in semita. Iudex qui quasi coluber
 tortuosus est, pro libito leges intorquens, & quasi
 cerastes insidias parans, iustitiæ rectitudinem non
 observat, talis equidem inter electorum nume-
 rum

rum supputandus non est, & in potentias Domini non introibit.

Princeps itaque omni studio laboret, omnes nervos intendat, pro viribus enitatur, ut miserorum querelis assistat, causis judicandis intersit, sententias recto examine ponderet, Regis Evangelici vestigiis inhærens, qui voluit ipsemet rationem ponere cum servis suis, quod summæ prudentiæ adscribendum est. noluit Rex sapiens, vices suas aliis committere, sed ipse debitores suos audivit, rationes trutinavit, exactè omnia exploravit, & rebus regni miro ingenio providit. ita se gerebat Assuerus potens ille Persarum Monarcha, iussit sibi afferri priorum temporum, quæ illo præsentè legerentur; solus enim Principis oculus Regni negotia, ut sua, rectè judicat, cæterorum oculi suspecti sunt. Proinde cum sit custos justitiæ, & ad ipsum spectet summa rerum, causis miserorum incumbat, nè illi exprobetur, Noli ergo regnare. Nam supplicantis orationem non admittere, rationem amittere est. Verum quoniam ob ingentem negotiorum molem, quibus premitur, & sæpe opprimitur Princeps, omnibus causis interesse nequit, videat saltem, provideat, inquirat, nè ministrorum incuria, seu potius culpa, sanguis pauperum deglutiatur, & recta imperandi institutio corrumpatur. Quod quidem facile continget, nisi legum sanctarum observatio opere compleatur. Quid enim prodest novas condere, & coacervare leges, si nunquam ad actum exercitum reducuntur? scite admodum scripsit ille Politicus; Corruptissima Respublica, plurimæ leges. nam experimento compertum habemus, plurimis legibus non instrui civitates, sed destrui. sane ut milles multiplici, eaque gravi armatura oneratus, ad pugnam

Arist. §
ethic.

Tac. lib.
4 annal.

pugnam ineptus efficitur, & ab hostibus facile capitur, ita profecto miseri cives multitudine sanctionum obruti, & quid agant, & quomodo se gerant, omnino ignorant, magisque spem abiciunt, quàm concipiant observandarum legum. Huc spectat, quod Thucydides apud Stobeum refert, Arcesilaum dixisse; Vbi plurimæ leges conduntur, facili negotio contemnuntur, eò quod cives variis, ac propemodum innumeris onerati legibus, graviter confunduntur. Sicut cibus confertim ingestus, non nutrit, sed onerat, nec densa pluvia terram irrigat, sed inundat, nec clavorum numerus tabulæ leviter insertus, sed unus aut alter clavus fortiter impactus, crebrisque ictibus incus-
sus, fabricæ compingendæ accommodatus est; ita non legum multitudo, quæ obruit, sed paucarum executio, quæ proficit, in Republica instituenda est. Isocrates in Areopago dicere solebat; Non sunt legibus porticus implendæ, sed civium animi iustitia, & virtute imbuendi. Homines enim rectè instituti, paucis legibus diriguntur, improbi verò, omnes leges facile aspernantur. Pauca itaque leges condantur, sed exactè observentur. Hanc sanè egregiam regnandi institutionem apprime noverrat Philosophus ille apud Thebanos insignis. Cùm enim Thebani Lacedæmoniorum legibus inviderent, eorumque Rempublicam agnoscerent florentissimam, philosophum quendam Phitonem nomine, ad Lacedæmones destinarunt, qui leges eorum attentius consideraret, & quod in illis erat admirabilis, diligenter observaret, & patriæ deinde communicaret. Cùm igitur per multos dies commoratus fuisset, singulaque serio contemplatus, Thebas tandem reversus est, mox omnes ad audienda mirabilia, aures accommodant. At ille
Senatum

Senatum ingressus, compedes, catenas, equuleos, plurimaeque id genus, instrumenta coram illis proposuit, quo facto, nullo habito verbo, Senatus egressus, statim se proripuit. Verum Thebani facti huius novitatem demirati, enixè postulant, ut rationem legationis reddat, & quidnam sibi velint instrumenta illa, protinus aperiatur. Tunc Philosophus hac ad eos oratione usus est, Misistis me Thebani cives clarissimi in Lacedæmoniam, ut leges, instituta, & quidquid Respublica illa laudabile haberet, ad vos transferrem; ego autem utilis esse duxi, iustitiæ instrumenta vobis afferre, non enim legibus, sed executione legum indigemus. Quid prodest tot leges coacervare, si legum transgressores nullas poenas luunt? Quorsum tot virgæ, si nec rectæ, nec vigilantes sunt? hinc in dies pullulant impia facinora, quoniam nimia indulgentia, homines reddit ad vitia proniores. Nullus unquam Orator posset oratione complecti, quantum ponderis habeat suppliciorum meditatio, etiam apud magnates. divina auctoritate hoc probatur. Nam cum filii Israel fornicarentur cum filiabus Moab, & ab eisdem ad deorum cultum invitarentur, tunc Deus ad iracundiam provocatus, mox præcepit Moyse, ut de tam nefario flagitio vindictam sumeret, dicens: Tolle cunctos Principes populi, & suspende eos contra solem in patibulis. Quid hinc? Visa hac gravi animadversione, tantus omnes invasit timor, ut deinceps in idem peccatum nullus legatur relapsus. Verum est enim quod per omnium ora decantatur, Poena unius, metus multorum. Cedrenus celebris historicus insigne quoddam refert memoratu dignum, huic rei valde appositum. Cum pauperes sub Maurilio Imperatore à potentibus opprimerentur,

nec Imperator monitis, & rescriptis proficeret, querelisque undique premeretur, convocatis aliquando in curiam potentibus, orationem ad eos habuit; cujus ea conclusio fuit, Quod si præceptis suis parere nollent, sed suis obsequi cupiditatibus, alium sibi suo arbitrio deligerent Imperatorem. Ego enim, inquit, contumacibus, injustis, & aliena violentibus imperare nolo. Tunc quidam procerum, libertate dicendi sumpta, ita Imperatorem alloquitur, Constitue me coram omnibus præfectum urbis, mandaque ne cujusquam rationem, potioem justitia habeam, utque mihi te de rebus necessariis monituro, semper aditus pateat, recipio me effecturum intra mensem, nè ulla sit vel illata in urbe, vel accepta injuria, quod si quis proferat culpam, quam mihi indicatam, non punierim, capite me plecti jubeo. Pergratum id Imperatori fuit, eumque præfectum urbis constituit. Is ergo cum mane pro tribunali sederet, & quædam vidua quereretur, se à magistratu quodam omnibus suis facultatibus spoliata, mittit eam cum sigillo ad magistrum illum, jubetque eum ad dicendam causam venire, at cum eandem viduam malè mulctatam remississet, mittit Præfectus ad eum de cursoribus unum, sed hunc quoque verbis delusum dimittit. Interim dum Præfectus in circo sederet, magister ab Imperatore ad convivium vocatur, eodem se Præfectus quoque confert, aitque Imperatori, Si in eo Imperator persistis, quod mihi mandasti, ne cui eorum, qui pauperes concutiunt, parcam, scito me promissis satisfacturum, sin eos, tu poenitentia ductus, amicos potius habeas, & conviviis adhibeas, scias me quoque detrectare ea, quæ in me recepi. Imperatore respondente, ut seipsum potius

potius folio detraheret, si fontem talis criminis sciret. Praefectus illico magistrum vi abripuit, & in curiam cum eo abiit. ibi diligenter utriusque sermone considerato; cum haud levibus injuriis ab eo affectam mulierem comperisset, verberibus impositis, homini caput rasit, asinoque nudum impositum, per mediam urbem velut in triumpho duxit; & omnes ejus opes mulieri addixit. hoc exemplo reliquos ita in viam redegit, ut ubique summa in pace viveretur, atque intra trigesimum diem, neque actor ullus esset, neque reus injuriarum. Tunc Praefectus Imperatori significat, se promissa implevisse, & Imperator in publicum progressus, cum nulla querela audiretur, patritia dignitate eum ornat, & per omnem ejus vitam Praefectum Urbis esse jubet. Utinam Principes talibus ministris uterentur, qui juste judicarent, non utique tot flagitia impune emergerent. Hæc est vera regnandi institutio. Proinde Solon interrogatus, quodnam esset inclytum, & excellens regnum? illud esse, respondit, in quo bonis præmia proponebantur, improbi vero pœna, ac supplicio afficiebantur, sine ullo personarum delectu.

Princeps itaque qui diu & feliciter principatum administrare exoptat, ministros in primis exquirat probata integritate insignes, non aurum sitientes; isti enim non clientelis, sed clitelis onerandi sunt, cum magis latrocinium, quam patrociniū exerceant. Ministrorum autem incoerrupta justitia, honoribus, ac beneficiis fovenda. Siquidem hæc sola est firmamentum Imperii, pax populorum, impunitas innocentium, horror impiorum, bonorum omnium fundamentum, quæ duce, ac comite, quasi quodam pabulo, ars

omnis imperandi nutritur, roboratur, longè, lateque propagatur.

*Eligat insignes Princeps probitate ministros,
Quales elegit, instituitque David.
Non quos sacra fames invasit turpiter auri,
Sed sint custodes, integritate, fide.*

CAPUT X.

*In arduis rebus peragendis, optimos Consiliarios,
tanquam Regni Custodes, exquirat Princeps:
& dilatabitur Regnum ejus.*



VI Consilium appellavit veri Principatus baculum, sine quo Respublica diu nequit consistere, meo quidem judicio, sapienter admodum locutus est. Siquidem cum Princeps solus, non possit omnia scire, mul-

Thom.
in 1, 2. q.
14.

torum consilio utatur, oportet, ex tot enim sapientibus, qui per omne ævum floruerunt, nemo adhuc post homines natos inventus est, qui se omnia scire profiteretur, & qui prudentum virorum consilio non indigeret. Proinde cum Præsides in summo dignitatis fastigio constituti, non valeant singula prospicere, cuncta investigare, & tandem in uno homine non possint singula absoluta esse, propterea non ex omni parte perfecti; nam Cæsar notatur ambitionis, Alexander temulentia, Pyrrhus iracundia, Annibal perfidia, Fabius tarditatis, idcirco plurimis consiliis indigent, sed amicorum, qui fideliter consulant, & quod ipse solus nescit, ipsi perficiant. Quod eleganti sanè exemplo probavit Zeuxis pictor ille insignis, cum simul-

lachrum

Arist. in
3. ethic.
6.3.

Iachrum Helenæ pingeret, ex variis namque puel-
lis perfectam imaginem delineavit, non satis esse
ducens unius exemplar. sic prorsus contingit in
regimine principatus, nam alium iustitia, alium
fortitudo, alium prudentia commendatum efficit;
unus autem qui virtutes omnes complectatur, &
cui nihil desit, nondum (ut arbitror) inventus est.
hinc Aristoteles refert, Herculem inter duos &
septuaginta liberos, foeminam unam genuisse,
quia nullus quamvis præclaris dotibus insignis,
valet perfectè omnia absolvere. Siquidem in hac
terrestri plaga, in qua omnia coagmentantur ex
actu & potentia, vel, ut more Pythagorico
loquar, ex pari, & impari, ex dextro, & sini-
stro, ex masculo, & foemina, nihil potest esse ex
omni parte absolutum; non aurum sine face, non
argentum sine scoria, non vinum sine flocibus, non
rosa sine spinis. Cum itaque stipantur Principes,
quasi custodia tuta, consiliariis multis, hisque &
eruditione, & integritate ornatis, tunc, qui pridie
duos tantum oculos, binas manus, ac pedes habe-
bant, & proinde non omnia attingere poterant,
coactis, quasi in unum cœtum, multorum oculis, ac
manibus, universa commodius, & clarius lustrare,
& contrectare possunt. Sic enim in unum collati,
quasi unum hominem præstant, qui multiplici in-
genio pollet, qui oculis pluribus cernit, qui opera-
tur manibus multis, & qui pedibus penè infinitis
graditur. Quod quidem insigni emblemate mu-
tuum auxilium adumbrante, descripsit Alciatus in-
ter Iurisconsultos clarissimus.

Arist. de
hist. ani-
mal. lib.
7, c. 6.

Loripedem sublatum humeris, fert lumine captus,

Et socii hæc oculis munera retribuit.

Quo caret alteruter, concors sic præstat uterque.

Mutuat hic oculos, mutuat ille pedes.

L 5

Dum

Dum cæcus, & claudus, inquit Alciatus, ad ripam cujusdam fluminis simul essent, ad alteram transferri cupientes, unusquisque autem solus nequireret; claudus enim pedibus, cæcus verò oculis carebat, ita sibi invicem ingeniose subvenerunt, cæcus claudum humeris imposuit, at claudus cæco viam demonstrabat, sicque mutuis auxiliis ad optatam fluminis ripam pervenerunt. quibus satis apposite quadrat nota, Neuter solus. Quorsum gemina membra in nobis Deus esse voluit? binas aures, totidem oculos, manus, pedes? nimirum, ut alter alterum juvaret, cum res postulasset. quam mutuam opem docent etiam bruta in gruibus, cervis, & aliis fere omnibus. Grues quidem, sic turmatim volant, cum novas ædes transmarinas petunt, ut sibi mutuo innitantur, sed ita, ut quæ prima agmen ducit, ubi defatigari incipit, eò quod nulli innixa fuerit, ad extremam redeat, cui tantisper incumbat, donec omnibus id successive facientibus, iterum prima fiat. hoc idem observatur in cervis, ut luculenter exprimit academicus Intentus, habens pro insigni cervos quamplures flumen transvadare contententes, apposita hac nota, Per mutua nixi. si enim Augustino credimus, quando ratione pabuli aliquod flumen transmeare coguntur, solo naturæ ductu, alter alterius onus portat, quia unus super alium, caput reclinat; ille vero qui quasi dux omnes alios præit, cum defatigatus fuerit, ad posteriorem se confert, & super ipsum caput inclinat, & sic vicissim sibi auxilium subministrantes, omnes gregatim feliciter transeunt, adeò quod, mutuus amor fit illis, loco navis; quasi rationis præsidio utantur, sed re vera, non ratione, sed instinctu naturæ moventur. Verum licet animalia bruta, ratione & pruden-

prude
rum
thore
ficiun
nidos
melli
te, h
illud
idem
in qua
filii o
Vate
rarch
jano
Cum e
humer
compe
adju
gium
nullo
perin
omn
rum
Orie
gari
cem
duci
obtin
duce
nec t
mare
virtu

prudencia non utantur, habent tamen operum suorum ducem & rectorem ipsum Deum naturæ authorem; ideoque non est mirum, si quædam conficiunt tam miro artificio elaborata, ut hirundines nidos, araneæ telas, formicæ horrea, apes favos mellis, ducuntur enim ab intelligentia non errante, hinc apud philosophos circumfertur tritum illud axioma, Opus naturæ, opus intelligentiæ, hoc idem ferè accidit in summa rerum administranda, in qua, quia vident plus oculi, quam oculus; consilii ope, opus est. ita consulente sapientissimo Vate: Vbi multa consilia, ibi salus. Proinde Plutarchus in philosophia morali nulli secundus, Trajano suadebat, ut in negotiis socios adhiberet. Cùm enim Princeps gravia pertractet, proprios humeros consulere debet, quid ferre valeant, pro comperto habens, magna negotia, magnis egere adiutoribus. manus manum lavat, inquit adagium. Ad Dei conditionem prope accederet, qui nullo indigeret, sibi que sufficiens esset. Nam experimento compertum est, nullam provinciam omnibus sibi necessariis abundare, sed in hac aurum, & argentum, in alia vinum & oleum. In Oriente cælo benignius influente, gignuntur margaritæ, at in Occidente metalla, Arabia phœnicem, Ægyptus crocodilum, Aphrica leones producit. Sol inter astra cæli, nonne primum locum obtinet? at non potest, vel unicum folium producere, nisi terræ, & aquæ auxilio interveniente, nec terra ex suis visceribus aurum profert, nec mare è sinu suo gemmas educet, nisi Solis comite virtute. bene Academicus, Non sufficit alter.

*India mittit ebur, molles sua thura Sabæi,
Fluminibus salices, crassique paludibus alni,
Nascuntur steriles saxosis montibus orni,*

Littora

*Littora myrtetis latissima, denique apertos
Bacchus amat colles, aquilonem & frigora taxi.*

Sed quare hoc? ut una provincia, indigeat altera, & mutuo convictu jungatur. In gratuitis simile quid factum cernimus; noluit enim Deus, ut aliquis sibi sufficeret, sed alterius indigeret ope, idcirco dona sua divisit. Alii quidem datur sermo sapientiæ, alii scientiæ, alii gratia sanitarum, alii operatio virtutum. hinc Apostolos binos mittebat, ut ostenderet, quod nemo sibi sufficit, sed fratris indiget auxilio; Frater enim sic dicitur, quasi ferens alterum. Sapientissimi Regis testimonio, Frater adjutus à fratre, quasi turris firma. Quod experimento probavit Moyses dux præstantissimus, sic narrat sacer textus, Venit Ietro socer Moysis in desertum, ut Moysen viseret, quem videns tota die occupari, in omnium litibus audiendis, ait ei; Non bonam rem facis, stulto labore consumeris, ultra vires tuas est negotium, solus illud non poteris sustinere, sed audi verba mea, & erit Dominus tecum. Esto tu populo in his quæ ad Deum pertinent, provide autem de plebe, viros sapientes, & timentes Deum, in quibus sit veritas, qui oderint avaritiam, & qui judicent populum in omni tempore. si hoc feceris, implebis præceptum Dei. quibus auditis fecit Moyses omnia quæ illi suggererat. Hoc exemplum expendens Augustinus admirabatur dicens: Loquebatur Deus quotidie facie ad faciem cum Moysè, sicut loqui solet amicus ad amicum, eumque monebat de minimis rebus, qua ergo ratione non ei dedit consilium hoc, quod Ietro dedit? proculdubio ostendere voluit Deus, neminem ipsi adeo familiarem esse, ut ope alterius hominis non indigeat. Utinam Principes Christiani, quando singulis

1 Cor. 2.

Eccl. c.
2.

Exod. c.
18.

August.
de doct.
Christiana
lib. I.

gulis vires non sufficiunt, sibi invicem opem ferrent, ut animo concordi, juratos Christiani nominis hostes funditus delerent, & radicitus evelerent, aut saltem illorum conatus eluderent, & tot animas captivas ab impio detestandi Mahometis jugo extraherent. Nonnè miseri quotidiano experimento probamus, quod ex dissidiis Christianorum, quasi spectatorem agens, suam non parum ditionem auget? quod Georgius Sabinus graphicè expressit hoc Hexasticho,

Mutua discordes faciebant praelia turdi,

Acris & alitibus pugna duobus erat.

Vidit, ut amborum prado certamina nifus,

Vnguibus, & rostro dilaniavit aves.

Sic modo, dum faciunt discordes praelia Reges.

Turcius Europa diripit hostis opes.

Hoc idemmet alter poëta temporum nostrorum calamitatem deplorans eleganter cecinit,

Gallia cui paret, cui paret Betica tellus

Iam conferre manum Marte furente parant,

Iamque animis, & jam concurrunt fortibus armis

Turbidus ut jam jam sanguine Sabis eat.

Et tamen amborum cervicibus imminet hostis

Thracius in pharetris acer, & acer equis.

Qui majus nil mente petit, nil voce precatur

Quàm semel ut pugnent hi duo Marte pari.

Sperat enim nostris confractis viribus omnem

Europam parvo posse labore premi.

Illius ergo Duces in pectora vertite ferrum

Sternere qui telis ardet utrumque suis.

Hoc autem non contingeret, si Principes in unum collati, adversus hostem communem mutuis viribus praelia dirigerent, adhibitis semper prudentum virorum consiliis.

Nec erubescat, in rebus præsertim arduis, inferiores

riores etiam consulere, licet ipse acutissimo ingenio polleat, sapere enim & olitor est opportuna locutus. Optimi siquidem gubernatoris esse duco, in maximis tempestatibus vectores quoque consulere; alienum enim consilium negligere, temeritatis indicium. Occurrat menti senex ille venerabilis, quem Divus Ioannes supra thronum sedentem vidit: iste universo orbi praesidebat, proinde senibus quasi consiliariis undique erat stipatus. Quid hinc? ut doceret, quod in excelsa fastigio collocati, à latere semper habeant viros consulentes, non tamen sanguine conjunctiores, sed virtute eminentiores, cum quibus omnia ad regimen spectantia conferant. Si enim Princeps, utpote homo, quid facturus sit, quandoque haesitaverit, illorum sapientia fulcietur, si vero ipse probe noverit, aliorum tamen consilio perficietur, oraculo divino praescribente, Audiens sapiens, sapientior erit. hoc namque est maximum sapientis argumentum, in rebus seriis aliorum adhibere consilia. hinc Salomon cor docile enixè postulabat. Dabis servo tuo cor docile. alii transferunt, Dabis cor cum auribus, hoc est, consilia aliorum libenter auscultans. siquidem valde periculosum est Principi, propriae solertiae inniti, & praeter nimiam sui fiducia alienum negligere consilium, ne contingat quod Imperatori Caesari; hic enim sua virtute fretus, amicorum monita contempsit, qui rogabant, ut suae salutis custodes adhiberet, sed exitus docuit, facilius esse mortem praevideri, quam morti provideri. ita quoque contigit Alexandro, nam cum à Chaldeis per Nearchum monitus esset, ne ad Babylonem accederet, quod immineret exitus infelix, ipse autem consilium sprevisset, paucorum dierum curriculo, in medio victoriarum

Apoc. c.
4.

Prov.
c. I.

3 Reg. 3.

rum
fimm
anim
A
ciper
lere
ego
tant
acce
phan
Qua
quia
min
poti
cipu
quam
sapien
den
cultu
absq
qui
Prin
serv
vale
and
gno
inge
Aris
Pe
xago
non
cis,
que
diam
nus a

rum cursu veneno sublatuſ est , quartum & trigesimum annum agens , robore corporis simul , & animi virtute florens.

At fortasse dices, non esse privati hominis Principem emendare , in rebusque peragendis consulere . sed ratio hæc non concludit . quia dicam ego , Nonne est privati hominis , Principi ægotanti medicinam præstare ? ergonè Princeps alius accersendus est, qui tangat venas, exploret pulsum, pharmacum componat , ipsumque porrigat ? Quamvis Princeps sit magna sapientia præditus , quia tamen aliena consilia admittit , non proinde minuitur ejus magnitudo , sed viget , clarescit , & potius illustratur . Quod præstantissimorum Principum exemplis facile comprobatur . Quis unquam sapientior Salomone ? Consiliarios tamen sapientes semper habuit , à latere nunquam recedentes . hinc discant Reges , quos posuit Deus custodes populorum , negotia magni ponderis , absque multorum consilio non expedire , quoniam qui sapiens est , audit consilia . Naaman Syriæ Princeps, quomodo à lepra mundatus fuit ? quia

Prov. 12.

servorum prudens consilium non respuit . tanti valet consilium , si quis sapienter eo utatur . Alexander ob rerum præclare gestarum gloriam , cognomento Magnus , nonne pollebat admirabili ingenii acumine ? nihil tamen ferè agebat sine Aristotelis consilio .

Pericles dux clarissimus magistrum habuit Anaxagoram , cujus consiliis frequentissime utebatur , non modo in rebus urbanis , verum etiam bellicis , quibus cum esset egregie intentus , audiretque Anaxagoram diurnæ vitæ tædio , per incediam mortem sibi consciscere velle , ad eum protinus advolavit , precibusque & lachrymis obsecra-

Franc.
Sen. lib.
2 de
reg. &
repub.

vit,

vit, ut si non sibi, saltem Pericli vivere veller, quem consiliorum focium in regimine optaret.

Brufon.

lib. 3. c.

31.

Dionysius tyrannus ad sævitiam natus, ita Platonis erat addictus consiliis, ut ei in Siciliam naviganti, obuius progredereetur magno Principum comitatu, in rebus arduis consulendi gratia, à quo multa didicisse, vel hoc ipso testatus esse videtur, quod cum eiectus esset à Regno, petereturque à quibusdam, Quid tibi Plato, & philosophia profuit? audacter respondit, Vt æquo animo feram tantam fortunæ mutabilitatem.

Rex Antigonus Zenoni Stoico litteras dedit, ad hanc sententiam, Ego fortunæ ac gloriæ magnitudine te supero, sed tu sapientia, & perfectâ quadam felicitate longè præstantior es. Proindè oro, ut ad me venias, discipulumque habeas, nam qui Regem ritè docet, universum etiam populum cui præest, benè instituit. jam tædio habebat iste Princeps ignavam adulatorum vanitatem, quibus regiæ omnes semper abundant; idcirco Stoicum accersire optabat, quem in consilio haberet, & liberè loquentem audiret. Optimi siquidem Principis est, viris prudentia præstantibus, liberiores quandam loquendi potestatem facere, ut in rebus seriis liberè, ac sine metu salubre consilium afferant. Quapropter Demetrius

Zaert.

li. 5. c. 5.

Phaleraus Ptolemæum Regem frequenter hortabatur, ut pararet sibi libros, de Regno, deque militari imperio tractantes, eosque diligenter evolveret, quia illa, de quibus amici non audent admonere Reges, in libris habentur inscripta. ita sentiebat Alphonsus Siciliæ Rex, qui distitabat, mortuos esse optimos Consiliarios, libros nimium, à quibus sine metu, quæ opportuna sint, fideliter audiret, non tamen vivorum consilia

Panorm.

lib. 3 de

reb. geit.

Alphon-

si.

negli-

negli-

Pe-

dicet

& co-

citus

rii, n-

nio. h-

pit?

subji-

nique

hamo

cedan

unus

terror

nium

sunt ar

consili

tes &

tum c

histor

confli

robo

patro

lites,

que r

fugar

cui in

Non

si vic

nium

Hi

tum e

agere

Papa

tens,

negligebat, sine quibus nihil penitus decernebat.

Pyrrhus Epirotarum Rex inclutus sæpenumero dicebat, plures urbes Cyneæ oratoris eloquentia, & consilio cepisse, quam nervis & viribus exercitus armati. Sciebat nimirum, res grandes imperii, non tantum viribus perfici, sed arte, & ingenio. homo pusillus nonne ingentes elephantes capit? nonne indomitos equos frenat? nonne boves subjicit aratris? volucres de cælo dejicit? ac denique quod etiam in imo fluminis latitat, homo hamo extrahit? ita enim comparatum est, ut vires cedant ingenio. hinc solvitur quæsitum illud; Cur unus Demosthenes Philippo Regi, majori erat terrori, quam universa Græcia? quia non ingenium superatur viribus, sed vires ingenio. Parva sunt arma foris, dicebat Romanus orator, nisi consilium sit domi. Cur Alexander tam frequentes & ingentes victorias obtinuit? quia prudentum consilio cuncta agebat. De ipso enim tradunt historici, quod cum ad prælium iturus, exercitum conflaret, non quoslibet admittebat, licet virium robore præstantes, sed veteranos tantum, qui cum patre, patruoque militaverant, aded quod non milites, sed militiæ magistros putares, ordines quoque nemo nisi sexagenarius duxit, itaque nemo fugam in prælio, sed victoriam cogitavit, nec alicui in pedibus quidquam spei, sed in lacertis fuit. Non autem sic de viribus Darii. quid mirum, si victor ille, iste victus fuit? tanti valet ingenium.

Hinc Romulus statim ac Urbem condidit, centum ex senioribus elegit, quorum consilio omnia ageret, & hos Senatores appellavit. Innocentius Papa octavus imparem se tanto oneri animadvertens, duodecim consiliarios elegit, sine quorum

M

confi-

Brusoni
li. 4. c.
31.

Tull. li.
I de of-
fic.

Trog.
Pomp.
lib. II.

Lud.
Gran.
in phil.
moral.

consilio nihil prorsus decernebat. Agefilaus Lacedæmoniorum Rex, interrogatus, quas res Imperatorem habere oportet, dixit: Adversus hostes audaciam, erga subditos benevolentiam, in opportunitate, rationem & consilium. Sciebat enim quod sicut in Principatu, beatissimum est non cogi, ita miserrimum non suaderi. Et in hac insania, proh dolor! versantur plurimi, qui ut fortuna, sic & sensibus super alios se putant. De quibus Sapiens, Via stulti, recta in oculis ejus, qui autem sapiens est, audit consilia. imò nonnulli ita mentis inopes, ut etiam post consilia, ne alienæ sententiæ egere videantur, in diversa, & deteriora rapiantur. Inter quos (instar omnium) prodeat Xerxes ille, qui Græcis bellum indicturus, adhibitis Asiæ Principibus; Ne viderer, inquit, meo tantum usus consilio, vos contraxi, cæterum mementote, parendum vobis magis esse, quam suadendum. Quid autem acciderit ob consilii inopiam, exitus belli comprobavit. Porro quanti referat consilium summa prudentia comitatum, egregiè noverrat Alexander ille Farnesius, Italiæ splendor eximius, Europæ fulgentissimum lumen, unicū bellicū fulmen, perpetua militiæ gloria, nunquam victus, semper victor, & nunquam animo fractus. cui egregiè convenit elogium,

Etiam si fractus illabatur orbis,

Impavidum ferient ruinae.

Dux iste Serenissimus, nunquam res grandes aggredebatur, quin prius secum maturè provideret, quæ possent contingere, & licet prudentissimus esset, nihil tamen moliebatur, non audito prius aliorum consilio. Laudet pro libito antiquitas Imperatores suos, nostra hæc ætas Farnesio duce gloriatur, in quo uno virtutes omnes, tantum,

Prov.
c. 12.
Valer. li.
5, c. 9.

quam in proprio domicilio enituerunt. Præclara quidem gessit Alexander Macedo, sed magis feliciter, quam prudenter, ducebatur enim à fortuna magis, quam à consilio. Alexander Farnesius nihil imprudenter, omnia cum consilio. Annibal Carthaginensis ducis officio egregiè functus, qui ter Romanas fregit vires, at novissimè acta, oblitterarunt prima. In Duce Farnesio omnia ad extremum usque gloriosa. Fabius Maximus laudibus extollitur, quia ipse cunctando restituit rem. Farnesius fortiter pugnando, & oportunè cunctando sæpe victoriam obtinuit. Pompeius strenuè bellando aliquando vicit, non tamen novit prosequi victoriam. Farnesius animosè pugnando, superabat hostes, non tamen victoriis intumescibat, claruerunt alii duces corporis robore, alii ingenii viribus. Farnesius ingenio simul & corpore. Novit Antverpia, novit Gallia Belgica, novit alia Gallia, quàm strenuè pugnaverit dux invictissimus: at quibus auxiliis? prudentia duce, comite consilio. Quocirca Romani Principes Consules dicebantur, vel à consulendo civitatibus, vel à regendo cuncta cum consilio. Quoniam consiliis sapientum respublica regitur, conservatur, augetur; ut pulchrè scribit Augustinus de Themistocle, qui cum interrogaretur, an sciret canere nervis? & diceret, se nescire, adjecit importunus, Quid igitur nosti? respondit vir sapiens, Novi rempublicam ex parva magnam facere. arte nimirum, ingenio, & consilio. Alexander Severus Imperator tanti faciebat optimorum consilia, ut nullam sancirer legem sine viginti viris, hisque prudentissimis, nec ulla in re iudicium ferebat, quin prius iret pet sententias singulorum, & scriberetur quid quisque dixisset. An autem

Aug. de
civ. Dei
lib. 5.
c. 12.

Aug. ad
Diosc.
epist. 38.

hæc fuerit optima regiminis institutio, rerum feliciter gestarum exitus comprobavit. Noverat enim egregius Imperator, quod hisce præsidii stipatus Princeps, prosperè, & diu firmabit Regnum. Proinde consilarii à Demosthene comparantur canibus, nec falsò id quidem; nam sicut canes custodiunt gregem, ita illi Regnum, sine quibus omnino corruunt Imperia. Hoc probè intelligebat Philippus Macedo, idcirco summa ope nitebatur, sapientibus viris hostes orbare, quorum consilio civitates reddebantur inexpugnabiles, propterea dum Athenienses obsideret, destinavit Legatos, qui hæc verba referrent, Si pacem civitatis vestræ diligitis, decem oratores quos elegero, mihi tradite. quibus verbis auditis, fama per totam urbem volante, Demosthenes in medium prorumpens, frequentiam populi sic allocutus est, Viri Athenienses, conferebat tempore quodam lupo cum pastore, lupo fraudulenter agens, dixit pastori, Controversiam totam, quæ est inter nos, canes tui procurant, hos si mihi tradere volueris, nulla deinceps erit inter nos concertatio. Credidit pastor, & datis canibus, qui custodiebant oves, ovile statim dissipatum est. Idem vobis accidet Athenienses, Philippus Macedo, lupo est rapax, vos omnes estis oves, nos philosophi canes sumus, quos sibi quasi inensos postulat tribui. Sed quid facit hic apologus ad rem nostram? hoc nimirum, ut Princeps benevolentia & beneficiis foveat Consiliarios, utpote, tutos Regnorum custodes. Quod bene animadvertens Theopompus Spartanorum Rex prudentissimus, tantum honoris tribuit suis Senatoribus, ut Ephoros instituens, magnam partem Regni illis adjunxerit, cum summa auctoritate Imperii. At cum Regis uxor id ægre ferret, quod

quod Regnum angustius relinqueret liberis ; imò
latius, respondit, & firmitus relinquam: quippe, qui
consilio, & auctoritate Senatus, non potentia, &
viribus, magnitudinem Regni definiebat.

Cur Homerus Vlyssi Minervam comitem fa-
cit ? ut ostendat Vlyssē, sapientia comite, peri-
cula omnia superasse. Optimo namque consilio,
quasi Minervæ clypeo, Principes constipati, uni-
versos scopulos effugient, at sine consilii admini-
culo, præcipientes corruunt. ita Lyricus,

Vis consilii expers, mole ruit sua.

Longè majora geruntur paucorum consilio, quàm
viribus fortissimorum, quod Homeri sententia
comprobatur, dum inducit Agamemnonem asse-
rentem, longè facilius esse, rem Trojanam ever-
tere, si decem Nestores, aut Vlyssēs in consilio
haberet, quàm si totidem Ajaces, & Achilles for-
titer dimicantes. Hoc itidem expressit Alcibiades e-
gregio emblemate. Pinxit hinc Vlyssē in consi-
liis agendis prudentissimum; illinc verò fortissi-
mum Græcorum Diomedem. hoc addito symbo-
lo, Vnum nihil, duos plurimum posse. hoc est,
consilium sine robore parum, robur sine consilio
nihil. at ubi utrumque confluerit, tunc præcla-
rum quid efficitur. Veteres quoque dum pruden-
tiam virum referre vellent, duplicem pinxere
Mercurium, juniorem unum, seniore alterum,
hic consilium & prudentiam senibus propriam de-
signabat, ille vires & robur, quod in flore viget
juvenili. Sensus itaque ænigmati erat, eum, in quo
vires & consilium connubium iniere, perfectum
& egregium ducem esse, at longè consilium supe-
rat vires. Proinde verissimum semper judicavi
illud Sallustii dictum, Omnia Regna, civitates,
nationes, usque eò prosperum habuere Imperium,

Franc.
Sen.de
regno.
& rep.

dum apud eos vera consilia valuerunt , at ubi gratia, timor, voluptas, ea corrumpere , brevi temporis intervallo , imminutæ opes , deinde sublatum Imperium, postremò jugum servitutis inpositum.

¶ Paral.
6.4.

ut experimento probavit Rex Roboamus Salomonis filius; is enim à populo derelictus, magnam Regni partem amisit, quia seniorum , & saniorum consilia neglexit. Cur Rex Chaldæorum tot miseriis obnoxius ad terram usque prostratus ? quia eò amentia devenit , ut optima sapientum consilia contemneret. Romanum quoque imperium quamdiu floruit ? quousque cives bonis consiliariis usi fuerunt, honesteque vixerunt. Nam plures respublicæ, ait Xenophon, sunt funditus eversæ administrantium culpa , quam hostium atrocitate. Etenim Athenas , non hostis foris , sed intus civium evertit invidia. Spartam non peregrinorum bellum , sed Spartanorum sustulit avaritia. Ilium denique non Græcia , sed Paridis perdidit libido. Quapropter omni præsidio firmitus est imperium, ubi prudentum vivitur consilio. Vbi autem consilii inopia, quid mirum , si inde emergit omnium malorum copia ?

Cæsar primus Romanorum Imperator , cur in Senatu trucidatus infelicitè occubuit ? in promptu causa est, quia Spuriæ consilium irrisit ; is enim monuit Cæsarem , ut caveret discrimen ingens, quod ultra Calendas Martii non protraheretur. eo ipso die , dum in Senatum iret , fortè Spurinam obvium habuit. Quid ais, inquit, quasi irridens , nonne Calendæ Martiæ advenere ? Ita quidem, respondit, advenere , sed nondum præteriere. nec mentitus, quia vix Senatum ingressus, viginti tribus vulneribus confossus, miserrimè animam exhalavit.

Quam

Trog.
Pomp.
lib. 3.

Quam bene agebatur cum Xerxe potentissimo Rege, si amici consilio acquievisset. is cum Græcis bellum indixisset, & proinde copias parasset innumeras; septuaginta enim millia è regno armaverat, triginta millia de auxiliis, & centum millia navium habuerat. Sed quid? blandientium adulationibus allectus, & elatus, famam & exercitum infelicitè amisit. Quidam dicebant, Græcos nuntium belli non expectaturos, sed ad primam adventus famam, terga versuros; alii asseriebant Græciam non tantum vinci, sed mole exercitus opprimi; non defuere assentatores, qui dicerent, vix naturam rerum sufficere, angusta esse classibus maria, militibus castra, equitibus campos, vixque cælum patere sagittis; alii verò potentiam Regis extollentes, timendum esse, dixerunt, ne urbes vacuas invenirent, futurum enim esse putabant, ut Græci relictis habitationibus, fugam arriperent, domosque desertas relinquerent. Demùm dum Regem his vocibus nimia elatione furentem concitarent, Demaratus Lacedæmonius dixit: Ingens ista multitudo, quæ tibi placet, ô Rex, valde metuenda est, utpote, quæ non vires, sed pondus habet. notum est enim illud adagium, Immodica, aut nunquam, aut difficulter possunt regi, nec diu durare potest, quod regi non potest. Porro à tramite veritatis non deflexit. Acciderunt enim omnia, quæ Demaratus prædixerat. Itaque stratus per totam Græciam Xerxes, tandem intellexit, sed serò, quantum ab exercitu turba distaret, & tunc pudore, quam damno miserior, Demarato gratias egit, quod solus verà nuntiasset. Mirum profectò, & penè incredibile dictu, Rex qui tam numeroso exercitu florebat, per totum quin-

quennium congregato, quam multitudinem è specula aspiciens, plorasse fertur, quod nullus ex tot militibus, spatio centum annorum esset superfuturus, quinavium copia, totum Hellespontum operuit. apud Thermopylas tamen, à quatuor millibus hominum victus fuit, & qui antea tot maria navibus sternebat, vix parva cymba effugere potuit. At tantæ infelicitatis, quæ causa fuit? blandum consilium, prava adulatio. rectius sibi consulisset miser homo, si spretis adulationibus, Demarati consilio aures accommodasset. Quoniam furore ducebatur Nero sævitæ portentum, ad tot impia facinora perpetranda? quia mentem habebat expertem consilii, nec vera consulentes admitterebat, existimabat enim iste misellus, in tanta potentia, omnia sibi pro libito licere, propterea neglectis consiliis, ad nefanda quæque scelera, præceps ruebat. pulchrè Claudianus Principi consulebat,

Non tibi quod libeat, sed quod fecisse decebit

Occurrat, mentemque domet, respectus honesti.

Quare operæ pretium duco, ut Princeps pro summa rei ritè administranda, non adulatoribus aures præbeat, non proprio tantum ingenio confidat, sed prudentibus consiliariis utatur, qui veritatem sincerè, & liberè pronuncient, non multis, & phaleratis verbis, sed paucis, at magni ponderis, ne mentem Principis confundant; non enim debet fieri per plura, quod potest fieri per pauciora, & æquè bene. Rex Agesilaus cum declamantem audiret, qui ex musca faceret elephantem, remque nullius ponderis in longum protraheret, indignabundus concione se subduxit, dicens: Egregium cerdonem qui tantillo pedi, tam amplum adaptat calceum. Hinc laudari solent literæ

Arist. li.
2. phys.
sic.

teræ
sens
man
illæ
deba
rum
dæm
nium
insip
verb
proli
runt,
ret ju
eifide
lent,
nica b
Cæta
gressi
Ven
adm
hic
oba
hoc
sent
gust
ra t
sent
ras
dere
rebu
tiant
cipis
tales
velut
electo

teræ Laconicæ, quæ brevi compendio, magnum sensum includunt. quarum aliquas posteritati mandavit scriptorum diligentia. Inter quas sunt illæ Lysandri ducis, quibus Ephoros certiores reddebat, victoriæ de Atheniensibus partæ. litterarum series hæc est, Captæ sunt Athenæ. cui Lacedæmones rescribere, Sat est capi. En gratus omnium auribus Laconismus, & verbosæ deductiones insipidæ. Philippo Regi de multis sciscitanti, his verbis responderunt, ad id, quod scripsisti, non ad prolixam Regis epistolam, unica syllaba responderunt, quàm grandibus litteris pinxerant, ut expleret justum epistolæ spatium. iterum Philippo ab eisdem per epistolam petenti, utro modo vellet, ut veniret ad illos, hostili, an amico? Laconica brevitate responderunt, Neutro modo. Julius Cæsar cùm in bello civili, Pharnacem primo congressu vicisset, Laconica brevitate ad suos scripsit, Veni, vidi, vici. De Phocione, cujus dicendi vim admiratæ sunt Athenæ, referunt historici, quod hic theatro jam pleno, expectatus ut oraret, obambulabat foris cogitabundus, intentus in hoc unum, ut circumcisa undique oratione, eò sententiis augustior esse videretur, quo esset angustior verbis, sicque, dum in eum omnes ora tenerent, expectarentque oracula; crebris ipsæ sententiis non tam orare, quàm de cælo in terras velut novus Iupiter tonare & fulgurare videretur. ita planè Consiliarii cum Principe in rebus serio gerendis, non verba ventosa effutiant, sed pauca, omnia tamen ad salutem Principis spectantia. hoc vero egregiè præstabunt, si tales existent, quales instituebat Rex David, quî velut Argus diligenter exquirebat in toto Regno electos ex millibus, nulla suspitionis labe in-

Pf. 120. fectos, dicebatque familiaribus, Oculi mei ad fideles terræ, ut sedeant mecum. nec unquam adduci potuit, ut ad aulam Regiam admitteret, nisi immaculatos, Ambulans in via immaculata, hic mihi ministrabit. Si tales, quales præscribit Ambrosius, Elige tibi Consiliarios bonos, Deum timentes, & veritatem amantes, sæpe enim adulatōres blanda facie decipiunt animas audientium, & perpetuæ mortis laqueis interimunt. si quales Gregorius insinuat, nullus fidelior tibi ad consilium esse potest, quam qui non tua, sed teipsum diligit. si quales vidit Ioannes; Vidi, inquit, sedem in cælo, & in circuitu sedis sedilia viginti quatuor, & super thronos, viginti quatuor seniores, sedentes, circumamicti vestimentis albis, & in capitibus eorum coronæ aureæ, in medio seniorum sedebat supremus Princeps. Quid hinc? nihil ita potenter Consiliarios in Officio suo retinere potest, quàm præsentia divinæ consideratio. Stat enim post parietem, respiciens per cancellos, vias tuas considerans, gressus tuos dinumerans, imperfectum tuum videns, in libro indelebili omnia scribens, cuncta aliquando strictè discussurus. Proinde dicebat Dominus Abrahæ; Ambula coram me, & esto perfectus. Hebræus legit; Ambula coram me, & eris perfectus. quia ambulatio coram Deo ducit ad perfectionem, ait Cætanus. Nulla est enim efficacior ratio componendi actiones, quàm ambulare ante faciem Principis. hinc Regius propheta; Non est Deus in conspectu ejus. quid inde? Inquinatæ sunt viæ illius in omni tempore. lectio Hebraica habet: Parturiunt viæ illius in omni tempore. siquidem iniquitatis foetum gerentes, sexcenta parturiunt delicta, & nunquam cessant parere. ô magna demencia,

Apoc.
6.4.

mentia, Dixit insipiens in corde suo, non est Deus. at qui fieri potest, ut sit aliquis adeo stultus, ut dicat non esse Deum? cum ipso naturæ lumine sit notum? non vult absolute dicere, non esse Deum, sed quod non considerat Deum præsentem, & hoc educitur ex Hebræo; Dixit insipiens in corde suo non est iudex. Super thronos erant seniores. Quorsum hoc? quoniam omnis gubernatio prudentiam requirit, quæ intra breve tempus comparari non potest. In antiquis enim est sapientia, & in multo tempore prudentia. Erant induti vestimentis albis. Candor, ait Ambrosius, puritatis est symbolum. quoniam vitæ innocentia, Consiliariis summè necessaria. Candor itidem, pacis signum, ut innuat, Consiliarios pacem, non bellum consulere debere, ut imitentur admirabilem Consiliarium, qui semper cogitat ea, quæ pacis sunt. Ego cogito cogitationes pacis, non afflictionis. Coronas aureas in capitibus gerebant. quid hoc? per aurum charitas denotatur, quæ omnes Consiliarios insignitos esse decet, ut non proprii commodi, sed publici boni rationem habeant; charitas enim non quærît quæ sua sunt. Corona autem præ se fert potestatem, quam ministri in suas passiones habere debent, ad Regni tantum, & Principis salutem respicientes. Proinde omni studio caveant, ne pravo consilio animum Principis inficiant, illum avertentes à tramite justitiæ, quia tunc dissiparent animam prægnantem, & propterea gravi supplicio plectendâ. ita comminatur Dominus per os prophetæ; Super tribus sceleribus filiorum Amon, & super quatuor non convertam eum. sed quid, o bone Deus? nonne dixisti, Nolo mortem peccatoris, sed magis ut convertatur, & vivat? quomodo

Psal. 13.

Amos
c. 1.

modo nunc dicis, Non convertam eum? nonne dixisti; In quacumque hora ingemuerit peccator, omnium peccatorum ejus non recordabor amplius? & nunc dicis, Non convertam eum? nonne dixisti Petro; Non usque septies, sed usque septuagies septies? hoc est, secundum Augustinum, toties quoties? quomodo non convertam eum? Septuaginta legunt; Super quartum non convertam eum. eò quod disperdere fecit prægnantem in Galaad. Sensus litteralis est, Amonitæ erant auro ita inhiantes, quòd post devictos Galaaditas, trucidarunt etiam fœminas eorum prægnantes, ne filios parerent, qui postea acceptæ injuriæ ultores, bona, quæ ab eorum parentibus abstulerant, armis repeterent, hoc autem Deo ita displicuit, ut difficile adduci potuit, ut remitteret. Glossa interlinearis per hanc prægnantem, intelligit animam bonis propositis gravidam, adeò quod sensus prophetæ, secundum expositionem Gregorii est iste; Qui bonam voluntatem, sanctis desideriis plenam, abortum facere studuerit, non solum futuro, sed præsentis supplicio, dum vivit, est afficiendus. Quod filii Heli experimento probavere, hos enim Deus durissimis pœnis afflixit, quoniam viros pios impediabant, ne Deo offerrent sacrificium. ita habet Sacer textus; Erat peccatum puerorum grande, eò quod retrahabant homines à sacrificio Domini. & quid est hoc, nisi ex parte nostra dominium Dei coarctare? sicut econtra, qui convertit animam, dilatat quodammodo ejus dominium. ita exponere solent Patres verba illa; Magnificat anima mea Dominum: non dixit Deum, sed Dominum. quia cum quis animam, vel verbo, vel exemplo, ad meliorem frugem reducit; tunc facit Deum, majorem

jorem
Dei
quid
num
non
est
Vera
lato
gnum
lienæ
Saul
audis
rit m
Achab
deret
lus au
promp
fuit A
nostr
delite
centi
Pom
rem
cum
solum
ter re
custo
nus P
stare
deris,
more
nium
fi qu
rent.
enim

jorem quidem Dominum, sed non majorem Deum. quod quidem præclarissimum opus est. Et quid gloriosum magis, quam oves errantes, ad sinum Dei perducere? Qui autem abducit oves, non solum grande scelus perpetrat, sed quantum est ex se, conatur minuere divinum imperium. Vera itaque consulentes audiat Princeps, non adulatores propria commoda procurantes, qui Regnum, & Regem periculis exponunt, tanquam alienæ salutis proditores, quales fuere Consiliarii Saul contra David, de quibus conqueritur, Quare audis verba hominum loquentium, David quaerit malum adversum te? quales fuerunt ministri Achab Regis Israel, qui consulebant ei, ut ascenderet in Ramoth Galaad, & deceperunt eum, solus autem Michæas è sincero pectore vera deprompsit, sed non audita; idcirco in ipso prælio fuit Achab miserè interfectus. sed, pro dolor, quis nostra hac tempestate invenitur, qui sincerè & fideliter loquatur? Multi quidem sunt, inter Placentiam, & Laudem, sed pauci pergunt Veronam. Porro paucos illos, qui puram propinant veritatem foveat Princeps, honoribus complectatur, cumulet beneficiis, siquidem ingenua libertas, non solum æquo animo ferenda est, sed etiam lætanter recipienda, tanquam certissima Regnorum custodia. Rogatus olim ab amico quodam divinus Plato, quodnam ei acceptum obsequium præstare posset? Si quidquid, ait, in me vitiosum videris, liberrime arguas. hoc idem apud Apellem in more positum erat, quidquid enim pingebat, omnium oculis expositum volebat, ut transeuntes, si quod deprehendissent erratum, liberè aperirent. Hujus sententiæ erat Alexander Macedo, is enim à familia servum ablegavit, quia duodecim

1 Reg.
c. 24.

3 Reg.
c. 22.

Plin. lib.
31, c. 10.

anno-

annorum spatio, quibus cum eo commoratus fuit nullum in Rege vitium deprehendisset, quod reprehenderet. hinc discant Principes, moderatam dicendi libertatem æquo animo pati, pungit interdum, fateor, sed cognito deinde veritatis nucleo, salutarem aculeum sustinebunt. Aculeatus enim sermo, modo sale modestiæ sit aspersus, non mordet, sed oblectat Principem. Porro si veritas suaptè natura est tam admirabilis & amabilis, cur adeò molestè à Principibus audiri solet? quia proprias animi maculas non percipiunt, quò fit, ut difficilius curentur animi ægritudines, quam corporis, quia mala corporis ex pulsibus arteriarum, & vultus pallore deprehenduntur, at animi mala huiusmodi signis non se produnt, & propterea plerosque ita fallunt, ut etiam pro malis non habeantur. Hinc fit, ut febrim nemo sanitatem dixerit, nec tabem quis appellaverit bonam corporis habitudinem; at vitius sæpe virtutum nomina imponuntur, & hanc sanè ob causam, corpore ægroti medicos quamprimum accersunt, animo autem ægri, etiam oblatam medicinam respuunt: quid dico respuunt? hostem arbitrantur, qui medicinam offert. radii Solis cum vitrum feriunt, ignem in eo non accendunt, quia ibi non sistunt, at verò in speculo reflectentes, statim ignem concipiunt, quando ulterius non progredientes, ibi detinentur, & reflectuntur; sic consilia non proficiunt, quia Principes vel negligunt, vel non rarò rejiciunt, blanda autem colloquia libenter audiunt, & illis insistant, quid mirum si mores eorum corrumpuntur & Regnum dissipatur? amara, non inficior, primo in limine veritas, at si innotescat, nihil suavius, dicebat Lactantius. Sed quomodo veritas dulcis, & amara? aurea distinctione

Lact. li.
1 div.
insit.

atione satisfacit Divus Bonaventura. Duplex est effectus veritatis; primus est illuminare, hoc pacto nullus odit veritatem, omnes enim naturaliter illuminari desiderant; alter effectus est arguere, sic mali odiunt veritatem, & illis videtur amara, quod exemplis divinis comprobatur. Isaias veritatis gratia in duas partes sectus occubuit. Hieremias pro veritate lapidibus obrutus est. Daniel leonibus deputatus fuit. Ioannes Baptista quare in vinculis positus, & capite truncatus? quia arguebat Herodem Ioannes. Cur Divus Paulus tot calamitates passus? quia veritatis præco in universo mundo. Factus sum vobis inimicus verum dicens. Nec defunt ex philosophis exempla.

Anaxagoras apud Athenienses reus factus est, quia dixit Solem esse quidem lampadem ardentem, non tamen esse Deum. Socrates cur veneno periit? propter veritatis patrocinium. Cicero quartum & sexagesimum annum agens, iussu Marci Antonii, propter Philippicas, quas contra eum scripserat, capite & dextera truncatus est. Monitos tamen Consiliarios velim, ut in aperienda Principi veritate, modum adhibeant, ne in scopulos immodicæ libertatis incidentes, miserè naufragium patiantur, non enim dentata, ut mordeat, sed simplex, ut prosit, debet esse veritas. Siquidem valde periculosum est, vellicare leonem, & suadere Principi quod oportet, multi laboris.

Tac. li. 1
hist.

Neronis odium, scribit Cornelius, adversus Vestinum, ex intima sodalitate cœperat, dum hic, ignaviam Principis penitus cognitam despicit, ille ferociam amici metuit, sæpe asperis facetiis illusus, quæ ubi multum ex vero traxere, acrem sui memoriam relinquunt. igitur non crimine,

Tac. lib.
15 hist.

non

Tac. lib.
4 hist.

non accusatore existente , quia speciem iudicii induere non poterat , ad vim dominationis conversus, Gerelanum Tribunum cum cohorte militum immittit, jubet prævenire conatus Consulis. Quid plura? misero abscinduntur venæ , vigens adhuc balneo infertur, calida aqua versatur , nulla edita voce, qua semet miseraretur. at, ô Vestine , quando prudentius egisses, si cum secunda fortuna uteraris , res Principum silentio premere novisses. Sciant experimento compertum, quomodo pessimis Imperatoribus sine fine dominationem , ita quamvis egregiis, modum libertatis placere. Cum quispiam interrogaretur , quid tutum esset viro liberè agenti cum Principe? Obsequium, respondit, nec ineptè. deinde, quid periculosum? Consilium. ubi enim res malè cadit, ibi consilii auctor improbat. Siquidem hæc est conditio Regum, ut casus tantum adversos hominibus tribuant , secundos fortunæ suæ. Quare, ut est apud Plautum, plus oportet scire subditum , quam loqui. Valdè enim periculosum est, nosse magnatum arcana, quorum siquid effutias , actum de capite, & solent odissè conscios eorum , quæ nolunt efferi. Proinde Lacydes Cirenæus , plurimis promissis accersitus ab Attalo Rege, ut in suam amicitiam, & Regni societatem veniret, respondit, Se Regni ingentem habere gratiam , negavit tamen se venturum, eò quod philosophi à Regibus, ut picturæ, & imagines , eminus , non cominus, sunt videndæ. ita consulebat philosophus, ad Principem accedendum est, sicut ad ignem , nec nimis prope, ne uraris; nec longius , ne frigeas. Eatenus veritas colenda, ut nimiam libertatem, quæ semper exitiosa fuit , prudenter rescindant, ita tamen , ut prudentia comite, nec ad sinistram

fœdissi-

foediffimæ adulationis, neque ad dexteram immodicæ libertatis flectantur. ita enim, Deo propitio, multa evitabunt pericula, prudentiores effecti, improbè loquentium exemplis. In primis occurrat Calisthenes, qui ob nimiam dicendi libertatem, ad exitium ruit, quod multo antè prædixerat Aristoteles, Homérico carmine, quasi divinans,

Laert. lib.
5. c. 5.

Talia nate loquens, haud multo tempore vires.

Scribit enim Valerius, quod cum Aristoteles mitteret Calisthenem auditorem suum ad Alexandrum Regem, monuit, ut ei, aut nunquam loqueretur, aut jocundissime, ut apud Regias aures, vel silentio esset tutior, vel sermone acceptior, sed quia consilio non acquievit, iussu Alexandri occisus est. Val. lib. 7.

Seneca vir omnium sæculorum memoriæ dignus, ob nimiam carpendi libertatem, extremum clausit diem infelicitè. Porrectis enim utriusque brachii venis, cruorem effundere iussit Imperator. Quorsum autem? objiciebant criminatores, eum oblectamentis Principis palam iniquum detrectare, vim ejus equos regentis, illudere voces, quoties caneret, cum in Senatu de Agrippina referretur, cæterorum adulationes abhorrentem, de Senatu egressum fuisse. & ut brevius agatur, apud Neronem delatum fuit, quod cuncta, quæ diceret, faceretque Seneca, Stoicæ sectæ libertatem præferrent, quæ omnia Principibus invisa. Tac. lib. 14. anal.

Prexaspes unus ex Regni primariis, Cambysem Regem monuit, ut parcius biberet, turpem rem esse dicens, ebrietatem in Rege, quem oculi omnium, auresque sequerentur. At quem fructum collegit ex intempestiva objurgatione? omnino infelicem, quem ita describit Herodotus, pulchrè

Sen. de
clem.

Herod.
lib. 3.

quidem & exacte. Cambyfes Prexaspem Perfam, quem præcipuo honore profequebatur, interrogavit, Quem nam virum, Perfæ me effe judicant? aut qualem de me sermonem habent? Domine, respondit, cætera quidem omnia in te laudibus magnis ferunt, sed nimis te vino deditum, ajunt effe. Quibus ille indignatus, Siccine, inquit, Perfæ ajunt me vino deditum desipere, nec mentis effe compotem? tunc intelliges, an Perfæ vera dicant, an potius hæc dicentes, ipsi desipiant, nam si filii tui, qui in vestibulo stat, medium cor, non frustrato ictu percussero, constabit nihil effe, quod Perfæ dicunt; si aberravero, constabit Perfæ vera loqui, & me effe intemperantem. hæc locutus intendit arcum, mox vertens se ad patrem, dixit; Ad hoc, ut scias amice, quemadmodum nunquam excidam mihi, jam approbabo, & oculos post vinum, in officio effe, & manus, bibit deinde liberalius, quam alias, capacioribus scyphis, & jam gravis, & vinolentus, ac violentus, jubet filium procedere ultra limen, allevataque super caput sinistra manu, stare, tunc arrepto jam arcu, & sagitta emissa, puerum percussit, atque eum collapsum, jussit discindi, & inspicere ictum, cumque in corde sagitta esset inventa, ob id lætabundus, atque cachinnans, ad patrem pueri inquit, Prexaspes facta est tibi fides, non me insanire, sed Perfæ. Verum nunc mihi dicito, quem nam ex omnibus hominibus nosti, ita ad destinatum emittere sagittam? Prexaspes hominem advertens effe vesanum, & in ipsum quoque insanientem; respondit miser, Nec Apollinem certius jaculari potuisse. En imprudens, & importuna objurgatio, in quas ruinas præceps ruat. is qui nuper ebrietatem Regis, ita libere arguebat,

paulo

paulò post fuimet oblitus , infandum homicidium comprobavit.

Quid de Harpago dicemus? imprudens iste homo, idem quoque Regi suo Persarum suavit, quo audito, statim Rex magna indignatione furens, carnes filiorum in cœna apposuit, quibus misellus pater, tanquam epulis jucundis pastus est; deinde, ut agnosceret, quibus cibis stomachus esset onustus, statim iussit afferri caput, manus, & pedes, & quomodo esset acceptum? interrogavit; tunc miser ait, Apud Regem omnis cœna jucunda est. Ecce quid pariat intempestiva libertas.

Clytus Alexandro familiaris cur ab ipso inter pocula occisus? ob nimiam carpendi libertatem. non igitur satyricè, neque lyricè, cum Principe agatur, sed fideliter, & sincere. Planè sicut fœdum est, dum placere studes, in adulationem incidere, ita prorsus fœdum, dum adulationem vires, immodica libertate gratiam amicitiae, simulque medendi perdere utilitatem. Ecquid ineptius esse potest, quàm in illum dicere, & scribere qui potest proscribere? Quid itaque agendum? Præclaram historiam Nathani Prophetae studiose legant, & sedulo observent Consilarii, illinc abunde haurient, quomodo Principi sit aperienda veritas. Propheta itaque aulam Regis ingressus, ita sermoni viam paravit, intolerabilis planè casus contigit in Regno; Domine mi Rex, duo viri erant in civitate, unus dives, & alter pauper, dives habebat oves plurimas valde; pauper autem nihil habebat omnino, præter ovem unam parvulam, quæ creverat apud eum, cum filiis ejus simul, de pane illius edens, & in sinu illius dormiens, cum autem peregrinus quidam venisset ad divitem, nolens ille sumere de ovibus suis,

Q. Curt.
lib. 8.

tulit ovem viri pauperis , & præparavit cibum homini qui venerat ad se : pro tanto igitur scelere , qua pœna afficiendus ? tunc Rex acerbo illo casu perculsus, indignatione furens, ait, Filius mortis est vir qui fecit hoc. Porro Nathan his auditis à Rege , volens eum propriis verbis condemnare, ait , Tu es ille vir , qui fecisti rem hanc ; tunc David videns se irretitum , & proprio ore condemnatum , oculis ad cælum sublati , & genibus in terram curvatis , plorans exclamavit ; Peccavi , peccavi Domine. En quomodo veritas profuit , sed tempore opportuno prolata , si rigido verborum impetu, in eum irruisset, nil proculdubio profecisset. Prudentia itaque humanæ vitæ lux , & dux , in rebus omnibus observanda. hæc enim, quæ agenda sunt, & quæ omittenda opportune demonstrabit. hæc si ad gubernaculum sedebit, per turbatas etiam procellas , prosperè , & tuto diriget cursum , quasi inclamando , Inanes inanes minæ. hæc verò destitutus, fluctuabit Consiliarius , non minus quàm sine rectore navis , huc atque illuc tempestate agitata. hæc denique rebus gerendis describit modum , sine quo summa rerum in exitium ruit.

Est modus in rebus, sunt certi denique fines ,

Quos ultra, citraque, nequit consistere rectum.

Summa itaque vis prudentiæ, in eo sita est , ajunt veri Politici , ut Principis ingenium in primis cognoscatur. Quemadmodum enim, præcipuæ sunt nautarum partes , sydera , & ventos nosse , quoniam his cognitis, haud erit difficile , gubernaculum regere , vela expandere , ipsave contrahere, quo sibi loco , ac tempore jaciundæ sint anchoræ, aut tollendæ, quæ stationes capiendæ , qui scopuli vitandi , ita Consiliarius Principum mores debet exactè

exactè cognoscere. si Principis ingenium turbidum inuenies, tunc nauitas imitare, qui exorta tempestate, turbatoque cælo, tantisper mutata velificatione, furentibus ventis obsecundant, donec ad opportunam aliquam stationem, navim appellant, quasi inclament. Flectimur, non frangimur. Quid si nunquam mare tranquillum? Quid si semper Principis ingenium, veritatem implacabili odio prosèquatur? tuæ salutis debes consilium. sicut enim mari, quod navigabile, ac peruium non est, nosmet, & res nostras, committere non audemus, ita profectò, nec huiusmodi animis veritatem committendam puto. Porro si Principis ingenium placidum reperies, tunc non erit periculum, proferre veritatem, modò sit prudens, & opportuno tempore collata, quam quidem Principes, si diuturna volunt imperia, benignè excipiant, & ipsos veritatis propinatores, honoribus, ac beneficiis cumulent, tanquam firmissimos Regnorum custodes.

Bellipotens Princeps armis stipatus utrinque,

Milite, diuitiis, robore, præsidio.

Non tamen in Regno tutus, non mania firma,

Sit nisi cum Marte Palladis auxilium.

CAPVT XI.

Princeps, tanquam pater, imponat Populis onera discreta. Et erit in pace locus ejus.



SÆPIUS mente revolvat Princeps, quod à supremo omnium Rege, in excelso dignitatis fastigio est constitutus, tanquam pater populi, publicus & communis. Proinde tenetur subditos, ut filios fovere, diligere, & dirigere. Est dispensator publicorum bonorum, idcirco cavere debet, nè aliquid ex eis usurpet, in propriumque usum convertat. Est curæ, & bono alterius destinatus, ideo proprio commodo, alterius bonum tenetur præferre. Perpendat denique, præcipuum Imperii robur esse, amorem civium, & longe melius benignitate, & præmiis, quàm nimia severitate, & pœnis, ingenuos viros gubernari. ita attestante sapientissimo Rege, Roboratur clementia thronus ejus. Hinc Xenophon introducit Cyrum sic loquentem, Non aureum istud sceptrum est, quod regnum custodit, sed amicorum copia. hæc autem paratur beneficentia Principis. errant planè, qui beneficia conferendo, regna enervari putant. testis est Alphonfus Rex Siciliæ, vir liberalitatis gloria insignis. Cùm à suis interrogaretur, quid servaret sibi, qui tam multis, tam multa donaret? respondit, Ea ipsa, quæ dono. egregia vox tanto Principe digna. Perinde, ac si diceret, opes bonis viris collata, sunt firmissimum robur Imperii, atque inexhaustum totius Relpublicæ ararium. melius enim beneficiis imperium custoditur, quam armis. si Galba

Prov.c.
20.

Xenoph.
lib. 8.

Galba homo suæ pecuniæ parcus, publicæ avarus, suis militibus donativum exolvisset, fortè nec Imperio, neque vita privatus fuisset. Constat, inquit Tacitus, potuisse conciliari animos, quantulacumque parci senis liberalitate. Non timeat igitur Princeps regnum exhaurire, cum donat, non amittit, sed deponit. docuit id egregie Alexander Magnus. cum enim omnia amicis donasset, & jam fere omnes Regias opes absumpsisset, tum Perdiccas, unus ex ejus intimis, Quid tibi Rex, inquit, jam superest? Spes, respondit. Noverat enim, si res postulabat, quo ex fonte, quæ per liberalitatem erogarat, eodem propter benevolentiam, posset ad se redire. O miram Principis benignitatem, qui populis prospiciebat, sicut pater filiis. Proinde Cyrus bonum Regem pastori comparabat, & pulchre quidem. Nam sicut pastor die, noctuque sollicitat, ut ovibus congruentia pascua inveniat, ita & Rex salutis populorum invigilare debet. sic Valentinus, & Martianus Imperatores rescripsere, Humanitatis nostræ est, egenis prospicere, ac dare operam, ut pauperibus alimenta non desint. Huc spectat perbelle, quod in sacris litteris memoriæ proditum est. Rogabant populi Principem quendam, ut ipsis imperaret, at hic propriæ inopiæ conscius; In domo mea, ait, non est panis, neque vestimentum, nolite me constituere Principem populi. quasi insinuare volens, illum non debere Imperii sceptrum suscipere, qui non valet, vel negligit, subditos sublevare alimento. Improbè sanè Principes censendi, qui in Imperio, non nisi imperium cogitant, & qui se, non civibus datos arbitrantur, sed sibi cives, Nam sicut fidera splendorem habent, sic tamen, ut usibus

Tac. lib.
histor.

mortalium deserviant, ita Principes dignitatem quidem habent, sed cum munere, officioque devinctam. Collata est in sinum vestrum à Deo, hominibusque respublica, sed nempe in sinum, ut foveatur. O verè prædicandum Principem, qui duas res diversissimas, potentiam, & modestiam, indivisibili nexu connectit. Quem prodeuntem, certatim velut beneficium, & salutare quoddam numen aspiciunt, inter amorem, timoremque medii, & alternis judiciis ambigentes, dominum salutent, an patrem, subditi enim re vera fratres, & filii sunt, non servi, hujus rei præclarum est testimonium, Alcámenes Teletri filius. Is enim, cui-dam percunctanti, quo pacto imperans, Regnum diu servare posset? Si lucrum, respondit, non magnificerit, & subditorum commodis enixè studuerit. Vespasianus pro insigni publico gestavit delphinum anchoræ alligatum, quo significaret, totum se esse ad boni publici conservationem. nam cum nautæ in tempestatibus marinis, anchoram jaciunt, illi circumplicatur, quo tenacius hæreat, ac navim in undis firmet, sic Princeps rei-publicæ statum incolumem ut server, toto studio elaborare debet. ad hanc rem pulchrè Alciatus,

Titanii quoties conturbant aquora fratres,

Tum miseros nautas, anchora jacta juvat.

Hanc pius erga homines delphin complectitur, imis

Tutius ut possit figier illa vadis.

Quam decet hac memores gestare insignia Reges,

Anchora quod nautis, se populo esse suo.

Ita prorsus sentiebat Artaxerxes, cognomento Longimanus, quòd alteram manum habebat longiorem, is dicere solebat, Regalius est addere, quàm adimere. Et Ptolemæus Lagi filius dicebat; Convenientiùs est Principi, ditare, quàm ditari.

hoc

hoc est enim Principis munus, opes eorum, quibus imperat, augere potius, quam minuere, ipsosque non onerare, sed exonerare. Fiscus enim bonorum Principum, non subditorum damnis, sed hostium spoliis, debet augeri, & apud Principem plus iustitia, quàm licentia valeat. Sed, pro dolor, tanta est, apud quamplurimos, dominandi libido, & auri coacervandi cupiditas, ut omne studium conferant, non ad pascendos populos, sed ad ipsos oprimendos, vel potius deglutiendos, de quibus conqueritur Dominus; Væ pastoribus Israel, qui pascunt semetipsos. nonne greges pascuntur à pastoribus? Lac comedebatis, & lanis operiebamini, quod crassum erat, occidebatis, gregem autem meum non pascebatis, quod infirmum fuit, non consolidastis, quod ægrotum non sanastis, quod confractum, non alligastis, quod abjectum non reduxistis, quod perierat, non quaesistis. Quo fit, ut populi nimis onerati, à Principe interdum deficiant. aspera enim vox est, auribus, & animis infesta, avida tributorum exactio. quod perspicuè divino oraculo comprobatur. Mortuo enim Salomone, Regno potitus est Roboam, tanti Regis hæres, & filius, natu majores Israel missi sunt legati ad Regem, rogantes, ut onus tributorum, quod grave nimis esse sentiebant, levius redderetur. Pater tuus (dixerunt) durissimum jugum imposuit nobis, tu imminue paululum de imperio patris tui durissimo, & de jugo gravissimo, quod imposuit nobis, & serviemus tibi. Remisit nuntios, tres dies postulans sibi dari ad respondendum, quo transacto tempore, rediere legati, ut responsionem acciperent: tunc Rex, senum neglecto consilio, juvenumque secutus sententiam, ita respondit eis: Pater meus

Ezech.

32.

3 Reg.

22.

aggravavit jugum vestrum, ego autem addam. Pater meus, cecidit vos flagellis, ego autem cedam vos scorpionibus. Aspera hac responsione indignatus populus, Regem Roboamum recusavit, & mox novum Regem sibi constituit. tanti valet ad conciliandos animos, annonæ copia ex vigilantia Principis proveniens. Vera est enim philosophi moralis sententia, Nulla ratione ducitur, nulla æquitate mitigatur, nec ulla prece flectitur populus esuriens. Hoc autem non ignorabat Augustus Cæsar, qui ad firmandum Imperium, populum pellexit annonæ copia. de quo pulchrè Tacitus his verbis: Vbi militem donis, populum annona, cunctos dulcedine otii pellexit, insurgere paulatim, munia Senatus, magistratuum, legumque in se trahere, nullo adversante. Habeant ergo pro constanti dominantes, quod tunc fortuna Principis maximè nutat, cum ingravescit annona. sic attestante Poëta,

Tac. lib.
I annal.

Nescit plebs jejuna timere.

Porro hos scopulos facile evitabit Princeps, si præcavens in futurum, Patriarcham Iosephum, & Severum Imperatorem pro viribus imitabitur, ille tantam frumenti copiam in horrea Pharaonis comportari iussit, ut ea non modo Ægyptii, sed & finitimi populi, sæviante annona, mirum in modum sublevati sint. Imperatori autem, tantæ curæ fuit annona, ut cum è vita discessit, reliquerit in horreis publicis frumentum, quod septem annos populum Romanum abunde alere potuisset. Hos Principestibi magistros constitue, & tunc gratiam invenies coram oculis omnium. ex hoc æquitatis fonte potarunt Tiberius, & Marcus Aurelius Imperatores, quos quidem, hoc præsertim titulo, celebrat antiquitas. ille præsidibus

bus suadentibus, onerandas tributo provincias, ita Franc.
 rescripsit: Boni pastoris officium est, tondere pecus Sen. lib.
 non deglubere. idem ferme protulit & Alexander. de instit.
 Cum enim quidam diceret, civitates subiectas, ma- Reip.
 jora posse pendere tributa, sapienter admodum Cicer.
 respondit: Olitorem odi, qui radicitus evellit ole- epist. 2
 ra; ac si dixisset, pennæ non sunt ad eò incidendæ, ad Attic.
 ut nequeant renasci; quia qui nimis emungit, elicit Prov. c.
 sanguinem. iustitia namque servanda est geome- 30.
 trica, non autem arithmetica. justum verò est
 illud ab omnibus concessum, ut qui majoribus
 præditi sunt facultatibus, magis solvant, quam
 qui minus habent. Cæterum de Marco Aurelio
 monumentum legimus æternitate dignum, huic
 rei satis accommodatum. hic etenim in expe-
 ditione Marcomanica, suam suppellectilem au-
 ream, argenteam, cristallinamque, picturas,
 gemmas, & quicquid pretiosum à suis majori-
 bus coacervatum fuerat, voce præconis vanire
 maluit, ut ex earum rerum pretio, milites ale-
 rentur, quam provincias plus æquo onerari.
 sed quid? Alexander Magnus, cum audiret mi-
 lites sui exercitus ære alieno esse oppressos, non-
 ne publico edicto, evulgari fecit, ut quotquot
 essent creditores, chirographo ostenso, de
 proprio ejus ærario solutionem acciperent? Ve-
 rum tam creditores, quam debitores, parvam
 fidem verbis Regis adhibentes, nullus pro so-
 lutione pecuniam exposulavit. Quod Alexander
 animadvertens, in publico foro, ante fores pa-
 latii, mensas præcepit parari, in quibus decem mil-
 lia talentorum posita fuere, tuncque confestim
 omnes certatim adierunt, ut Regia liberalitate
 fruerentur. qua benignitate omnium animos sibi
 conciliabat.

Nec

Plut. in
apophth.
Imper.

Nec silentio prætereundus Rex Darius, is enim cum tributa imponeret subditis, procures provinciarum evocatos interrogabat, an ea essent gravia? Cumque responderent, valde mediocria esse, dimidium ejus, quod proposuerat, singulos pendere jubebat. aliis Principibus relinquens exemplum, non tributis, & exactionibus populos opprimere, sed tanquam patres mansuetudine, ac clementia gubernare. sic enim vincuntur, ac vincuntur subditorum animi.

Ad hanc rem optimè facit, quod Hofius historicus narrat de Agesilao Rege; is enim, cum Apellem ægotantem visitasset, pulvinar surrigere fingens, decumbentis cervici, cautè aurum supposuit, non multò post Regis discessum, adveniens puer, amoto pulvinari, dum lectulum sternere vellet, aurum reperiens, exclamavit, Vide domine, quid in lectulo tuo invenerim, at Apelles silentium ei indicens ait, hoc est furtum Regis. mox intulit puer, Quid? benignitate motus voluit tuæ inopiæ subvenire, & furtum dicis? tunc Apelles, Optimè dixi, quia Rex hoc munere, cor meum furatus est, & perpetuò me sibi addixit. Sciebat nimirum Agesilaus, multò præclarius esse, alios ditare, quàm ditari, & nihil esse gloriosius, quàm beneficium apud bonos viros depositum. siquidem, sicut hamo piscatores capiunt pisces, ita Principes beneficio capiunt homines. Quid enim aliud est Principis donum, nisi veluti quoddam servitutis vinculum? & quasi catena aurea, qua irretitur beneficio affectus? hoc probè novērunt exploratores, idcirco dixerunt ad Raab, In fenestra, per quam demisisti nos. Septuaginta legunt; Per quam ligasti nos: lectio Hebraica habet; Per quam concatenasti nos, quasi dicerent; benefi-

Iosue. c.
2.

bene-
nos.
lita-
gier-
fion-
dit.
sepl-
rim-
bid-
Do-
qui-
quo-
uxo-
lum-
non-
Quo-
nefi-
strin-
me-
nec-
nec-
stip-
qu-
ner-
om-
bus-
qui-
der-
bel-
fun-
dix-
stiri-
lum-
ven-

beneficium quod à te accepimus, concatenavit nos. Hinc in dubium verti solet, uter in liberalitate magis esset laudandus, an capiens, an largiens? hic non libertatis, sed rei tantum possessionem amittit. ille vero sui juris libertatem perdit. Quod quidem probe noverat castissimus Iosephus. Cum enim uxor Putipharis, à pulcherrimo adolescente enixe postularet, ut suæ libidinis voluptatem expleret, respondit, Ecce Dominus meus, omnibus mihi traditis, ignorat quid habeat in domo sua, nec quidquam est, quod in mea non sit potestate, præter te, quæ uxor ejus es, Quomodo ergo possum hoc malum facere? & peccare in Dominum meum? non dixit, quomodo malum hoc faciam? sed Quomodo possum hoc malum facere? quia beneficia sunt compedes aurei, quibus homines adstringuntur. Gen. 39.

Non tamen onera quæque improbo, nec enim me latet ob labores, qui in republica gubernanda necessario perferuntur, imponi debere, nam, nec quies gentium, sine armis, nec arma, sine stipendiis, neque stipendia, sine tributis haberi queunt. Sunt enim pecuniæ, rerum gerendarum nervi. Scio itidem Neronis cuncta vestigalia omitti jubentis, impetum repressum à Senatoribus, dissolutionem Imperii docendo, si fructus, quibus respublica sustinetur, minuerentur. siquidem tributa ornamenta pacis sunt, & subsidia belli. Hinc dicebat Dominus, Reddite quæ sunt Cæsaris, Cæsari, & quæ sunt Dei, Deo. non dixit, date; sed reddite. Reddere actus est justitiæ; dare vero spontaneæ voluntatis, etiam si nullum præcesserit debitum, at in omni debito solvendo est reddere, quia nullum debitum causatur, nisi

nisi ex accepto ; idcirco potius dixit , Reddite ; quam dare. Deo quidem debemus omnia , cum ab eo omne donum profluat . Principibus autem debemus tributa , quia ab eis defensionem , tranquillitatem , & alia bona suscipimus . Reddendum est ergo Cæsari , quod ad Principis jus pertinet , jus autem Regis est , ut alatur à Regno , & quidem in pompa regali , & ad bella gerenda , & ad pacem conservandam . hinc census , vestigalia , tributa legitime à Rege exiguntur , & necessario à populo fideli solvuntur . propterea Paulus ait ,

Rom.13. Omnis anima potestatibus sublimioribus subdita sit . non dicit enim , Reddite Cæsari quæcumque petit ; sed , reddite , quæ illius sunt . nam ubi Princeps à nobis aliquid petit , per quod in offensam Dei incurrimus , id non esset Cæsaris , sed diaboli tributum . quamobrem nec præstare debemus . oportet enim magis Deo obedire , quam hominibus . Proinde mox subjecit , Reddite quæ sunt Dei Deo . Principibus fidelis esse debes , sed Deo longe magis , ut pulchre os aureum docer , Tu vero cum audias reddenda esse Cæsari , quæ sua sunt , illa solum dici non dubites , quæ pietati , ac religioni nihil officiunt . Nam quod fidei , ac virtuti obest , non Cæsaris , sed diaboli tributum , & vestigal est . huic sententiæ accedit Eusebius dicens : Non dicit Dominus , Reddite Cæsari omnia , sed quæ sunt Cæsaris , non constituit Deus magistratum , ut pro suo arbitrio , ac libidine expilaret subjectos , sed ut ab illis moderate exigeret , quæ ad rempublicam honeste gubernandam spectarent . sicut Deus auctoritatem regendi populum dedit magistratui , ita vicissim magistratus debet Deo , & Ecclesiæ Romanæ ejus sponsæ , omnem obedientiam . Et sicut Romana

Eccle-

Homil.
71 in
Matth.

Ecclesia docet, populum Christianum magistratui debere esse subiectum, ita & ipse, qui non sine causa gladium portat, debet Ecclesiam defendere, ac subditos suos ad ejus obedientiam compellere, sicque mutuas sibi invicem præstare debent operas, ut expleatur illud, reddite quæ sunt Cæsaris, Cæsari, & quæ sunt Dei, Deo. Paulus ad Cæsarem appellans, reddit Cæsari, quæ erant Cæsaris, ejus supremo tribunali se subijciens; sed idem Paulus Romæ Evangelium prædicans, & à deorum cultu, quos Cæsar colebat, omnes quos potuit, abducens, reddidit Deo, quæ erant Dei, ejus fidem defendens, & dilatans. Petrus docens Regem honorificandum, eique tanquam præcellenti obediendum, reddidit Cæsari, quæ erant Cæsaris; sed idem, Principibus fidei prædicationem interdicentibus, respondens; Obedire oportet Deo, magis quam hominibus, reddidit Deo, quæ sunt Dei. pulchre Augustinus. Si aliquid Proconsul jubeat, & aliud jubeat Imperator, cui obediendum? illo contempto, Imperatori obsequendum; ergo si aliud Imperator, aliud Deus, quid agendum? majori serviendum. tributa solvenda. obsequia præstanda. da veniam Imperator, tu carcerem, ille gehennam minatur. hanc distinctionem docuit Christus aperte; Nolite, inquit, timere eos, qui corpus occidere possunt, & postea non habent, quod agant, ostendam autem vobis, quem timeatis; timete eum, qui postquam occiderit corpus, habet potestatem mittere in gehennam. at dicet aliquis, nonne Apostolus dicit; Si malum feceris, time potestatem; non enim frustra gladium portat. an discipulus contrarius magistro? nequaquam. Sed loquitur Apostolus de iis, quæ sunt Cæsaris, quæ si illi non reddantur, merito

Euseb.
de vita
Const. li.
4. c. 24.

merito timendus Cæsar, timenda potestas. Loquitur autem Christus de iis, quæ Dei sunt, quæ si Deo reddimus, si fidem, si pietatem, si virtutem colimus, & hæc Cæsari displicent, suisque legibus hæc interdicit, hic non est timendus Cæsar, sed est timendus Deus. hanc distinctionem Evangelicam primus Imperator Christianus Constantinus Magnus probè tenuit, cum sic ad Episcopos loqueretur. Ego quidem communis sum Episcopus, sed vos eorum, quæ sunt in Ecclesia, ego eorum quæ extra sunt, à Deo constitutus Episcopus, hoc est, superintendens. Potestati ergo debemus, sed magis Deo. Non omnes itaque exactiones improbo, sed nimis onerosas, quarum hodie tanta est moles, ut ea homines obruti, vix sese attollere, atque erigere queant. vetus est adagium usu comprobatum, Nè quid nimis. Quocirca à Principe extrema sunt vitanda, & vetanda, quod enim extra medium existit, & turpe, & nocens est. Quapropter cum esset admonitus Trajanus Imperator à Pompeja uxore, quod in Regno haberet miniistros nimium rapaces, qui provinciales calumniis expilabant, quorum unus ex primariis, unumquemque divitem, sic convenire solebat, Quid habes? Vnde habes? pone quod habes, improbas ac turpes huiusmodi exactiones ægrè ferens pius Princeps, statim adhibitis poenis, ejusmodi exactiones cohibuit, adjiciens hæc verba omnibus sæculis laudanda, nimirum, Fiscum esse lienem, quo crescente reliqui artus contabescunt. & appositè quidem. quoniam sicut lien multum succum, qui ad corporis alimentum transire deberet, non raro ad se trahens, totum corpus macie, raboque consumit, sic planè ex fisco, civium opibus tumescente,

universa

universa Respublica insanabili morbo contabe-
scit. ut graphicè expreffit Alciatus,

Emble.
146.

Splene aucto, reliqui tabescunt corporis artus,

Fisco aucto, arguitur civica pauperies.

Sentiebat quippè optimus Princeps, iniquum esse, sic explere fiscum unius; ut nihil habeant subditi, præsertim cum boni Principis sit, quidquid habet populus. Ad quod pulchrè facit insigne illud academicum, Draco nimirum, qui grandior in dies confurgit, parvulos serpentes deglutiens, apposta hac notula, Compendium unius, dispendium alterius. non ita verus Princeps, cujus officium est, populorum commodis consulere, propriis etiam sumptibus. hinc Aristoteles scitè admodum, ut follet, ærarium Principis stomacho comparabat, quoniam sicut è stomacho cibi recepti, in omnia sensum membra diffunduntur, sic à Regis thesauro, pecuniæ jam congestæ, cum accidit opportunitas, in populis sublevandis erogari debent, ne sævientè annona afflictæ, ac importunis oneribus agitati, provocentur ad seditiones, exitium inevitabile afferentes. sicut accidit Achæo Lydiæ, Meoniæque Regi. Is crebra tributa, eaque nimis gravia populis imponebat, radebatque usque ad cutem, & ex lapide nitebatur sanguinem elicere. Sed, quod deplorandum magis, in tributis exigendis, sævus, improbus, atque inexorabilis erat, Verùm cum tantam injuriam, diutius populi ferre nequirent, nocturna tessera inter se data, subito hominum concursu, illum cum omni familia trucidarunt, & regia incensâ, ejus cadaver unco tractum, in Pactolum flumen præcipitarunt, ut aurum sitiens, auriferas aquas deinceps potaret. quasi acclamantes, Aurum sisti? aurum bibè.

Franc.
Sen. de
regis in
stit. li. 4.

*Vberibus, lactis succum, non sanguinis, hauri,
Et corio misso, sit tibi lana satis.
Non nimis emungas populos, sed viribus aqua
Exige, sic Regnis pax erit alma tuis.*

CAPVT XII.

Leges latas observet Princeps, & inveniet gratiam coram oculis omnium.



Leg. di-
gna, C.
de legi-
bus.

Plato li.
9. de le-
gibus.

IGNVS planè nomine Principis, qui legibus obtemperat, quas ipse populo præscribit, ita in Pandectis scriptum legimus, Vox digna majestate regentis, se legibus obnoxium Principem profiteri. Et apud Plutarchum in septem sapientum convivio, ille scopum retigisse dicendus est, qui se publicis patriæ legibus subjecit, supremi Legislatoris vestigiis inhærens, qui dedit legem, & observavit. Non veni solvere legem, sed adimplere. de quo Esaias vaticinans ait, Factus est principatus super humerum ejus. Lectio Hebræa sic habet, Suscipiet legem super se, & observabit eam. Ægyptiaci Reges, (teste Diodoro Siculo) tunc optimè se gubernare putabant, si parendo legibus, populum potius excitarent sua virtute, quam legum auctoritate. ita divinus Plato, cujus aurea verba sunt, Paratum exitium illi civitati video, in qua non lex magistratibus, sed legi magistratus præfunt, salutem verò illi, ubi lex magistratibus dominatur. pulchrè facit huic rei apposita Demosthenis similitudo. Civitatis anima, ait, lex est, ut ergo anima totum corpus, & singula membra animat, tota in toto, & tota in qualibet parte; sic & lex, non so-
luna

lum in inferiora reipublicæ membra, sed & in ipsum caput, hoc est Principem transfunditur. non enim Rex, est extra reipublicæ corpus, sed præcipua ejus pars, ergo & ad illum legis anima pertinet. Interrogatus quidam dux, *Quisnam Regum omnium esset maximus?* respondit, *Qui sibi libentius imperat, quàm aliis.* Ipse primus institutor, viam ingrediatur oportet, & statim sequentur alii, quia participatus labor cum duce, sit populis levior, quare si Princeps secundum leges vixerit, unaquæque civitas optimè gubernabitur. Dabo clavem David super humerum ejus, ajunt oracula divina. quid per clavem, nisi potestatem jurisdictionis, & animarum regimen? porrò illa clavis, non penderet à cingulo, sed gestatur in humero, tum quia gravissimum pondus, est animarum cura, & adeò grave, ut dicat Concilium Tridentinum, *Onus Angelicis humeris formidandum, tum quia Prælatus debet ea, quæ præcipit, humero etiam gestare.* Proinde sanctissimum habendum est Romani Prætoris edictum, & præ foribus cujuslibet curiæ scribendum, *Quod quisque juris, in alterum statuerit, ipse quoque eodem jure utatur.* ita sentiebat moralis philosophus Principem alloquens, *Si vis omnia tibi subdicere, subdice te rationi.* multos reges, si te ratio regat. ab ipsa discas, quid, & quemadmodum agere debeas. ita quoque subscribit eloquii Romani Pater; Antiqui Principes, ait, subiciebant se legibus statutis, ut ad eas implendas, alios provocarent. Noverant siquidem, populum habere ad sui disciplinam, acrem sensum oculorum, aurium vero hebetem. Sodiades unico verbo, verum Principem instituit, *Impera tibi.* nullus enim Princeps rectè imperabit populis, nisi prius sibi ipsi imperaverit, & legi à se latæ obtemperave-

Solon.
apud
Laert.
lib.1.

Sen.e.
pist.38.

Tall.li.
1 offic.

peraverit. aureum Epicteti philosophi dictum, Suf-
tine, & abstine. hæc est prima æquitas, ait Cassio-
 dorus, Præsules à se inchoare, ut criminosi ne-
 queant illos similes eis reperire. Hinc Romani
 laudantur in primis, quia leges observabant, quas
 aliis præscribebant. tunc enim Rempublicam bea-
 tam existimamus, ajebat Bias sapiens, cum Prin-
 ceptis primum omnium parer legibus, nam popu-
 lus licet invitatus, invitatur, cum Principis conditio
 hæc sit, ut quod ipse facit, id aliis præcipere vi-
 deatur. Proinde Agesilaus dicebat, si quid esset,
 quod per milites celeriter confici vellet, primus
 ipse sub oculis omnium operas aggrediebatur,
 quò vel pudore, ad industriam extimularentur.
 hoc probè noverat Gedeon fortissimus Princeps,
 qui cum ad pugnam progredieretur, ad milites
 conversus dicebat, quod me facere videritis, hoc
 & ipsi facite. quo exemplo edocti, fortiter dimi-
 carunt, & hostibus prostratis, victoriam obti-
 nuere. tanti valet in rebus aggrediendis aucto-
 ritas Principis. Qui itaque clavum Regni tenet,
 tale vivendi institutum sibi præscribere debet, ut
 faciat, non quod sibi libeat, sed quod ipsum de-
 ceat; non enim quod quisque potest, id ei licet,
 nec propterea ei permittitur, quia non obstat,
 siquidem id tantum licere dicimus quod legibus,
 majorumque institutis conceditur. Nam nihil
 infelicius principibus, quàm velle agere, quæ-
 cumque possunt, & præsertim, cum omnia sibi li-
 cere existimant. Tunc consummata est infelicitas,
 ubi turpia non solum delectant, sed placent, &
 definit esse remedio locus, ubi quæ fuerant vitia,
 mores fiunt. Et tunc pessimè cum Atheniensibus
 agebatur, quando publica vox erat, Athe-
 nis omnia honesta, Quocirca explodendum, exe-
 cran-

Cassiod.
lib. 6
epist.

Aug. de
civ. Dei
c. 17.

Jud. c. 7.

Tull. in
philipp.

Sen.
epist. 39.

erandum illud verbum, Libido Regum, pro legibus habenda. sic volo, sic jubeo, sit pro ratione voluntas, utpote, à procaci, eaque impudenti fœmina prolaturum. Cum enim Antoninus Caracallus Romanus Imperator, novercam nomine Luliam forma insignem, infano amore diligeret, dixissetque, Vellem, si liceret, mox illa subjecit, Si liber, licet. An nescis te Imperatorem esse, & leges dare, non accipere? quod verbum, ita animum Principis sollicitavit, ut statim amenti libidine concitatus, nuptias infestas, incestas, ac omnino infaustas turpiter celebravit. O pessimum insatiabilis fœminæ consilium, quæ nescit intra fines continentiae contineri, symboli Pythagorici prorsus oblita, Stateram ne transilias. hujus farinæ erant Persarum Iudices, qui Cambysi roganti, Num qua lex permetteret nuptias cum sorore? negarunt quidem, talem se invenire, sed quandam aliam, qua licet Persarum Regi, facere quidquid liber. Scio jurisperiti oraculum, Quod placuit Principi, legis habet vigorem: at ritè intelligendo, nempe, quando voluntas Principis, ratione est regulata, si autem ratione non dirigitur, illam potius iniquitatem, quam legem existimant sapientes. Caveat ergo Princeps ab hac voce, Regibus omnia licent, tanquam à facie colubri, & pestifera regnorum perniciæ, sed potius aures accommodet Antigono Regi sapientissimo; hic enim cuidam dicenti, Omnia Regibus honesta, justaque esse; Sunt quidem, respondit, barbarorum Regibus, at nobis, ea dumtaxat honesta sunt, quæ honesta sunt, & ea tantum justa, quæ justa sunt. ita sentiebat Theobaldus Rex apud Cassiodorum dicens; Cum omnia possimus, sola nobis licere credimus, laudanda.

Brufon.
lib. 3,
c. 13.

Cæsar quoque Anthemius dictitare solebat, Nihil amplius licet bonis Principibus, nisi quod licet privatis. noverant enim præclari heroes, præcipuum Regis munus esse, leges quidem præscribere, sed præscriptas observare. ne jure illis exprobraretur, Imponunt onera gravia, & ipsi nec digito volunt ea movere; dicunt enim, & non faciunt. Non sic supremus Legislator, qui fundavit Regnum suum super humeros proprios: at Reges plerique fundant regnum super humeros subditorum, variis tributis illos vexando, & plurimis legibus comprimendo, ipsi autem delitiis vacantes, dorsum ab oneribus divertunt. Quod mente revolvens Cyrus major inter Reges præstantissimus, dicere solebat, Neminem debere Principatum suscipere, nisi melior his, in quos susciperet. Sentiens hoc esse proprium Regi, aliis prospicere, & publicis commodis consulere. id autem quis efficiet, nisi qui animi integritate, & legum observatione, cæteris antecellat?

Publica nimirum tunc res sibi constat, & æquum Imperium, cum Rex, quod jubet, ipse facit.

Valer. li. 6, c. 5. Quis ignorat, memorandum Seleuci Locrensis Regis exemplum? Plurimas, & quidem aureas condidit leges, inter quas hæc fuit præcipua, nimirum, Adulterium committenti, oculi ambo eruantur. Contigit autem ipsummet filium, Regni hæredem, legem maculasse, quia facinus interdictum perpetravit, mox vinculis traditur, carceri truditur, sententia fertur, ut oculi eruantur, à primariis Regni rogatur Rex enixè, ut ignoscatur Principi; oraverunt quidem, sed non exoraverunt; nunquam enim potuit adduci Rex, ut lex jam promulgata violaretur. Quid itaque? jussit, ut oculus filio, alter verò sibi erueretur, ita debitum suppli-

supplicii modum, legi tradidit, admirabili æquitatis temperamento, se inter misericordem patrem, & justum legislatorem partitus. tanti faciebat legum, quas condidit, observationem. Sciebat enim Princeps egregius, quod qui viri iusti personam induit, deponit parentis. Quid de Bruto? hic fuit legum adeo rigidus observator, ut filios ad palum alligatos, securi percuti iusserit, quia dominationem Tarquinii Regis superbi à se expulsam reducere volebant. exuit patrem, ut ageret Consulem, orbatumque vivere maluit, quam vindictæ publicæ deesse. Mirum profecto, quod narrat Paradinus. ait enim, quod Sicambrorum Rex Basan in suis insignibus effingebat nudum enssem, in cuius extremitate, laqueum habebat implexum, addita inscriptione, Discite iustitiam moniti. ut hoc commento, subditis incuteret metum, & se iustitiæ acerrimum ostenderet custodem. quod re ipsa comprobavit. siquidem, ne violaret iustitiæ leges, propriis manibus filio, nomine Sedano, caput amputavit. ita legum observator fuit. Nec silentio prætereundus Manlius Torquatus, is namque Consul missus contra Tusculanos, præcepto edixit, sub poena capitis, ne quis extra ordinem pugnaret in hostem. dum ergo oraturus rei gratia in prætorio esset, filius ejus in castris remanens, ab uno ex hostibus provocatur ad pugnam, Tu ipse congregere mecum, ut hoc eventu cernatur, quantum Latinus eques præstet Romano, tunc filius juvenili ardore accensus, singulare certamen congregitur, & strenuè se gerens, hostem interfecit, spoliisque detractis, ad patrem accessit, dicens; En pater, hæc spolia capta ex hoste caeso porto. quod ut pater cognovit, consilio convocato, eum morti tradidit, dicens;

August.
de civit.
Dei, lib.
5, c. 18.

Parad. in
simb.
her.

Aug. lib.
5 de civ.
Dei.

Quando neque imperium Consulare, neque maiestatem paternam veritus, adversus edictum nostrum, extra ordinem pugnasti, quantum in te fuit, disciplinam militarem, qua stetit usque ad hanc diem res Romana, solvisti, meque in eam necessitatem adduxisti, ut aut reipublicæ mihi, aut mei, meorumque obliviscendum sit, nos potius nostro delicto plectemur, quàm Respublica tanto suo damno nostra peccata luat, mandavitque licitori, ut ipsum morti traderet, quia tutius erat ipsum interficere, quàm Rempublicam militari disciplina carere. Insigne Fabii factum laudavit semper antiquitas. nam dum Consulatus fungeretur officio, patrem suum sibi obvium equitantes aspiciens, erat enim apud Romanos in Consulum præsentia prohibitum, satellitem misit, qui ut ex equo statim descenderet, iussit. At pater filii sui mandato lubenti animo obtemperavit, & eundem tanquam consularis dignitatis defensores celebravit. Hinc summis præconiis usque ad sidera extolluntur Principes, qui legibus ita se submiserunt, ut etiam sibi facultatem, ab iis abeundi ademerint. quales fuere Antigonus Macedonum Rex, Antiochus Asiæ tertius, Gratianus, Valens, Theodosius Imperatores, qui provinciarum suarum Præfectis rescripsere, si quid fortè adversum legibus juberent, ne admitterent. appositè admodum facit, quod Sanazarius scribit laudans præclarum Regis Neapolitani facinus, qui lege lata contra arma deferentes, postridie in publicum prodiens, ostendit populo primus, inermes latus. Sentiebat enim gloriosum esse Principi, legibus à se latis subijci. Non tamen desunt plurima testimonia, Principem legibus esse solutum asserentia, & hac præsertim ratione moventur, quoniam

niam Rex David coram Deo provolutus, dicebat; Tibi soli peccavi. Quæ verba perpendens glossa, sic ait, Rex hominem non habet, qui sua facta judicet, duo sunt quippe hominum genera, quæ in sacris litteris videntur legibus esse soluta, justorum nempe, & Principum. de justis dicit Paulus; Iusto non est lex posita. de Principibus Rom. 13. autem, adducitur illud supradictum, Tibi soli peccavi: sed hæc non faciunt, quin omnes legibus subdantur. Lex enim, secundum mentem Angelici Doctoris, deducitur à ligando, èd quod omnes homines vinculo adstringat, quæ nominis etymologia sacris litteris valdè consonat, ubi sæpe reperuntur hujusmodi voces; Rupisti vincula, confregisti jugum. Quantum igitur spectat ad justos, locus Pauli sic intelligendus, iusto non est lex posita, non quod justus non subdatur legi; Omnis enim anima (ut ait Paulus) potestatibus subli- Rom. c. 13. mioribus subdita sit, sed quia justus non eget coactione, ad observandam legem, plus enim sponte sua præstant, quàm lege præscribatur. Siquidem justus non metu legis, sed amore virtutis servat legem. Quod etiam evidenti ratione comprobatur, nam si essent justus exempti à jugo humanarum legum, sequeretur, quod omnes essent exempti; quilibet enim dicere posset, se esse justum, & inde emergeret perturbatio reipublicæ, & sic leges à nemine observarentur. Si verò loquamur de Principibus, ut res nostra postulat, non subduntur legibus, quantum ad vim coactivam, quoniam non habent superiorem, à quo compellantur, & nemo cogitur à seipso. gemina namque vi lex pollet, quarum alteram directivam, appellant Theologi, & est circa ea, quæ agenda, vel vitanda sunt: alteram coactivam, qua cavetur, nè quis

Sot. de
just. &
jur. li. I.
q. 6, a. 7.

Antonin.
p. I, tit.
17.
Franc.
Patri. li.
8 de re-
gno &
repub.
tit. 6.
Matt. 23.
D. Th. 1.
2, q. 6,
a. 5.
Leg. 4.
C. de le-
gibus.
Plat. in
lib. 4 de
legib.
Cél. Ro-
dig. lib.
8. lect.
antiqua-
rum, c. 1.

à legis præscripto aberret, at si aberraverit, ple-
ctatur. ab hac posteriore vi, Princeps est quidem
solutus re, sed non jure. hinc Sotus ajebat, & do-
ctè, quod sua Principem lex non cogat, non inde
venit, quod ipse non egeat, sed quod lex natura
sua non queat. Princeps itaque legibus est solutus,
si vim cogentem consideremus, quia nullus in ip-
sum potest judicium condemnationis inferre, si
contra legem agat. Propterea dicebat Rex Da-
vid, Tibi soli peccavi. Porro si vim dirigentem in-
spiciamus, Quis dubitat Principem suis legibus
esse subjectum? & hoc probatur ex jure divino;
Alii onera gravia imponunt, ipsi autem nec di-
gito volunt ea movere. ex jure etiam canonico,
ut colligitur ex cap. cum omnes de constitut. ubi
Innocentius Papa III ait, Quod quisque juris, in
alterum statuit, ipse eodem jure uti debet. ex jure
demum civili, nam scriptum legimus, Digna vox
majestate regnantis, legibus alligatum se Principem
profiteri. accedit etiam illud Catonis à Divo
Thoma citatum, Patere legem, quam tu ipse tu-
leris. illud item Platonis; Paratum exitium illi ci-
vitati video, in qua non lex magistratibus, sed le-
gi magistratus præsumt, salutem verò illi, ubi lex
servientibus magistratibus dominatur. Bias eum
verè principem opinatur, qui primus patriis legi-
bus se subjecerit. Trajanus quoque cum Præfe-
ctum pratorio designasset, gladium ei in manu
porrexit, hæc verba subjiciens, Vtere hoc gladio
adversus hostes meos, si ego minus justè egero,
eum in meipsum stringito. huic rei apprime facit
quæsitum illud scitu dignissimum, An utilius sit
Reipublicæ, gubernari optimis legibus, an tantum
optimo Principe, sine aliqua legum positione, Ali-
qui dicunt esse utilius Reipublicæ, gubernari opti-
mo

mo Principe. nam in primordio generis humani, respublica sine aliqua legum positione gubernabatur, & gubernatio optima erat. ratio autem talis potest adhiberi, quoniam utraque virtus legum, directiva, nimirum, & coactiva, præstantiori ratione invenitur in Principe, quam in legibus scriptis. optimus enim Princeps, quoniam est regula viva, animadvertit omnes circumstantias particulares, & statuit quid hic, & nunc agendum sit. Lex verò scripta, quoniam est regula universalis, omnes casus particulares cavere non potest. quod verò vis coactiva præcipuè inveniatur in Principe, liquet, nam lex mortua jacet, Princeps verò non sine causâ gladium portat. Oppositum tamen vi-
Arist. 3
Polit. c.
 detur sentire Philosophus, cujus ratio est, Quoniam talis est natura libidinis, ut optimos etiam viros contorqueat. Verum leges scriptæ definiunt, quid sit faciendum, quid vero fugiendum seclusa omni cupiditate; Princeps vero, quoniam homo mortalis est, sæpenumero perturbatur passionibus, quæ illum faciliè à recto defleunt. Pro summa ergo rei, dicendum est, quod si posset inveniri unus homo, cujus virtus esset longè major, quàm cæterorum hominum, essetque consummatæ virtutis, utile esset, & justum, quod hic unus homo, cum summa potestate administraret Rempublicam, sed quia hoc est difficile, proinde habita ratione naturæ, & conditionis humanæ, utilius est Rempublicam legibus scriptis gubernari, illisque fideliter subjici, cum sapientis vigeat auctoritas, ab omnibus recepta, Patere legem quam tu ipse tuleris.

*Quas posuit leges Princeps, observet & ipse,
 Sic populo, & superis, semper amicus erit.*

CAPVT XIII.

Rationem status Humani, legibus Divinis, submittat Princeps, & accipiet benedictionem à Domino.



MISERANDAM nostrorum temporum conditionem, in quibus longè plurius aestimatur, humani status ratio, quam divinæ legis observatio. Quandoquidem ubi de ratione status agitur, continuò nulla habitatio rationis ratione, violantur jura, dilaniantur sanctiones, confringuntur fœdera, negligitur fides, & ut brevibus singula omnia perstringam, nulla hominum, nulla divini nominis, & numinis, reverentia; non adeò sæviunt tigrides raptis catulis, sicuti Principes, vel minuendi, vel dividendi Imperii tantilla suspitione commoti, ut perbellè canit Poeta,

Bucan.
lib. I de
bello civili,

*Nulla fides Regni sociis, omnisque potestas
Impatiens consortis erit, nec legibus ullis
Credit, nec longè fatorum exempla petantur.
Fraterno primi maduerunt sanguine muri.*

Proinde magnus Alexander, cum adversus Darium præliaturus surrexisset, omnem prorsus pacis conditionem à Dario oblatam respuit, legatos Persas hisce verbis remittens, Ite, nuntiate Regi vestro, quod neque terra duos Soles, neque Asia duos Reges sustinere potest. ita firmè populi Lydorum. Nam cum Rex Cræsus fratrem sibi in imperio ascisceret socium, quidam ex Lydis primarius, ait, ô Rex potentissime, omnium in terra bonorum Sol est auctor, at si gemini Soles forent,

forent, periculum esset, ne omnia incenderentur, ita Regem quidem unum accipiunt Lydi, duos simul tolerare non possunt. Ecquis ignorat, quod nec Roma quidem duos fratres ferre potuit, neque una Sparta duos Lyfandros? quid? domus Abrahæ, ut Isaacum retineret, nonne Ismaelem ejecit? & in Rebecca utero, duo gemelli antequam nascerentur, nonne bella gesserunt? præclare Ovidius,

*Non bene cum sociis Regna, Venusque manent:
alter etiam cecinit:*

Non patitur Regnum socios, neque tanta jugalis,

Hæc duo nec Pylada jungere posset amor.

O insana regnandi libido, ad quæ flagitia non impellis? Quid non mortalia pectora cogis Regni sacra fames? Per te, cognati, cognatorum sanguine sordidantur. Per te, frater in fratrem insurgit. Per te, patruus in nepotem. Perte filius in patrem. Per te, mater in filium. Per te, uxor in proprium virum, sed quid dicam? per te, mater sævit in seipsam, adhuc dicam abominationem majorem. Per te, homines insurgunt in ipsos deos. Sed quia hæc sunt dictu horrenda, & vix auditu credibilia, proinde antiquorum exemplis comprobare non erit absolum, quin operæ pretium duco.

Fredegunda Regina Galliæ, quot innoxios truncavit regio sanguine satos? at quorsum? ne turbarent Clotarii filii sui imperium. de Athalia impia femina, quid referam? nonne omnes regii sanguinis affines occidit, statim post mortem filii sui Ochoziæ, ut hac via ambitione tumens, Regnum ad se devolveretur? en sacra Regum historia, Athalia vero mater Ochoziæ, videns mortuum filium, surrexit, & interfecit omne semen regium.

Prole-

Aimoin.
de hist.
Franc.
li. 3, c. 6.
4 Reg.
c. 11.

1 Reg.
c.18.

Ptolemæus gener, Simonem Iudæorum Principem, focerum convivio exceptum, cum duobus filiis, regnandi cupiditate, obtruncavit. Saul insano regnandi furore agitato, quid mali non est molitus in generum Davidem? quot insidias non paravit? quoties tentavit eum lancea transfigere? at quorsum tam diro odio eum prosequeretur? solo timore amittendi Regnum. Siquidem, cum audiret nobiles Hebræas honoris ergo, choros ducentes, simulque exclamantes. Saul percussit mille, & David decem millia; statim cœpit dentibus fremere, ira excandescere, & nimio furore correptus, nulla beneficii, nulla innocentiae habita ratione, mortem quoque minitari. sic referente divina Regum historia, Iratus est autem Saul nimis, displicuit in oculis ejus sermo iste, dixitque; Dederunt David decem millia, & mihi mille dederunt, quid ei superest, nisi solum Regnum? Romulus, ut Regno solus potiretur, fratrem Remum miserè trucidavit. cui facinori satis appositè convenit illud poeticum,

Fraterno primi maduerunt sanguine muri.

Sabel.
dec.8.
lib. 7.

Pro sola regnandi libidine, nonne Etheocles, & Polynices fratres, ita mutuis exarserunt odiis, ut nedum copiis infensis decertarent, sed infestis etiam armis digladiando, sese mutuo confoderent, ac demum in rogo conjecti, flammæ utriusque cadaveris, adhuc invicem pugnarent, quod animadvertens soror exclamavit, Vivit, vivit adhuc odium.

Antonius Severi Imperatoris filius, nonne fratrem suum infantem, matris ubera adhuc sugentem, pugione confodit, ut solus Imperio frueretur?

Vivitur ex rapto, non hospes ab hospite tutus,

Non focer à genero, fratrum quoque gratia rara est.

Quod

Quod si magis exploratum habere volumus, an dominandi libidine frater sæviat in fratrem, legantur annales Gallici; ibi enim exactè describuntur quatuor filiorum Clodovei primi Francorum Regis Christiani, atrocia inter se bella. Nam quilibet post mortem patris regium diadema sibi imposuerat. Vnus Rex Aurelianensis, alter Parisiensis, tertius Sueffionensis, & quartus Metensis Rex nuncupabatur: gravissima deinde inter fratres orta discordia, causa desolationis Gallici Regni extitit.

Omnibus passim nota est Turcarum historia, quorum Imperator, ut primùm suscepit Regni gubernacula, confestim omnes fratres, quamvis adhuc imbelles, & in cunis vagientes, trucidari jubet. At quorsum tam durum nefas? regnandi cupiditate commotus. Itaque primum Imperii signum, est fraterni sanguinis effusio, & prima dies, quæ illum effert ad fasces, illos effert ad secures.

De Abimelech Gedeonis filio, nonne referunt Iud. c. 9. sacrarum litterarum monimenta, quod hac potissimum de causa, fratres suos legitimos septuaginta viros, more barbarico iussit interfici?

Cur Salomon Adoniam fratrem imperavit occidi? regni amittendi metu. sic divina narrat historia, Bersabea postulavit dari Abisag Sunamitidem Adoniæ in matrimonium, at Salomon fraudem fratris intelligens, respondit matri, Quare postulas Abisag Sunamitidem Adoniæ? postula ei & Regnum. perinde ac si dixisset, an ignoras mater, Abisag, quam fratri postulas, patris mei David conjugem fuisse, ac reginæ nomen adeptam, multris ab eodem locupletatam fuisse divitiis? quod si Adonias hanc dixerit, nonne advertis, quod regnandi

gnandi libidine incensus, in me conspiraturus sit, meque regno privaturus? Quomodo igitur se gessit Salomon, ut res suas in tuto collocaret? cognita fraude, Adoniam fratrem interfici mandavit. Sed omittamus fratres, nonne insatiabilis dominandi libido impellit etiam patruos ad eadem nepotum? Astyagis Medorum Regis testimonio comprobatur. is unicam filiam habens, Cambyssi Persæ privato viro collocavit, metuens, ne ab illius futura sobole, Regno pelleretur, viderat enim per quietem ex pudendis filiæ, vitem surgere, quæ palmitibus suis omnem Asiam obumbraret, idcirco natum ex ea infantem exponi iussit, feris devorandum, sed puer nomine Cyrus, beneficio pastoris educatus, ac grandiusculus factus, ab æqualibus suis collusoribus, Rex nuncupatus est; at cum jam adolevisset, certior avitæ injuriæ factus, ultionem meditatus est, & contracto exercitu pastorum, in Medos transmittit, quibus fugatis, captoque Astyage, regnum invadunt Persæ. Sed quid de Mithridate Rege commemorem? nonne immensa Imperii cupiditate flagrans, nepoti pugione vitam ademit? simulata namque occasione pacis ineundæ, eoque proinde ad colloquium evocato, abscondito sub femore pugione, dum ruit in amplexus tamquam nepotis, altera manu arrepto pugione crudeliter illum interfecit.

Huc optimè accedit dira Lotharii in nepotes fratris sui senioris filios crudelitas. adhuc enim tennellos projecit in parietes, & defixo in ventrem cultro, interfecit. Quorsum hoc? ne Totildis mater Regina, eos ad regnum elevarer. Sed audiamus favitiam longè majorem. Ptolemæus inauditis execrationibus adjurat se sincera fide matrimonium sororis petere, nuncupaturumque se

Iust. hist.
lib. 24.

eam

eam Reginam, neque in contumeliam ejus, se
 aliam uxorem, alioſve, quam filios ejus, se libe-
 ros habiturum. Arſinoe, & ſpe impleta eſt, & me-
 tu ſoluta, in matrimonium fratris conſenſit, nu-
 ptiae magno apparatu, lætitiæque omnium cele-
 brantur, ad concionem quoque vocato exercitu,
 capiti ſororis diadema imponit, Reginamque eam
 appellat. quo nomine in lætitiæ effuſa Arſinoe,
 ultro virum in urbem ſuam Caſſandriam invitat,
 cujus urbis cupiditate, fraus ſtruebatur. Prægreſſa
 igitur virum, diem feſtum urbi in adventu ejus
 indicit, filios quoque ſuos Lyſimachum ſexdecim
 annos natum, Philippum triennio minorem,
 utrumque forma inſignem, coronatos occurrere
 jubet, quos Ptolemæus ad celandam fraudem cu-
 pide amplexus, oſculis diu fatigat. Vbi ad por-
 tam ventum eſt, occupari arcem jubet, pueros in-
 terſicit, qui cùm ad matrem confugiſſent, in gre-
 mio ejus inter ipſa oſcula trucidantur. Proclama-
 vit Arſinoe, quod tantum nefas, aut nubendo,
 aut poſt nuptias contraxiſſet, pro filiis ſeiſpſam
 percufforibus obtulit, corpore ſuo, puerorum
 corpora amplexata protexit, plurimæque vulnera
 excepit. demum ſpoliata etiam funeribus filio-
 rum, ſciſſa veſte, & crinibus ſparſis, duabus tan-
 tum ancillis comitata, ex urbe protracta, Samo-
 thraciam in exilium abiit, eò miſerior, quod mori
 cum filiis ei non licuit. Nec Ptolemæo inulta ſce-
 lera fuere, nam exiguo interjeſto tempore, à Gal-
 lis ſpoliatus Regno, captuſque, vitam ferro, ut
 meruerat, amiſit.

Sabell.
 enneade
 4. lib. 8.

Antipater nonne Alexandro magno nepoti ve-
 nenum propinavit, ut ipſe Regno potiretur? Quid
 plura? nonne fames dominandi, filios etiam im-
 pellit in patres? Quis vidit unquam abomina-

Q. Curt.
 lib. 4.

tionem majorem ? & tamen Alexander magnus, si Iustino credimus, Philippi patris mortem procuravit, opera Pausaniæ, quia timebat habere socium in Regno, Attalum spurium fratrem. Quis non abhorrebit immanitatem Tullia Tarquinia filia ? impia hæc fœmina, non virgo, nec virago, sed vorago, ut regnaret, patrem occidi mandavit, & renitentibus equis, ac invito auriga, jussit ut cadaver paternum, rotis currus, cui insidebat, contunderetur, ut Tarquinius Superbum virum suum, Regem salutarer. Ex quo intelligimus, quam minimè tuta sit ambitiosis fides, quando ex sanguine etiam domestico ipsa exulat. Verissimum est illud pro oraculo habendum, Regnandi cupiditas, nescit jura pietatis.

2 Reg. c.
15.

Quare Absalon David Regis filius, patrem velut hostis expugnavit ? infestum ei bellum movit ? diras paravit insidias ? quia regnandi desiderio ardentissime flagrabat.

Nic. de
Lira in
cap. 14
Isa.

Quid dicemus de immensa dominandi libidine Evilmerodach filii Nabucdonosor Regis ? is cum patrem vita functum cerneret, timens ne iterum viveret, ejus corpus contundi jussit, in frustra concidi, ejusque pulverem in ventum dispergi, ne iterum coalesceret, & ipsum de folio deponeret.

Gregor.
Turon.
lib. 5, c.
14.

Ingenti urebatur ambitione regnandi, Moroveus Chilperici Regis filius, proinde patri suo adhuc viventi insidias varias, & graves struebat, verum à Domino divinitus admonitus, & terrore correptus abstinuit. Cum enim quadam die ad convivium vocasset Gregorium, & postea postularer, aliqua legi ad instructionem animæ, statim Gregorius referato Salomonis libro, versiculum, qui primus occurrit, arripuit. hoc au-

tem continebat ; Oculum, qui adversus patrem respice-

respexerit, effodiant eum corvi de convallibus. diram hanc pestem, utpote omnibus legibus ex diametro repugnantem, abhorrebat Decii Imperatoris filius. cum enim pater imperiali diademate filium proponeret insigniri, renuit filius dicens; Vereor, ne si id fiat, dediscam esse filius, imperet pater meus, meum imperium sit parere humiliter patri imperanti: quasi diceret; turpe nefas, ita naturam ipsam exuere, ut quis in proprios parentes insurgat, ad hoc autem impellit regnandi libido.

Proinde rogatus Solon, cur nullas leges adversus eos, qui parentes verberassent, constituisset? quod nullos, inquit, tales futuros existimabam.

Sed quid dicam? nimia dominandi cupiditate, horribile quidem dictu, verum tamen, ipsa etiam mater savit in filium. testis est Irene Constantinopolis Imperatrix; hæc enim crudelia spectacula edidit, sola dominandi libidine impulsæ. duces namque, datis muneribus, eo pertraxit, ut Constantinum filium ex insidiis captum, oculis effossis in carcerem conjicerent, ubi miser mœrore, luctuque confectus, paucis post diebus, expiravit. Quorsum Herodes ad tantam savitiam devenit, ut tot innocentes pueros, maternis uberibus affixos, jugulari præceperit? iratus est valde, & mittens occidit omnes pueros à bimatu & infra; ut firmiorem Regni sedem statueret. Et hac de causa, nonne etiam proprium filium trucidavit? unde Augustus Cæsar audita tam truci immanitate, jocans, dicebat: In domo Herodis, mallem esse porcus, quam filius. nam ut rigidus legis Iudaicæ observator, fues ne quidem tangere auderet, in filium tamen cruentas manus injicere non fuit veritus. Quid si dixerò cæcam

Matth.
c. 2.

Macrob.
li. 2 Sa-
turn. c. 4.

regnandi libidinem, eo usque prolabi, ut uxor in proprium virum sæviat? hoc tamen liquet aperto Semiramidis testimonio. Cum enim Semiramis à marito Nino impetrasset, ut saltem diem unum in regio tribunali sederet, obiretque munus regium, jus dicendo, ac fanciendo, quæ vellet, exploratis jam satellitum animis; tunc Ninum Regem blande apprehendi iussit, deinde cum risu in vincula conjici, & demum ludibrio expositum, capite truncari. O scelus planè inauditum! Sed quis crederet aliquem, eò dementia devenire, ut ambitione ductus, seipsum interfici gloriosum ducat? Prodeat in scenam Agrippina Neronis mater, hæc tanta ambitionis siti æstuabat, ut cum oracula consulisset, num aliquando filius regnaturus? eique responsum fuisset, Regnaturum quidem, sed in Imperio matrem suam necaturum; avida diadematis dixerit, Occidat, modò imperet. Sed cur pluribus immoramur? ambitiosa dominandi libido ita sævit, quod etiam in deos ipsos insurgit.

Sabell.
li. 4, c. 7.

Fulgof.
li. 9, c. 5.

In corde Caligulæ, si Fulgosio credimus, ita invaluit sola sine consortio regnandi cupiditas, quod non solum in homines; dicebat enim, Vt nam populus Romanus unicam haberet cervicem, sed in deos ipsos sæviebat. Nam omnium deorum simulacra decapitari iussit, & singulis singula capita, vultum ipsius Caligulæ referentia, inferebat, ut solus adoraretur. Quis tale facinus sanè inauditum unquam crederet? sed videamus, si lubet, insaniam penè incredibilem ex regnandi libidine emergentem. Valens Imperator, ut solus Regno potiretur, nedum vivus, sed & mortuus, superstites, quos suspicabatur, post ejus mortem regnatos, omnes trucidari iussit, Cum enim nonnulli

curiose

curiose investigantes sciscitarentur, quis post Valentem Imperii gubernacula obtineret? ita responsum fuit, litteras quatuor esse. Th. E. O. D. ex quibus ejus nomen, qui esset post Valentem regnaturus, inciperet. mox ejus rei fama ad aures Imperatoris evolavit. Quo audito, omnes qui erant vel Theodori, vel Theodoti, vel Theodosii, vel Theoduli nomine appellati, quasi tigris fœviens, interfici mandat. In quorum numero fuit quidam vir nobilis ex genere patritio nomine Theodosiolus, qui ab Hispania, ad Valentem adductus, morte mulctatus est, non alio titulo, nisi quia impius, & vesanus Imperator, suspicabatur eum Imperio potiturum. Hinc multi præ metu animis injecto, sua statim commutarunt nomina, & ea quæ parentes, illis in lucem editis imposuerant, tanquam plena periculi denegarunt. O pestis diabolica ab inferis suscitata, quæ sensim serpens per corda potentium, contagio prorsus insanabili, totum penè infecit orbem terrarum. Sed quid dico terrarum? Nec cælum ipsum immune fuit ab immani bello, propter hanc impiam dominandi libidinem. Quod satis apertè comprobatur in sacrarum litterarum monumentis. Exclamat enim tuba cælestis; Factum est prælium magnum in cælo. Scio quidem varios doctores variè sentire, quodnam fuerit dæmonis primum peccatum.

Apoc. c.
13.

Doctor subtilis opinatur fuisse luxuriam, non tamen quamcumque, sed inordinatum sui a-
morem.

In 2, dist.
6.

Angelicus doctor arbitratur fuisse superbiam, ita etiam Athanasius, Ambrosius, Augustinus, Nazianzenus, Chrysostomus, Cyrillus.

1 p. q. 78.
memb. 2.

Alexander de Ales doctor irrefragabilis, tenet radicem peccati dæmonum, fuisse avaritiam. non

quidem pecuniarum, sed honoris, ac gloriæ, & proinde spiritualem.

Bernardus doctor mellifluus, vult dæmonem peccasse invidia, propter unionem hypostaticam Verbi divini, aliquando communicandam naturæ humanæ, quasi indoluerit, quod creata natura longè se inferior, deberet sibi anteponi, & quod majus est, deberet eam venerari.

Rupertus Abbas arbitratur peccatum dæmonis, fuisse odium contra Christum, statim atque mysterium incarnationis est Angelis revelatum. Displicuit enim illi, quod potius humanam, quàm Angelicam naturam assumeret, hac de causa mortem ejus machinatum fuisse. Proinde dicebat Ioannes: Ille homicida fuit ab initio.

Ego autem, si licet cum tam præclaris viris meam proferre sententiam, primum dæmonis peccatum dicerem fuisse, nimiam dominandi libidinem, quam rationem status vocant politici: dixerat enim in corde suo, In cælum conscendam, similis ero Altissimo. Neque hoc est meæ mentis inventum, sed gravissimorum doctorum placitum, nempe, dæmonem in sui primordio, appetiisse principatum. ut videre licet apud Bonaventuram, Lyranum, Augustinum, Gregorium, qui omnes asserunt, quod appetiit præesse cæteris, nulli subesse. Quid igitur mirum, si omnes ejus asseclæ, ubi de ratione status agitur, confestim nulla habita rationis ratione, indignantur, fremunt, sæviunt, dentiunt, vipereunt, & tanquam feræ furunt?

Quid mirum, si inordinatus zelus amittendi Regnum, ita anxie torqueat, angat, mordeat tyrannorum animos, ut ad omne impietatis facinus, præcipientes ferantur? Quid mirum, si impius ille Herodes tyrannorum antesignanus, tot parvulos adhuc

Bonav.
in 3. dist.
I.
August.
in Ioan.
cap. 14.
Greg. li.
34 moral.
c. 17.

adhu
caus
ret?
rat

Sub
tuos
li vi
dine
tua
quer
ven
suas
clar
ran
dex
mir
ne
Eze
mo
tiam

adhuc vagientes, tam dire iusserit trucidari? Quid causæ fuit, ut scelus tam execrandum perpetraret? timebat de regia sede deturbari; ita deplo-
rat Ecclesia,

*Audit tyrannus anxius,
Adesse Regum Principem,
Qui nomen Israel regat,
Teneatque David Regiam.
Exclamat amens nuntio,
Successor instat, pellimur,
Satelles, i, ferrum rape,
Perfunde cunas sanguine.*

Submitte igitur, ô Princeps, legi divinæ fasces tuos, si vis tutum, si vis diuturnum imperium. non viribus humanis inniti, tanquam baculis arundineis, sed in omnibus, consule Dominum, jura tua illi subjice, Principum seniorum vestigia sequere, qui, ut refert Ioannes; Adoraverunt viventem in sæcula sæculorum, mittentes coronas suas ante thronum Dei. quasi cum regio Vate acclamarent; Non in gladio nostro possidemus terram, nec brachium nostrum salvat Imperium, sed dextera Domini exaltat Regnum, & dextera Domini facit virtutem. si autem secus feceris, vide, ne tibi contingat, quod minatus fuit Dominus Ezechix Regi, Auferentur omnia quæ sunt in domo tua ut cognoscant Principes, non esse potentiam, neque consilium, contra Dominum.

Apoç.

c. 4.

Psalm.

117.

*Imperii fines semper divina tuetur
Religio. labat hac? vis labat Imperii.
Legibus ergo Dei, Regnorum subjice jura,
Regna tibi, ô Princeps, si diuturna cupis.*

CAPVT XIV.

Gloriosum Principi servare fidem, violare, inglorium.



Valer. li.
6, c. 4.

Tull. li. 3
de offic.

August.
de civ.
Dei, li. 1.

VRPE nefas, violare fidem, & Christiano Principe prorsus indignum. Quod præclaro Alexandri Regis testimonio comprobatur. Nam cum Parmenio Princeps militiæ, quidpiam suaderet, quod præter fidem, ac decorum esset, repeteretque sæpius, Ego quidem facerem, si essem Alexander, & ego, ait, si essem Parmenio. Quippe, qui sciret, nihil à Regibus patrandum, nisi præclarum, & animo regio dignum. Egregium iridem, apud Romanos Atilii Reguli testimonium. is enim à Carthaginensibus captus, ab iisdem Romam missus est Legatus, ut de captivorum redemptione ageret cum Senatu, fidem pollicitus, se reversurum. Fidelis fuit patriæ, fide etiam in hostes inviolata permanente. dissuasit captivorum permutationem, pro patriæ beneficio. hostibus tamen servavit fidem, quia Carthaginem reversus, ubi postea atrocissimis pœnis, vitam cum morte commutavit. poterat mortem durissimam evitare, at maluit diem extremum obire, quam promissam hostibus fidem violare. ex qua servata fide, tantam consecutus est gloriam, quantam ceteri Principes, ex præliis feliciter gestis. Quid enim turpius esse potest, quàm fidem fallere, promissa non præstare, & dictis, conventisque non manere? Proinde Romani, mundi dominatores, fidem ingenuè observabant, quod facile potest conjici, ex responso Carthaginensibus allato.

allato. Nam Duellius Cornelius Afina, cum in primo Punico bello exercitum in Sicilia haberet, ab Amilcare, & Hannone, qui exercitui Carthaginensium præerant, præstita fide ad colloquium evocatus, per dolum interceptus est, & in vincula conjectus, sed cum postea adverso Marte, Carthaginenses terra, marique bello succumberent, placuit, ut de petenda pace ageretur, resque Amilcari, & Hannoni demandata est à Punico Senatu. Amilcar memor violatæ fidei Cornelio Afina, ad Consules ire formidabat. Hanno autem Romanorum fide fretus, audacter ad Consules perrexerat, ad quos profectus, cum causam liberius exponeret, tunc Tribunus quidam militum obstrepere cœpit, perfidiæque eum accusare, minitandoque dixit, Facile fore, ut ei contingeret, quod Cornelio Afina jam acciderat. tunc uterque Consul silentium ei indixit, Hannonemque legatum ita sunt allocuti, Noli timere, isto periculo fides Romana te liberat. O memorandum exemplum Romano pectore dignum. Sacrum enim, etiam inter gentes, legatorum jus. Quid enim sine fide, hoc est, justitiæ base, regnum est aliud, nisi magnum, & publicum latrocinium? Quod planè intelligens Aristoteles, inter multa præcepta, quæ reliquit Alexandro Regi, hoc præcipuum instituit, Cave, nè infringas fidem datam, quia hoc, nec infidelibus quidem convenit. Siquidem turpe nimis, ac indecorum, fidem semel datam non servare. Proinde dux ille inclytus Alcibiades dicere solebat, quoties in Socratem incideret, se rubore suffundi, quod illi promissis non stetisset. hinc Phocion inter Græcos illustis consulebat, non esse magna hominibus promittenda, sed præstanda potius. Laudabilius nimirum est, pauca polliceri, & plura

Tac. lib.
3 hist.

Matth. c.
34.

Rom. c.
8.

D. Tho.
1 p. q. 21
a. 1.

facere, in Principibus præsertim, vicem Dei gerentibus, qui nec falli, nec fallere potest. ideo ipsemet dicebat: Cælum, & terra transibunt, verba autem mea non præteribunt. Perinde ac si dixisset, nolo ut verba mea irrita fiant, sed fidelis ero in omnibus verbis meis. quod re ipsa probavit, nam quod semel promisit, fideliter observat. Promisit justis mercedem laborum suorum, abundanter retribuit, quia, & ultra condignum; unde Paulus dicebat: Non sunt condignæ passionnes hujus temporis ad futuram gloriam. Pro cuius doctrina notare debes, quod triplex meritum apud Theologos reperitur, de rigore justitiæ, de condigno, & de congruo, meritum de rigore justitiæ est illud, quod non innititur gratiæ, aut misericordiæ acceptantis, sed habet valorem ex persona offerente, quale est meritum Christi Domini, nam persona Christi de se est infinite grata, & ejus opera habent infinitum valorem apud Deum, propter quod, meritum Christi, est de omni rigore justitiæ. Meritum de condigno est illud, quod licet innitatur gratiæ, & misericordiæ acceptantis, est justum & condignum ad præmium futurum, hujusmodi est meritum Sanctorum. Meritum de congruo, est illud, quod non innititur justitiæ, sed congruentiæ tantum. Deus itaque, quia est fidelis, præstabit justis de condigno, quod promisit, non tamen vi obligationis, quia Deus nulli debet, nam debitor quatenus debitor, est creditore inferior, debet tantum suæ ordinationi, & promissioni, & manu plena præstat, quod promittit, alias Deus non esset Deus, neque prima veritas, dicente Paulo, Fidelis Deus seipsum negare non potest. Quia ergo Princeps vices Dei gerit, fidem datam etiam hosti

hosti inviolabiliter servare debet. hoc est enim animo excelfo, & regio dignum, cui concinne competit elogium, Sit sine labe fides. Quod animadvertens Saul, fidem semel datam Davidi omnino servavit generum Regis constituendo. Inter cætera Davidis adhuc adolescentis præclara fortitudinis indicia, refertur, quod urfos dilaniaret, leones laceraret, lupos jugulareret, aliasque belluas, & mole ingentes, & feritate immanes, non sine magno corporis periculo conficeret. quæ quamvis singularia heroicæ virtutis argumenta forent, nullam tamen ex iis laudem, nullam gloriam, imo ne obolum quidem affecutus est, at mox, ut hominem interfecit, quem ictu lapidis eminus ad terram prostravit, omnium præconiis celebratus, gratiam filię Regis consecutus, & Saulis gener effectus est. Quorsum hoc? unica hujus rei ratio fuit, quod Saul, Goliæ percussori, filiam suam dare spondidisset, nuptiasque, & affinitatem Regiam jurasset. Tanti valuit apud Regem, datæ fidei auctoritas, & verbi Regii observatio. hinc laudatur Nerva Imperator, cum enim interposito jurejurando, Senatui dixisset, se auctore, nullum Senatorem morti tradendum, abstinuit à ferro in eos, quos in caput suum conjurasse sciret, tantum potuit, in alta gentilitate jurejurando fides confirmata, ut religione illius tactus Imperator, parceret ferro & sanguini, etiam in capitis periculo. Ad rem satis apposite spectat, quod de Nerone refert Seneca. In familiari quadam confabulatione, dixit Imperator, Ferrum tuetur Principem. at ipse continuo subjecit, melius fides. hoc est, promissa adimplere. licet nostris temporibus pluris æstimetur dolus, & simulatio, quàm datæ fidei observatio, Non ita, non ita Prin-

Principes ingenui, quorum splendor regius, in rebus præclare gestis gloriose refulget. hi enim victorias obtinere, Regna comparavere, hostes stravere, non dolo, non fraude, ac violata fide, sed prudentia, armis, & ingenio. Ita Lycurgus legillator egregius. Cum enim Spartani reipublicæ gerendæ peritissimi, Lycurgo defuncti Regis fratri, Regnum, & coronam detulissent, viduæque defuncti, se prægnantem comperisset, verita, nè novus Rex, hoc audito indignaretur, ac moleste ferret, quod forsitan masculus ex se nasciturus, regnum illi auferret, utpote, legitimus hæres, nuntiavit illi, se foetum utero conceptum, veneno necaturam, aut aliquo medicamento, abortum causaturam, si modo vellet, quo illius Regnum firmaret tutum, & ab omni competitorum liberum redderet. Placere sibi consilium, finxit Lycurgus, at nolle effectum, nè tali medicamento, sibi aliquod afferret detrimentum, quare, infantem tempore suo nasci fineret, sibi jam nati extinguendi rationes non defuturas. credidit illa, & cum egregium masculum Charilaum nomine peperisset, Lycurgus acceptum, in Senatum detulit, hac usus oratione; Ecce legitimum Regem vestrum, Lacedæmonii, non vero me, quare regia ornamenta puello imposuit posthumo, ut omnes intelligerent, eum longè pluris fidem, quam amplissima Regna facere.

Valer.
lib. 6.

Sabel.li.
10.

De Camillo autem Consule Romano, acerrimo fraudis inimico, quid dicemus? iste dux egregius, cum Phaliscos obsideret, ludimagister nobilissimos pueros, tanquam ambulandi gratia, extra muros educens, in castra Romanorum perduxit, illos offert Duci, inquires, En sine sanguine parta victoria, quoniam in repetendis talibus obsidibus,

dibus, sponte civitas se tibi tradet, & imperata faciet. tunc Camillus, qui iustitiæ personam sustinebat, non solum respuit perfidiam, sed restrictis etiam post terga manibus, magistrum virgis agendum, pueris dedit, ut ad parentes adducerent. quo beneficio, & animi ingenui testimonio capti Phalisci, magis quàm armis victi, portas Romanis aperuere. Itaq; Camillus, quam ex fraude recusavit, ex iustitia consecutus est victoriam. Fit enim ad propugnandam, non ad evertendam iustitiam. Fabricii Romani spectatâ fidem quis non celebrabit? Cum Pyrrhus Epirotarum Rex, cum Tarentinis venisset in subsidium contra Romanos, & intellexisset Fabricii paupertatem, qui erat unus de legatis Romanorum, missis nuntiis ad eum, obtulit quartam partem Regni sui, ut ad se transfiret, necnon magnam auri quantitatem ei præstare voluit, si proderet Romanam civitatem. cui Fabricius dixit; Regnum tuum simul cum auro tanquam lutum despicio. Existimo enim incorruptæ fidei observantiam, nobiliorem esse omnibus Regnis, & auro mundi. Cæterum interjecto anno, missus est Fabricius cum exercitu à Romanis, contra Pyrrhum, ad quem medicus Pyrrhi veniens nomine Timocrates, promisit se Regem veneno necaturum, at Romanus dux ingenuus, statim vinctum reduci iussit ad Pyrrhum, eique dici, quod contra eum medicus sponddisset. Tunc Rex plurimum admiratus, dixisse fertur, Ille est Fabricius, qui difficilior fide, & honestate, quàm Sol à suo cursu potest averti.

Inviolatæ fidei observantissimus fuit Sextus Pompejus, nam cum Marcum Antonium, & Octavium conciliatos, navi sua susceptos veheret, necare poterat, & imperare. noluit, nè per violatam fidem ad imperium venisse videretur, dignissimus

Fulgos.
li. 6. c. 6.

Brufon.
li. 2 c. 35.

August.
ad Boni-
fac.

D.Tho.
2. 2. q. 41
a. 3.

finus Pompeii nomine, & vel hoc solo, quando fidem, monarchiæ præposuit, nec regnandi causa, jus violare voluit. sic enim respondit Menodoro Pompejanæ classi præfecto, Siquidem cum Menodorus adhærens Pompejo clam cum illo locutus, dixisset: Vis ne ô Sexte anchoras succidam, & te non Siciliæ, neque Sardinæ, sed Romani Imperii faciam dominum? cui Pompejus cum paulisper secum cogitasset; Oportuit, inquit, ô Menodore, hæc per teipsum, me incio, fecisse. pejerare enim nequaquam meum est. En vox ingenuo Principe digna, licet à politicis nostri temporis irrideatur. Sciebat enim, nihil magis gloriam Principis labefactare, quàm sacros fidei cancellos transilire. hinc Divus Ambrosius dicebat: Sunt quidem jura bellorum, & fœdera etiam inter ipsos hostes servanda, contra quos geritur bellum. Quod idem fermè sentit Augustinus; ideo scribens ad Bonifacium dixit: Fides quando promittitur, etiam hostibus est servanda. Poterat quidem dux ille, inimicum dolo prosternere, at maluit fidem in hostem servare, quàm dolo se superando, turpiter triumphare, turpiter autem triumphat, qui dolo, & fraude; gloriose vincit, qui industria, & ingenio. nullo enim eventu licet fallere hostes insidiis, dicendo falsum, aut non servando promissum, licet quidem fallere hostes insidiis, occultando illis intellectum, & propositum nostrum. Siquidem in pugna, non dolo, sed industria militaris laudatur. hinc Lycurgus legislator non probabat prælii genus, in quo virtuti locus non esset.

Quod experimento docuit aliquando Cyrus rei bellicæ gnarus. hic enim firmatis castris, simulato metu, quasi fugiens, castra vino, epulisque referta,

referta, reliquit diripienda, quod cum Regina Thomiri denuntiatum foret, adolescentulum filium ad sequendum eum, cum tertia copiarum parte misit, adolescens autem rei militaris ignarus, cum venisset ad castra, tanquam ad epulas, omiſſis hoſtibus, prorupit ad crapulas. Cyrus autem per exploratores edoctus, nocte revertitur, cibo, potuque graves, atque ſomno oppreſſos, ſtrenue invaſit, cunctosque cum Regina filio trucidavit. At Regina mater non metu percuſa, ſed virago, perduto unico filio, & magna militantium parte, ipſa quoque ſimulata diſſidentia, propter vulnus recenter acceptum, Cyrum ſemper reſugiebat, quouſque hoſtem in inſidias traxit, ubi diſpoſitis inter montes inſidiis, ducenta millia Perſarum cum Rege delevit, adeo quod, nec tantæ cladis nuntius ſuperfuerit, Cyrique caput amputatum, in utre humano ſanguine pleno, reponi juſſit, dicens: Sanguinem ſiſtiſti, ſanguinem bibe. hæc non eſt fracta fides, ſed induſtria militaris, quæ arte deluſit artem. hanc militarem aſtutiam obſervavit Gedeon dux ille fortiſſimus, qui pugnavit, ſuperavit, vicit, non quidem fraude, ſed induſtria ſingulari. juſſit namque à ſingulo milite lagenam fictilem ſiniſtra manu portari, in qua, lucerna ardens latitabat, dextera vero tubam, nocturno tempore hoſtiles copias aggreditur, mox milites in tres turmas diviſi, buccinis clangunt, fractisque lagenis, ardentes faces hoſtibus conſpicundas oſtendunt. itaque hoſtes, quos ſomnus ante oppreſſerat, experrecti, tria exiſtimantes eſſe caſtra; nam copia hominum, multarum tubarum clangor, gentes in tres partes diſtinctæ, trium caſtrorum ſpecies præſerebant, repentino quodam terrore exanimati, Gedeoni terga

terga verterunt, & in seipſos irruentes mutuis ſe vulneribus trucidarunt. Auxilium planè à Domino, ſed medio hoc ſtratagemate parſa victoria. Gedeonis quoque filius Abimelech turrim Sichem fortiffimam, ac pene inexpugnabilem, non dolo, ſed armis & aſtu militari obtinuit. aderant in ea homines innumeri, ſtrenue locum illum cuſtodientes, tunc aſcendit Abimelech montem Selmon, accepta ſecuri præcidit arboris ramum, quem ſtatim propriis impoſuit humeris, mox ad milites converſus, ait, Eja fratres, quod me videtis facere, & vos facite. Protinus ramis abſciſſis, duces veſtigia ſequuntur, & exiguo temporis ſpatio, turrim veluti vallo circumvallantes, & ſtatim ramos ſuccedentes, fumo, & igne, hoſtes, qui intus erant, miſere confecerunt. En duces egregii, non violata fide, & dolo, ſed militum robore, & bellica induſtria utebantur. noverant planè, quàm ſit execrandum crimen, fidem ſemel datam, etiam hoſti violare. Quod olim Athenienſes præclaro teſtimonio comprobavere. nam proditores, nec mortuos, nec vivos ferre conſueverunt. Itaque Athenis fidei fractores, neque deſunctos ſepeliebant, neque viventes inter ſocios admittebant. hinc Cæſar dicere ſolebat, Placere ſibi proditorem, non proditorem. Auguſtus idem ſerè dictitabat, Ego proditorem amo, proditorem non approbo. Antigonus aſſerebat, ſe proditores amare, dum proderent, ubi verò prodidiſſent, odio proſequi. Philippus Rex Macedonum idem dicebat, ſed elegantius, Amo prodituros, non proditores, nec injuria. Quomodo enim ſperandum eſt, eum in alienos fidum fore, qui in ſuos perfidus fuit?

Non tamen perfidiæ arguendos dixerim, qui
eam

eam fidem frangunt , quam & sibi , & reipublicæ indecoram , & exitiosam futuram cognoverint. quoniam cum alter non habeat jus ad petendum, nec collatum bono jure possit accipere, ita nec iste tenetur promissa, cum tanto publicæ rei detrimento adimplere, imò penitus frangenda: sic consulit Isidorus ; In malis promissis rescinde fidem , & in turpi voto muta decretum : impia est enim promissio, quæ scelere adimpletur. hinc laudatur Rex David , quod jusjurandum in Nabal resciderit, damnantur Herodes & Iephre , quod impia vota, impia sanguinis innocentis effusione expleverint.

Bannes
in 2.2. q.
41. a. 3.

Siquidem cum fides justitiæ fundamentum sit, quis unquam sanæ mentis , illam censebit fidem, quæ justitiam evertit ? Quin potius eos irridendos arbitror , qui, si quippiam inhonestum promiserint, mori malunt, tanta est vecordia , quam inconstantia convinci. Sunt enim nonnulli Principes, qui non minus turpe existimant flecti, quam vinci, sed hoc turpissimum est. non autem turpe, cum re mutare consilium. hinc elicitur quanta olim fuerit Germanorum stultitia, qui aleam sobrii inter seria exercent, tanta lucrandi, perdendive temeritate, ut cum omnia defecerunt, extremo, ac novissimo jactu, de libertate, ac de corpore contendant, victus voluntariam servitutem adit, quamvis junior, quamvis robustior, alligari se, ac venire patitur, & quod stultius est, hanc dementiam, ipsi fidem vocant, at hæc non est fides, sed pervicacia, sed furor, sed infania; non enim est levitas, à cognito, & damnato errore discedere. Est quidem superbæ stultitiæ indicium, semel dictum, qualecunque sit, & fixum, & ratum velle. siquidem melius est recurrere è medio cursu, quam

Cic. li. 1.
de offic.

Sen. de
benef. li.
6, c. 30.

Sen. de
benef.
lib. 4.

malè currere. mutatio quippe in melius, semper est optima.

Nec fides Principe digna, quæ comitata fugo, fraudibusq; implexa, qualem habuerunt Thraces. isti enim cum Boetiis inducias, certo dierum numero pepigerunt, ac noctu cum illi in tuto se esse existimarent, agros eorum populantur, violatam fidem, inclamant ruinam passi, negant isti, se perperam egisse, cum induciæ dierum pactæ essent, non autem noctium. sed hæc, est ne dicenda fides? minimè gentium. Perfidia quidem, & ingenuo Principe prorsus indigna, ex cuius ore verba prolata, mentis conceptui respondere debent. de quibus potest dici, Averterunt se, & non servaverunt pactum. Proinde pomum Persicum pro insigni, una cum folio adhærente, addita nota, Idem ambo, appositè attribuitur Principi. illud enim quis non videt, quandam humani cordis figuram præ se ferre, & ejus folium linguæ formam præmonstrare? Quid hinc? ut discat Princeps, proprium illius munus esse, quod ore pronuntiat, opere complere,

Fert folium linguæ, fert poma simillima cordi,

Hinc vitam, ô Princeps, degere discite tuam.

Ne vulgo decanteretur, aliud habet in ore promptum, aliud in pectore clausum. quod turpe, quod nefas, quod inglorium. Horret animus, cum Radamisti barbarum facinus, memoria repero, qui, ut Cornelius refert, in Mithridatis amplexus effusus, simulans obsequium, focerum, & parentem appellavit. Insuper adjecit jusjurandum, non ferro, nec veneno vim allaturum, mox in lucum propinquum trahit, provisum illic sacrificium dictitans, ut, diis testibus, pax firmaretur. sed quid immoror? Radamistus quasi jurisjurandi memor, non ferrum,

Tac. li.
12 an-
nal.

ferrum, nec venenum in patrum, & sororem ex-
promit, sed porrectos in humum, & veste multa,
& gravi, opertos necat. En barbari hominis fides
infida.

Scio quidem esse hominem quemdam perditis-
simum, omni vitiorum genere maculatum, qui
Principem instituit sine fide, sine pietate, sine reli-
gione. Quippe, qui nihil tribuat religioni, præter
opinionem hominum, in quorum gratiam, vult
suum Principem aliquam rationem divini cultus
profiteri, aded quod iste homo, si tamen hominis
nomen meretur impius atheus, Principem suum
docet, ut potius studeat religionis cultor, & vir-
tutum amator videri, quam esse re vera, si velit
tutius potiri Regno. Quin vult eum ita animo esse
compositum, ut quod flaverint venti, & quo fortu-
na impellit, eo se vertat, & cum fuerit necessitas,
operetur malum, leonem, & vulpem agens vio-
lencia, & fraude. Quam impiam, pestilentem, &
perniciosam institutionem, à cordibus Principum
avertat Deus, utpotè à fide, à religione, ab
humanitate alienissimam. Quod etiam ipsi Paga-
ni non solum agnovere, sed quàm maximè dete-
stati fuere. ut præclaro Marci Tullii testimo-
nio comprobatur. Cum enim, inquit ille, duo-
bus modis fiat injuria, nempe, aut vi, aut frau-
de; fraus quasi vulpeculæ, vis leonis videtur,
utrumque ab homine alienissimum, sed fraus odio
digna majore. Quid dicet hic, perditus ille homo,
sui temporis macula? nonne surget in judicio Pa-
ganus hic philosophus, & condemnabit generatio-
nem istam? quæ Deum ipsum, ab animo suo peni-
tus abalienavit? dixit olim Ethnicus quidam po-
tentissimus tyrannus, Si violandum est jus, regnan-
di causa violandum est, nec dixit absolute, sed

Ambros.
Catar.
opusc.
de lib.
elimi-
nandis.

Cic. lib.
I de of-
fic.

Sueton.
in vita
Iul. Cæs.

adhibita conditione, si violandum est jus. At hic nec Deum, nec homines veritus, absolute jus violandum proponit, & suadet.

Nec silentio praterenda ingens hominis istius stoliditas, duos proponit Principes, tamquam exempla imitanda, quorum tamen exitus infelix, ambo enim veneno extincti turpiter occubuerunt. Sed de hoc perditissimo homine, qui famam infamem, ut alter Erostratus sibi comparavit, satis haecenus. siquidem recitasse ejus impia dogmata, apud verè Christianos, est idoneè confutasse. Satiùs esse duco, Principes Catholicos in Domino exorare, ut malint Christi sapientiam audire, quàm hæc diaboli fallacias, per quas ad tartara præcipitantur. Potentes enim potenter tormenta patientur. Quod si, ô Principes, vultis experimentis doceri, illos Imperatores excogitate, qui & leones, & vulpes fuere, illorum planè vitam reperietis, & periculis, & angustiis refertam, mortem quoque prorsus horribilem. Annales Regum evolvite, & videbitis populum Israeliticum fame vexatum. sed quamobrem? quia Saul fidem à Iosue Gabaonitis datam violasset, nec tantum scelus expiatum, nisi septem virorum è familia Saulis, in crucem actorum supplicio, ac nece. Perlegite quoque antiqua historiarum monimenta, & passim videbitis plurimos Principes, fidei beneficio, opibus locupletatos, longè, latèque suum Imperium propagasse. Verum, quia longior esset sermo, quàm institutum nostrum patitur, si omnium Principum exempla hic enumeranda susciperem, qui ob servatam fidem incolumes à Deo servati fuere, unum (instar omnium) proferam, ex quo Principes facillè intelligent, quam benè bonis Principibus cesserit, integra & incorrupta fides, Cum magnus

Lib. 2
Reg.
cap. 23.

Ioseph.
de antiq. Iud.
lib. 11,
c. 8.

gnus Alexander Macedo bellum gereret cum Dario Persarum Rege, omnem movit lapidem, ut Iaddum summum Iudæorum sacerdotem, à Dario abalienaret, eumque sibi fœdere copularer, misit proinde ad eum nūtiōs, qui illius animum optimis oblatis conditionibus, pertentarent. Quibus respondit, summus sacerdos, illud sibi neutiquam licere. Fœdus enim, quod cum Dario percussū fuerat, inviolabili sacramento confirmatur. Fateor, Alexandrum, audito sacerdotis responso, tunc vehementer excauduisse. Verū explorata fidei observantia, usque aded ejus ira deferbuit, ut ipsum postea sacerdotem pontificiis vestibus indutum, piē ac religiosē veneratus fuerit. Feliciter itaque vobiscum agetur, si dolis, fraudibusque rejectis, divino potius numini innitramini. Quoniam nisi Dominus custodierit civitatem, frustra vigilat, qui custodit eam.

*Gloria quanta fidem prestare? ut frangere pacta,
Principibus magnum dedecus, atque nefas.*

CAPUT XV.

Litterarum cognitionem Imperio annexam habeat Princeps, Et nomen ejus apud omnes gloriosum.



PRÆCLARVM Principis ornamentum, cognitio scientiarum, quæ summo perē conducit ad summam rei ritē administrandam. Nec erit difficile comprobare plurimorum exemplis, qui quod eminentiores doctrina, ed fama clariores, populis gratiores, & in rebus gerendis feliciores. Ecquid est enim imperantis

Robert.
lib. I de
Consol.

scientia, nisi imperii sanitas, consilii lumen, iustitiæ robur, & denique publicæ salutis inexpugnabile quoddam propugnaculum? omnia namque bene cedunt Imperio, cui sapiens dominatur, neque lædi, neque decipi potest, quoniam (instar omnium) solus omnibus sufficit. Quippe litteris ornatus, quasi alter Ianus, oculos habet etiam à tergo, ac duplum magis videt, quam solent ceteri homines. Quod animadvertens Plato dicebat, tum beatum orbem terrarum fore, cum vel Sapientes regnare, vel Reges sapere cœpissent; hinc Regina Saba, beatos appellabat, qui sub Rege Salomone vivebant. Cum enim ab extremis orbis terrarum partibus, multo comitatu stipata, venisset Hierusalem, admirans in rebus gerendis Salomonis prudentiam, in eloquiis sapientiam, in omnibus regium splendorem, præ nimio stupore exclamavit, O beati servitui, qui assistunt coram te omni tempore. nec id falsè quidem. Quoniam Princeps baculo prudentiæ innixus, & doctrinarum cognitione insignitus, veluti novus Theseus, novit populos subjectos errorum Labyrintho, quasi quodam virtutis glomere, & deducere, & in viam reducere. Proinde Philippus hortabatur Alexandrum filium, ut studia bonarum artium complecteretur; ne inquit, multa committas, quæ me fecisse nunc poenitet. Cognoverat nimirum egregius Princeps Regem philosophiæ expertem, Regno minus idoneum esse, nec puduit fateri, se multa perperam fecisse per errorem, quod à teneris unguiculis, philosophiæ præceptis non fuisset imbutus. Hoc apprimè intelligebat Iulius Cæsar primus Romanorum Imperator, in militia nulli secundus. hic enim pari ardore, & armis, & litteris fuit semper ad-

dictus:

dictus: cujus excellens Elogium, Ex utroq; Cæsar.

Scipio Aphricanus belli fulmen, dux invictissimus, Peditum Cyri de manibus nunquam ponebat, quippe qui sciret, Principem sine literis, contemptui semper habitum, unde Bernardus ad Eugenium, Simia in lecto, Rex fatuus sedens in solio. Carolus magnus bonarum artium summo exarsit studio, quod ex hoc facile intelligimus, quoniam Parisiense Gymnasium, & Papiense instituit, accersitis ex omnibus terrarum partibus doctissimis viris, quæ ambo ad hæc usque tempora, & ingenti, & pari gloria florent. Præclaro sanè testimonio hoc idem confirmavit Alexander magnus, nam post Darium prælio fractum, scrinium in regia præda gemmis elaboratum comperiens, assidentibus amicis, hunc esse locum condendis lapillis accommodatum; longè magis pretiosa, respondit, includam. moxque Homeri Iliades in eo clausit. tanti faciebat doctrinarum cognitionem, ut potè, qui potaverat ex Aristotelis fonte, hoc interesse inter doctos, & ignaros, quod inter vivos & mortuos, cum enim aliquando interrogaretur philosophus, Qua in re differant docti ab indoctis; Qua, inquit, vivi à mortuis. Sentiens hominem absque litteris, verius esse hominis statuum, quàm hominem. De hujus Principis studio scribit Seneca, quod Geometriam potissimum discere studuit, sciturus, quam pusilla erat terra, ex qua minimum quid occuparet, propterea se infelicem appellabat, quod falsò gerebat cognomen magni. Quis enim magnus in pusillo? quasi diceret cum Seneca, Punctum est, ò mortales, in quo navigatis, in quo bellatis, in quo regna disponitis, punctum est, in quo tumultuatur humanum genus, quod inter gentes ferro & igne dividitur.

Bernar.
ad Eug.
lib. I.

Baptista,
Egnatius.
Plut. in
vita A-
lex.
Plin. li. 7.
c. 29.

Sabel.
li. 2, c. 7.
Laert. li.
5, c. 1.

Brunson.
li. 3, c. 3.

ditur. ô quam ridiculi sunt mortalium termini. In tanto precio apud Ægyptios habebatur litterarum cognitio, ut qui illarum esset ignarus, vir tantum inter mulieres; mulier vero inter viros haberetur. At quoniam viri est imperare, non mulieris, ideo in Principe requiritur singularis eruditio. Siquidem, qui doctrinæ est expers, quasi cassus lumine, cæcus cæcos ducit, inde plurima emergunt incommoda in populis, & in Rege auctoritas non parum negligitur. Proinde Antigonus Macedoniæ Rex, non ignarus, quantum adjumenti afferrat doctrina regimini, fama Zenonis permotus, & litteris, & nuntiis, & promissis enixè curavit, ut ad se veniret, ibique maneret. Gordianus Imperator imperii præsidia, firmiora in litteris ponebat, quàm in armis, illæ enim imperant, hæc imperata faciunt. Quare usque adeo fuit litterarum studiosus, ut pluris fecerit librorum, quàm auri vel argenti thesauros.

Sozom.
li. i. hist.
eccl.

Pyrrhus Epirotarum Rex, qui bella cum Romanis semper strenuè gessit, non solum studiis scientiarum se totum dedit, verum libros composuit, mira eruditione insignes. De Theodosio Imperatore, nonne scribit Sozomenus, quod nocturno tempore studiis accuratè vacabat? ejus verba sunt hæc, Ajunt te interdiu rem militarem, & corpus exercere, subjectorum causas exactè disceptare, judicare, simul & agere, modo seorsum, modò publicè, quæ sunt agenda considerare, totis verò noctibus, libris incumbere. Quid de clarissimo Pericle, qui quinquies gloriosè triumphavit, quique ob res præclarè gestas, Olympii nomen est adeptus? nonne Anaxagoræ in philosophia discenda operam dedit, in arteque oratoria adeo claruit, ut omnes illius ætatis oratores superarit? Nec silentio

tio involvendus Annibal Carthaginensis, qui dux exercitus creatus fuit, annum agens trigessimum sextum, qui Saguntum Hispaniæ civitatem, ultra Iberum expugnavit, apud Ticinum, Publium Cornelium Scipionem, apud Trabiam Titum Sempronium, apud Cannas Romanorum exercitum debellavit, idque tanta Romanæ nobilitatis strage, ut ex postrema hac victoria, duos modios annulorum aureorum Carthaginem miserit. is nonne litteris Græcis apprimè eruditus, historiam illo eloquio luculenter scripsit, Phormionisque philosophi discipulus, & auditor assiduus ex-
titit?

Lucius
Florus
lib. 2.

Alphonfus Aragonum Rex, dum quodam tempore à familiaribus rogatus, qui fieri posset, ut tantæ potentæ Rex, ad inopiam aliquando devenisset? sapienter respondit, Si sapientia venderetur, tacitè innuens, illam eum empturum, plurisque facere, quàm omnes divitias, omnia mundi Regna. quasi præ oculis haberet Salomonis oraculum, Præposui illam Regnis, & sedibus, & divitiis nihil esse duxi in comparatione illius. Cato junior, ne in curia quidem dum Senatus cogitur, temperare sibi voluit, quò minùs Græcos libros lectionaret, qua industria ostendit, aliis tempora deesse, alios temporibus superesse. Quid de Cleanthe philosopho dicemus, cujus adeò pertinax fuit discendi studium, ut ne diurno tempore à Chrysippi lectionibus abesset, nocturnum, extrahendæ aquæ ad inopiam suam sustentandam impenderet. Quis Marco Aurelio in discendi cupiditate conferendus? Fuit hic philosophiæ usque adeò addictus, ut annum duodecimum ingressus, habitum philosophi sumpserit, quod philosophiæ studium, nec ad imperium evectus, remisit, nam ad domum

Sap. 7.

Apollonii magistri, jam Imperator, discendi causa ventitabat, audivit & Sextum Cheronensem Plutarchi nepotem, & alios quamplures, illud Platonis semper in ore habuit, Tunc florere civitates, si aut philosophi imperarent, aut Imperatores philosopharentur.

*Regna beata forent, si vel contingeret esse
Philosophos Reges, vel Reges philosophari.*

Innumeri sunt principantes, qui discendi desiderio flagrant, asciverunt sibi sapientes ad instruendum: hinc Alexander Aristotelem præ oculis habebat, à quo multa Principe digna suscepit. Inter quæ illud præcipuum, Annales patrum discute, inde enim poteris multa bona extrahere, quoniam facta præterita dant certum documentum in futuris. Si quis ex gravi & diuturno morbo, diligenti medicorum cura convaluisset, quod nam consilium opportunius, quam ut id audiat, quo à simili morbo, sibi in posterum bene caveat? si quis ex longinqua, & periculosa navigatione, post multa naufragii pericula, rebus omnibus salvis, optatum portum tenuit, an non esset sermo bene acceptus, qui de iisdem periculis in proxima navigatione evitandis, de locorum situ, de tempore navigationis opportuno, de ventis propitiis instruxerit? denique si ex quocumque vitæ, & fortunarum discrimine, recenter aliquis evaserit, nonne amicus fidus censendus ille, qui qua ratione simile discrimen postea declinet, eum diligenter monet? ita prorsus efficiunt annales, tanquam veri rerum gerendarum institutiones; nec differas edoceri, quando jam ingruunt infortunia, & nullus penè locus effugii relictus, tunc enim, aut nihil, aut parum proderunt consilia, sed tempestivè cavendum periculum. Experimento namque probatum est, quod

quod navis cum per rimulas aquam bibit , in portu, non in freto sarcienda est. Mœnia civitatis disrupta, in pace, non in bello, reficienda sunt , arma ante pugnam, non in ipsa pugna, præparanda sunt. Quare Alexander magnus , instructa jam ad prælium acie , cum cerneret militem quemdam eo tempore adaptantem arma , quando pugnandi tempus aderat , ut ignavum & inutilem , ab exercitu submovit. Non pigeat itaque, ô Princeps, libros & peritos consulere, ut Regnum feliciter instituitur. Domitius Nero Senecam habuit , qui eum instruxit de clementia. Pericles Anaxagoram , à cujus consilio ne latum quidem unguem, discedebat. Trajanus habuit Plutarchum , qui eum accuratè erudit in libro plane aureo , qui inscribitur de instructione Trajani , ut videre est in ejus epistola, quæ passim circumfertur, Plutarchus Trajano salutem dicit: Modestiam tuam non veram, non appetere principatum, quem tamen semper mereri, morum elegantia studuisti. Quo quidem tanto dignior judicaris , quanto à crimine ambitionis videris alienus. tuæ igitur virtuti congratulor, & fortunæ meæ, si tamen rectè gesseris, quod probè meruisti , alioquin te periculis , & me detrahentium linguis , subjectum non dubito, cum delicta discipulorum refundi soleant in præceptores, sicut Seneca Neronis sui improbitate, meritò detrahentium carpitur linguis. adolescentium suorum temeritas in Quintilianum refunditur. Socrates denique in pupillum suum fuisse clementior criminatur. Tu verò quis es? rectissima geres, si à teipso non recesseris , si primo te composueris , si omnia disposueris ad virtutem, rectè tibi cedent omnia. Ecce disciplinam morum, & viam virtutis descripsi tibi , huic si obtemperas,
Plu.

Plutarchum habes vivendi auctorem, alioquin præsentem epistolam testem invoco, quod in perniciem imperii non pergis auctore Plutarcho. Probè noverant præstantissimi Principes, quod qui nullum prorsus habent cum Pallade commercium, in gravi regiminis negotio cæcitant, & quod deplorandum magis, una cum populis turpissimè ruunt. Quoniam iudex sapiens iudicabit populum, & principatus sensati stabilis erit, at Rex insipiens perdet populum suum. Proinde Policratus dicebat, & quidem scire; Tria sunt potissima media, ob quæ Romani omnium gentium domitores, & totius orbis dominatores fuere, fides, exercitatio, scientia. Et profecto, ut magna rerum publicarum felicitas est, dum virorum sapientum reguntur consilio, ita summa earum perniciēs, dum imperiti, ad earum sedent gubernacula, Rectorum quippe ignorantia, universi Regni statum evertit. Quod divinus Vates pulchrè innuit, dicens: Nescierunt, neque intellexerunt, in tenebris ambulant, movebuntur omnia fundamenta terræ. Vna ex præcipuis Ægypti plagis, fuit densitas tenebrarum, qua fiebat, ut unus alterum discernere nequiret. Quis autem nescit tenebras, ignorantia hieroglyphicum esse? nulla itaque major calamitas Regno potest accidere, quam dum imperiti summam rei administrant. Corpus humanum, quamvis brachiis, pedibus, auribus, oculis, aliisque membris truncatum sit, vivere nihilo minus potest, at capite inminutum, quam primum mori necesse est. ita Respublica cum filios labe infectos habet, misera quidem, & deploranda est, vivit tamen, & spirat, modo capita erudita, ac pastores honestæ vitæ nacta sit, at si præfules ipsi omnibus vitiis habenas

Ecclef.
c. 10.

Policra-
tus li. 6.

Psal. 81.

Exod.
c. 10.

benas laxant, ignorantia tenebris involuti, statim omnia collabuntur, & in præceps ruunt. Propterea Cabrias dux Atheniensium dicere solebat, Semiale exercitum cervorum, duce leone, quam exercitum leonum, duce cervo. Quod egregium apophthegma nostræ rei sic adaptari potest. In majore periculo versatur illa respublica, quæ doctis hominibus abundat, sed ductor eorum est cervus, hoc est, ineptus & ignarus, quam illa, quæ imperitis hominibus referta est, sed regitur à leone, hoc est, à sapientissimo Principe. Proinde bene consulebat Sapiens; Diligite Sapientia lumen, vos ^{Sap.c. 6.} qui præstis populis. ac si dixisset, sicut dignitate, ita & virtute excellere debetis. Quoniam Princeps sine litteris, ait Petrus Chrysologus, est navis sine regimine, & volucris absque pennis. interrogatus Plato, quidnam interesset inter peritum, & imperitum, respondit; Quod inter medicum & ægrotum. Huc facit perbelle aureum Diogenis responsum. Cum enim quendam ad sapientia studium hortaretur, illeque renueret, dicens; non sum idoneus philosophia; quid igitur vivis? inquit Diogenes, si nulla tibi recte vivendi cura est? Non enim ad hoc vivit homo, ut vivat tantum, sed ut discat recte vivere. monuit philosophus nobilem quemdam virum, ut filium ad scholas mitteret, quod philosophia operam daret; ille autem interrogavit, Quam utilitatem assequetur filius meus, ex studiis philosophia? cui philosophus respondit, cum fuerit in theatro, de eo dici non poterit, Lapis super lapidem sedet. Quare Philippus nato sibi filio Alexandro, ingenti lætitia perfundebatur, non tantum, quia in lucem erat editus Regni hæres, sed quod his temporibus esset natus, quibus vivebat

Aristo-

Veget.
li. i de
re milit.

Aristoteles, à quo instituendus erat. ejus epistola est hæc, Philippus Aristoteli salutem. Scito mihi filium genitum esse, qua de re ingentem diis habeo gratiam, non ideo, quia natus est, sed quia Aristotelis, à quo potest erudiri, natus est tempore. Spero fore, ut edoctus abs te, dignus fiat Regno paterno. Vale. siquidem nullus est, quem oporteat vel plura, vel meliora scire, quàm Principem, cujus doctrina potest omnibus prodesse subjectis.

Plato li.
4 de re-
pub.

Aspera quidem, non me latet, ad bonas disciplinas via, earumque cognitio apprime difficilis, at proinde laudabilis, & præclara. Siquidem, quæ res grandis & gloriosa, ea solet plurimis rerum asperitatibus intercludi. Nil enim præclarum apud nos reperitur, nisi arduum, nil pretiosum, nisi sudore paratum, nil animo salutare, quod corpori non videatur amarum. ita circumfertur adagium, Per ardua virtus. ut eleganter descripsit Poeta,

Littera Pythagoræ discrimine secta bicorni

Humana vitæ speciem præferre videtur.

Nam via virtutis dextrum petit ardua callem,

Difficilemque aditum primum spectantibus offert,
Sed requiem præbet fessis in vertice summo.

Hinc Minerva ab antiquis fingeatur armata, quia doctrina nullis, nisi acriter disceptantibus, fit præda. Hac de causa, ni fallor, Palladi templa apud Græcos in altissimis erigebantur arcibus, ut docerent, scientiam in arduo esse sitam, & in magnis tantum animis habitare, ignavis autem ad doctrinam, nullum omnino patere aditum. Quocirca Ægyptiorum sacerdotes, os amygdali constituerunt virtutis hieroglyphicum; est enim plurimis veluti stigmaticis notis, & cicatricibus insignitum, ejusque arbor clavo innixa, fertilior red-

redditur, atque quod maximè admirandum, arboris ejus cortex, cum amarissimus sit, suavissimos tamen fructus edit. En verum virtutis symbolum, quæ non nisi laborioso certamine paratur. & quid mirum si ignavis omnibus ad virtutem interclusus est aditus? sudandum enim & laborandum est, ut pulchrè Poeta,

Virtutem posuere diis sudore parandam,

Multa tulit, fecitque puer, sudavit, & alsit.

Non est magnum, mare tranquillum navigare; magnum est, in procelloso strenuè agere. Quæ magna laus equitis armati, qui pagnat contra hostem ligneum? Inertis est tuta secare.

Camelus non bibit, nisi prius pede concutiat aquam, sic ait academicus, adjecta nota, luvat empta labore gloria. in discendi studio labor quidem, sed inde magna voluptas, & præ lætitia gessiens dices, quæ prius devia, nunc pervia. Et ubi mentis oculus caligabat, nunc illuminatur & perficitur intellectus, quamvis enim excellens sensibile corrumpat sensum, excellens tamen intelligibile perficit intellectum, hoc autem non præstabis, nisi comite improbo labore. non tamen operis difficultas deterreat, sed strenuè prosequendum.

Qui ignem è filice cupit excutere, non semel percutit, sed iterum atque iterum, donec tandem scintillam excutiat, ita licet confestim abdita quæque non medullitus penetres, non tamen desistas, sed audentior eas, quoniam tandem nubibus disjectis, voti compos eris. Siquidem labor improbus omnia vincit. Quorsum Romani bovem diis mactaturi, caput illius coronis cingebant? proculdubio animus erat innuere, soli labori coronam deberi. Nulla enim (ait Romani eloquii pater) potest esse diuturna gloria, quam labor

M.Tull. labor strenuus, & indefessus primum non antecesserit. Memoria succurrat illud Clementis, Fama est, virtutis domicilium esse in quibusdam rupibus, ad quas difficilis admodum sit ascensus, ea verò non conspicitur, quibuscumque hominum oculis, neque inquam ad eam quisquam perveniet, tanquam ad fortitudinis propugnaculum, nisi primum in sudore, ac labore suam industriam probarit. Quid gloriæ Alexander, quid Epaminondas, quid Themistocles, sibi comparassent, nisi laboriosis expeditionum angustiis, arduum virtutis iter sibi conficiendum proposuissent? Quas laudes Cæsar esset consecutus, si facile illi fuisset, Britannis inferre bellum? aut Annibal, quam famam sibi cumulasset, si dum Italiam adiret, pervias alpes citra pulverem & sudorem, & sine magna suorum clade fecisset? Quam bene Propertius,

Propert. *Magnum iter ascendo, sed dat mihi gloria vires,*
4 ele- *Non juvat ex facili lecta corona iugo.*

giarum. Hæc est via regia, ingenuo Principe digna, res præclaras aggredi, ad quas non omnibus pateat accessus, per quarum semitas, ad gloriæ culmen pervenitur; nota poetica ita insonante, Sic itur ad astra. Quod etiam perbelle insinuarunt poëtæ, dum Palladem fingunt natam ex patre, sine matre. hoc enim commento ostendunt, doctrinam, non ex voluptate, qua capiuntur molliores, quasi mulieres, sed ex plurimo labore nasci, quo viri vitam agunt, pro comperto habentes, unumquodque opus, quo difficilius, eò etiam præclarior, in Principibus præsertim, qui in sacro dignitatis culmine constituti, aliis viris præcellere debent, non tantum dignitatis robore, sed viribus ingenii, & doctrinarum cognitione, quarum radices

radices amaræ nimis, & spinis undique circum-
septæ, porro fructus gloriosi & suaves. ita canit
adagium per omnium ora decantatum, Virtutis
gloria fructus.

Imperium firmant victrices Palladis artes,

Ex quibus omne decus, gloria, fama simul.

Omne tulit punctum regalia sceptrâ gubernans.

Qui Imperio jungit, cum probitate, Togam.

CAPUT XVI.

*Viros doctrina præstantes, ac probitate insignes,
honoribus, ac beneficiis foveat Princeps, Et
nomen ejus in benedictione erit.*



INFELICEM nostræ tempestatis
conditionem, in qua paucissimi sunt
potentes, qui bonarum disciplina-
rum studia, benevolentia comple-
ctantur. Vbi nunc Mecænas, qui
doctos viros observet, ac non po-
tius negligat, nè dicam contemnat? non ita, non
ita præcis sæculis, & quidem aureis. Siquidem
runc temporis Principes eruditissimis viris dele-
ctabantur, favebant, fovebant, in consiliis maxi-
marum rerum adhibebant, illos observabant, ho-
noribus, ac beneficiis cumulabant. Quin etiam sa-
pientum virorum consuetudine, adeo oblectaban-
tur, ut eum diem se perdidisse putarent, in quo
nullum cum eis de rebus feriis sermonem habue-
rint. Imo viros insigni doctrina claros, sic ama-
bant, venerabantur, suspiciebantque, ut ex iis tan-
quam ex oraculis penderent toti, nihilque proba-
rent, nisi quod probarent ipsi, & quod generosius

R

est,

est, illis, quorum sapientia, & consilio illustrabantur, quæ ad vitam necessaria erant copiose suppeditabant, eorum instar, qui lucernæ, qua opus habent, oleum instillant. Quippe, qui probe noverant, virtutem suapte natura amabilem, comitem secum trahere honorem, ac benevolentiam, veluti
 Arist. lib. 4. ethic. corpus umbram. Nec eos latebat, honorem esse præmium virtutis, monstrum autem esse in natura, si vitiorum fiat præmium. Quod ut apertius omnibus sit exploratum, aliqua priscorum exempla proferamus in medium.

Cræsus Lydorum Rex opulentissimus, cum studio sapientiæ flagraret, cerneretque barbaras illas nationes, quibus imperabat, viris doctis omnino carere, Anacharsis fama excitatus, ad eum Athenas usque, unum ex familiaribus suis misit, qui illum ad se accerferet, aurumque ei dono offerret, ad quem ille hujusmodi epistolam scripsit. Anacharsis Cræso bene agere. Veni in Græciam, Lydorum Rex, ut bonas disciplinas perdiscerem, auro non egeo. satis mihi fuerit, si doctior, meliorque ad Scythas rediero. Sed quia benevolentiam tuam mirifice amplector, ad te quamprimum ire pergam. Vale.

Antigonus Rex observantia penè incredibilem profectus est Bionem Borysthenitem, quod vel ex hoc facile conjici potest, quia cum audisset illum graviter ægrotare, & multa etiam inopia laborare, nonne duos ex suis familiaribus ad eum visendum, & curandum misit? jussitque, ut omnia ei opportuna suppeditarentur?

Metrodorus Sceptius, vir eloquio dulcis, & variis disciplinis eruditus, Mithridati maximo Regi tanta benevolentia conjunctus fuit, ut ab omnibus passim Pater Regis appellaretur. Platonis quoque

quoque memoriam adeo veneratus est hic Rex eximius, ut illius statuam in academia erexerit, ejusmodi titulo inscriptam, Mithridates Rodobati filius Musis Platonis imaginem dicavit.

Antigonus Rex Macedonum, philosophorum amantissimus, accepto nuntio de morte Zenonis Stoicorum Principis, quem ille ante omnes admirabatur, proclamavit, Quale theatrum perdidit.

Dionysius tyrannus tanti faciebat doctrinam Platonis, quod illi in Siciliam venienti, regiam navim misit obviam, & egredientem in littore, albis quadrigis excepit. Quid? nonne iste, quamvis ad sevitiam natus videretur, Aristippi tamen philosophi disciplina summopere delectatus est? eo precipue, quod loco, & tempori inservire nosset, jocisque, ac salibus abundaret, quod quidem vel ex hoc colligi licet, tres enim adulescentulas forma insigni, & integra aetate adducit ei Dionysius, ut ex illis unam quam vellet, acciperet. Tunc Aristippus tres simul abduxit, asserens Paridem nequitiam impune tulisse, quod unam deam duabus prætulerit, quo quidem lepore, ac joco voti compos factus est, & integrum munus accepit. Nec minus habet festivitatis, quod de illo etiam circumfertur. Cum Aristippus à Rege pecuniam aliquando postularet, facere Dionysius ait: Nonne docuisti, sapientem pecunia non egere? at ille, Da, inquit, & postea differemus: cum verò dedisset, Videsne, ait, me pecunia non egere? & cum tyrannus his rebus delectaretur, eundem summiis honoribus, ac muneribus in dies afficiebat.

Pyrrhus Epirotarum Rex, nonne semper magno in honore habuit Cineam Thessalum? imò tam præclare de eo sentiebat, ut diceret, plures urbes à

Cineæ oratione, quàm à se armis expagnatas esse, tanta pollebat suavitate dicendi.

Sed quid dicam de Alexandro ob res præclarè gestas magno & maximo? viros spectata doctrina insignes, quot beneficiis affecti? quot honoribus decoravit? quanta benevolentia profecutus? nonnè mirifice dilexit Onesicritum, quem in militia secum habuit, & res in bello ab eo gestas litteris mandari voluit? Diogenem quoque Cynicum nonnè semper magnificet? Serio enim dicebat, Diogenes esse vellem, nisi Alexander essem, quasi se unum omnibus mortalibus anteponeret, Diogenem verò secundum faceret. Nonnè tanto studio Homeri Iliadem observavit, ut eam rei militaris viaticum appellaret? imò dormiens sub pulvino cum pugione tenebat, Præclarus testis est Xenocrates, quantis honoribus viros doctos foveret afficere. siquidem Xenocratis ingenium admirans, quinquaginta talenta dono misit, eò quod acceperat ab amicis, illum ex angustia rei familiaris laborare, & proinde Musas ipsas cum viro paupere in squalore jacere. dicebat enim egregius Princeps, potentiorum liberalitate Musas esse depascendas, quasi decantans Isocratis dictum, Nullus præclarior thesaurus, quàm beneficium apud doctos, & bonos viros collocatum. & illud Publii mimi oraculum, Beneficium dando capit, qui digno dat, qui autem non dat, videtur potius, quod alienum est retinere, quàm quod suum est, non dare. Nec silentio prætereamus observantiam singularem magni istius Principis erga Aristotelem philosophum. hunc tanto amore prosequabatur, ut diceret, pares gratias Aristoteli magistro, & Philippo patri se debere, ut qui ab hoc vivendi causam, ab illo autem bene vivendi rationem

tionem accepisset. qua quidem sententia facile intelligimus, quanti fecerit Alexander sapientiæ studium, & divinarum, humanarumque rerum cognitionem, pro qua non minus ambitiosus fuit, quam pro imperio totius orbis terrarum. Siquidem cum intelligeret ipsum philosophum evulgasse occultiora quædam philosophiæ arcana, illum per epistolam his verbis objurgavit, Alexander Aristoteli salutem. Quod speculativas edidisti disciplinas, id mihi nequaquam acceptum est, nec meherculè rectè egisti. Eam enim rem, quam cæteris præstabam, jam omnibus dedisti esse communem. malueram equidem singulari disciplina, quam ingenti potentia cæteros anteire, quasi recollens Antisthenis monitum, ea esse paranda viatica, quæ simul cum naufragio enatarent, sentiens bonas artes ubique esse in pretio, nec posse à fortuna eripi. sic Aristippus Cirenæus civibus suis mandavit, ut eas sibi pararent opes, quæ navi fracta, simul cum possessore, possent enatare, nunquam enim & nusquam virtus sine honoris dignitate est, ut nunquam Sol sine radiis, etiam cum nubibus obducitur.

Aul.
Gell. li.
20, c. 4.

Laert. li.
6, c. 1.

Archelaus Macedonum Rex, Euripidis familiaritate, mirum est dictum, quam vehementer fuerit oblectatus, quod ex hoc facile conjicitur, quoniam cum Poëta ab eo rediens, præ malevolorum invidia à canibus fuisset laceratus, ejus rei dolorem non solum lugubri veste, sed etiam crine tonso, multisque propter immane scelus de medio sublati, perspicuè demonstravit.

Marcus Antonius inter Cæsares singulari exarsit litterarum studio, quarum institutoribus tantum deferebat, ut ad Consulatum usque eveheret.

Marius dux ille insignis, litteratos homines

unice diligebat, Poetas præcipuè, quorum ingenio speraret, suarum rerum gestarum gloriam celebrari posse. talis ingenii fuit Antoninus Caracalla, qui in singulos Oppiani Poetæ versus, quos Imperatori dicarat, & quorum numerus ingens erat, singulos aureos jussit rependi. Quis enim est Princeps, qui non cupiat nomen suum immortalitati mandare? at hoc sine litterarum præsidio fieri nequit. Fluxa nempe est hominum memoria, picturæ labiles, caducæ statuar, & inter mortalium inventa, nihil stabilius litteris nullo tempore perituris. Scio quidem nunc temporis incultas, & penè mutas esse Musas, sed quid mirum? sine Gratiarum choro, Musæ parum belle concinunt; rara nunc eloquentia, quæ Cleanthis lucernam oleat, in promptu causâ est, qui indigent lucerna, oleum non instillant. Quæ strenuè geritis, ô Principes, obscura oblivione involuta occidunt, nisi scriptorum eloquentia, quasi quodam Sole, illustrantur, illos igitur fovete, & vestris beneficiis, immortalitatem rependent, dum vestras laudes, transmissis ad posteros egregiis litterarum monumentis, perpetuo personabunt. hoc probe intelligebat Alexander ille Macedo, nunquam satis laudatus. hic enim Princeps adhuc adolescens, Regno potitus, & ad ipsam orbis monarchiam evectus, nihil tamen sibi actum in tanto rerum fastigio putabat, nisi eruditos viros apud se haberet, quorum consilio uteretur, quique ejus res gestas æternitati commendarent. nec silentio involvendum responsum illud, aureis litteris inscribendum. Cùm enim quadam die mœrore conficeretur, miles ad eum pervenit, dicens: bonum nuntium tibi assero, invictissime Imperator; at Alexander, Quid mihi boni nuntiabis, nisi nunties

nunties Homerum revixisse ? en quanto studio prosequeretur viros doctrinarum cognitione insignes. sermo nimis protraheretur , si cuncta beneficia recensere vellem , quæ Alexander non conferebat , sed effundebat in viros Palladi addictos, hoc unum dicam , Thebis bello captis, cum urbis excidio , communis omnium strages immineret, statim edixit, ut à Pindari penatibus , ejusque familia, omnis vis bellica abstineret. Experimento namque animadvertit, quantæ utilitatis sit, habere viros à latere , doctrina præstantes ; literis enim traditum est, quosdam , qui Alexandrum oderant , obtulisse puellam quandam , forma insignem, sed veneno nutritam , hoc consilio, ut ad illam accedens, veneno inficeretur , sed Aristoteles ejus præceptor , per oculorum puellæ obtutum, perpendit, veneno illam esse enutritam, prohibuitque Alexandrum ab ejus contactu.

Lyran.
super
Dan.c.8.

Scipio Aphricanus perpetuis laudibus verè celebrandus , qui statuam Quinti Ennii Poetæ in sepulchro suo collocari jussit, ut posterì perpetuo intelligerent , quanti fecerit tertiæ terrarum orbis partis victor, Poetam illum , qui primus apud Latinos carmen heroicum scripsit, & gesta populi Romani celebravit.

Sigismundus Imperator , Alberti socer , illo præcipue titulo commendabilis fuit , quod , ut ipse linguarum ac litterarum peritissimus fuit, ita viros eruditione præstantes , semper fovere , ac beneficiis cumulare studuit , quo nomine , cum à Germanis Principibus , qui Latinas litteras oderant , carperetur , quod homines obscuro genere natos, ob litterarum commendationem ita complecteretur. Quid nî, inquit, eos amem, quos natura cæteros antecellere voluit ? dignum sanè

Baptista
Egnatius.

oraculum, multo sale aspersum. sicut enim homo, ratione, cæteris præstat animantibus, ita vir eruditione insignis, imperitis hominibus antecellit. Germani plurimum tribuebant generis nobilitati, at vir prudens intellexit in viris doctis esse quoddam stemmate præstantius. illi habent parietes clypeis, & imaginibus depictos, at hi animum habent egregiis disciplinis insignitum. Porro, ut natura, animus præstantior est corpore, ita ornamenta ingenii, pulchriora sunt externæ nobilitatis insignibus. Qui enim nihil amplius habent, quàm majorum imagines, isti sunt nobiles verius opinione, quàm re. at qui virtutum radiis undique coruscat, hi germanam, ac nativam habent nobilitatem. cuidam exprobranti patriam, respondit Anacharsis, Mihi quidem probro patria est, tu verò patriæ. Hinc Antigonus Rex, filio paternâ virtute glorianti, & idem stipendium postulanti, respondit, Andragathia, Patrathia. hoc est, virilitas, & bonitas paternâ. quasi diceret, non avitis stemmatibus, sed propriis virtutibus innitendum. Solis instar, qui proprio, non mutuato lumine coruscat. Satis compertum est apud omnes, qui benè sentiunt, plurius semper fuisse habita nomina, quæ proprio Marte parantur, quàm quæ à parentibus accipiuntur, hæc enim jure sanguinis, ad nos perveniunt, illa propria virtute quærentur. Vnde cernimus Patriarcham Iacobum, postquam fuerat cum Angelo fortiter luctatus, proprio nomine mutato, accepisse nomen Israel, quoniam Angelo prævaluit. Apostolus doctor gentium, Sauli nomine relicto, Paulus appellatus fuit, quod Sergium Paulum ad fidem convertisset. Caput Ecclesiæ, relicto nomine Simonis, quo prius vocabatur, Petri nomen assumpsit, à Christo impostum,

tum, propter firmitatem fidei, qua inter alios Apostolos excelluit.

Nec solum in sacris, sed in prophanis quoque litteris, hujus rei inveniuntur exempla. Scipio, cur Aphricanus nuncupatur? quia Aphricam subjugavit. Domitianus debellata Germania, meruit Germanicus nominari. Manlius Romanus, quia Gallum quendam virum strenuum, in singulari pugna prostravit, & illi torquem detraxit, tanquam trophæum, inde laudis gratia, dictus fuit Manlius Torquatus. Otho Vicecomes in bello Terræ sanctæ, vicit Sarracenum, qui in galea, & in clypeo, pro stemmate, gerebat viperam, in memoriam tantæ victoriæ sumpsit, & pro se, & pro posteris, viperam pro insigni gentilitio. hinc est quod Christus Salvator aliis nominibus, & titulis relictis, nomen Iesu nunquam dimiserit. alia quippe nomina, ut Eloim, Adonai, Iehova à divina natura habent originem, at præclarissimum nomen Iesu propria virtute quæsit. propterea quando Paulum equo dejecit in terram, & diceret, Quis es Domine? non respondit, Ego sum Alpha, & Omega, magni consilii Angelus; sed tantum, Ego sum Iesus, quem tu persequeris. Generosi enim animi proprium est, pluris æstimare, quod propria fortitudine, quam quod jure hæreditario paratur. hoc namque vix nostrum putamus. hinc videmus strenuos milites de signis hosti ereptis, de versis in fugam copiis, de superato vallo, aliisque in bello præclaris facinoribus à se gestis, libentius, & frequentius, quam de majorum stemmatibus, & imaginibus gloriari. Proinde magnus ille dux Agatocles ex figulo ad Regnum assumptus, vasa terrea, inter aurea collocabat. ut pulchrè expressit Poëta,

Gell. c.
13. lib. 9.

Act. c. 9.

Auson.
lib. epi.
gram.

*Fercula gemmatis cum poneret aurea vasis,
Et miseret opes, pauperiemque simul,
Querenti causam, respondit, Rex ego qui sum
Sicania, figulo sum genitore satius.*

Herod.
lib. 2
hist.

Arist. lib.
8 polit.

Perinde, ac si diceret, hæc est vera nobilitas, propriis meritis, non alienis inniti, non puduit pristinae fortunæ, sed gloriosius existimavit, regnum virtute partum, quàm si hæreditate obvenisset, nam Regem nasci, nihil magni est, porro Regno dignum se præstare, maximum est. Quod præclaro Amasis Ægyptiorum Regis exemplo comprobatur. is enim obscuro loco natus, cum ad regalem dignitatem pervenisset, nobiles & primarii obsequium præstare detrectabant, tunc Rex accito ad se aurifice, mandavit, ut è pelvi quadam pedibus suis lavandis antea destinata, insignem Iovi statuatam conficeret, quam, dum quadam die ipse, totusque populus, in templo versarentur, iussit in medium afferri, mox eam flexis genibus omnes adorarunt. quibus Amasis, Quid adoratis? adoratis vas, quod hesternæ die abluendis pedibus meis deserviebat. Cui omnes uno ore responderunt, Non aspicimus quod fuit, sed quod nunc est. tunc Rex hæc eadem verba in eos retorquens, continuo dixit, Ergo non aspicendum, quod fui, sed quod sum. humili quidem sum loco natus, tamen Deo ira disponente, ad regalem thronum ascendi. hoc commentum docuit, in omni prælatione divinitus ordinata, non materiam, sed formam spectandam esse. Quippe, quod vera nobilitas non alienis, sed propriis ingenii viribus innititur, quibus, qui præstant, cæteros homines facile antecellunt. Ecquid igitur mirum, si olim præstantissimi Principes, viros doctrina conspicuos, veluti quædam numina admirabantur, suspiciebant, beneficiis fovebant,

bant, & multis honoribus cumulabant? & ne longè exempla peramus, instar omnium, veniat in mentem solus Leo Decimus Pontifex Maximus, Mediceæ familiæ splendor illustrissimus, verus litterarum Mæcenas, perpetuis encomiis extollendus, is enim in fovendis, & favendis doctis viris, totus fuit, & in ditandis, atque dotandis bibliothecis, assidue insudavit. Quid? nonne de hoc egregio Principe claris historiarum monimentis traditur, non sine maxima admiratione & laude, ita beneficum fuisse erga viros litteris ornatos, quod pro numeris, nummos dabat, & pro metris, mitras? ô præstantissimum virum, æterna memoria dignum. hoc idem gloriose decantatur de Nicolao Quinto Summo Pontifice,

Consilio illustris, virtute illustrior omni,

Excoluit doctos doctior ipse viros.

Non tamen Princeps æquali omnes beneficio afficiat, neque omnes æqualibus debet cumulare honoribus, non enim est una omnium facies, ait Cicero; nec ex omni ligno fit Mercurius, ut ait vetus adagium. Nec quivis ad quodvis munus idoneus est, ut apud omnes sapientes experimento est comprobatum. Sed majores virtute, majori etiam dignitate cumulabit. Solis instar, qui omnia quidem ædificia lumine suo illustrat, sed illa magis, quæ fenestras habent patentiores. ita sanè Princeps, omnes quidem subditos pari studio complectatur, at illos majori afficiat honore, quos animo præstantiores, & ad res gerendas noverit magis idoneos, cæteros tamen non negligendo, optimi pictoris instar, qui non oculos solum, & faciem, quod potiora sint, penicillo exornat, sed totam quoque imaginem colorum varietate honestat. cui rei convenit egregie, insigne illud
acade-

Prov. c.
26.

academicum, vasa nempe, parva, & magna, quælibet tamen pro modulo suo repleta, cum inscriptione, *Æquum*, sed non *æque*. & tandem se habeat Princeps, veluti centrum, quod minores lineas mittit ad circulum minorem, & majores ad majorem, nè minus dignos dignioribus antepone, jure optimo redarguatur à sapientissimo Rege his verbis, Sicut qui mittit lapidem in acervum Mercurii, ita qui tribuit insipienti honorem. Pro cujus loci intelligentia, non erit abs re, aliquorum sententias adducere. Hieronymus linguarum peritissimus, pro explicatione, præsupponit antiquam gentilium consuetudinem. hi namque in biviis viarum, Mercurii statuas collocare solebant, in qua, quo iter tenderet, scriptum erat, unde viatores cultus, & religionis gratia, & in gratiarum etiam actionem, statuas illam lapidibus circumdabant, non secus, ac modo, peregrini juxta cruces, lapides varios coacervare solent. hoc supposito, sensus est, Sicut illi, qui colebant Mercurium, vero Deo injuriam inferebant, debitum honorem, qui ei soli debebatur, falso Deo deferentes, ita etiam, qui ad dignitatem aliquam, indignum eligit, & erigit, injuria afficit dignum, ei denegans honorem sibi debitum; est enim grave delictum minus idoneis, dignitatis munus committere, ut docet proverbium illud jam vetustate contritum, *Clitellæ, bovi non sunt imponendæ*. proinde scite admodum loquitur Sapiens; Sicut qui mittit lapidem in acervum Mercurii, ita qui tribuit insipienti honorem.

Alia expositio affertur, nec prorsus indigna. sicut ineptum esset, geminam aliquam pretiosam, in acervum lapidum mittere, ita stultum est margaritam

ritam præclaram dignitatis, indigno tribuere, quod nefas ita abhorrebat Socrates, ut in quendam, quem videbat passim, & sine delectu beneficia largientem, inveheretur his verbis, Malè tibi sit, qui Gratias virgines, scorta fecisti. quod planè sit, cum Princeps ingentes opes, sine iudicio, in obvios quosque etiam immerentes prodigit.

Doctores Hebræi aliter interpretantur. asserunt enim in originali linguæ sanctæ, reperiri hanc dictionem; margema, quæ quamvis acervum significet, purpuram etiam denotat. unde perinde fuit, ac si dixisset, quemadmodum, si quis saxum aliquod, purpura indueret, manifestum dementiæ argumentum proderet, sic qui dignitatem homini insipienti impertiretur. hinc Orator Romanus dicebat, Benefacta malè locata, malè facta arbitror. Pessimum malum est, dignitates ad indignos deferri, quia nequitia, quæ privata torpebat, in excelso collocata, plures provocat ad imitationem. Diversa ratione explicarunt Septuaginta interpretes, nam ubi nostra vulgata legit; Sicut qui mittit lapidem in acervum Mercurii; ipsi legunt, Sicut qui ligat lapidem in funda, ita qui dat insipienti honorem. & sapienter quidem. sicut enim saxum, ob gravitatem à natura sibi ingentam, ad inferiora semper propendit, & nihilominus in funda positum, brachii impetu, adeo evolat in sublime, ut & aves quandoque transcendat, ita ignarus suæ indignitatis pondere pressus, instar lapidis, loca inferiora petit, at Princeps in funda suæ protectionis collocans, & potentiæ suæ impetu sublevans, ad altissimum culminis fastigium, præter omnium opinionem provehit. sæpe tamen accidere solet, quod veluti saxum ad æthera usque projectum, cessante

Cic. li. 2
de offici.

cessante impetu à projiciente ei impresso, gravitatis suæ pondere, ad ima rursus descendit, ita etiam non semel visum est, ut ignarus honore indignus, deficiente benigna Principis aura, à dignitatis fastigio misere decidat, &, quod notatu dignissimum est, sicut qui imprudenter lapidem projicit, ad illatum damnum tenetur, ita qui perperam dignitates distribuit, universa damna propter electi imperitiam, reipublicæ illata, reficere debet. Quoniam cum Princeps, sit minister justitiæ in Republica; ideo si officia tribuat indignis, peccat, & restitutioni est obnoxius. Quis enim ignorat dignitates, instar gladii esse? quo vir prudens, ad sui tutelam utetur opportune, hostesque strenue propulsabit, improbus vero, ad neces, ad proditiones, ad infinita penè scelera abutetur. Porro sicut furioso gladium petenti, non dares, ita nec imperitis hominibus dignitates conferendæ, à quibus domus, civitates, imperia everti solent. ut experimento docuit Tiberius Imperator, sub cujus regimine, plurimum meri exhaustisse, virtus erat, & ebrietati, non integritati, supremi honores deferebantur. Quid? nonne litteris proditum est, ipsummet Principem, continuum biduum cum Pomponio Flacco, & Lucio Pisone epulando, potandoque consumpsisse? quorum alteri Syriam provinciam, alteri præfecturam urbis confestim detulit. Cur tot flagitia perpetravit Nero, & tam brevi, tamque infelici exitu corrui Regnum? quia non iudicium, & rationis trutinam, sed suas libidines in eligendo secutus. Satis abunde ejus turpitudines detegemus, si Sophonium Tigellinum, extincto Burro, prætorii cohortibus impositum dicemus. Quid sordidius Vespasiano, qui rapacissimos quosque,

provin-

D. Tho.
2.2.q.65
a. 2.

provinciis præficebat, ut mox locupletatos condemnaret, indeque ditior fieret? Quis non usque ad stomachum detestetur Henrici octavi Anglorum Regis pueriles ineptias? in ejus enim aula, si Sanderò credimus, alius ob suam egregie assatum, hoc namque cibi genere libentissime vescabatur, alius quod in lusu aleæ elegantius se gereret, non beneficio solum, sed etiam honore auctus dicitur. Ecquid mirum, si sub præfectis improbis, & ignaris, Regna sensim ad perniciem properant? non est bonus nauclerus, qui furentibus ventis, gubernaculum committit pueris imperitis. Prudenter itaque procedat Princeps in electionibus faciendis, ne indignos ad honorum culmen elevans, deturpetur, ut olim contigit in exaltatione Ventidii Bassi, hic enim cum prius curandis mulis victitaret, postea Cæsaris auctoritate, Consul effectus est. quam rem adeo moleste tulit populus Romanus, ut per vias Urbis vulgo scriberetur; Concurrite omnes augures, portentum inusitatum constat est recens, nam mulos qui fricabat, Consul effectus est. Siquidem indignos eligens, præterquam quod ab omnibus non sui compos existimabitur, vix etiam notam tyrannidis effugiet. Soler enim nimia dominandi libido, eos qui servitio sunt promptiores, non qui virtutibus eminentiores, opibus, ac honoribus cumulare, quoniam tyrannus viros, doctrina, & probitate præstantes; odit, ac perdit, ne arguantur opera ejus. Hinc fama est, falsum Mahumethem prohibuisse sectatoribus suis, philosophiæ studium, eo consilio, ne per eam illuminati, deprehendant errores, & suæ legis fallacias. Non ita Alexander Severus Imperator, qui nunquam gubernatores, ad provincias mittebat, quin prius multo

Nicolaus Sand.
lib. 1 de schism.
Anglic.

ante

Chryf.
hom. 7
in Matt.

Cant. c.
1.

2 Reg.
c. 6.

ante nomina ederet, ut si quod eorum vitium apparuisset, aliis provincias committeret. Vtinam Principes ex Christo veritatis fonte aliquando potarent, is enim ad montem excelsum, non quoscunque, sed tres tantum selegit vitæ integritate insigniores, ut divino hoc documento edocerentur reipublicæ capita, dignitates, & officia dignioribus esse conferenda. Nam indebitæ electionis damnum, non est unum tantum, sed multiplex, damnum electo, damnum officio, & damnum electori. Quod perspicuè insinuavit Spiritus Sanctus, dum introducit Sponsam, dicentem: Posuerunt me custodem in vineis; porro quia tanti regiminis eram prorsus ignara; ideo vineam non custodivi. itaque cum ad huiusmodi officium omnino inepta essem, cum ad filum acu ducendum, non ad lanceam manu vibrandam nata sim, vinea funditus devastata est. non secus in dignitatibus distribuendis contingere frequenter videmus. siquidem imprudens electio, damnum non exiguum, officio, & ipsi electo asferre consuevit, quin non parum etiam ipsis electoribus. Ad cuius rei comprobationem examinare oportet, cur Deus repentinæ mortis casu Ozam extinxerit. Quamvis enim de hac re varix sint scribentium opiniones, non omnes tamen veritatis scopum attingunt. Doctissimus Abulensis arbitratur Deum tam atroci supplicio affectisse, quia sacram illam arcam contigerat, cum tamen ab uxoris concubitu, præcedenti nocte non abstinerit. at cum id culpa non esset, non videtur poenam aliquam meruisse, cum poena sit culpæ correlativa. Lyranus sentit causam punitionis divinæ in Ozam fuisse, quod minori reverentia, quam debuerat, arcam tetigisset. Verum nec ista opinio mihi probatur, nimis enim

gravis

gravis esset illa poena, ad levissimam illam culpam comparata. Quid? nonne arcæ contactus, ne in terram decideret, reverentiam potius, & religionem redolebat? Vera igitur tam repentini casus causa fuit, quod cum Oza teneretur, humeris suis arcam deferre, ipse tum, ut diverteret ab onere dorsum ejus, junctis duobus ad plaustrum juveneis, ferendam Dei arcam commisit, & cum declinantibus à via juveneis, ut potè, jugo minimè affueris, Oza manum suam extenderet, ne penitus arca in terram corrueret, tunc Deus indignatione plenus, amplius dissimulare noluit, dicens: Cur tu arcam hominum humeris ferendam, brutis animalibus commisisti? pœnas pro tam nefario crimine nunc nunc exolves, & continuè gravi vulneres humeros ejus percussit, quibus arcam gestare illi incumberebat, ut egregiè adnotavit Glossa interlinearis his verbis, Percussus est in humeris, quibus secundùm legem arcam ferre debuit. Hinc facile colligent Principes, qui reipublicæ officia conferunt, quàm sit periculosum, illa juveneis, hoc est, minus expertis credere. ipsi enim veluti juvenis arcam in terram dejicient, officiis abutentur, & perperam administrabunt. Quod non obscure expressit Ovidius, dum finxit Phaetontem obtinuisse, ut uno die Solis currus sibi committeretur, verum cùm esset aurigandi imperitus, deflèctentibus Solis equis, in terram miserè decidit, inde totam terram conflagravit. Quis sanæ mentis non videt, fabulam hanc ad vivum exprimere dissipatos nostræ tempestatis mores? Cùm enim litterarum imperiti, & regiminis omninò ignari, ad gubernacula sedent, tunc Rempublicam præcipitant, bona Regni dissipant, ac omnia funditus ad exitium pertrahunt. Quomodo qui regendus

S

ipse

ipse est, aliorum auriga fiet? Quomodo exercitus curam suscipiet, qui ne hostis quidem vultum iratum, nedum exertum gladium conspexit unquam? Summa itaque vigilantia utantur Principes, ut in præfecturis proponantur digniores. sic antiquitus apud Romanos in more positum fuit. Nam, ut refert Trebellius, cum ad Romani Consulatus electionem accederetur, prudentiores Senatores, ut Valerianus eligeretur, unanimi consensu suffragati sunt, ea sola ratione permoti, quia Valerianus omnibus melior, prudens, gravis, tyrannorum hostis, sed vitiorum multò magis. Hinc est, quod huic optimo regimini insistentes, duo celeberrima templa, virtutis, nimirum, & honoris construere, ità tamen disposita, ut ad honoris templum, non alia via nisi per templum virtutis pateret ingressus, cui appositè adjungitur nota. Virtute prævia. Vidit olim Daniel arborem altitudine insignem, in cujus altioribus ramis, aves ædificabant, sub umbra autem animalia terre. Quid hinc? nonne edocemur, optimum regiminis institutum illud esse, in quo doctissimi viri, qui tanquam volucres cæli altius evolant, scientiæque ac prudentiæ insignes sunt, in eminentiori etiam dignitatum loco collocentur, ignari vero in imo jaceant? & omni jure. Nam sicut indecorum esset, si terrestria animantia in ramis sublimioribus morarentur, aves verò in terra degerent, ita nonne vitiosum prorsus regimen esset, si ignari ad æthera sublimentur, doctrina autem illustres, ad terram usque deprimantur? Hanc calamitatem deplorabat Sapiens, Est malum quod vidi sub Sole, positum stultum in dignitate sublimi. Perinde, ac si diceret, inordinatam omnino vidi compositionem, stellas interris jacentes, animalia in nubibus cæli habitantia,

Ang. de
civ. Dei
lib. 4.

Dan. c. 4.

Ecclef.
c. 10.

rantia, viros nempe, spectata doctrina conspiciuos, dignitate tamen vacuos serpere, ignaros autem ad summa fastigia evectos. hæc est præcipua Hieremiæ lamentatio, nimirum, quod servi domi-
 narentur, & imperarent illis, qui ad imperandum nati erant. hinc suspirans ajebat, Servi domi-
 nati sunt nostri. Quid nostris hisce temporibus diceret? ubi homines imperiti, ac improbi, nati tantum consumere fruges, ad sublimes evehuntur gradus, viri autem doctrina & virtute eminentes, in imis detinentur subselliis, imò in pulvere sedent, imò fordescunt, imò humi serpunt. Verum planè adagium illud, Probitas laudatur, & alget. hinc Crates olim comparabat honores iis ficibus, quæ in altis, præruptisque locis nascuntur, è quibus homo fructum non accipit, corvi tantum, & milvi. Quam pestem adeo Regnis perniciosam, ut radicibus evellat Princeps, quid efficiet? quod in officina monetam cudentium observatur. prius quippe ponderant auri molem, deinde juxta pondus, figuram quoque imprimunt, ita in electionibus agendum prorsus. merita prius trutinanda, inde dignitates distribuendæ, non tamen quibuscumque, sed dignioribus viris. Verum est enim illud apophthegma omnibus sæculis celebrandum, Nihil æqualitate inæqualius.

Hieremi.
 6. 5.

Quid juvat Imperium? Quid fortia mœnia circum?

Quid tibi divitiæ? Stemmata quid faciunt?

Si claros probitate viros, virtutis alumnos

Non foreas Princeps, muneribusque colas?

CAPVT XVII.

Divinos libros præ manibus habeat Princeps, & feliciter administrabitur Regnum ejus.



ACRA oracula consule diligenter optime Princeps, & ex illis tanquam ex purissimis fontibus hauries, quæ ad rectam vivendi, & regendi rationem apprimè conducunt.

In primis sese offeret venerandum Trinitatis arcanum; divinæ nimirum Essentiæ unitas, personarum Trinitas, sacræ quoque in divinis notiones. Siquidem quidquid in Deo est, aut essentia, aut persona, aut notio est.

Essentia quidem una est, & indivisibilis, quæ nec generat, nec generatur, nec distinguit, nec distinguitur. Personæ autem tres sunt, Pater, Filius, & Spiritus sanctus; Pater à nullo est, Filius à Patre est nascendo, Spiritus sanctus à Patre, & Filio procedendo. Notiones verò sunt, innascibilitas pro Patre, generatio passiva pro Filio, spiratio Patri & Filio conveniens, & processio ab utroque pro Spiritu sancto. Dicuntur autem à Theologis notiones, quia notificant personas; aded quod divinæ personæ eandem quidem habent naturam, sed non eodem modo, quoniam Pater à seipso, Filius à Patre per intellectum, & Spiritus sanctus ab utroque per actum voluntatis. Quod sanè mysterium satis bellè explicatur in nomine Dei Iehova quadrilitero. Iod. He. Vau. He. nam prima ejus littera, Iod, quæ principium significat, quod omnium aliarum principium sit, cum unaquæque ab ea originem habeat, ipsaque à nulla originem sumat,

sumat, rectissimè Patrem in divinis insinuat, qui cum à nullo sit, aliæque personæ ab eo emanent, principium sine principio dicitur. Secunda littera, He, quæ esse, vel vivere significat, Filium in divinis aptissimè refert, per quem omnia quæ facta sunt, esse cœperunt, & quidquid factum est, in ipso vita erat. Tertia autem littera est, Vau, quæ copulativam dictionem, & denotat, Spiritum sanctum exprimit, qui cum sit amor Patris & Filii, quo se vicissim amant, rectè copula, hoc est, nexus utriusque nuncupatur. Scitu præterea dignum est, litteram He, quam Filii figuram esse diximus, in hoc sacratissimo Dei nomine, duplicem ob causam geminari; prima est, ut duas in Filio fateamur naturas, divinam, & humanam; altera causa est, ut intelligamus, solam unam ex divinis personis, nempe Filium, duas habere relationes, nimirum, producti, & producentis, respectu Patris, est productus, respectu verò Spiritus sancti, est producens, & spirans cum Patre Spiritum sanctum. ita quod Pater generat, & spirat; Filius non generat, sed generatur & spirat. Spiritus sanctus nec gignit, nec spirat, sed ab aliis duabus personis procedit. In eo tamen quod absolutum est, nullamque relationem continet, omnia communia sunt, nihilque distinctum, omnia enim in divinis sunt unum, ubi non obviat relationis oppositio.

Nec erit ab re, imo præsentī instituto valde consonum, si adjecero Chaldaicum morem, in Dei nomine exprimēdo. tribus Iod Chaldaicè describitur Dei nomen ineffabile, circulo uno conclusis, & uno camez signatis. Quod mysterium verè magnum, sic interpretantur doctores. Tria Iod æqualiter depicta, tres insinuant Personas divinas,

quarum nulla minor est alia, sed totæ tres Personæ coæternæ sibi sunt, & coæquales. Iod significat principium, tres divinæ Personæ nonnisi unum principium sunt rerum omnium conditarum, includuntur tres illi characteres in figura circulari omnium perfectissima, utpote, quæ nec principium habet, neque finem, ut denotetur perfecta æternitas. Est enim Deus sphæra intelligibilis, cuius centrum ubique, circumferentia nusquam. signantur autem uno tantum camez, quoniam trium personarum est una essentia. En personæ relationibus distinctæ, omnes tamen in maiestate æquales.

Ad hanc rem appositè facit miraculum insigne, quod scribit Eusebius Cæsariensis. Nascente Christo, ait, tres in cælo Soles apparuere, qui paulatim in unum redacti fuere, ut ostenderent tres in Deo personas, in unum tamen conjuncti, unitatem divinæ naturæ declararent.

Boeth.
Eugub.
lib. 25.

Nec minus mirandum, quod narrat Boethius Eugubinus; ait enim, in corde Sanctæ Claræ de monte Falco, post mortem inventos fuisse tres lapides, ejusdem magnitudinis, ponderis, atque figuræ, in quibus hoc mirum est, quod ejusdem ponderis unus est, ac tres, & ejusdem tres, ac unus. Ecce Trinitatis simulachrum. O veneranda Trinitas, ô indivisa unitas. O bone Deus, tu es causa omnium causarum, lumen omnium rationum, finis omnium actionum, per te omnes naturæ habent, ut sint, omnes rationes, ut veræ sint, omnes actiones, ut bonæ sint, præter te nulla natura subsistit, nulla ratio instruit, nulla actio proficit, sine te omnis substantia concidit, omnis ratio caligat, omnis actio deficit. mare magnum, adeo immensum, quod sine fidei cymba transvadari nequit,

Corne-
lius
Mullus
de div.
hist. lib.
2, c. 13.

nequit. Hinc Gregorius Nyssenus dicebat : Sicut Gen. c.
 Abrahamus reliquit pueros ad radicem montis , & 21.
 solus cum Isaac montem ascendit , ita in hoc my-
 sterio deferenda ratio naturalis , & soli fidei inni-
 tendum , non quod contra naturam hæc sint , sed
 quia superant. Heu quot miseri in hoc Oceano
 naufragium fecere , quia sine remis fidei navigare
 ausi fuere. Arrius miser infeliciter periit , quia Pa-
 trem Filio majorem dixit. Macedonius naufragi-
 um passus , quia Spiritum sanctum nonnisi puram
 creaturam asseruit. Sabellius ab undarum vortici-
 bus abreptus , funestum finem nactus est , quia
 trium personarum distinctionem negavit , alii mul-
 ti in Scyllam , & Charybdim inciderunt , quia ingens
 hoc mare temerè ingressi sunt , soli rationi huma-
 næ adhærentes ; est enim mysterium hoc aded pro-
 fundum , ut naturalis ratio nulla habeat argumen-
 ta , quibus apprehendat , quamobrem fatius judi-
 co , summa cum cordis humilitate ipsum adorare ,
 quam curiosius indagare. Ita olim consulebat In-
 nocentius Pontifex , Credere jubemur , discutere
 prohibemur. si ex terrenis minima percipere non
 valemus , quomodo celestia audebimus scrutari ?
 quis licet sapiens & acutus philosophus , naturam
 plenè assequitur formicæ , inter omnes animantes
 minimæ ; quis oro dignitate explicabit , quo spiri-
 tu , vel anhelitu illius vita continetur ? quibus con-
 stet nervis ? quod sit illi cor , qui sensus , venæ , ar-
 teriæ , medullæ , membranæ ? quis parvam illam
 proboscidem declarabit ? quæ sit illi propagandæ
 posteritatis ratio , quomodo nunc repat humi ,
 nunc alas induat , & per aera superba volitet ?
 quod si minima hæc præstare non valemus , quo-
 modo Deum apprehendere gloriamur , quando
 formicæ naturam ignoramus ? Quis philosophus

Innoc.
 III de
 myster.
 Mistæ li.
 4, c. 8.

intimas omnium rerum naturalium causas exactè attingere potest? ut de ipso carere liceat,

Felix qui potuit rerum cognoscere causas.

Vnde tremor terris? quæ vi maria alta tument? quæ ratio fontium? quæ ventorum? quid grando? quid fulgura? quid tonitrua? quid mare falsum? quid flumina dulcia? quis de coloribus Iridis? quis de magnete? quis de echineide, quis de araneorum telis, quis de pendulo bombyce? quod si humani ingenii acies adedè exigua est, ut vilia naturæ penetrare non valeat, nonne extremæ est impudentiæ, ô homo, si ad divinam substantiam pertingere posse confidas? ô arcanum venerando silentio adorandum! dic, quæso, ô homo mortalis, si de iis, quæ tibi sunt sub pedibus, ante oculos, ad aures, ad manus, nescis exactè differe-re, quomodo illa caelestia scrutari audebis? dic, quæso, substantia terræ, est ne penitus defixa, & quasi radicibus suis hærens, an media pendet? quibus librata ponderibus? quibus cavernis maria sustinet? dic substantiam aëris, qui est ventorum sedes, arca vaporum, thesaurus nivium, animantium refrigerium, vehiculum visionum & auditionum; dic substantiam Solis, qui est orbis excubitor, moderator temporum, parens viventium, & omnia fovens. dic substantiam Lunæ, cur nunc plena, modò semiplena, modò clara, modò maculis infecta? dic stellas, non fatas, non plantatas, non insertas, non infirma aliqua radice solidatas, sed repentè Dei jussu in cælo creatas. dic substantiam corporis tui, si nosti, quæ substantia nervorum, quæ venarum, qui situs partium, quam vim quæque pars habeat. sed descendamus ad humiliora, dic cicadas, locustas, formicas, apes, dic artes, dic motus gruum, dic industriam bombycum, dic

dic stamina araneorum. O miser homo mortalis, si hæc inferiora quæ vides, quæ tangis, quæ palpas, non vales mente percipere, quomodo scrutari cælestia tentabis? an ignoras, quod scrutator majestatis opprimetur à gloria?

Modò ex hoc thesauro recondito, quid hauries, ô Princeps, hic mente confurge, sursum cor attolle, agnosce dignitatem animæ tuæ, quæ facta est ad imaginem tantæ deitatis, siquidem sicut Deus ^{August. li. 10 de Trinit.} unus est in substantia, trinus in Personis, sic anima tua una in substantia, trina in potentiis, memoria, intelligentia, voluntate, & sicut personæ inter se originantur, Filius à Patre, Spiritus sanctus ab utroque, Pater à nullo, ita potentiæ sunt sub actibus suis, quia unus actus est ab altero per modum originis, quoniam sicut à Patre Verbum, & ab utroque Spiritus sanctus, sic quodammodo à memoria actus intellectus, & velle ab utroque originatur. Secundo loco, ex aureo divinarum litterarum thesauro colliges divinæ prædestinationis arcanum, qua Deus volūte antecedente ordinat omnes ad gloriam. Verum voluntate consequente neminem vult salvare, nisi ex præscripto legis viventem. hic tamen aliquis objiciet, Si Deus vult omnes homines salvos fieri, ergo omnes salvabuntur. quia voluntas Dei, est ita efficax, quod nemo potest resistere. Voluntati ejus quis resistet? hanc difficultatem tollunt Sancti Patres aurea sanè doctrina. Duplex est in Deo voluntas; antecedens, & consequens; voluntas antecedens est illa, quæ consideratur in Deo, antequam merita respiciat, voluntas consequens, qua Deus vult aliquid, respiciendo tamen ad opus creaturæ, & id eò illa dicitur antecedens, quasi antecedar opus nostrorum cognitionem, hæc autem consequens,

1 Tim.

c. 2.

Rom.

c. 9.

Chryf.

hom. I

ad Eph.

p. 1.

Damasce.

lib. 1 de

fide c.

29.

Aug.de
sp. &
lit. c. 3.

Matt.
c. 23.

quens, quasi sequatur operum cognitionem. Ad rem igitur accedentes dicimus, quod Deus vult omnes salvare actu voluntatis antecedentis, non actu voluntatis consequentis. hinc non omnes salvantur, imo plurimi damnantur, quia nolunt voluntati divinæ conformari. Proinde conqueritur, Quoties volui, & noluisti? idè relinquetur domus tua deserta. Deus enim nulli denegat auxilium sufficiens, nec dicatur, Orabat scelestus Dominum à quo non erat misericordiam consecuturus, pœnitentia sufficiens est ad delenda quæcumque crimina, sed dicitur de Antiocho, qui non erat misericordiam consecuturus, quia pœnitentia illa vera non fuit, qualis præsumi potest, quæ usque ad ultimum vitæ terminum protrahitur, quæ magis ex timore, quam ex amore procedit. Pœnitentia namque sœra, raro est vera. doluit quidem, sed non consecutus misericordiam, quia non in loco criminis iustitiam exercuit; crimen enim commissum fuit in corde, ipse verò pœnitentiam solum in lingua. Pro majori dictorum explicatione advertendum, quod signa distributiva aliquando accipiuntur pro singulis generum, ut illud; Statutum est omnibus hominibus semel mori. aliquando non ita universaliter sumuntur, sed pro generibus singulorum, ut illud Pauli; In Christo omnes vivificabuntur. quod universaliter verum non est, sed tantum pro genere salvandorum, ita quod est distributio accommodata, & significat quod omnes quotquot salvantur, per Christum salvantur, vel quod ex omni genere gentium, vivificantur aliqui, ita explicatur illud; Videbit omnis caro salutare Dei. siquidem non omnes viderunt Christum, sed ex omni populo, tribu, natione aliqui. ita ut nulla sit natio, de qua non salven-

tur

tur aliqui . neque aliqua est in toto Orbe provin-
cia , ubi Euangelium non sit prædicatum , &
Christi bonus odor non pervenerit . sic namque
dicebant senes agnum adorantes ; Redemisti nos
Domine ex omni tribu , & lingua , & natio-
ne , & fecisti nos Deo nostro regnum . non di-
xerunt , Redemisti omnem tribum , neque om-
nem populum ; sed , ex omni tribu , & ex omni
populo ; ex his enim aliqui in Christum credide-
runt , & salvi sunt . ita quoque exponitur locus
Pauli paulò superius adductus , Deus vult omnes
homines salvos fieri . nimirum , pro generibus sin-
gulorum , non pro singulis generum . Deus itaque,
ut vela contrahamus , vult omnes salvare , volun-
tate antecedente , sed non salvabit nisi mandata
servantes , & non damnabit nisi vocationi resistan-
tes . Porro ex hac doctrina tam recondita , quid
colliget Princeps pro Regno optimè administran-
do ? primaria intentio Principis hæc esse debet ,
nempe , ut subditos omnes tanquam filios in sinu
foveat , quos autem criminosos , & Regni pertur-
batores cognoverit , ultimo supplicio perdat . hinc
summis laudibus extollendus Alexander Severus ,
qui fures à republica eliminabat , ministros au-
tem integritate ornatos muneribus , & honoribus
cumulabat .

D. Th. I
p. qu. 19.
a. 6.

Lampri-
dus in
vita Se-
veri.

Sed ulterius , quæso , progrediamur , & mentis
oculo contemplabimur admirabile creationis o-
pus , cæteris actionibus ad extra longè præstantius ,
quamvis non habeat in utroque suo termino , ens ,
sive bonum . & jure quidem dicitur præstantius ,
non quidem propter magnitudinem ejus , quod
fit , nam hoc modo majus opus est justificatio im-
pii , quæ terminatur ad bonum æternum divinæ
participationis , quam creatio cæli & terræ , quæ

Albertus
Mag. 2.
dist. 18.
a. 4.

ter-

terminatur ad bonum naturæ mutabilis, sed dicitur majus ex parte modi agendi, in quo ex nihilo fit aliquid.

D. Th. I
2, q. 113.
a. 9. Hic aciem mentis intende, ô Princeps, & considera summam Dei omnipotentis benignitatem, qui produxit creaturas, non ut inde bonum recipiat, sed ut eis bonitatem influat, nam ultimus finis productionis creaturarum, est divina bonitas, quam Deus creando communicat. Ex hoc aureo fonte, quid potabis ô Princeps? hoc nimirum, ut omnes actiones tuas dirigas in populorum commodum, nulla cupiditate ductus, nam, ut veteres Academici affirmant, alienum bonum est iustitia.

Aded præclarum est creationis opus, quod Deus nulli creaturæ communicat, nec communicare potest, quoniam sicut non potest communicari creaturæ, quod sit prima causa, ut egregiè docet Reverendissimus Florianus Theologus celeberrimus; ita sibi non potest communicari, quod sit creans. Quid hinc, ô Princeps? in rebus magni ponderis clavum regiminis ipse teneas, potes quidem, & debes, in administratione Regni consultores adhibere, sed omnimodam potestatem nulli committas, ne tibi contingat, quod Tiberio. Et sicut Deus produxit creaturas mediantibus Angelis, non tamen operantibus, sed tantum cognoscentibus; Tu quoque, qui vices Dei geris, Regni habenas moderare, adhibitis consiliariis pluribus, non tamen agentibus, sed tantum consulentibus. Præterea licet Deus ipse solus possit illuminare orbem sine Sole, & hæc inferiora sine corporibus cælestibus gubernare, est enim axioma à philosophis receptum, Quidquid potest Deus mediante causa secunda, potest & immediatè, quod quidem intel-

Flor.
Nan.
Bon. in
cat. arg.
super
Gen.

D. Th. de
pot. Dei,
q. 3. a. 4.

D. Th. I
p. q. 45.
a. 5.

intelligendum est, in genere causæ efficientis, non autem formalis aut materialis, quia non potest facere album sine albedine, nec animal sine corpore; vult tamen admittere creaturas intermedias, & causis secundis uti, præterquam in opere creationis, ubi nulla creatura concurret, ut instrumentum ad creandum; imò (si credimus Divo Thomæ) neque per potentiam divinam, creatura potest esse instrumentum creationis. siquidem in principio, hoc est antequam quidquam faceret, creavit cælum & terram, nulla igitur creatura potuit esse instrumentum, quia lumine naturali compertum est, instrumentum esse prius suo effectui. Ita licet Princeps possit, & sciat, ipse solus imperii clavum regere, & rerum gerendarum scientia polleat, nil tamen sine sapientum consilio administret.

At plus ultra, & in lucidissimo sacrarum litterarum speculo videbimus, singularem supremi officis providentiam, qua omnibus creaturis providet, etiam minimis; Vestri capilli capitis omnes numerati sunt. Vnde Augustinus dicebat: Deus totus oculus est, quia omnia videt; totus manus est, quia omnia operatur; totus pes est; quia ubique est. Scio quidem circumferri dictum quoddam Hieronymi dicentis: Deum non videre quot pulices quotidie nascantur; Sed hanc difficultatem tollit Magister sententiarum. asserit enim, quod Deus non videt per singula momenta quot pulices nascantur, sed simul, & semper cognoscit omnia. Nec moveat dictum Pauli; Nunquid Deo cura est de bobus? nam curam omnium gerit pater omnium. Tu pater providentia cuncta gubernas. sed specialem curam habet de animantibus ratione præditis, quibus præcepta tradidit, porro hanc

Luc. cap.
11.

August.
epist. 36.

Mag.
sent. li. 1.
dist. 39.

1 Cor. 8.

hanc curam de brutis non habet. Possent tamen aliquis obijcere Sapientis dictum; Æqualiter est illi cura de omnibus. at facile dissolvitur hic nodus, vox, æqualiter, non videtur hoc loco referenda ad ipsam curam, quasi Deus non magis curet rem unam quam aliam, sed ad res ipsas quæ curantur, ut sensus sit, nihil omnino subtrahi à providentia Dei, sed res omnes, nulla prorsus excepta, quamvis infima & vili, divina providentia gubernari. Sed hinc quid colligendum? munus Principis hoc esse, omnium subditorum curam gerere, omnibus prospicere, neminem negligere, quia, ut ait adagium; Etiam capillus habet umbram suam.

Bellarm.
de gratia &
lib. arb.
li. 2, c. 4.

Nec te pigeat iterum sacrarum Scripturarum fodere parietem, & videbis arcana majora, ibi namque se offeret ineffabilis sapientia Dei, qui licet omnes creaturas infinita charitate diligit, non omnibus tamen omnia passim communicare voluit. Non est vestrum nosse tempora vel momenta, quæ Pater posuit in sua potestate. Nec animæ Christi adeo dilectæ, quæ in ipso instanti conceptionis fuit unita Verbo, omnia communicare voluit, siquidem anima Christi apprehendit quidem divinam essentiam, sed non comprehendit, cognoscit quidem omnia, quæ scit Deus scientia visionis, sed non omnia, quæ scit Deus, scientia simplicis intelligentiæ. Quid hinc hauriendum? caveat Princeps bono regimini incumbens, ne omnia omnibus communicet, quamvis intimis, & longo usu probatis, quia semel emissum volat irrevocabile verbum. Quod enim tacitum esse velis, nemini dixeris.

D. Th.
3 p. 9.
10. a. 2.

Innumera ferè sunt arcana, quæ ex aureis divinarum litterarum thesauris colligi possunt, sed brevitate

vitati
ipse
tum
culo
cæle
fenti
confi
tus, l
& vo
visio
felic
rat, t
ut ni
est ill
nui. n
dium
geri, o
cui po
ducti
scrib
que i
auct
fruct
tiam
pora
riosu
tate
ficere
jici p
ei, n
vitat
rum
bus,
ficulta
sensu

virati studentes, consultò omittenda duximus, tu ipse sacras paginas evolvendo, invenies. hoc tantum oro, utinam & exorem, ut die, noctue oculo mentis perlustres, quanta sit Beatorum in caelesti Regno felicitas, quæ in actu intellectus, ut sentit D. Thomas, hoc est, in sola Dei visione consistit, vel in actu voluntatis, ut arbitratur Scotus, hoc est, in sola Dei fruitione, vel in intellectu, & voluntate conjunctim, ut scribit Richardus; in visione, nimirum, & fruitione simul. Quæ quidem felicitas tanta est, quod omne desiderium superat, universamque hominis sitim adeò extinguit, ut nihil amplius relinquatur appetendum. tanta est illa felicitas, quod non potest augeri, neque minui. non quidem minui, quia nequit amitti, Gaudium vestrum nemo tollet à vobis, nec potest augeri, quia infinita est, at infinito nulla fit additio, cui potest perbellè adaptari pro insigni, fons Madutii, qui est in campis Salentinis, de quo Plinius scribit; quod neque exhaustis aquis minuitur, neque infusis augetur, apposita nota, Nec haustu, nec auctu. sed ex tam felici Beatorum gloria, quem fructum capies? hunc nimirum, ut sanctè justitiam administrando, sic transeas per Regna temporalia, ut non amittas æterna. ô quam gloriosum est Regnum, in quo beati tanta felicitate fruuntur, quod à summo bono amplius deficere nequeunt. Scio quidem in hoc loco obijci posse Iobum dicentem: Ecce qui serviunt Iob. c. 4. ei, non sunt stabiles, & in angelis suis reperit pravitatem. Porro hic locus rectè intelligentes parum urget, exponitur enim de angelis viatoribus, quales sunt sacerdotes, & sic nulla est difficultas, si autem intelligatur de angelis beatis, sensus catholicus hic est, quod quantum est ex sua natura,

Greg. li.
5. mor.
c. 27.

natura, possunt delinquere, sic explicat Gregorius. Aliqui vero, nomine pravitatis intelligunt, non peccatum, sed ignorantiam, & in hoc sensu dicit Dionysius Areopagita, quod Angeli superiores illuminant, & purgant inferiores, non tamen lumen infundendo causativè, sicut Sol illuminat aërem; quia sic solus Deus illuminat, sed luminosum offerendo, sicut deferens candelam lucentem illuminat domum, hoc modo Angelus superior illuminat Angelum inferiorem, ei loquendo de aliquo noto sibi, non alteri. Erunt itaque Beati ita confirmati in gratia, utpote videntes divinam essentiam, quod erunt omnino impeccabiles, & proinde semper exultantes, Exultabunt sancti in gloria. sed insurget quispiam, Quomodo Beati vivunt in gaudio perenni, si habent timorem comitem individuum? timor Domini sanctus permanet in sæculum sæculi; nemo autem ignorat objectum timoris esse malum, quod timemus, si timor perpetuus, quomodo animi tranquillitas? In vita beata non est timor, qui sollicitudinem secum afferat, qualis est timor servilis, qui non est in patria, illum enim foras mittit perfecta charitas. manet quidem timor filialis, qui in Beatis non est expectatio futuri mali, sed reverentia quædam voluntaria tantæ deitatis, cum perpetua animi tranquillitate. Si autem dicas, quomodo non tanguntur aliquo saltem animi microne, advertentes filios, parentes, amicos esse damnatos; non propterea turbantur? respondeo ego, quia beati id volunt, quod vident Deum velle, & in adimplerione divinæ voluntatis conquiescunt. Lætabitur justus cum viderit vindictam. Conformantur namque penitus divinæ voluntati, tum in voluto materiali, tum etiam in voluto formali, in voluto

Medina
in 1, 2 q.
9. a. 8.

Psal. 57.

volu
lun
qua
quis
conf
liab
refe
rum
ron
Reg
bera
bat,
ceps
cult
erati
curav
erant
fatio
tur,
per
lud
prec
men
præ
con
loru
& c
redd
istor
mun
gius
pare
In il
beral
te Ap

volito quidem formali, quia quidquid volunt, volunt propter ultimum finem, in volito materiali, quia volunt, quidquid Deus vult. Sed adhuc aliquis fortasse dubitabit, si Beati spiritus omnino conformantur divinæ voluntati, quomodo conciliabitur illa dissensio inter Angelos beatos, quam refert oraculum Danielis? Princeps Regni Persarum restitit mihi viginti & uno diebus. Divus Hieronymus explicans hunc locum dicit: Principem Regni Persarum esse Angelum, qui se opposuit liberationi populi Israhelitici, pro quo Daniel orabat, Gabriele preces ejus Deo presentante. Princeps autem Regni Persarum, est bonus Angelus custodiæ illius Regni deputatus. Contentio autem erat ista, Archangelus custos Regni Persarum procuravit, quantum in eo erat, salutem illorum, qui erant in dicto Regno, vidensque quod ex conversatione Iudæorum, multi ex Persis convertebantur, annuebat, quod populus ille, in captivitate perseveraret. Alter vero, qui præsidebat populo Iudæorum, illius populi liberationem procurabat, D. Thei precesque Danielis, præsentabat Deo. omnes tam men Dei voluntatem impleri volebant. modo ex prædictis locis explicatis quem fructum colliges? considerare debes sedulo, Principes instar Angelorum esse constitutos, ad custodiendas animas, & corpora subditorum, proinde rationem exactè reddent, & stabit anima illorum pro animabus istorum, sic acclamante oraculo divino, Durissimum judicium fiet his qui præfunt; idcirco regius Vates non sine lachrymis dicebat: Ab alienis parce servo tuo.

In illo Regno felicitatis æternæ Deus Princeps liberalis, præmiat Beatos ultra condignū, sic attestante Apostolo, Non sunt condignæ passionibus hujus

Dan. cā
10.

D. Thei
1 p. q.
113.

Rom. cā
8.

temporis ad futuram gloriam. hinc dicitur, Dominus, quasi, do munus. Nec contradicit doctrina Theologorum ab omnibus recepta, nempe, quod Sancti merentur vitam æternam de condigno. hanc enim difficultatem solvit egregie Divus Thomas, hac aurea distinctione, Quando dicit Apostolus, non sunt condignæ passionēs, ita explicari debet iste locus, non sunt condignæ, quatenus opera nostra procedunt ex libero arbitrio, at quatenus prodeunt ex gratia Spiritus sancti, & ex merito Christi Salvatoris, ingentis sunt valoris & momenti, & tunc merentur de condigno. Sed quid hinc degustabis ô Princeps? de republica bene meritos beneficiis fove, non tantum pro merito, sed cumulatione mensura, ut alter Alexander, qui dicebat: Non quæro, quid oporteat te accipere, sed quid deceat Regem dare.

Improbos, & sacræ legi adversantes, in perpetuas flammās tradit supremus Iudex sine fine duraturas, nullum spei relinquendo locum. Nec melatet historia illa, quæ circumfertur de Trajano, Divi Gregorii precibus à pœnis inferni erepto, quam ego nullatenus approbo, cum ipse Gregorius in suis operibus nullam hujus rei mentionem faciat, nec est alicujus ponderis citatio Damasceni dicentis in quodam sermone, quod Gregorius oravit pro eo, & audivit vocem dicentem sibi: Vocem tuam audivi, & Trajano veniam do. non probatur inquam, quia Damascenus vir magnæ auctoritatis, non potuit de eo talia scribere. ratio est, quia Damascenus antiquior fuit Gregorio ducentis annis. Nam floruit sub Theodosio Imperatore, & fuit illi à secretis. Gregorius vero sub Mauritio. necesse est ergo ut dicamus, illud opus alterius esse, & non magni Damasceni. denique si vera est illa

Mel-
chior
Canus
li. 11 de
locis c.
2.
D.Tho.
in 4 sent.
d. 55. q.
2. a. 2.

illa historia, cujuscunque sit, necessario dicendum, non quod translatus sit ex Inferno ad gloriam, quod est omnino contra legem, sed quod fuit revocatus ad vitam, in qua egit poenitentiam, paulò post defunctus, & salvus factus. Licet autem poenae Inferni sint aeternae & acerbissimae, aliquatenus etiam misericordiae recordatur Deus, quia punit damnatos citra condignum. Posset enim peccatorem ad nihilum redigere de rigore justitiae, tamen illis relinquit esse, quod est bonum. Tu quoque, ò Princeps, quos verè criminosos, & proinde suppliciis dignos cognoveris, nec prece, nec pretio liberabis, ita tamen, quod semper effulgeat aliquis clementiae radius. Ex parte objecti, ait Divus Thomas, una est omnium Beatorum gloria; omnes enim eundem Deum possident, & possident totum, sed non totaliter, quia vident quidem divinam essentiam infinitam, sed modo finito, omnes apprehendunt Deum, sed non comprehendunt, quia solus Deus comprehendit seipsum. Nec ipsa anima Christi comprehendit divinam essentiam, illud enim dicitur comprehendere, quod perfectè cognoscitur, perfectè autem cognoscitur, quod tantum cognoscitur, quantum cognoscibile est, nullus autem intellectus creatus potest pertingere ad illum perfectum modum cognitionis divinae essentiae, quo cognoscibilis est, quia cum essentia divina sit infinita, infinite cognoscibilis est, porro intellectus creatus non potest illam infinite cognoscere. Hoc etiam Epictetus philosophus videtur insinuassee, licet lumine fidei destitutus. Cum enim plura discipulis verba fecisset, ut declararet Deum, & illis dicentibus, non plenè intellexisse, respondit; Si omnino ego declarassem Deum, vel ego Deus essem, vel quem ego declaravi, Deus non foret;

Abulens.
sup. 4
reg. 4. 9.
57.

D. Tho.
1. 2. q. 5.
a. 2.

Cic. lib.
I de nat.
deorum.

ret. idem prorsus sentiebat Simonides, Quamvis magis Deum confidero, tanto mihi videtur obscurior. Docte quidem ac sapienter, nam cum plenè intellexeris hoc mysterium, beatus eris; imò nec tunc comprehendes, ut enim Deus sit, infinitus oportet sit, quem vero caperet intellectus tuus, infinitus non esset. Omnes ergo Beati vident Deum, sed non omnes eodem modo, quia promensura meritorum unus videt perfectius altero. hinc dicebat Paradisi Princeps, In domo Patris mei mansiones multæ sunt. & Paulus, Stella differt à stella in claritate. quæ sanè allusio pulcherrima est, & valde apposita ad intelligendum, pro varietate meritorum, diversam quoque Beatorum esse gloriam, sicut enim astra omnia recipiunt quidem à Sole omnem splendorem, quodlibet tamen juxta suam qualitatem, & prout magis, minusve solidum est, & diaphanum, plus, minusve refulget. Sic sane quamvis omnes justi videant Deum, & Deum totum, qui est Sol fulgentissimus, nequaquam tamen ex æquo, sed juxta modum suæ dispositionis, hoc est, meritorum suorum diversitate, gloriam animæ & corporis recipiunt. Hoc etiam præclaro Concilii Florentini testimonio roboratur, nam in illo diffinitur hæc conclusio; Animæ beatæ vident Deum trinum & unum sicuti est, sed pro diversitate meritorum, alius alio perfectius videt. neque repugnat illud Matthæi; ubi videtur dari idem præmium omnibus operariis, nempe, denarius quidam diurnus, nam denarius ille significat æqualitatem æternitatis, non gloriæ & excellentiæ. datur omnibus idem denarius, ait Ambrosius, quoniam Sancti omnes sine fine regnabunt, quamvis non omnes eadem eminentia regnabunt, quemadmo-

Ioan. c.
24.

I Cor.
15.

Matth. c.
20.

admodum commune est stellis omnibus, perpetuo fulgere in cælo, licet aliæ aliis clarius micent. Ex hoc sacro fonte quid potabis ô Princeps? hoc sanè præclarum documentum, pro diu & feliciter summa rei administranda, nempe, ut viros summa integritate ornatos, muneribus & honoribus colas, non tamen æqualiter omnes, sed pro dignitate meritorum. Non enim est æquum omnibus ex æquo. Et ecce ô Principes quanta Beatorum felicitas? tanta utique ut Beatus Augustinus veneranda admiratione permotus exclamet, omnem sermonem superat, omnem humanæ mentis sensum excedit, illud decus, illa gloria, illa pulchritudo, illa majestas. Gregorius magnus in admirationem raptus dicebat. Quæ autem lingua dicere, aut quis intellectus capere sufficit illa supernæ civitatis quanta sint gaudia. Ad hanc rem appositè facit visio illa Hieronymi, olim Augustino facta. Cum Augustinus Hieronymo in Palestinam scribere decrevisset, & petere illius de æterna beatitudine iudicium, contigit Hieronymum interea expirasse, Augustino apparuisse, & verba huiusmodi locutum fuisse, Vide si numerare potes stellas cæli, & guttas maris. id namque facilius est, quàm gloriam Paradisi dicendo explicare; est enim res tanta, quod nisi ipse vidissem, nunquam credidissem, & tam longe abest ab eo, quod ego vivens cogitabam, ut omnino sit quidpiam in infinitum majus.

Angelicus doctor cum immensum cælestis gloriæ Oceanum, ingenii sui velis tentasset transfretare, statim in sacrum silentii portum se recepit, admiratio enim quæ maxima est, non parit verbum, sed silentium, attestatus est, nihil præstantius cælesti Beatorum gloria. In prima namq; questionum suarum parte, disquirens, an summus ille

Bellarm.
de justif.
lib. 3. c.
16.

August.
epist. ad
Cyrillū.

Basil. lib.
7.

August.
in soli-
leg.

Psal. 14.

opifex, qui cuncta è nihilo produxit, creaturas perfectiores posset efficere? posset quidem, concludit, cum sit omnipotens, tribus tamen exceptis, quæ non patiuntur augmentum. nempe, Christi Salvatoris humanitas, Mariæ Virginis maternitas, & Beatorum gloria. O beati igitur qui habitant in domo tua Domine. ibi enim est omnium deliciarum oceanus, omnium divitiarum thesaurus, omnium bonorum fons indeficiens, ibi juvenus nunquam senescit, ibi vita terminum nescit, ibi decor nunquam pallescit, ibi amor nunquam tepescit, ibi gaudium nunquam decrescit. ô gaudium super gaudium, ô gaudium vincens omne gaudium, quando intrabo in te? ut videam Deum meum, qui habitat in te? Ex hoc torrente voluptatis, quid hauries, ô Princeps? omnibus viribus eniteadum, omni studio elaborandum, remis, velisque contendendum, ut de terreno hoc, ad cæleste illud Regnum perveniamus. sed quibus semitis? audi sapientissimum Regem, vias regias demonstrantem; Domine quis habitabit in tabernaculo tuo? qui ingreditur sine macula, & operatur justitiam. en media regia, vitæ nimirum integritas, & justitiæ æquitas. ita se gerebat in administrando regno Ludovicus sanctus Galliarum Rex, qui de terreno, ad cælestis Regni gloriam est evectus. sed quibus ducibus? audi. Quia justitiam strenuè administravit, quia neminem læsit, quia jus suum unicuique tribuit. his itineribus pervenit ad Regnum. illud academicum decantando, Sic itur ad astra.

Sacrarum, ô Princeps, divina volumina legum

Præ manibus teneas, perlege nocte, die.

Fontibus ex istis, quamnam sit forma regendi,

Quid caveas, quid agas, læctio sacra docet.

CAPVT XVIII.

Sæpius mente revolvat Princeps, se esse hominem, & proinde ad cælestia formatum, mox enim vilescant omnia, quæ habentur in terris.



IOANNES Picus Mirandulanus Princeps, ob singularem doctrinarum cognitionem, nostræ ætatis Phoenix appellatus, in quadam quæstione examinat, quam ob causam, Deus postremum omnium creavit hominem. Creavit enim cælos, & Angelis cumulavit; creavit terram, & bestiis omnis generis implevit; creavit aërem, volucris dedit; creavit aquam, piscibus concessit; repletis omnibus locis, tunc creavit hominem. At si jam occupata sunt omnia, ubi erit locus Principis? creavit hominem summus ille artifex, responderet egregius doctor, omnibus jam occupatis, ut cognosceret quietem, & finem hominis, non in rebus creatis, sed in Deo solo collocari debere, teste Augustino; Fecisti nos Domine ad te, & inquietum est cor nostrum donec requiescat in te. Ad rem facit Anaxagoræ dictum, hic enim licet gentilis, & veri numinis ignarus, cum æmuli propter opes, actionem intentassent, omnium potius jacturam facere maluit, quam iudicio jus suum prosequi, cumque argueretur, quod omnibus bonis se orbari fineret, digitos in cælum sustulit, clamans, Illa patria mea est, illa hæreditas mea, illam curo, non ea quæ super terram. ac si diceret, immortalia immortalis animus meditetur. O præclaram Ethnici homi-

Aug. 1 li.
Confess.
c. 1.
Diog.
Laer.
lib. 2.

Hebr. c.
23.

nis sententiam. sed quid ? nonne , cum per varias regiones peragraret , compellantibus quibusdam , quo tenderet ? Cælum intuens , dixit , Ad patriam tendo , quasi oraculum Apostolicum pronuntiaret ; Non habemus hic civitatem permanentem , sed futuram inquirimus . Hoc apprime intelligebat Phocion Atheniensis , cui cum Alexander Magnus ex Persica gaza , magnum auri pondus misisset , recusans , interrogavit , Cur ad me solum tantum auri pondus Rex mitteret ? responderunt , Quia te omnium Græcorum optimum esse arbitratur . Sinite igitur , inquit , eum esse me , quem ille me esse arbitratur . sentiebat quippe vir sapiens , quod homo ad cælestia formatus , divinis debet inhære , hæc autem fortunæ bona , tanquam ludibria parvifacere . Nec ab re erit , si in medium proferemus , quod Divi Bernardi fratres ad monasterium convolantes , dixerunt ad natu minimum ; Ad te solum respicit terra possessionis nostræ . At ille , licet puer ætate , non tamen sensu , dixit ; Vobis cælum , mihi terra ? non ex æquo divisio facta est , & paulo post omnibus relictis , secutus est fratres . quasi diceret cum philosopho morali , Ad majora natus sum , quàm ut rebus terrenis serviam . Ipsi quoque Philosophi , quamvis à fide alieni , nonne hac in re Christianorum sententiam secuti sunt , cum Platone dicentes , hominem inter cætera animalia , arborem esse inversam ? ramos enim inferius habet homo , radices vero , præter omnium arborum naturam , superius extollit . sed quorsum hoc ? ut ostendat cælo se omne bonum petere , ac si dicat ; Levavi oculos meos in montes , unde veniet auxilium mihi .

Quod quidem etiam Philonis Hebræi hominis doctif.

doctissimi testimonio comprobatur, ait enim;
Solam in terris caelestem plantam Deus fecit
hominem, cæterarum plantarum capita defixit
in terra, soli homini caput sublime dedit, ut
alimenta cælitus incorruptibilia quærat. pulchrè
Poeta,

Pronaque cum spectent animalia cætera terram,

Os homini sublime dedit, cælumque tueri

Iussit, & erectos ad sidera tollere vultus.

Siquidem homo creatus est, non ut statuat oculos
in terram, sed ut extollat, ad contemplandum
Deum, cujus gratia conditus est. Quorsum cor
superius latum, inferius angustum? ut claudatur
terræ, aperiatur cælo, à quo bona cuncta proce-
dunt. Hinc Propheta Regius dicebat: Quis ascen-
det in montem Domini? mox sibi ipsi respondit;
Qui non accepit in vanum animam suam. Frustra
autem aliquis dicitur aliquid accipere, quando
finem non consequitur, ad quem ordinatur. In
vanum miles accipit arma, quando ad militiam
non procedit. Cur anima nobis à Deo concessa?
non ut terrenis inhiat, cum ipsa sit immortalis,
sed ut Deum contempletur, in quo felicitas no-
stra conquiescit. Hoc probe noverat Tertullia-
nus, vir planè egregius, Cur in sacris litteris,
nunquam Deus, nomen Domini assumit, nisi post
creationem hominis? tunc enim statim nomen
dominii subjungit; Formavit Dominus Deus
hominem de limo terræ. rationem reddit, id
factum fuisse, ut hominem doceret, nullum do-
minum, nisi Deum cognoscere debere, in quem
assidue oculos defigeret, ad cujus imaginem fa-
ctus est. Porro in quo proprie consistat hæc simi-
litudo & imago, non est ita facile explicatu.

Aliqui arbitrantur, hominem dici, ad imaginem

T 5

Dei

*Anima nobis
à Deo data nō
ut terrenis inhiat.*

Lib. con-
tra Her-
mog.
hæreti-
cum.
Gen. c. i.

*Cur autem cunctis
hujus Reg. n. ap-
pellatur Deus?*

Dei formatum , quia sicut Deus replet omnia, Cælum & terram ego impleo ; ita corpus universum replet anima. anima est tota in toto , & tota in qualibet parte corporis. Alii sentiunt , ad imaginem Dei formatum , quia sicut Deus est Dominus universorum , Domini est terra , & plenitudo ejus , ita homo omnibus dominatur creaturis. Omnia subjecisti sub pedibus ejus. opinantur nonnulli hominem idè ad imaginem Dei formatum , quia sicut in Deo omnia continentur eminentè , & causaliter , sic in homine quodammodo etiam omnia continentur , nam participat in essentia cum lapidibus , vitam communem habet cum plantis , sensum cum brutis , at rationis particeps , similis Deo efficitur ; sicque in omnibus communicans , omnia in se continere dicitur. Proinde bene dicebat Aristoteles , dum inquit , animam nostram esse quodammodo omnia. & Plotinus ; Homo est quoddam omne. Ambrosius affirmat , similitudinem hanc , in unitate animæ consistere , cum potentiarum Trinitate. nam sicut in Deo , cum Trinitate personarum reperitur unitas essentiæ , sic anima cum una sit , tres potentias habet distinctas. Chrysost. tenet , hanc similitudinem , in dominio consistere , nam sicut Deus est supremus orbis monarcha , sic homo super opera manuum suarum constitutus. cui opinioni videtur favere illud Genes. c. 1. postquam enim dictum fuit , Faciamus hominem ad imaginem , & similitudinem nostram ; quasi reddens rationem hujus similitudinis , mox adjecit ; Qui præsit bestiis terræ , piscibus maris , & volatilibus cæli , instar Regis prudentissimi , qui in suis provinciis solet Rectorem constituere , qui ejus vices gerat , & personam regiam referat , sic planè Deus hominem constituit , super universam mundi familiam ,

Psal. 23.

Lib. 3. de
anima.Ambros.
lib. de
dignit.
hum.
cond.

Gen. c. 1.

milian
lus ter
meie
fatiar
Hi
nomi
est; q
habe
fuffi
lum.
bi?n
eujus
fio,
verti
itiden
ubi e
exem
At d
alibi
facie
tas
bim
duo
jucu
fame
alim
tum
ratur
tietat
quod
fatis
fean
Be
ex fa
pulav

miliam, qui omnibus creaturis imperaret. Cyril-
lus tenet, hominem in hoc Dei imaginem expri-
mere, quia capax est beatitudinis Dei, in quo solo
fatiatur, & quiescit.

Hinc apud Rabbinos Hebræos vocatur Deus,
nomine Sadai, quod apud nos sonat, Qui sufficiens
est; quasi innuere vellent, Homo, si habes Deum,
habes omnia, quia Deus universale bonum, & hoc
sufficit. Ad rem pulchrè facit Regii Varis oracu-
lum, Dominus regit me. sed ex hoc, quid erit ti-
bi? nihil mihi deerit. quia solus Deus satiatur. Pro
cujus rei confirmatione, egregiè facit Felicis ver-
sio, nam ubi nos legimus; animam meam con-
vertit; Felix legit, animam meam quietavit. Hoc
iridem Sponsi cælestis testimonio comprobatur.
ubi enim nostra vulgata legit; Ego flos campi;
exemplar Hebræum habet, Ego flos saturitatis. Cant. c.
At dicet quispiam; Nonnè ipsemet Sponsus 2.
alibi dixit: Qui edunt me, adhuc esurient? si Eccles.
satietas, ergo non fames? si fames adest, satie- c. 24.
tas non erit. Quomodo nodum hunc explica-
bimus? Advertendum in primis, quod fames
duo continet, unum molestum, aliud gratum, &
jucundum. Molestum est, quod quandiu durat
fames, stomachus languet, quia caret sufficienti
alimento. Gratum verò, quod excitat appeti-
tum. Vnde abiit in proverbium millies decan-
tatum; Optimum cibi condimentum, fames. Sa-
tietas & ipsa habet aliquid, quod est utile, & ali-
quod noxium; utile est, quod indigentia naturæ
satisfacit; noxium verò, quod fastidium, & nau-
seam parit.

Beatorum ergo felicitas, ejus est conditionis, ut
ex satietyte & fame, noxiis dimissis, in unum co-
pulaverit, quæ optima sunt. è fame, comedendi
appe-

appetitum, & desiderium mutuat. sic intelligitur illud, In quem desiderant Angeli prospicere. At ex satietate, accipit posse explere, & plenè desiderio satisfacere. & hinc est, quod Dominus loquens de Angelis custodibus dicebat: Angeli eorum semper vident faciem Patris mei, qui est in cælis. Nec obstat, si aliquis objiciat; Quomodo si Angeli vident, videre desiderant? Quod enim possidetur, non desideratur. Huic difficultati satisfacit Theologus, hac planè doctrina aurea, In visione beatifica, hæc duo apprime junguntur, satiat quippe Beatos, eisque plenè satisfacit, & hinc fit, ut ab omni molestia, & anxietate liberi, continuo quodam appetitu, & desiderio videndi, ac fruendi Deo in æternum, & ultra, avidissime trahantur, unde utroque bono, quod in fame, & satietate reperitur, feliciter potiuntur. Satiant igitur bona cælestia, & plenè, & semper, & sine molestia, non sic terrena, quæ dum habentur, in fastidio sunt, dum non habentur, in desiderio. Quocirca Sponsa cælestis declaratura inconstantiam, & brevitatem temporalium bonorum, & æternorum firmam perpetuitatem, dixit, Sponsum alloquens: Meliora sunt ubera tua vino. Per vinum caduca, & brevis hujus sæculi voluptas; per ubera, constans, & æterna cælestis vitæ delectatio. ratio autem hujus discriminis est, quoniam si racemum uvarum comprimis, semel, & iterum succum elicies, sed postea in racemo nihil superest liquoris, sed rugosa tantum uvarum pellicula, secus autem matris accidit uberibus, quæ quia, instar fontis perennis, continè manant, proinde puer hodie fugit, & satiatur, cras itidem, idque toto anni circulo facitans, uberum maternorum lacteo

D. Bern.
super
Cant. 1o.

lacte liquorē, & ubertate non destituitur. En latum discrimen, quod inter bona temporalia, & æterna versatur; nam illa sunt momentanea, nec omnino delectant, bona vero cælestia, æterna sunt, omni bono redundantia sunt, & cordis humani desiderium explent usquequaque, quod totus mundus obtinere nequit, ut egregie indicavit magnus ille Alexander, qui audiens à quodam Philosopho plures esse mundos, ingemuit dicens: *Plutar. in vita Alex.*
 Heu me miserum, qui nec uno quidem sum potiturus. En evidens argumentum, animum Alexandri toto mundo esse capaciorem. Hinc Philippus pater, ejus magnanimitatem admirans, solebat dicere; Quære aliud regnum Alexander, quia Macedonia tenon capit. & Poeta,

Vnus Pellæo juveni non sufficit orbis.

Quod rectè expressit elogium illud; Alexander toti orbi angustus est, totus orbis Alexandro angustus est.

Parvus Alexandro fuit orbis, sed fuit orbi

Magnus Alexander, ipse sibi exiguus.

Questus, quod citius, quam miles, terra deesset,

Quodque suum Oceanus clauderet Imperium.

Siquidem dominandi libido, neque finem, neque modum habet. Cyneas philosophus hanc insaniam Pyrrho Spartarum Regi perspicue demonstravit. Pyrrhus enim cum cum Romanis bellum gereret, rogatus à Cynea, quid illis subactis faceret? respondit; Italiam totam occupabimus, Quid Italia subacta? Siciliam vicinam capiemus. Quid capta Sicilia? superest Lybia, & Carthago. quibus captis, facile Græciæ dominabor, sed deleatis omnibus, quid tandem facturus es? tunc otio, & amicis fruemur, nosque invicem oblectabimus. Tum Cyneas, At quid vetat, ô Rex, quominus

quominus nunc eodem otio perfruaris? nisi quod cæca ambitio te quietum esse non finit? Sine quiete, quid profuit Alexandro totius Asiæ dominium, qui non secus, ac si esset mendicus lachrymabatur, quod totum mundum suo Imperio non subjugasset. Hinc colligemus solutionem illius celebratissimæ quæstionis, Athenis olim propositæ, nimirum, Quid maximum pariter & minimum? Omnes qui tunc aderant Philosophi, quæsti difficultatem considerantes, in varias distracti sententias abiere. Quidam enim arbitrabantur, id esse visus potentiam, quæ intra oculi pupillam includit, Solis, Lunæ, ac Stellarum magnitudinem, quarum quilibet, totum mare, terramque transcendit. Ecce maximum pariter & minimum. Alii vero sentiebant, id esse proprium intellectus humani, quoniam omni carens quantitate, universam mundi machinam complectitur, ac cælum puncto temporis perlustrans, pari quoque velocitate, terrarum profunda perscrutatur. hoc est maximum, pariter & minimum. Alii verum scopum attingentes, dixerunt, cor hominis, esse maximum, & minimum; est enim minima pars corporis humani, si molem attendamus; at si illius capacitatem; adeo magnum, quod totus mundus sinu suo capere non potest, nec ejus sitim omnino extinguere. Vnde de siti unius Alexandri cecinit Poëta,

Æstuat infelix angusto limine mundi.

Magna porro sitis hominis, cui totus mundus non sufficit. nec mirum, quia aquæ hujus mundi, falsæ sunt, proinde sitim non extinguunt, sed excitant, replent, non satiant. sitim potus sedat; famem, cibus restinguit; corpus vestis operit; nulla mundi voluptas cordi satisfacit, de qua, jure licet

licet d
Phar
Roma
versu
omni
stern
nisi fu
vivæ
etiam
accel
picta
extin
uxor
versa
quia
lis im
explea
nolter
proxi
turali
ma fu
tis, c
quod
ribus,
præci
rimon
hinc
sumpt
ut exp
Aug
ceret
sangu
Egreg
tentian
didimu

licet dicere, quod medico competit imperito, Pharmacum tuum morbum auget. Heliogabalus Romanus Imperator, joci captandi gratia, universum populum Romanum in Palatio invitavit, omnis plebecula prandii avida confluit, mensæ sternuntur, aulæ parietes vestiuntur, verum non nisi fucata fercula mensæ inferuntur, ita ut convivæ delusi, tantum abfuit, ut satiarentur, quod etiam majori cum fame à mensa recesserint, quàm accesserint. En convivium mundi, in quo fercula picta, & illusionibus plena. Quid mirum si non extinguunt? Dubitant expositores, quare Lothi uxor de Sodoma egrediens, in statuam salis conversa est? Cur non æris? cur non marmoris? quia res mundi, inquit Cajetanus, naturam falsis imitantur, quæ sitim potius excitant, quàm expleant. Quærent sacri Doctores, cur Salvator noster moritur sitiens? dixit enim, Sitio, cum proximus esset morti. Cyrillus exponit de siti naturali, quæ in Christo Domino patiente maxima fuit; imo fuit unum ex gravissimis tormentis, quæ pertulit. Sitis autem hujus causa fuit, quod ab hora cœnæ nihil biberat, & summis laboribus, ac doloribus afflictus fuerat, qui sunt causa præcipua sitis. Præterea in sanguineo sudore plurimum sanguinis emisit, & in cruce penè omnem. hinc exhaustus fuit, & humidum radicale consumptum, ideo ardentissima siti vexabatur. Quod ut explicaret, dixit, Sitio.

Augustinus intelligit de siti spirituali, quasi diceret; Sitio salutem animarum vestrarum, sitio sanguinem effundere, sitio conferre beneficia. Egregiam, ac prope auream Titi Imperatoris sententiam, refert Plutarchus, Amici hunc diem perdidimus, quia nullum in eo beneficium contulit.

Sueton.
de Tito
cap. 7.

Si

Si homo vermiculus tanto studio optabat beneficia conferre, vt perditum eum diem diceret, in quo beneficia non contulerit, quid mirum, si infinita bonitas Principis supremi dicat, & sapius dicat, Sitio dare, sitio beneficia conferre?

Situs Christi causa. Cyprianus reddens rationem, quare moriens dixit, Sitio, Sitebat, inquit, plura pati. maximus charitatis ignis ardebat in corde Christi, hic autem fecit, ut vestimenta abjiceret, & sitiret. Licet enim multa passus esset, totum tamen ei parum videbatur præ amoris magnitudine, ideo clamat, Sitio, quia cum illius charitas, sine termino esset, optabat etiam labores immensos, & absque limite esse.

Rupertus Abbas, aliam rationem nostræ rei magis consonam in medium profert, ideo Christus moriens dixit, Sitio, ut ostendat, nihil esse in mundo, quod sitim nostram expleat, vita hominis finietur, sed non sitis. Nam licet plurimas dignitates superbus bibat, nunquam dicit, Sufficit, sed semper, plus ultra. siquidem aquæ hujus mundi, non extinguunt sitim. Qui biberit ex hac aqua sitiet iterum. talis autem ratio assignari solet, quia res mundi non permanent, sed trans-eunt, Quæ felicitas in umbris? at res mundi sicut umbra prætereunt, bona vero æterna semper durant, ideo satiant. Satiabor cum apparuerit gloria tua.

1.p. q.2. Siquidem, ut scribit Doctor Angelicus, sola beatitudo cælestis est bonum perfectum, quod taliter quietat appetitum, aliter non esset ultimus finis, si adhuc remaneret aliquid appetendum. objectum autem voluntatis est universale bonum, & hoc bonum universale, non est in ente creato, nisi in Deo solo, in cujus visione consistit nostra beatitudo.

Nec

Nec moveat dictum illud Ioannis, Deum nemo vidit unquam. multas enim explicationes admittit, & quidem pias omnes, & verè catholicas. Prima explicatio est, Deum nemo vidit unquam, nimirum, in hac vita mortali, Non videbit me homo, & vivet. Nec objicias, de Moyse, de Paulo, & de Benedicto, quia isti viderunt divinam essentiam in carne mortali (si tamen viderunt) per modum transeuntis, non permanentis. Secunda explicatio, Deum nemo vidit unquam, intelligitur etiam de Beatis in patria, oculo corporeo, sed bene vident oculo intellectuali. Tertia explicatio, Deum nemo vidit unquam, oculo scilicet comprehensionis, apprehendunt quidem divinam essentiam Beati, sed non comprehendunt, quia solus Deus comprehendit seipsum. Illud enim dicitur comprehendi, quod perfecte cognoscitur, perfecte enim cognoscitur, quod tantum cognoscitur, quantum cognoscibile est, at nullus intellectus creatus potest pertingere ad illam perfectam cognitionem divinæ essentiae, qua cognoscibilis est. Siquidem cum essentia divina sit infinita, infinitè cognoscibilis est, at intellectus creatus non potest illam infinitè cognoscere. Nec etiam anima Christi comprehendit divinam essentiam, licet semper fuerit Verbo unita, cognoscit quidem omnia in Verbo, quæ cognoscit Deus scientia visionis, at non scientia simplicis intelligentiæ. Scientia visionis, est cognoscere omnia quæ fecit Deus, quæ facit, & quæ facturus est. Scientia simplicis intelligentiæ, est cognoscere omnia quæ fuerunt, quæ sunt, & quæ futura sunt, & quæ possent fieri, sed nunquam erunt. hæc cognitio dicitur comprehensio, quæ soli Deo competit. At dubitabit aliquis, & jure, si anima Christi cognoscit omnia

Ioann.
c. i.

D. Th. 3
p. q. 10.
a. i.

Matth. c.
24.

omnia in Verbo, quæ scit Deus scientia visionis, quomodo intelligendum illud, De die illa nemo scit, neque Filius hominis, cum sit articularus fidei, diem iudicii aliquando futurum. Inde venturus est judicare vivos & mortuos. Circa hoc variæ sunt Doctorum expositiones.

D. Th. 3
P. q. 10,
a. 2.

Divus Thomas asserit Filium hominis nescire, non quod verè nesciat, sed quia non facit scire.

Conc.
Trid.
sess. 4.

Origenes exponit de Christo, secundum corpus ejus, quod est Ecclesia, quæ hoc tempus ignorat. Divus Ambrosius, & Divus Hieronymus dicunt, quod illa dictio, neque Filius hominis, addita fuit ab Arrianis, sed non probatur hæc expositio, quia hæc particula habetur in editione vulgata, quæ ex decreto Concilii Tridentini est authentica. certum itaque est, quod Christus cognovit diem iudicii, & ut Deus, & ut homo, quia cognovit omnia, quæ scit Deus, scientia visionis, sed non cognovit, scientia simplicis intelligentiæ, hoc enim esset comprehendere, ad quod nec anima Beati, nec anima Christi potest pertingere. Si autem aliquis objiceret illud Pauli; Sic currite, ut comprehendatis, pro explicatione advertendum, quod comprehensio duobus modis à sacris Theologis consideratur, vel pro cognitione divinæ essentiæ, totaliter & omnibus modis, quibus est cognoscibilis, hoc modo dicimus, solum Deum comprehendere seipsum, quia Beati vident Deum totum, sed non totaliter, vident divinam essentiam infinitam, sed non infinitè. alio modo accipitur comprehensio, pro consecutione ultimi finis, nimirum, quia habent Deum præsentem cum perpetuitate, & securitate, hoc modo Sancti dicuntur comprehensores, quia vident, possident, & tenent Deum, nec unquam dimittent, sic intelligitur illud Pauli; Sic curri-

D. Th. 1.
P. q. 12,
a. 7.

currit
vus P
fuit o
eunt
quia
titia
bis. S
natu
tus,
cur n
tante
cælum
quàm
studic
Quid
spicias
bus no
perge
na in
delic
cisor
ut co
corp
dens
mult
ad ca
rum
Ovid
vi
vi
De
se liga
ut eleg

currite, ut comprehendatis. Quapropter licet Divus Paulus viderit divinam essentiam, non tamen ^{2 Cor.} fuit comprehensor, quia fuit per modum trans-^{c. 9.} euntis. Beati vero jure dicuntur comprehensores, quia habent semper Deum præsentem, & præ lætitia canunt, Gaudium nostrum nemo tollet à nobis. Si igitur, ô homo, divinæ consors factus es naturæ, si ad Regni gloriam cum Angelis vocatus, si ad Imaginem divinæ Majestatis conditus, cur non aliquando agnoscis dignitatem tuam? cur tanto studio curas res viles, res perituras? Cur ad cælum natus, circa terram cor tuum apponis? O quàm melius tecum ageretur, ô homo, si tanto studio animæ salutem quæreres, quanto corporis. Quid enim non præstas, ut corporis salutem prospicias? quas opes non profundis? quibus laboribus non infudas? si ob hoc in longinquas partes, peregrinandum sit, peregrinaris. si corpus diuturna inedia extenuandum sit, extenuas. si à solitis deliciis abstinendum sit, abstines. si ferro, igne, incisionibus opus fuerit, ferrum pateris, & ignes, ut corporis dispendio, majus redimas ejusdem corporis dispendium. Nonne magnæ insanix evidens argumentum, corporis morituri gratia, tam multa præstare, & propter immortalem animam ad cælestem gloriam destinatam, aut nihil, aut parum pati? Hanc dementiam eleganter expressit Ovidius,

Vt corpus redimas, ferrum patieris & ignes,

Arida nec sitiens ora lavabis aqua.

Vt valeas animo, quidquam tolerare negabis?

At pretium pars hæc corpore majus habet.

De Leone animalium Rege legitur, quod finit se ligari, & exiguo filo etiam à puero circumduci, ^{Alciat. embl.} ut eleganter expressit Alciatus; dum currui à leonibus

nibus tracto, puerum aurigam præficit; qui eos, quò libitum erat, dirigebat. at si fortè transeundo respicit fontem aquæ vivæ, & ibi imaginem regiam repræsentari, statim indignatus vincula frangit, puerum dejicit; & rugiens properat ad sylvam. Tu Rex omnium creaturarum, Dei imaginem gerens, cur non fremis? cur non rubore suffunderis? cur non dissolvis vincula colli tui? cur non clamas cum Philosopho morali, Ad majora natus sum, quam ut terræ serviam.

Sueton.
in Aug.

Julia Cæsaris Augusti filia, cum argueretur à patre de superbo amictu, & ipsam enixè rogaret, ut mundum muliebrem nimis pretiosum exueret, audacter respondit; Pater meus oblitus est, se esse Cæsarem, at ego memini me esse Imperatoris filiam, & proinde primam omnium, quæ sunt in mundo Reginarum, quare æquum est, ut quæ sum, exterius quoque demonstrarem. Tu homo, qui summi Imperatoris es filius, ad Regni gloriam destinatus, super omnes creaturas, Angelis exceptis, collocatus, propriæ dignitatis immemor, rebus vilibus deservies? ad æternam gloriam te voco, ad quam natus es, at quid potest commensurari animæ æternæ, nisi æternum? si ergo ad gloriam non morituram creatus es, quid gloriam quæris perituram? Recordare cujus capitis sis membrum, attende ad petram, de qua excisus es, in mentem revoca, cujus Principis sis Imago, sic enim visitans speciem tuam non peccabis. cujus loci duplex est interpretatio, prima est lectionis Hebraicæ, quæ sic habet, Visitans habitaculum tuum non peccabis. ubi per habitaculum, corpus intelligimus, quo anima includitur, cujus si cogitemus misérias, humiliter de nobis sentiemus, non se-cus ac superbus Pavo, qui postquam pulchras ex-

Iob. c. 5.

pandens

pandens alas intumuit, cum ad pedum deformitatem deflectit oculos, mox illas contrahit, ac mœrore languescit. Secunda expositio nostro instituto valde accommodata est doctissimi Lyrani, qui per speciem intelligit pulchritudinem, aded quod sensus erit; Visita speciem tuam, hoc est, considera animæ tuæ dignitatem, in qua Dei relucet imago, tunc non ita humiliter de te iudicabis, ut ad res viles indignè illam dejicias. Recole, ô homo, cujus imaginem geras, Dei nimirum, sic enim affirmant divina oracula; Faciamus hominem ad imaginem nostram. Sed dubitabit quispiam, cur in productione hominis mutatus est loquendi modus? primò enim dictum fuit, Fiat, postea dicitur, Faciamus. quid est hoc? Respondet Augustinus super Genesim, non in hoc præminet homo aliis rebus; quod Deus fecit ipsum hominem, quasi alia ipse non fecerit, cum scriptum sit; Opera manuum tuarum sunt cæli. sed in hoc, quod ad imaginem Dei factus est homo, utitur tamen Scriptura in productione hominis speciali modo loquendi, ad ostendendum, quod alia propter hominem facta sunt, ea autem quæ principaliter intendimus, majori cum studio effecimus. Nec intelligendum est, Deum Angelis dixisse, Faciamus hominem, sed hoc dicitur ad significandam pluralitatem divinarum personarum, quarum imago expressius invenitur in homine. dixit ergo, Faciamus, quasi in formatione hominis Deus advocaret divinarum Personarum consilium. tantæ molis erat humanam condere gentem. Hanc hominis præstantiam non ignorabat Cicero dicens: Qui se ipsum novit, sentit se habere aliquid divinum. Huic rei de qua agimus, appositè facit exemplum, quod narrat Plinius de Rege Demetrio; is enim opulen-

D. Th. I
p. q. 91.
art. 4.

Alex. 2
p. qu. 55.
memb.

2.

Lib. 2 de
legibus.

pulentam urbem Rhodum, obsidione dum premeret, monitus à militibus, urbem capi non posse, nisi templum, in quo Protogenis inclyti pictoris erat imago, incendio immisso, corrueret, protinus obsidionem amovit, majus arbitrans incommodum, tam præclaram excellentis viri statuum comburi, quam optato victoriæ triumpho privari. si ergo Demetrius inane unius hominis simulachrum tanti faciendum judicavit, quanti, quæso, sempiternæ divinitatis Imaginem, quam animo habemus inclusam, æstimare debemus? O maximum dementiæ genus, pro umbris, & figmentis solida & vera bona negligere! Pulchrè hujusmodi homines insipientes cani comparantur, quem moralis Philosophus in suis apologis fingit flumen transeuntem, qui portans in ore magnum carnis frustum, mox videns subter aquam, umbram ipsum, putansque illud quod apparebat in aqua grandius esse, dimisit verum, ut apprehenderet fictum, unde contigit, ut utroque fuerit destitutus.

Refert Plutarchus in vita Periclis, Cæsarem, cum exterarum gentium legatos Romæ obambulantem cerneret, & catellos brachiis foventes, interrogasse, num mulieres apud illos liberos parerent? quasi ineptiam illorum argueret, quod amorem pueris debitum, bestiis adaptarent. O quantis lachrymarum imbribus, calamitatem hanc deplorabat Vates Regius; Homo, (suspiciens ajebar) cum in honore esset, non intellexit, comparatus est jumentis insipientibus, & similis factus est illis. siquidem quemadmodum bestia nihil amant, nihil quærunt, nihil volunt, nisi bona hæc sensibilia, quia aliorum bonorum capaces non sunt, sic homines, culpa sua, in conditionem bestiarum

stiarum
petur
ter
& m
meti
ut h
lere
Quo
para
bere
tion
crim
nus,
tim
suspe
sylv
mal
putab
spect
Heli
rior

stiarum transferunt, nihil enim cogitant, nihil expectunt, nihil sapiunt, nisi terrena, quasi sine spe alterius vitæ viventes, veluti pecudes omnia bona, & mala ex utilitate, & ex detrimento corporis metientes, & quæ, rogo, major calamitas, quam ut homo baptizatus, qui supra Angelos sese attollere potest, in gradum bestiarum sese deiciat? Quod expendens Gregorius dixit; Pejus est comparari, quam nasci, quoniam naturaliter non habere rationem, tolerabile est, hominem vero ratione decoratum, irrationabili naturæ comparari, crimen est voluntatis. O quam pulchrè Tertullianus, Video hederas, quantum velis premas, statim ad superna conari, video illas, nullo præeunte suspendi, quod malint parietibus inveli textili sylva, quam humi teri voluntaria injuria. Tu animal ad sublimia natum, humi reptare pulchrum putabis? cælum, cælum potius inspicere, ad cujus spectaculum te excitavit Deus, & pro stemmate Helitropium gerens, audacter clama, Non inferiora sequar.

Os sublime datum? Mentem quoque dirige sursum,

Si ad cælum natus, calica Regna pete.

Quid tibi cum brutis, supremi Regis Imago?

Terram terra colat, spiritus astra petat.

CAPVT XIX.

*Facilis & benignus ad Principem pateat accessus,
& omnes gentes magnificabunt eum.*

Luc. c.
18.



IVINVM oraculum ab historico Evangelico relatum vobis propono, Principes, imitandum. Stans autem Iesus iussit cæcum adduci ad se. Hinc enim facile intelligetis, præcipuum munus Principis esse, aures

benignas auxilium implorantibus præbere, eorum lites non protrahere, jus suum unicuique reddere, populi salutem totis viribus procurare, etiam æraria exhauriendo, etiam proprias divitias, etiam sanguinem effundendo, si res expostulasset. Licet enim servi sint subditi, homines tamen sunt, licet servi sint, humiles tamen amici sunt. Nec obstat axioma Aristotelis, Domini ad servum non est amicitia, quia sic intelligitur, non est amicitia secundum quod servus, sed secundum quod homo; nam secundum quod servus, dissimilis est ei, ut autem homo, similis. At si similis, benignus esse debet, juxta illud adagium, Homo homini Deus. Quod quia Principibus, ad Imperium ritè administrandum plurimum conducit, proinde non erit absolum, si ejus rei quædam singularia, nec omnibus passim obvia, proferemus exempla.

Sen. ep.
47.

Arist. li. 8
ethic.

Xiphili-
nus ex
Dione
in Adria-
no Im-
per.

Cum Adriano Imperatori mulier occurrisset in via, ab eoque, ut se audiret, contenderet, primo quidem sibi esse otium negavit, ubi tamen mulier ita exclamare cœpit; Noli ergo regnare, mox conversus libenter eam audivit.

Nec Demetrii exemplum silentio obvolvendum

dum, de quo ita Plutarchus. Obtundente aliquando Demetrium anu in transitu, & crebrius flagitante audientiam, ait Rex, tunc temporis sibi non vacare, quæ cum exclamaret; Noli ergo Rex esse, graviter hoc dicto stimulatus, & rem tacitus considerans, statim domum rediit, omniaque postmittens, exorsus ab illa anu, per multos dies vacavit.

Plut. to.
3 vitar.
in Demetrio.

Idem prorsus de Philippo Alexandri patre scribit historicus, Anus quædam inops, ait, sæpenu-mero petiverat, ut causam suam disceptaret, at respondente Philippo, non vacare sibi, confestim subiecit mulier; Noli ergo regnare. Quod ille dictum admirans, non illam modo, sed & alios statim audivit.

Plut. to.
2, opusc.
de Phil.

Quid dicam de Artaxerxe Cyri minoris fratre? hic non tantum compellantibus liberalissimè vacabat, sed & uxori suæ jubebat, ut pilenti aulæ dimoveret, quò posset ab iis, qui vellent, compellari in via.

Plut. to.
1, opusc.
de Artax.

De Cneo Pompejo, Romanæ eloquentiæ parens ita scribit. Adeo facilis aditus ad eum, ita libera querimonia de aliorum injuriis esse dicuntur, ut is, qui dignitate Principibus excellit, facilitate par infans esse videatur.

Cicer. orat. pro
l. Manilia.

Sed quid? Nonne de Octavio Augusto scribit Suetonius, quod promiscuis salutationibus admitterebat & plebem? quin tanta comitate adeuntium desideria excipiebat, ut quemdam joco corripuerit, quod sic sibi libellum porrigere dubitaret, quasi elephantum stipem. hoc est, non sine metu. molestum autem erat ei, timeri.

Sueton.
in Oct.
Aug. c. 3.

Quis pro dignitate celebrabit Vespasianum Imperatorem, summis laudibus ad sidera usque extollendum? Hunc enim etiam è morbo decum-

bentem, legatos admisisse, & audisse accepimus, ut ostenderet, Principes, omni prorsus hora paratos esse debere, subditorum necessitatibus audiendis. dicebatque familiaribus, Imperatorem stantem mori oportet. bene in hanc rem Divus Bonaventura, Subditi facilem accessum ad præfulem habeant, patienter eos audiat, benignè eis satisficiat, studeat magis amari, quàm timeri, quia libentius obeditur illi, qui diligitur, quam qui timetur.

Hoc probè noverat Rudolphus Imperator, Austriaci sanguinis decus, & ornamentum, hic cum intelligeret, purpuratos, & aulæ regiæ primarios, ab ejus congressu, tenuiores arcere, dignam suo genere vocem edidit. Sinite homines ad me venire, neque ideo Imperator sum, ut arcula includar, dignissima vox Imperatore Austriaco.

Nec minori laude dignus, Princeps ille piissimus, qui ut omnibus pateret, querelas auditurus, duobus hebdomadæ certis diebus in loco publico confidebat, duos secum insignes habens viros, quibus illud sæpè dictitabat, sanè memorabile, Si nobis, qui homines sumus, licet ad Deum accedere absque ullo intercessore, quomodo non etiam id licebit conservis nostris ad nos? ô vox Christiano Principe digna.

Quid dicam de Trajano Imperatore, præclaro pietatis exemplo? hic cum profecturus ad bellum, jam equum conscendisset, vidua quædam occurrit suspirans, plorans, altaque voce clamans, Filius meus (ô Rex) te regnante interfectus est. mox apprehenso pede illius, dixit: Obsecro domine, ut quia cum mihi reddere non vales, sanguinem ejus saltem vindicare digneris. Ego, ait ille, satisficiam tibi, cum rediero, quod si non redieris, ait illa,

Vinc.
Beluac.
spec. hi-
stor. lib.
p. c. 46.

illa, quæ
perato
sciam
si alius
tientit
berab
justiti
recipi
janus
desce
condi
Princ
quo P
tas, m
admit
Qui
pius, q
omnes
dit, 7
quale
merit
Hi
homi
qui h
cium,
quebe
ni & j
Rege
per te
negot
ret ad
manu
facieb
cium,
viror

illa, quis mihi præstabit? Successor meus, ait Imperator, satisfaciet tibi. at illa, Quomodo hoc sciam? quod etsi facturus est; quid tibi proderit, si alius benefecerit? Successor tuus injuriam patientibus, vel passuris, pro se tenebitur, te non liberabit justitia aliena. nonne melius tibi est, ut tu justitiam mihi facias, & pro hoc mercedem tuam recipias, quam alteri hanc transmittas? Tunc Trajanus ratione pariter, pietateque commotus, equo descendit, & causam viduæ diligenter examinans, condigna satisfactione viduam consolatus est. O Principem perpetuis encomiis celebrandum, de quo Plinius ita scribit, Nulla in audiendo difficultas, nulla in respondendo mora, audiuntur statim, admittuntur statim.

Quid? de hoc etiam Principe, refert Eutropius, quod culpantibus amicis, quia nimis circa omnes communis esset, & facilis, benignè respondit, Talem se velle esse Imperatorem privatis, qualem Imperatorem privatus optasset. Hinc merito acclamatum est, Bonitas Trajani.

His artibus Absalon Princeps furabatur corda hominum, ait enim sacer textus, Omnem virum, qui habebat negotium, ut veniret ad Regis judicium, vocabat Absalon ad se, & familiariter alloquebatur dicens: Videntur mihi sermones tui boni & justi, sed non est qui te audiat, constitutus à Rege, dicebatque, Quis me constituat judicem super terram, ut ad me veniant omnes, qui habent negotium, & justè judicem? sed & cum accederet ad eum homo, ut salutarer illum, extendebat manum suam, & apprehendens, osculabatur eum, faciebatque hoc omni Israel venienti ad judicium, ut audiretur à Rege, & sollicitabat corda virorum. Beneyolentia enim populorum (dicebat Rex

Eutrop.
rerum
Rom.
lib. 8.

Lib. 2.
Reg.
c. 15.

Rex Antigonus) est optimum Regni fundamentum, & unicum rerum gerendarum præsidium.

Luc.c.5. Discant itaque Principes à supremo omnium Regum Monarcha, de quo Apostoli acclamabant, Turbæ te comprimunt. Quo ex loco apertè colligitur, Dei filium non habuisse janitores, qui accedentes ad eum impedirent, contra plurimos Principes, qui inaccessibiles se reddunt; perinde, ac si essent res, quæ non solum usu, sed & visu consumerentur. Servandus tamen omnino est modus à lege præscriptus, quæ sic præcipit, Observandum est jus reddenti, ut in adeundo quidem facilem se præbeat, ita tamen quod non patiatur contemni.

l. obser.
dig.de
offic.
præsid.

Aures sponte tuas miserris poscentibus offer.

Omnibusesto pius, omnibus asser opem.

Sic populus charus, sic Regni firma potestas.

Sic tibi summa quies, fama perennis erit.

Templa patent cunctis, omnes ut Numen adorent.

Regia si pateat, numinis instar eris.

C A P V T XX.

*Importunos delatores non facile audiat Princeps,
nec admittat, & erit in pace Regnum ejus.*



Plato li.
de Re-
pub.

ELATORIBVS non facilem aditum præbeat Princeps. sic præscribit divinus Plato, & quidem pulchrè. Intelligebat, nimirum vir sapiens, nimia delationum facilitate, ingentem campum calumniis aperiri, calumniis autem innocentiam exterminari, ac demum omnia confundi, ac perturbari. rogatus

gatus Apollonius à Rege Babylonix, qua ratione
 quietus in suo principatu perduraret? Si, inquit,
 paucis fidem adhibueris, nulla enim major Regi-
 bus perniciēs impenderet, quam cum delatoribus fa-
 cilem ad se aditum præbeat. Non tamen accusatio-
 nes omnino rejiciendæ, nec omnibus abroganda
 fides. utrumque enim, ut ait Seneca, in vitio est,
 & omnibus credere, & nulli. sed magna est adhi-
 benda cautio, ne aures Principis seducantur. Hic
 est enim nervus Imperii, non temerè credere,
 quoniam pro rectè administrando Regno om-
 nibus fidem præstare, fatuitatis est; nulli, per-
 tinaciæ; benè autem consulenti ambas aures a-
 perire, summa prudentia est. Cæterum, quia
 frons, oculi, vultus persapè mentiuntur, & ora-
 tio sapissimè, nec facile est, insidias artificiosè
 compositas primo congressu dijudicare; proinde
 summo studio invigilandum. siquidem, quot ho-
 mines experimur, verba melle dulciora proferen-
 tes, qui tamen incautos miserè decipiunt? Annales
 Taciti evolvamus, & Sejanum scelestissimum
 hominum reperiemus, pro optimo, fidelissimoque
 habitum à Tiberio, de quo sic historicus, Et quam-
 quam exitiosa suaderet, ut non fui anxius, cum fi-
 de audiebatur. Vetus erat adagium, Homo homi-
 ni Deus. non multo post; Homo homini lupus. at
 nostra hac tēpestare; Homo homini hamus. est lu-
 pus, non inficior, bellua ferox, & seva nimis, verum
 si te eminus aspiciat, aliquando in fugam conver-
 titur, si cominus, spiculo transverberatur. At quis
 est tam lynceus, qui hamum esca opertum digno-
 scat, ab illoque semper caveat? Quis, inquam, tam
 prudens, qui hominis insidias dulci sermone obvo-
 lutas, subterfugere sciat? Vtinam tam facile esset
 præstare, quam est simulare bonitatem. Proinde

Corn.
 Tac. lib.
 4. annal.

Lactan.
lib. de
vero
cultu
c. 6.

monendi sunt Principes, ut cautè delatores audiant, aures omnibus præbeant, non etiam fidem, illud adagium præ oculis habentes,

Pelle sub agnina, latet mens sape lupina.

Nam multi ipse, aut odio, vana deferunt, & aures Principum phalerata oratione ita præoccupare solent, innocentes criminando, ut difficillimum sit, ex præcordiis illorum evellere, quod falsus criminator infixit. Quam aptè Regius Vates delatores impios comparat serpentibus, Acuerunt linguas suas sicut serpentes. in tribus consistit similitudo, in cibo, in morsu, in lingua. quis cibus serpentis? terra. Terram comedes. qui cibus detrahentis? proximi peccatum. sic peccatorem appellat David, nimirum, terram & pulverem, Non sic impij, non sic, sed tanquam pulvis quem projicit ventus à facie terræ. serpentes, quos mordent, veneno inficiunt, præsertim aspides, sic affirmante Vate Regio; Venenum aspidum insanabile. detrahentis morsus insanabilis, quia sagittæ instar penetrat, Dentes eorum arma & sagittæ. facili negotio ingreditur sagitta, sed in extrahendo illam, hoc opus, hic labor. pulchrè Bernardus, Levis est sermo, quia leviter volat, sed non leviter vulnerat; leviter ingreditur, sed non leviter removetur. Proinde Sapiens dicebat; Verba bilinguis, quasi simplicia, & ipsa perveniunt usque ad interiora ventris. hinc Propheta comparabat detractores carbonibus, quia, aut comburunt, aut inficiunt; Sagittæ potentis acutæ cum carbonibus desolatorijs. Hieronymus ex Hebræo legit, cum carbonibus juniperorum. isti aded inficiunt, & denigrant, ut vix possit deleri nigredo,

*Quem semel horrendis maculis infamia nigrat,
Ad bene tergendum multa laborat aqua.*

Quinque

Prov.
c. 8.

Qu
Plin
triful
tior,
lis, q
Dei,
lam a
incur
surpa
Dei;
ris, q
omne
oracu
cipien
tis in
medici
& incli
modo
tera,
quæ v
tem fi
impij
parci
sine le
cum,
peccat
nulli p
nec ma
vis, ne
parata
interfi
delato
bolico
tor? ut
quacun

Quinque conditiones linguæ serpentis affert
 Plinius; subtilis, attricoloris, perlonga, vibrans,
 trifulca. Lingua detrahentium, omni gladio acu-
 tior, lingua eorum gladius acutus, & adeò subti-
 lis, quod intimas cogitationes hominum, instar
 Dei, auder penetrare. O improbe, an nescis regu-
 lam apud legistas, qui iudicat in alieno territorio,
 incurrit crimen læsæ majestatis, quia est vitium u-
 surpatæ jurisdictionis? hoc est munus proprium
 Dei; solus enim Deus scrutatur corda. attri colo-
 ris. quia detractor, utpote, quia malus & niger, Rom.
c. 8.
 omnes alios iudicat esse malos, juxta Philosophi
 oraculum, Omne quod recipitur, per modum re-
 cipientis recipitur. & Sapiens dicebat; Cor sapien-
 tis in dextera ejus, cor fatui in sinistra. scribunt Eccl. c.
10.
 medici, quod cor situatum est in medio pectoris,
 & inclinatur in sinistram, & hoc in omnibus; quo-
 modo igitur dicit Salomon, cor sapientis in dex-
 tera, & cor fatui in sinistra? quia fatuus omnia
 quæ videt perperam iudicat, & ad sinistram par-
 tem flectitur. perlonga est lingua serpentis, lingua
 impii delatoris longa, quia omnes attingit, nemini
 parcit; idè vitium detractionis dicitur peccatum
 sine lege. dixit Angelus ad Isaiam quondam auli-
 cum, Peccatum tuum mundabitur. Hebræus legit,
 peccatum tuum sine lege. sed quomodo? quia
 nulli parcit, nec amicis, nec inimicis, nec bonis,
 nec malis, nec præsentibus, nec absentibus, nec vi-
 vis, nec mortuis. vibrans. hoc est, ad feriendum
 parata. trifulca. quia lingua delatoris iniqui, tres
 interficit ictu uno. sed quid? non solum impius
 delator est similis serpenti naturali, sed etiam dia-
 bolico. Quis enim fuit primus detractionis inven-
 tor? utriusque diabolus. Scit Deus, dicebat, quia in
 quacumque hora comederitis aperientur oculi
 vestri. Gen. c. 1.

- vestri. hinc in oraculis divinis hoc vitium dicitur
 1 Tim. diabolicum. Paulus namque enumerans conditio-
 c. 3. nes sanctarum mulierum, dixit; Non detrahentes.
 Psal. 40. lectio Græca habet; Non diabolicas. sic David;
 Verbum iniquum constituerunt adversum me.
 Hieronymus exponit, verbum diaboli. Quid igitur,
 ô Princeps? non libenter audias, sed sepi aures
 tuas spinis, sic particeps peccati non eris. ita
 Psal. 14. volebat innuere David; Domine quis habitabit
 in tabernaculo tuo? qui loquitur veritatem, &
 qui opprobrium non accepit adversus proximum
 suum. D. Hieronymus ex Hebræo vertit; Et opprobrium
 non sustinuit adversus proximos suos.
 Prov. Dubitat Bernardus, quis magis delinquit? qui lo-
 c. 25. quitur, an qui audit? nodum solvit dicens: Qui
 murmurat habet diabolum in lingua, qui autem
 libenter audit, habet diabolum in aure, quia si vul-
 tum subtristem, imò iratum exponeret, statim
 vox detractoris faucibus hærebit. Ventus aquilo,
 dicebat Sapiens, dissipat pluvias, & facies tristis
 Prov. linguam detrahentem. audi consilium Salomonis
 c. 4. Regis sapientissimi; Remove à te os pravum, &
 detrahentia labia sunt procul à te. propterea pruden-
 ter admonerat divus Augustinus,

Quisquis amat dictis absentum rodere vitam,

Hanc mensam vetitam noverit esse sibi.

Nec valet, cognita causa, facti aliquando pœnitere, tum quia res nunquam in integrum redit, tum etiam quia in viro sapiente nihil turpius, quàm dicere, Non putaram. Cum itaque delator sese offert, vires tuas collige (ô Princeps) insidiosum aliquid suspicare, alteram aurem absenti claude. ita consueverat Alexander Magnus, qui in audiendis causis, quamdiu diceret accusator, aurem alteram manu occludebat, quæ reo illi-

bata

bata servaretur, alteram tantum porrigebat accusatori. Huc pulchre facit, quod scribit Amianus, de quodam Cephido accusatore acerrimo, qui apud Iulianum Imperatorem accusabat Numerium furti. Cum autem objecta diluerentur, tunc accusator ira percitus, exclamavit, Et quis nocens poterit esse unquam, si negare sufficiet? Tunc Iulianus, Et quis innocens esse poterit, si accusare sufficiet? Exemplum supremi Principis ante oculos tibi constitue, ille enim non contentus clamore, qui usque ad astra pervenerat, descendit, ut videret. sic divina narrat historia, Descendam, & videbo, utrum clamorem, qui venit ad me, opere compleverint. ignorabatnè Deus, omnia perlustrans, istorum scelera, ut videre opus foret? non ita quidem, sed eo factum fuit, ut Principibus daretur exemplum, nè in iudicando præcipientes ruant, sed audita, relataque exactè discutiant. siquidem in primo statim congressu patulas aures calumniantibus aperire, non solum est indignum viro, sed etiam à justitia valde alienum. Quoniam nimia credulitas Principis, sæpè est calamitas innocentis.

Amian.
Marcell.
lib. 18.

Gen. c.
18.

Omnibus haud credas, sed tantum vera loquenti,

Sapius innocuo lingua dolosa nocet.

Regia (crede mihi) res est, non credere cunctis;

Rara fides hominum, semper in ore dolus.

CAPVT XXI.

Adulatores tanquam Regni corruptores, abhorreat Princeps. Et erit nomen ejus gloriosum.



PRINCIPVM Regiis, quàm perniciosi sint adulatores, satis facile colligi potest ex Tigra-
ne Ponti Rege, qui in primordio sui principatus, erga omnes mitis, ac placidus fuit, sed brevi temporis intervallo, vanis, & variis adulationibus illectus, non acerbus modo, & durus, verum crudelis, & penitus intolerabilis evasit, adeo quod, illius mores, Græci omnes execrarentur, nec eum ullo pacto ferre possent. Quin ed superbiæ, & amentię devenit, ut graviter contra L. Lucillum indignatus sit, quod eum Regem tantum, non autem Regem Regum per epistolam salutasset. Cur autem miser iste Princeps, ad tantam ruit dementiam? quia aures nimium faciles præbuit adulatoribus, à quibus ficta pro veris plerumque audiuntur. Quid Domitianum Imperatorem ad tantam stultitiam perduxit, ut fastu plenus, divinum sibi honorem fieri imperaverit? Quid Maximinum impulit, ut Romanis Senatoribus suos pedes osculandos præberet? Quid Demetrium fascinavit, ut divinum honorem affectans, legatos Atheniensium, biennium apud se detinuerit? Cur Rex Chaldæorum, ad tantam ruit insaniam, ut in aurea statua effigiem suam populo præberet adorandam? omnes, omnes ex fœdo adulationis fonte potarunt. In

Sen. li. 2, initio Imperii sui clementissimus fuit Domitius de clem. Nero, de ipso enim refert Seneca, quod cum c. 1.

appre-

apprehendisset calamum, ut quosdam damnaret delinquentes, jam morti addictos, cum lachrymis exclamavit, Vtinam litteras nescirem. vox Principe digna. At quomodo ad tanta facinora devenit, horrendum scævitiæ portentum? vide annales Taciti, & intelliges, quanta incommoda afferat Principibus fœdissima adulatio. dicat, dicat Xerxes in quot mala inciderit nimia adulatione corruptus. Hic vana elatione tumens, bellum Græciæ indixit, tunc hominem jam furentem variis adulationibus familiares impellunt, alius enim dicebat, Græcos ad primam adventus famam terga versuros. alius, tanta mole militum non solum vinci Græcia, sed obrui posset. alius, vix rerum naturam sufficere. sed quid? tandem superatus Xerxes, intellexit quàm sit perniciofa Principibus pestifera adulatio. Hanc scævissimam pestem abominabatur Iulius Cæsar, quod multis declaratur argumentis, & in primis, cum ex Alba Romam rediret, dum complures obvii eum sublatiis vocibus regem salutarent, indignatus ille exclamavit, Non se Regem, sed Cæsarem vocari; quin cum honores humanis majores, ex Senatus consulto ei deferrentur, id iniquo animo tulit, dixitque, Referte reliquis Senatoribus, minuendos potius esse honores, qui mortalibus exhibentur, quàm augendos. Cum etiam aliquando lupercalia spectaret, Consul Antonius lauream coronam Cæsari imponere voluit, at ille mox eam rejecit, sed cum rursus offerret, jussit in Capitolium eam deferri, ut ostenderet Iovem Regem, non Cæsarem coronandum esse.

Quid de Tiberio Imperatore? nonnè adulationes abhorruit? Cum enim à quodam, dominus

Sueton.
in vita
Tib. cap.
27.

Diodor.
lib. 57
histor.
Rom.
Tac. li. I
annal.

appellaretur, tanquam injuria affectus egre ferens; Nolo, inquit, honorem, qui humanitatis fastigium transcendat, at Dominum vocari, soli Deo convenit. & statim, publico decreto vetuit, ne quis eum dominum appellaret. neque (ut scribit Diodorus) ullum templum sibi proprium extrui passus est. Et tandem nomen patris patriæ à Senatu sibi oblatum, totis viribus, ut tradit Tacitus, recusavit.

Hoc etiam titulo laudandus Carolus Quintus Imperator invictissimus, hic enim dum esset in tentoriis, audiens nuntium barbarum, Regem suum vocitantem, Dominum dominorum, justo furore excandescens, dixit: Turpiter mentiris impie, quoniam hoc nomen solius Dei proprium est. sic attestante Romana Ecclesia, Quoniam tu solus Sanctus, tu solus Dominus. siquidem omnes monarchæ, Dei comparatione, non Domini, sed vicedomini appellandi sunt. Hinc enodatur quæsitum illud non contemnendum, quare in officio divino lectiones dicturi, petunt benedictionem, dicentes: Iube domne benedicere, per syncopam; non, jube domine? quia solus Deus est absolute Dominus, cui merito decantandum Davidicum illud elogium, Domini est terra, & plenitudo ejus, orbis terrarum, & qui habitant in eo. proinde illi soli debetur pleno jure nomen Domini non syncopatum, reliqui vero Principes, non domini, sed diminuti domini, appellari debent. ut sapienter decrevit Imperator Tiberius, pro vitanda & vetanda adulationis nota.

Dignus obelisco Pascenius, qui adulatores, indecoros, & inglorios, tanquam propriæ vitæ infidiatores, ex aula eliminavit. Cum enim quidam Imperatori, recens constituto, panegyricum recitare

*Iube Domne benedicere
Cui n' Domine?*

tare v
Scrib
optim
imite
cipes
N
magi
dri R
tatis
Alex
defun
ur co
lectur
nimin
quiqu
Iloc
nullan
Princi
nuos
virtu
soleb
terqu
lus eo
tergo
perit
errat
pere
ipfi C
quide
dign
rabile
lium
mus,
positi
pus m

rare vellet, adulatoria verba ægre ferens dixit: Scribe laudes Marii, Annibalis, vel alterius ducis optimè functi, & narra, quid ille fecerit, ut nos imitemur, nam laudare viventes, irrisio est, Principes præcipuè, à quibus speratur.

Nec silentio involvendus Alexander semper Strabo
lib. 5. magnus, cum enim Onosicrates, laudes Alexandri Regis conscripssset, sed adulationis, & falsitatis plenas, Alexandroque præsentaret, tunc, ait Alexander; O quàm cuperem Onosicrates, cum defunctus essem, ad modicum tempus reviviscere, ut cognoscerem quo animo, posteri scripta hæc lecturi essent; minimè mireris, si nunc illa laudant, nimirum, quia hac quasi quadam inescatione, unusquisque benevolentiam expiscaturum se sperat.

Ilocrates vir sapientia & eloquentia insignis, nullam pestem esse dicebat magis perniciosam Principibus, adulatorem. Corruptit enim ingenuos mores, cum semper mentiatur, & vitia pro virtutibus extollat. Proinde Carneades dicere solebat Principum filios nihil recte discere, præterquam equitare, quod his omnes adulentur, solus equus non curans, Regem gerat, an privatum, tergo excutit quemlibet, qui equitandi fuerit imperitus. Hinc est quod haud facile Principes ab erratis recedunt, quod nemo audeat illos corrumpere, nedum leniter admonere. Quin vix audent ipsi Confessarii nudam aperire veritatem. Quod quidem turpe, & inglorium, imo gravi supplicio dignum. Et huc apposite facit exemplum memorabile cujusdam potentis, quod utinam mortaliū cordibus infigatur. Hic igitur morti proximus, accersito notario, qui voluntatis suæ dispositionem scriberet, inter cætera dixit; Corpus meum terræ detur, ex qua sumptum fuit,

anima verò dæmonibus tradatur, quia eorum est. Stupentibus omnibus præ horrore, & scribere recusantibus, rabie plenus repetiit. anima mea dæmonibus detur, insuper anima uxoris meæ, & animæ filiorum meorum, & anima Confessarii mei. mea quidem, quia aliena rapui, & retinui. anima uxoris, quia ad id me invitavit; filiorum, quia ut eos locupletarem, aliena furripui; anima Confessoris, quia debite non me absolvit, nec unquam corripuit. Et hæc loquens animam exhalavit. Ecce multorum potentium damnatio, quia ipsorum aures; nec veritas, nec correctio pertingit. hinc Carneades dicebat: Vis scire, cujus rei inopia laborant magna fastigia? & quid omnia possidentibus, desit? ille, qui verum dicat. imò pro quodam miraculo habetur, quod Principes respiciant, ita innuere videtur divinum illud oraculum. Ecce Magi ab oriente veniunt. hoc enim adverbium admirandi, vix unquam in sacris literis usurpatur, quin novi semper aliquid portendat. Cum ergo dicitur, Ecce Magi. prodigia, paradoxa, res novas, & planè admirandas insinuat. Est enim quasi prodigium, principantes ad cælestia converti, cum non habeant, qui eos ad viam salutis alliciant. habent quidem adstantem applaudentium turbam, qui illos nimium belle sibi placentes, pertrahunt in præceps. Asperum quidem primo intuitu bonus Consiliarius tibi aliquando propinat, sed cum divinæ legi consentaneum sit, non debes respuere, sed eorum exempla tibi proponere debes, qui cum speciosiora suadentibus accessissent, dulci adulationis veneno epoto periere, pereuntque in dies funditus. Davidis optimi Principis consilium sequere, ô Princeps, qui malebat à viro justo corripì, quàm ab impro-

Sen. de
benef. li.
6. c. 30.

Matth. c.
2.

Tac. li. 1.

impro
Verè
cum
supra
roga
rat fi
cui c
diffe
Rex.
enim
verb
ut an
tim,
ritate
erit ab
hæc n
& sua
fom
gum
aure
cant
inco
adu
& f
ceps
ros
deb
Pro
In
ses
lato
cap
mag
ca m
blan

improbis unguento simulatæ adulationis deliniri. Verè laudandus Philippus Macedonum Rex, qui cum quorundam captivorum spectator esset, veste supra genua collecta sedebat, unus captivorum rogavit, ut eum liberare vellet, qui amici ejus fuerat filius; petiit Philippus, ut nomen exprimeret, cui cum captivus ipsi soli, se id dicturum respondisset, vicinior factus hoc unum dixit, Vestem, ô Rex, quam supra genua collegisti, demitte, neque enim ita sedendo, decorem Regium servas; quo verbo audito, Philippus statim vestem demisit, & ut amicæ admonitioni gratus esset, captivum statim, ut amicum liberavit. en bonus Princeps veritatem non abhorruit, sed libenter audit. Nec erit abs re, illos Sirenibus comparare, siquidem hæc monstra marina faciem habent muliebrem, & suaviter concinunt, sed nautas auscultantes in somnum inducunt, sopitosque in mare demergunt. Quod intelligens Vlysses, suas, ac sociorum aures, cera obturavit, nè incauti illos Sirenum cantus exaudirent, & ipse navis malo adstrictus, incolumis periculum evasit. ita planè, qui aures adulatoribus aperiunt, in vitiis suis consopiantur, & sopiti in mare iniquitatis demerguntur. Princeps igitur, & gloriæ, & salutis memor, mortiferos blandientium applausus, Vlyssis instar, surda debet aure pertransire, frequenter inclamando, Procul procul abite profani.

Ingens hoc periculum intelligebant Athenienses suarum legum observantissimi, proindè adulatores tanquam acerbissimos reipublicæ hostes, capitali afficiebant supplicio. Legimus enim Timagoram scdum Darii adulatorem, ab illis publica morte mulctatum, nè unius civis mollissimis blanditiis, tota civitas inficeretur.

Pythag.
apud
Stobæ-
um.

Isa. c. 5.

Quapropter præclare docuit Diogenes ille Cy-
nicus, periculosius esse incidere in adulatorem,
quàm in corvos, isti enim cadaveribus insidiantur,
illi autem, homini etiam supersiti, oculos
misere effodiunt. Siquidem veritatem, humanæ
vitæ oculum, à cordibus Principum tollere nituntur,
quibus, instar meretricum, præter iudicium,
& mentem, omnia precantur. nec desideriis fraudantur,
quia Princeps falsa applaudentium laude
delinitus, usque eo insanit, ut præ se omnes despiciat,
arbitreturque, se solum egregie loqui in hominum cœtu,
cum vix tria verba connectere sciat, seque solum pugnare, & vincere, cum in pace sit Leo,
in prælio Cervus. En miseranda perniciēs, ex pessimis adulatoribus emergens,
qui homines extra se rapiunt, populisque ludibrio exhibent.
De quibus apposite Evangelicus propheta. Væ qui dicitis bonum malum, & malum bonum,
lucem tenebras, & tenebras lucem, qui ex eodem ore calidum, & frigidum efflant;
ut ait adagium, natum ex apologo quodam satis noto, sed quia ad rem præsentem facit,
non erit absolum recensere.

Satyrus quidam cum vehementer algeret, hi-
berno tempore supra modum sæviente, à rustico quodam inductus est in hospitium,
admiratus autem, cur homo inflaret in manus ori admotas, rogavit,
cur ita faceret? respondit ille, ut frigidam manus halitus tepore calefaciam,
deinde ubi extracto foco, apposita mensa, in pul-
tem servidam rursus inflaret, magis etiam admiratus, denud postulat,
Quid hoc sibi vellet? ut pul-
tem, inquit, nimium ferventem, halitu refrigerem.
Tum Satyrus furgens à mensa, quid ego audio, inquit?
tu nè eodem ex ore, pariter calidum, & frigidum

frigidum efflas? Valebis. neque enim mihi ratio est, cum ejusmodi homine, commune habere honestum. Quis compos mentis non videt, hunc apologum adulatoribus satis aptè accommodari? isti enim bilingues & mendaces, virum strenuum omni laude dignum, ad ima usque deprimunt, & hominem omnino ignavum, extollunt ad sidera. Ecquid turpius unquam dici potest, quàm hominem vitiorum mancipium, virtutum exemplar nominari? hominem ignavum, natum consumere fruges, parentis patriæ nomine cohonestari? Deum immortalem, quis seipsum adeo ignorat, ut cum artis bellicæ sit omnino ignarus, æquo animo illos audire queat, qui strenuum, ac fortissimum Ducem prædicent, admirentur, ac aliis cunctis præferant? Quonam pacto perpeti potest quispiam, se Achillem vocitari, cum vilis Therfites, & telluris inutile pondus, ab omnibus passim existimetur, & re vera existat? Non possunt viri graves, ficta, ac simulata de se dici animadvertentes, non iniquo animo ferre. Proinde Isocrates Regem suum monebat, ut omnes illos evitaret, qui laudant quæcumque fecerit, illis autem obtemperaret, qui non fortunam, sed personam metientes, ejus errata placidè, ac sine contumelia ante oculos ponunt, quippe, quod illi, dignitati Principis consulant, isti autem mendacii præmium expectantes, interim gloriam Principis labefactant. Hinc Regni præcipitia, quia Principes hac nostra tempestate, libentius aures accommodant blandis adulantium lenociniis, quàm sanis Philosophorum consiliis, quod Demosthenes orator insignis, apologo de ælli umbra satis eleganter ostendit. Plurima, ac propè innumera possem afferre exempla, ex quibus facile esset conjici,

Nicol.
Sand. de
schism.
Anglico.

13
* Voce 'Adulatori'
et Voce n' huius
sed Diaboli.

quàm fit pernicioſa aulis Principum adulatorum peſtis, qui veluti ſcorpiones, brachijs ad ample-
xandum extenſis, amorem præſeferunt, ſed cauda
pungunt, & venena effundentes, inficiunt. Vnum
tantum, inſigne tamen, in medium proferam,
quod vix ſine magna animi indignatione, nec
legi, nec audiri poterit. De quodam Briano Ga-
neone turpiſſimo, ſcribit Sanderus, quod eò im-
pudentiæ corruiſit, ut Henrico Octavo Angliæ Re-
gi percunctanti, quàm grave crimen eſſet, ha-
bere rem cum matre primùm, deinde cum filia?
reſpondere auſus fuerit, tam grave, quàm galli-
nam cum pullo ſuo comedere. ô vocem non
homine, ſed diabolo dignam. Fuit tamen cum
riſu ab homine perditò latanter excepta. En
proprium adulatorum munus, ingenio Principi-
um, ac moribus conformari. Quocirca non
abs re Echo comparantur, prolatas voces repe-
tenti, quoniam ſi Principes aliquid aſſerunt, an-
nuunt & ipſi, ſi negant illi, renuunt & ipſi, ajunt,
ajo, negant, nego. Sunt etiam umbræ ſimiles,
nam illa te ſedente, ſedet, erigitur, te erigente,
hoc tamen fit ſolum, præſente Sole, quod ſi ipſe
deficiat, evaneſcit & ipſa. ita prorſus adulatores
rident, obſequuntur, applaudunt, dum torcu-
laria vino redundant, & dum horrea frumento
abundant, cum verò intelligunt, te ad inopiam
reductum, tunc negligunt, deſerunt, & turpiter
explodunt. Si Regia abundat, ad laudes, & præ-
conia, ſi laborat inopia, ad improperia, & con-
temptum, quibus valdè appoſite poſſet accom-
modari terraſtichon illud, quod primò continet
laudes, & ſalutem precatur, ſed ſi legitur ordine
retrogrado pluriſima mala exoptat. En carmina
miro artificio elaborata.

*Laus tua, non tua fraus, virtus, non copia rerum
Scandere te fecit hoc decus eximium.*

En laudes. invertamus ordinem. & ecce impro-
peria.

*Eximium decus hoc fecit te scandere rerum
Copia, non virtus, fraus tua, non tua laus.*

*Conditio tua sit stabilis nec tempore parvo
Vivere te faciat hic Deus omnipotens.*

En laudes, en elogia, en bene valere, sed legamus
ordine præpostero,

*Omnipotens Deus hic faciat te vivere parvo
Tempore, nec stabilis sit tua conditio.*

En mala imprecatio. eleganter dicebat os aureum;
Sicut finis oratoris est, dictione persuasisse, & me-
dici, medicina curasse, sic adulatoris finis est, sua-
viloquio decepisse.

O quàm pulchrè, qui adulatores locustis similes
dixere, hujusmodi enim animalia per vineas dis-
currunt, agros perambulant. sed quando? verno
tantum tempore, quando est odor agri pleni, at
tempore brumali, quando folia decidunt, frondes
arescunt, & fructibus agri spoliuntur, mox & ipsa
recedunt, hoc est proprium adulatoris ingenium,
divitum aures lenociniis mulcere quando torcula-
ria redundât, at si opes deficiunt, statim terga ver-
tere, imò dentibus, & morfibz turpiter impetere.
sicut accidit Actæoni, ut Poetæ fingunt, hic enim
à canibus, quos alebat, fuit devoratus, sic Princeps
consumptis opibus ab adulatoribus derelinquitur;
imò sæpè duris morfibz dilaniatur. Est enim quo-
tidiano experimento probatum, quod qui adula-
toribus aures accommodant, brevi ad extremam
adiguntur pauperiem. Quippe tam frequenter
hauriunt, quod omnino exhauriunt.

Nec erit absconum Chamæleonti comparare, hoc Plin. lib.
8. c. 33.

namque animal, ut scribit Plinius, omnibus vestitur coloribus, albo excepto: ita prorsus adulatores, vitia Principum laudantes, omnibus induuntur mendaciorum coloribus, nunquam tamen veritatis candore. Egregie doctor ille Gallus, adulatorum mores expressit, inquit; Adulator, amicus in obsequio, sed hostis in animo, comptus in verbo, sed turpis in facto, lætus ad prospera, fragilis ad adversa, facilis ad humana, difficilis ad honesta, & semper mendax. O quam feliciter omnia caderent Principi, si adulatoribus ab aula eliminatis, viros admitterent integritate ornatos, siquidem ob talium societatem domus regia plurima evitat infortunia. hoc autem liquido constat ex oraculo Genesis capite octavo; Num delebo, ait Dominus, propter decem justos, si ibi inventi fuerint, Pentapolim? at vix boni à malis separantur, statim Deus sævit in impios, nam statim quod Loth à Sodomis eductus, flamma gentem pessimam devoravit. vix Israelitæ ab Ægyptiis separantur, illico Ægypti in mari rubro submersi sunt. statim quod Noë ab impiis sejunctus, & in arca inclusus, diluvium perdidit omnes. hoc probe novit Themistocles Atheniensium dux, volens enim domum venditioni tradere, jussit præconi ut diceret, Est vicina homini bono tantæ molis est bonorum societas. Divus Ambrosius dubitat, quid est quod navigantibus Apostolis, motus magnus factus est in mari? credit Ambrosius hanc tempestatem excitatam, quia ibi erat Iudas proditor, ex quo colligere possumus ingentes calamitates illi domui impendere, in qua impius commoratur. nam si ob unius Ionæ inobedientiam, mare ita concitatum est, ut navim in extremum naufragii discrimen conjecerit, quid expectandum, quando

do plu
cundi
in fami
bebat
cum,
strabit
facit si
consp
super
ra, &
stum in
Vtin
sibi pro
homin
pestem
memor
laudibu
fucatis
pho pe
respon
ratore
ceps,
sum,
canini
rum a
Proinc
mulato
miseri
catoris
per ole
nimin
minun
Not
lection
legitur;

do plures omnibus flagitiis contaminati, ad iracundiam provocant cælum? Perinde Rex David in familia instituenda cautionem magnam adhibebat, Oculi mei ad fideles terræ, ut sedeant mecum, ambulans in via immaculata hic mihi ministrabit, non habitabit in medio domus meæ qui facit superbiam, qui loquitur iniqua, non direxit in conspectu oculorum meorum. dicunt naturales, super Laurum radium cæli non cadere: vis fulgura, & calamitates à domo tua repellere? in ea iustum inferre, & omnia feliciter ex votis.

Psal. 56.

Vtinam Principes, Sigismundum Imperatorem sibi proponerent imitandum, hic enim hoc genus hominum, Regiis infensum, tanquam Reipublicæ pestem, cane pejus & angue infestabatur. Hinc memorandum illud & dictum, & factum summis laudibus celebratur. Cum eum quidam adulator, fucatis verbis demulcere tentaret, iratus, colapho percussit, cui dicenti: Cur me cædis? protinus respondit; Et tu, cur me mordes? ô vocem Imperatore dignam. Hisce enim verbis insinuavit Princeps, adulationem esse quemdam rabidum morsum, quoniam sub exteriori verborum suavitate, canini latent dentes, ut ait Propheta: Dentes eorum arma & sagittæ, lingua eorum gladius acutus. Proinde malebat à viro iusto corripì, quam à simulatoribus demulceri, Corripiet me iustus in misericordia, & increpabit me, oleum autem peccatoris non impinguet caput meum. Quid autem per oleum peccatoris intelligebat? adulationem, nimirum, quæ blanda est, & corda stultorum hominum demulcet.

Psal. 140.

Notatu tamen dignum est, quod ubi in vulgata lectione legimus; Oleum peccatoris, in Hebræo legitur; Oleum veneni, vel, ut Hieronymus vertit; oleum

oleum amaritudinis. Verum, quomodo adulatio, quæ quasi blandum oleum corda audientium penetrat, oleum amaritudinis appellatur? optimo quidem jure. Nam comprehendit utrumque adulatio, dulcis est, & amara. dulcis, quia delectat; amara, quia cor decipit, & judicium rationis pervertit.

*Turpis adulator semper longè exulet aula,
Ni velis Imperii perdere sceptrum tui.
Vincit adulator; blando sermone Sirenes,
Aures si claudis, instat Vlyssis eris.*

CAPVT XII.

Amicos spectata fidei, in aduersa fortuna probatos, non negligat Princeps, sed amore, & beneficiis foveat. Et tutam Regni custodiam inueniet.



Petr. Re-
buffus
lib. de
privile-
giis.

Vgo de
sancto
Victore.
Canon.
Reg.

CITE admodum, ac perbelle fidelis amici figuram describere antiqui sapientes. Pingebant insignis formæ adolescentem, capite nudatum, hirsuta veste indutum, in cuius fimbria scriptum erat, Vita, & mors. In fronte hiems, & æstas. habebat latus usque ad cor apertum, ubi hæc aurea verba legabantur, Prope, & longe. Hæc autem omnia, insignia quædam documenta præmonstrabant. Quid ætas viridis, & rosea, quando flavescent crines, caro nitescit eburnea, oculorum gemmis, facies rosea decoratur, viget ratio, visus acutior, auditus promptior, incessus rectior, vultus jucundior? quid, inquam, hæc florida ætas adumbrat? quod vera

vera amicitia virescit semper, tempore senescit nullo. Quid villosa vestis? quod fidelis amicus, debet esse paratus ad toleranda quælibet ardua pro amico. detectum caput, indicat amicum nunquam esse negandum. quod egregiè insigni eventu testatus est Mithridates Rex Ponti, hic enim pro uno Leonico amico, à Rhodiis in pugna navali capto, omnes hostes captivos, qui plurimi erant numero, permutavit. tanti faciebat amicitia vinculum. latus apertum quid? innuit amicum esse diligendum, non ore tantum, sed corde, & opere, ut verè possit decantari elogium illud academicum, Idem ambo. Olim apud antiquos in academiis Atheniensium pingi solebat Cupido, inter Mercurium, & Herculem, quorum alter pulchri eloquii Deus, alter verò virium, & roboris. Quorsum hoc? hoc monumento testabantur, veri amoris munus, non in verbis, sed in factis agere radices. Hinc dilectus hortabatur, Non diligamus verbo, neque lingua, sed opere, & veritate. Quoniam, ut ait Gregorius, probatio dilectionis, exhibitio est operis. Sicut ignis in nube inclusus quiescere non potest, sed huc, illucque agitur, donec cum tonitruo foras erumpat, ita si amoris ignis in corde amici includatur, in opera externa progreditur, amor enim si operari renuit, amor non est, sed instar ignis picti in tabella, qui non calefacit, & instar leonis mar-morei, qui neque rugit, neque sævit. Egregius testis Anaxagoras. hic enim cum jaceret in rerum angustiis, illum Pericles Dux potentissimus, toto cordis affectu monebat, nè se perderet, sed amicis servaret, cui statim ille respondit, Qui lucerna indiget, oleum instillat. carpens illos, qui nihil prorsus effundunt præter bona verba. Hinc cele-

1 Ioan.
2, c. 3.

celebratur Theophrasti philosophi apophthegma. hic enim cum videret duos incedentes simul, quorum alter divitiis amplissimis abundabat, alter vero pauperiem extremam patiebatur, interrogavit discipulos, quinam essent? respondentibus autem, duos esse amicitiae vinculis conjunctissimos, statim dixit Philosophus, Quomodo ergo alter illorum dives, alter vero pauper? amicus non est, qui fortunae particeps non est, quia amicorum omnia sunt communia.

Paul.
Man. a-
pophth.
lib. 6.

Quapropter optimo jure laudatur Alexander magnus, dum enim una die regalibus indutus vestibus, cum intimo amico suo federet, qui & ipse erat eodem ornatu, quo Rex, corpore etiam major, ecce Syngambris Darii mater, Persarum Regina, accessit ad Regem, ut ipsum adoraret, sed ex errore Hephestionem Regi assidentem, pro Alexandro salutavit. cum autem ex nutibus adstantium, intellexisset errorem suum, perturbata, denuò salutavit Alexandrum. Tunc Alexander, Nihil est, ô mater, quod turberis, nam & hic Alexander est, quia amicus est alter ego. hinc originem duxit symbolum illud Pythagoricum, Amicitia, æqualitas. Amicus alter ipse. & Aristoteles dicebat; amicus est anima una in duobus corporibus. hinc fit, ut amicus subveniens amico egenti, non dare videatur, sed reddere, quod debet, si non succurrit, quando res, tempusque postulat, videtur retinere, quod alienum est, stante oraculo Pythagorico; Amicorum omnia communia. Amicitia enim est amor mutuus, quare, nisi uterque amet, neuter est amicus, nisi æqui-voce, nomine tenus.

Aristot.
apud
Diog.
lib. 5.

In fronte vero hæc duo verba inscripta erant, Hiems, & æstas. quia verus amicus tam in prospere,

ris, quæ
violab
nam v
tur. In
quodd
cere se
quam
fis ult
pius in
rapi v
philos
quàm
vident
quem
nuntiar
invenier
cissimos
adeò q
deliter

Tem

Ad
auctori
perma
tempo
stis co
Sili

At plu
rient
apud
in dom
ut statu
rundine
Circ

ris, quàm in adversis, leges amicitiae, vinculo in-
violabili conservat. Quid ? imò magis in adversis,
nam vera fides in rebus adversis maximè specta-
tur. In prosperis siquidem servare fidem, genus
quoddam aucupii est. Hinc Crates Thebanus di-
cere solebat; Veri amici, in rebus prosperis nun-
quam adsunt, nisi accersiti: in rebus autem adver-
sis ultro adsunt, etiam invocati. nihil enim tur-
pius in amicitia, quam rogari, non enim dari, sed
rapi videtur, quod precibus extorquetur. hinc
philosophus moralis agebat; Nil carius emitur,
quàm quod precibus comparatur: cui doctrinae
videntur alluisse sorores Lazari; Domine, ecce ^{Ioann. c.}
quem amas, infirmatur, siquidem amico sufficit ^{II.}
nuntiare. At nostra hac tempestate, multos quidem
inveniemus, qui gestant amicitiae insignia, pau-
cissimos verò, qui verae amicitiae fines attingant,
adeò quod in contrariis flatibus, & fluctibus, fi-
deliter persistant.

Tempore felici multi numerantur amici,

Si fortuna perit, nullus amicus erit,

Ad hanc rem facit perbellè Salomonis Regis ^{Eccl. c. 6.}
auctoritas, Est amicus secundum tempus, non ^{Prov.}
permanebit in tempore tribulationis. at omni ^{c. 17.}
tempore diligit, qui amicus est, & frater in angu-
stis comprobatur. Pulchrè Ovidius,

Scilicet ut fulvum spectatur in ignibus aurum,

Tempore sic duro est inspicienda fides.

At plures, dicebat Pompeius, adorant Solem o-
rientem, quàm occidentem. quorum symbolum
apud Pythagoram est hirundo, quæ tempore veris
in domo nidificat, tempore hyemis recedit, hinc
ut status sui tenuitatem ostenderet, dicebat; Hi-
rundinem domi non habeo.

Circa cor, erant hæc duo verba litteris aureis
exarata,

Arist. lib.
7 rhe-
tor. c.
20.

Liv. li.
40 hist.
Rom.

Proper-
tius li. 2.

Cantic.
cap. 8.

Cic. li. 3
offic.

exarata, Propè , & longè. hinc deducitur, quod veri amici etiam absentes, tanquam præsentes, se mutuo diligunt. distantia enim loci non tollit amicitiam. corpora quidem, sed non corda, animosque separat. In fimbria mors, & vita. Quid hinc? qui verè diligit, usque ad mortem amat. testem invoco philosophorum principem; Nemo est amās, inquit, qui sempiternè non amat. Accedit Euripides in Troadibus, Non est amicus, quisquis amare desit. confirmat Livius historicus insignis, dicebat enim; amicitias immortales, mortales verò inimicitias esse debere. huc appositè facit insigne illud academicum, de myrto & oliva mutuis amplexibus innodatis, quod est amicitiae symbolum; addita nota, Nostra vel in tumulto. ita de amico ingenue scripsit olim Propertius.

*Terra prius falso partu deludet arantes,
Et citius magnos Sol agitabit equos,
Quàm possim nostros alio transferre calores,
Hujus ero vivus, mortuus hujus ero.*

Sed quid? nonnè ipse Salomon Rex sapientissimus, idem fermè scriptum reliquit? Aquæ multæ non potuerunt extinguere charitatem. Quod præclaro testimonio probant, ut innumera omittam exempla, duo illi legis amicitiae fidissimi custodes, Damon, & Phitias, mutuo amore ita se prosequentes, ut alter pro altero paratus esset mori. Contigit autem, quod alter illorum capite damnatus, custoditur in carcere, jussu Dionysii tyranni Siciliae Regis, prodicionis suspicione commoti, qui jam diem necis destinaverat. Tunc ille miser, qui morbi addictus erat, paucos sibi dies postulat, pro rebus suis componendis, mox alter hoc audito, sponte seipsum obtulit pro obside in carceribus custodiendum, quò amicus libertate donetur, annuit

annuit Rex, hac tamen conditione, ut si ille ad diem condictum, non rediret ad carcerem, poenas ipse lueret. libenti animo conditionem accepit. Cum autem adesset hora morti destinata, & jam obses esset proximus supplicio, unusquisque dam-
nabat sponforem, temeritatis nota. at is intrepidus nihil de amici fide dubitans, constanter prædicabat socium proculdubio venturum. ô factum æterna memoria dignum. Eodem propè momento, quo tyrannus supplicium indixerat, ecce qui aberat, advenit, se præsentem exhibuit, ne quidquam detrimenti pateretur amicus. Quod factum considerans tyrannus, admirans eorum fidem ingenti admiratione commotus, reum impunè dimisit, obnixè rogans, ut se quoque in amicitiam tertium adscriberent. & quidem sapienter. quia nihil debet esse Principi optatum magis, quam multorum amicorum præsidio stipari. Hac fortassis ratione permotus Alexander magnus, Achillem felicem pronunciavit, quod vivens fidum amicum, post fata verò magnum sui nominis, & famæ, natus esset præconem. Nec est obscurum amicitie testimonium, inter Pyladem, & Orestem. Nam ignorante Rege, uter eorum esset Orestes, Pylades se Orestem esse dicebat, ut pro illo necaretur. Orestes autem ita ut erat, Orestem se esse affirmabat. quod pulchrè descripsit Ovidius,

*Ire jubet Pylades charum periturus Orestem,
Hic negat, inque vicem pugnat uterque mori.
Exitit hoc unum, quod non convenerat illis,
Cætera pars concors, & sine bile fuit.*

Ovid. li.
3 de
Ponto,
eleg. 2.

Hæc sunt, ô Princeps, vera Regni præsidia. amici nimirum, spectatæ fidei, quos nec ferro cogere, nec auro parare queas, qui non fortunam, sed per-

personam diligunt. non ut ille, qui Augusto ex victoria adversus Antonium revertenti, occurrit inter alios congratulantes, corvum habens in manu, qui edoctus voces referebat humanas, hoc modo; Salve victor Cæsar Auguste, jussus deinde ut alium corvum produceret, allatus, protinus insonuit, Salve victor Antoni. iste non ad personam, sed ad fortunam respiciebat, quod turpe, & nefas est. Hinc sapiens quidam interrogatus, quos inter familiares, haberet chariores; illos, respondit; qui magis mihi, quàm meipsum metuunt, nam illi amicum, hi vero seipsum magis amant. Siquidem plerique sub amicitiae nomine latitantes, ut Seianus cum Tiberio, non cum Principibus, sed cum fortuna Principum loquuntur. ita dicebat Galba Pisonem filium alloquens, Ego ac tu simplicissimè inter nos hodie loquimur, ceteri libentius cum fortuna nostra, quam nobiscum. Quippe aula Principum hominibus plena est, veris amicis vacua. Cum igitur Princeps invenerit amicum fidelem, multis experimentis probatum, sciat se invenisse thesaurum, sine quo Imperium non potest diu consistere, nedum augeri, & propagari.

Tac. li. 4.
annal.

Corn.
Tac. lib.
1. hist.

Quod optimè noverat Rex Darius, qui apertius malum granatum, numerosam granorum copiam ostentans, rogatus à primariis Regni, cuiusnam rei tantam vellet habere abundantiam? Zopyrorum, respondit. Erat autem Zopyrus vir probitate insignis, & in rebus gerendis versatissimus, quem in multis periculis fidelissimum frequenti experimento probavit. ô magna Principis prudentia. non victorias, non triumphos, non Regna, non thesauros ambiebat, sed amicorum copiam, exclamando. Utinam tot haberem Zopyros. Proinde Romanus Orator dicere solebat, amici-

miciti
lumi
ejus v
amici
orbis
sent h
rissim
Princ
qui a
fidelis
nit th
sunt, a
pore,
Mon
F
Mon
S

In p



ne m
consta
Pass
L
Sed
E

amicitiā aded esse mundo necessariā, ut Solis lumine potius, quam ea carendum putaret. aurea ejus verba sunt hæc, Solem è mundo tollunt, qui amicitias ab hominibus tollunt. Quid enim totus orbis esset, clara hac face orbatus? Quid vero essent homines, hac præclara virtute destituti? Verissimum Oratoris oraculum, sed potissimum in Principibus. Firmamentum enim Regni tollunt, qui amicos à Principe tollunt. Siquidem amicus fidelis, protectio fortis, qui invenit amicum, invenit thesaurum. & denique vera Regni præsidia sunt, amici probatæ fidei, qui nec loco, nec tempore, nec metu, nec morte divelli possunt.

Eccles.
c.6.

Muneribus cumulare novis non cesset amicos

Princeps, & fidos semper amore colat.

Muneribus cumulata fides, fit major, amor

Subditus ingenti pendet amore vices.

CAPUT XXIII.

*In prosperis rebus non tollatur Princeps, &
numquam commovebitur Regnum ejus.*



ECVNDIS ventis, sereno cælo, prospero, ac felici cursu navigans Princeps, cunctis ex voto succedentibus, non proinde debet extolli, cæteros parvifaciendo, mente aliquando revolvens, variam fortunæ mutationem, quæ solum est constans in sua inconstantia, ut pulchrè cecinit Poeta,

Passibus ambiguis fortuna volubilis errat,

Et manet in nullo certa, tenaxque loco;

Sed modo læta venit, vultus modo sumit acerbos,

Et tandem constans in levitate sua est.

Quocircà interrogatus Apelles, cur fortunam sedentem penicillo expressisset? Quoniam, inquit, stare nescit, lepidè admodum bifaria verbi significatione pro sale usus, stare namque dicitur, non solum qui plantis validè nititur, sed & qui immobili firmitate consistit. Quapropter rectius fortasse cum Boethio insigni philosopho dixisset: Fortunam sedentem pingo, quia in sua volubilitate sedet, & requiescit. Hinc veteres pictores, ut instabilitatem fortunæ notarent, eam in pila sedentem pingebant, non deam aliquam, quæ nusquam est, significantes, sed mutationem conditionis humanæ, & varios rerum eventus. Nam idem Pompeius qui tot Regna, ac nationes vicerat, principatumque in Senatu Romano tamdiu tenuerat, & à rebus gestis cognomen Magni meruerat, ad spadonum, proditorumque libidinem, in Ægypto trucidatus est, & ejus caput, quod paulo ante terror gentium extiterat, hosti dono datum. Seneca egregius ille moralis fortunam appellabat vitream, quia quo magis splendet, eò facilius frangitur, Solisinstar, qui hyeme plus solito calidior, futuram nobis pluviam prænunciat, sic nimia felicitas, ruinam. Quod apprimè noverat Philippus Macedonum Rex, cui cum tres eodem tempore læti nuntii afferrentur, Alexandri, nempe, filii natiuitas, equorum deinde suorum in stadio Olympio victoria, postremò urbis cujusdam expugnatio, statim humi prostratus, oculisque in calum sublatis, exclamavit, Fortuna moderare lætitiā, ac tristi aliquo nuntio tantam felicitatem tempera, ne postea simul omnia in caput meum ingruant infortunia. Ita prorsus Theramenes, unus ex triginta tyrannis, hic enim cum domus, in qua multi accumbabant, solus ruinam evasisset, ac proptereā fortunatus

fortunatus à multis prædicaretur, magna voce dixisse fertur: O fortuna, cui me occasione reservas? sentiebat enim se ab ea non esse servatum, sed ad duriores casum reservatum, & quidem divinavit. nam paulo post miserè trucidatus fuit. Sapienter Seneca dicebat, Nunquam ego fortunæ credidi, etiam si videretur pacem agere, omnia illa quæ in me indulgentissimè conferebat, pecuniam, honores, gloriam, eo loco posui, unde posset ea sine metu, & motu meo repetere.

Sen.lib.
de con-
sol.

Hinc Salomon Principem consulebat his verbis, Ne intuearis vinum quando flavescit, & cum splenduerit in vitro color ejus, subito enim mordebit ut coluber, & ut Regulus venena diffundet, & eris tanquam dormiens. Satis appositè comparat vino felicitatem humanæ gloriæ sapientissimus Rex, quia sicut vinum sine aqua, inebriat, & nocet, ita quoque prosperitas sine moderamine.

Prov.
c. 23.

Iulius Solinus scriptor illustris refert quoddam notatu dignum, nostro instituto valde appositum, nimirum, quod canes Ægyptii, magnam licet sitim patiantur, propter terræ illius ariditatem, non tamen audent ex Nilo bibere, nisi raptim, propter magnam Crocodilorum copiam ibi existentium. decurrit, instar fluvii, humana prosperitas, non tamen fidendum, quoniam lateret sub melle venenum.

Ad rem optimè facit Philosophi moralis consilium, Noli huic tranquillitati confidere, memento enim, mare evertitur, & eodem die, ubi luserant navigia, sorbentur. Vbi tranquilla tibi omnia videntur, ibi non desunt nocitura, sed quiescunt. semper futurum aliquid, quod te offendat, existima.

Sen.li, 2
de ira
c. 31.

Sapienter quidem Pierius Valerianus fortunam

Pier.
Val. de
fac. Æ.
gypt.
notis li.
39.

rotulæ insistentem describit, nempe, ut instabilitatis hieroglyphicum insinuaret. Hanc doctrinam sanè auream probè noverat magnus ille Thebanorum Dux Epimanondas, is enim cum insigni quadam parta victoria, domum reversus, Senatum deinde vellet certiozem reddere, multis undequaque affluentibus, ut tam nobilem, & tot victoriis insignem ducem viderent, eique de victoria congratularentur, ipse domo egressus est, vili quadam veste indutus, facie subtristi, & gressu quodam ad tristitiam composito, quam subitam mutationem omnibus demirantibus, & causam ejus sciscitantibus, respondit; Nimium heri mihi placui, fortunæ mutatio metuenda est. quasi illud tragicum recoleret,

Nemo confidat nimium secundis,

Nemo desperet meliora lapsis.

Et illud Boethii oraculum decantaret, Plena est exemplorum vetustas, plena etiam præsens ætas, quot Reges felicitatem calamitate mutarint. Acutum, ac verè falsum parasiti cujusdam dictum non erit absponum proferre, utpote nostro instituto consonum. Hic cum fessus, ac vehementer fatigatus, deambulando in regia Hispana, adhærens tapeti aulico, qui caminum tegebat, putans locum firmum, retrorsum caderet, magnus illicò adstantium risus obortus est, at ille mox surgens, ac subridens, ait, Quid, ô viri, casum meum ridentis? omnibus fermè hoc ipsum contingit, qui palatio incumbunt, & mendaci fortunæ innituntur. Quocircà nullatenus fidendum, ne tibi dicatur, & jure, Confidis baculo arundineo confracto, cui cum innixus fueris, perforabit manum tuam.

Isa. c. 6.

Huc pulchrè facit Diogenis oraculum, nam cum

cùm Alexander magnus aliquando illum inviseret, in dolio sedentem, & consistens ante faciem ejus, obumbraret, post multa colloquia invicem habita, dixit Rex, Cogita, ô Diogenes, quid à me velis petere, nam quidquid optaveris, obtinebis; tunc respondit Philosophus, Vellem quod mihi non auferres, quod dare non potes. quod Imperator intelligens, ad aliam partem secessit, & nimia admiratione plenus, dixit: valde miror, quod solus meam non timeas potentiam. cui mox Diogenes; Potentiam tuam non timeo, ô Rex, quia, aut est præterita, aut præsens, aut futura; præteritam non timeo, quia jam non est; futuram non pertimesco, quia incerta est; præsentem non formido, quia citò transitura est. O quam perbellè comparavit ipsèmet Alexander universum mundi Imperium, pilæ, hæc namque vento turgida, nunquam quiescit, sed alternatim per manus ludentium transit; ita prorsus Imperium mundi, in quo nihil firmum, sed modò in manibus Chaldæorum, mox ex Chaldæis transit ad Persas, à Persis, ad Medos, sed hic an diu permanfit? non ita quidem. sed à Medis ad Græcos, à Græcis ad Romanos. Ecce pila, quæ alternatim transit, nunquam in eodem statu permanens. Quod pulchrè expressit Poëta hoc disticho,

Ludus fortuna variatur imagine Luna,

Crescit, decrescit, in eodem sistere nescit.

Hujus rei testis est Seianus, qui sub Tiberio Augusto potens, & ad instar ejus statuus decoratus, tandem una epistola subversus est, & caput illud toto orbe secundum, laqueo præbuit, & cadaver suum, opprobriis, lacerationi, unco, quo die Senatus illum deduxerat, populus in frustra divisit, in quem quidquid congeri poterat, dii, homines-

Sen. de
tran-
quillit.
lib. I.

que contulerant , ex eo nihil superfuit , quod car-
nifex traheret. Nec abs re fugacem mundi glo-
riam, Rosæ comparavit Academicus, utpote, quæ
illa die, qua oritur, moritur. Proinde duas Rosas,
pro insigni gerebat , siccam unam , viridem alte-
ram, addita inscriptione, Vna dies aperit , conficit
una dies. Et licet in primo congressu videatur tibi
splendescere, non temere credas, quia cum fortu-
na beneficiis splendet, non semper splendet , ut te-
clarum faciat, sed ut fallaci splendore oculos tibi
præstringat , quod demum obcæcatus, in præceps
ruas.

Proinde sanctus Iob vitam hominis compara-
bat militiæ , & quidem sapienter. Militia est vita
Iob c. 7. hominis super terram. Nam sicut belli tempore,
miles nunquam certi sibi aliquid spondere potest,
nec semper in eodem versatur statu , modo victo-
riam refert , modò stragem suorum videt , modo
fugat, modo fugit, hodie cædit , cras cadit, adeo
ut arma semper gestare necesse sit , ità prorsus in
hac vita, nihil stabile, nihil firmum, sed omnia mu-
tationi fortunæ obnoxia. Proinde dicitur fortu-
na, quasi fortè una , quia vix , aut nunquam per-
manet eadem. Hoc benè noveras , ô superbissime
Nero, tu enim multis annis epulabaris inter Prin-
cipes, & magnates , sed exiguo temporis spatio,
ab inimicis in fugam compulsus , ad tantam deve-
nisti inopiam , ut aquam foetidam degustare fueris
coactus , tunc recordatus felicitatis antiquæ , ex
imo pectore ignita suspiria trahens , exclamabas,
Hæc sunt decocta Neronis? Hanc rerum humana-
rum varietatem , & vanitatem contemplantis Ba-
ruch propheta, exclamabat ; Vbi sunt Principes
gentium, qui argentum thesaurizant, & aurum, in
quo confidunt homines ? exterminati sunt , & alii
loco

Baruch,
c. 3.

loco eorum surrexerunt. ô rerum mundanarum
 varietas. quid dicis ô Princeps? hisce verbis non
 moveris? moveat te saltem experientia. Historias
 veteres, & annales evolve, jam inde à rerum pri-
 mordio monarchias omnes Persarum, ac Medo-
 rum, Græcorum, & Romanorum percurrere. tunc
 dicito, quo nam deciderint? Quis magna hæc Im-
 peria mutavit? Quis potentias illas transtulit?
 Quis amplas illas dominationes dejecit? respice
 mutationem. magna illa & potens monarchia As-
 syriorum in Persidem transiit, inde in Græciam, &
 Græcia ad Romanos commigravit, hodie verò
 penes Germanos residet. O quam benè noverat
 varios fortunæ casus Marcus Marcellus, is enim
 captis à se Syracusis, in arce constitit, ut opulenti-
 simæ illius urbis, quæ ferro & igne vastabatur,
 fortunam ex alto cerneret, qui cum lugubrem cas-
 sum ejus aspiceret, lachrymas cohibere non po-
 tuit, quem si quis, facti ignarus, tunc aspexisset,
 alterius victoriam esse credidisset, non ipsius, qui
 tantum de illius ruina doleret. considerabat vir
 sapiens, omnes homines, præsertim Principes,
 ejusdem fortunæ jaculis, obnoxios esse. An
 fortasse, quod scribo figmentum putatis? hi-
 storias percurrere, & plurimos invenietis, qui in
 cælum usque elati, mox fortuna illudente, descen-
 derunt in profundum quasi lapis. ut egregie
 Poeta,

Tolluntur in altum,

Vt lapsu graviore ruant.

In primis ante oculos vestros propono Bajaze-
 tum, Regem Turcarum potentissimum, verum
 fortunæ ludibrium, hic cum Tamberlano Tarta-
 rorum Rege bellum gessit, sed miser superatus
 fuit, hunc igitur captum, catenis aureis ligavit

Claud.
 li. i. in
 Ruffi-
 num.

Fulgot.
 li. 9. c. 5.

Tar-

Tartarus, atque in caveam ferream detrusum, per totam Asiam, ac Syriam circumduxit, ipsoque, pro scabello utebatur, ut faciliorem in equum pararet ascensum.

Eutrop.
lib. 6.

Simile quoddam legitur de Valeriano Imperatore, hic orbis Imperium cum Romæ moderaretur, in Mesopotamiam bellum gerens, à Sapore Persarum Rege superatus, mox etiam captus, & in captivitate adductus, eò calamitatis redactus fuit, ut stapedam teneret Barbaro equum conscendenti.

Petr.
Crin. de
honest.
disc. li. 9.
c. 6.

Belisarius præstantissimus militiæ dux, cum jam de Gothis, Wandalis, Persis, Thracibusq; triumphasset, atrocis invidentiæ sic invasit morbus, ut impudicorum aulicorum procurante, ac impellente livore, jam senio confectum, de re bellica optimè meritum, idem Imperator cui Imperium auxit, turpiter desepxit, insuper & oculos ejus eruit. Vnde cæcus & miser factus, ex potentissimo duce, tuguriolum sibi propè viam construi fecit, in quo nummulos ad victum quotidianum quæritans, vitæ reliquum transigeret, dicebatque prætereuntibus, Viator concede obolum Belisario, quem livor, non error cæcavit.

Val.
Max. lib.
6. c. ult.

Quid dicam de Polycrate Samiorum Principe? hic tanta usus est felicitate, ut nullum unquam mœroris argumentum potuerit experiri, & ita feliciter succedebant omnia ex votis, ut velle, & posse in æquo positum esset. sed audi portentum majus. Cum ad excitandum sibi dolorem, annulum ingentis pretii coniecisset in mare, eundem postmodum reperit in pisce oblato sibi à piscatore. Sed homini tam felici, plenis semper velis prosperum cursum tenenti, quid accidit? contra Darium bellum ingreditur, mox ab Oronthe Regis præfecto,

præfecto, superatus fuit, & in excelso montis vertice, paribulo affixus, avibus relictus est dilacerandus.

Pyrrhus Rex potentissimus, multis annis expertus est fortunam, læto vultu sibi arridentem. pugnavit namque feliciter contra finitimos, quo successu elatus, Tarentinis, Lucanis, Samnitibusque contra Romanos in auxilium venit, & Valerium Levinum Consulem, insueto elephantorum terrore superavit, rursusque Romanum exercitum fudit, deinde Rex Sicilia factus est, cum insula omnis Carthaginensium bello vexaretur, quibus dejectis, quasi diuturnum Imperium nactus esset, Heleno filio Sicilia, Alexandro autem Italia regnum destinavit, reversusque in Epirum, Macedonia occupat, Antigono Rege expulso, nec contentus tanto successu, Asia regna meditatur, Spartanos aliis bellis intentos, primo aggreditur, sed mulieris virtute repulsus, filium Ptolemæum, & magnam exercitus partem amisit, inde Argos concessit, ubi dum Antigonom in urbe obsessum expugnare conatur, saxo è muro à muliercula quadam jacto, percussus interiit, caputque ejus Antigono oblatum est. & hunc exitum habuit Pyrrhus, Regum omnium virtute, & moribus præstantissimus, verum utriusque fortunæ ludibrium.

An silentio prætereundus Siracusius ille tyrannus Dionysius? hic tam iniquum fortunæ iratæ vultum expertus est, ut amisso Regno, sceptri loco ferulam in manus sumpserit, ludumque litterarium in Græcia, jam senio confectus, aperire fuerit coactus. Percunctantique quomodo Regis filius, regnum hereditate acceptum, tam citò amisit, respondit, Pater mihi Regnum suum reliquit,

quit, non fortunam. non enim omnia omnibus æquè feliciter cadunt.

Cyrus & ipse Persarum Rex inclytus, ob multos triumphos insignis, nonne à Thomiri Massagetarum Regina victus, superatus, & occisus?

Xerxes ille potentissimus, qui subvertit montes, & maria constravit, bello in Græcia infeliciter gesto, suis factus contemptibilis, per Artabanum præfectum suum, nonne misere fuit interemptus?

Darius itidem Rex Persarum opulentissimus, nonne ludibrium fortunæ fuit? ab Alexandro enim superatus, & captus, vehiculo ductus, catenis, & compedibus aureis alligatus, vulneribus confossus, misere tandem mortuus est. ô varias fortunæ vices.

Marius, qui septies Consul fuerat, de Iugurtha triumphaverat, Cimbros subegerat, Apuleium, & Glauciam seditiosos interemerat, tandem nonne victus à Sylla, in paludibus misere delituit? ita scribit Ovidius,

Ovid. li. *Ille Iugurthino clarus, Cimbroque triumpho,*
4. de *Quo vitrix toties Consule Roma fuit,*
Ponto. *In ceno Marius jacuit, cannaque palustri,*
Pertulit & tanto multa pudenda viro.

Pompejus expugnato Domitio, larba triumphato, Sertorio in Hispania sublato, piratis subactis, Tigrane Rege Armeniæ debellato, demum post tot illustres victorias, à Cæsare victus in Thessalia, jussu Ptolemæi, ad quem extrema rerum desperatione confugerat, interfectus est.

Innumera propenodum exempla adduci possent præsentì instituto accommodata, sed duo tantum insigniora proponere animus est. In primis

perga-

pergamus Romam, & videamus potentissimum illum monarcham Iulium Cæsarem, quinquaginta victoriis nobilem, tot præliis feliciter peractis insignem, tandem occisus est in Senatu à Cassio, & Bruto, viginti tribus plagis confossus. Quid dicis Sueton.
in Cæ-
sare. ò Cæsar? ubi sunt verba illa fastu plena, quæ dixisti, dum esses in navi? tunc, referunt historici, ad eò dira tempestas ingruit, ut nauarchus ipse formidine perculsus, totus expallescere, ad quem conversus Cæsar, ait, Quid times? Cæsarem defers, & fortunam ejus, & times? Quid dicis Cæsar? noli intumescere. Fortuna non serio, sed joco tecum agit.

In Orientem secedamus, illic videbimus belli fulmen, mundi domitorem, novorum quin etiam mundorum investigatorem Alexandrum magnum, cui etsi aliquando blandiri videbatur fortuna, citò tamen in alteram partem vultum divertit: nam Alexander post tot victorias, & penè totum Orbem subactum, in medio victoriarum cursu, cum in viridi tunc ætate floreret, quartum & trigessimum agens annum, per Cassandrum Antipatris filium, diro veneno sublatus est. ò Alexander, Iovis te filium prædixisti, & turpiter occumbis? non ridebat, sed deridebat fortuna.

Sed Iudæam, si placet, perlustremus, ecce tyrannum Adonibezec, fortunæ jocum invenimus. Hic, ut divina narrat historia, septuaginta Reges Iud. 10. captivos detinens, instar canum, micis ex mensa decidentibus alebat. Insignis planè victoria, at fortuna inconstans ludit, & illudit, quia brevi temporis intervallo, regno deturbatus, eandem fortunæ aleam expertus est.

Quid de Sedechia Rege, nonne divitiis, & opibus Lib. 4.
Reg. c.
20. affluebat? nonne in summo rotæ fastigio positus,

tus, fruebatur Regno? ô summa rerum felicitas, at non serid; sed joco agebat fortuna. mox enim captivus in Babyloniam adductus est, filii ejus crudeliter jugulati, thesauri direpti, oculi eruti, uxor violata, regnum denique eversum, & in servitutem redactum. Ecce, ô munde, quàm evidèntia tuæ inconstantiae argumenta.

Vis videre, ô mortalis, mundi instabilitatem vis coloribus delineatam? converte oculos ad triumphantem supremi Regis ingressum. Urbem ingreditur illam insignem, mox undique acclamatur, Benedictus qui venit in nomine Domini. viæ circumquaque tapetibus vestiuntur, ramis, & floribus pavimenta ornantur, faustæ acclamationes perstrepunt usque ad sidera, Vivat, vivat Rex noster. at vix quinque diebus elapsis, quem antea benedictum acclamaverunt, mutatis vocibus, ad mortem deposcunt. Quem, ut Regem adoraverunt, mox ut latronem cruci affigunt. Quem cæteris præposuerunt, mox post Barabbam ponunt, impiè conclamando, Tollè, tolle, crucifige eum. munde fallax, quàm appositè tibi convenit adagium illud, Polypo mutabilior. Quod felici carmine expressit Ovidius,

Ovid.
li.4. de
Ponto.

Omnia sunt homini, tenui pendentia filo,

Et subito casu, quæ valere ruunt.

Divitis audita est, cui non opulèntia Cræsi?

Iste tamen vitam captus ab hoste tulit.

Ille Siracusia modo formidatus in urbe,

Vix humili duram repulit arte famem.

Quid fuerat Magnò majus? tamen ipse rogavit,

Submissa fugiens voce, clientis opem.

Cuique viro totius terrarum parvit orbis,

Indigus est factus omnibus ille magis.

Hoc apprime perpendebat Octavianus Augustus,

stus, ejus enim tempore fuit quidam insignis pictor, qui tabulam manu sua depictam, miro artificio elaboratam, ei obtulit, in qua descripti erant omnes illi Principes, qui celebres in vita, nomen suum immortalitati commendaverant, inter hos, in loco eminentiori erat Octavianus, tanquam eorum Princeps, in tabulæ vero inferiori parte, erant omnes tyranni, immanitate notati, quorum primus erat Phalaris Rex Siciliae. Cum autem Augustus oculos in tabulam conjecisset, picturam miris laudibus approbavit, intentionem tamen, seu inventionem damnavit. duo enim in ea reprehendit, alterum, quod Phalaris, tanquam tyrannorum Princeps collocaretur, cum sapientes viros amore, & honore prosecutus fuisset, alterum, quod ipsum Octavianum adhuc viventem, Principem constituerit mortuorum, qui ob res præclare gestas eam memoriam reliquissent, de qua nulla ætas conticesceret. Siquidem durante vita, nullus erat homo, licet in excelsa dignitatis gradu constitutus, qui non posset, & à sublimi mundi gloria, & ab insigni virtute præcipitari. Quod quidem Solonis oraculo comprobatur.

Cum enim Cræsus Lydorum Rex, Soloni divitiarum suarum copiam ostentaret, interrogaretur ^{Herod.} lib. I. que, an quempiam vidisset ipso beatiorem? respondit sapiens, Ego quidem confiteor, Cræsum ^{Laert. li. 12 c. 1.} Regem opibus, & Imperio florentem, at beatum non audeo appellare, priusquam hanc vitam feliciter absolverit. multa namque cadunt inter calicem, supremæque labia, ait verus adagium. Quo responso audito, Solonem tanquam stultum hominem, qui præsentem felicitatem parvifaceret, à se dimisit. mox expeditione contra Cyrum Persarum Regem suscepta, captus, Regnoque exutus, ^{Val. Max. lib. 7. c. 1.}

rogoque, ut cremaretur impositus, clamare cepit, O Solon, Solon. Cyrus admiratus ignotum vocabulum, postquam causam, remque omnem didicit, Cræsum ab incendio liberavit, & apud se toto vitæ tempore honorificè habuit, humanarum rerum inconstantiam contemplatus.

Zon.
tom. 3
annal.

Zonaras in suis annalibus sub imperio Basilii Macedonis, refert Soldanum potentissimum à Ludovico quodam Galliarum Rege captum. is cum circa Italiam, captivus duceretur, toto biennio nunquam ridere visus est, ita ut Rex miratus, promitteret, se ei qui barbarum risisse, nuntiaret, præmia daturum; semel tandem risit. mox nuntiatum Regi, tunc accersito Soldano, risus causam quæsit, cui ille audacter respondit. Vidi, ô Rex, rotas currus, quo tu veheris, quarum cum altera pars terræ incumberet, altera sursum tollebatur, mox ea, quæ sublimis fuerat, denuo depressa, iterum quæ humilis, in altum elata est, unde res humanas, eodem modo mutari conjiciens, risi, posse fieri cogitans, ut sicut de sublimi, sum humi depressus, ita ex humili loco, in altum elatum sublimem fore. Tunc Rex in curru victoriæ sedens, de suo quoque statu cogitans, Soldanum sapientem judicavit, & deinceps cum illo honorificè se habuit, variam fortunæ varietatem considerans. Sicque inconstantia mundanarum rerum perspecta, postmodum illi, & suspecta, & despecta esse cepit.

Plut. in
apophr.

Optimè noverat varias rerum mutationes Agathocles Siciliae Rex, figuli filius, proinde ne qua forsitan inanis gloriæ titillatione ob regnum adeptum extra mentis statum abriperetur, & ut prioris vitæ memor foret, vasa lutea inter aurea, & argentea in mensam semper voluit inferri.

Iose-

Iol
terra
Reg
oblit
præc
Phar
posit
his d
gnun
debe
proin
aures
ment
scept
brevis
deber
sed m
ex pul
ter
enim
stime
emin
stium
ei fer
rum
bellè
quam
mom
stabil
poner
in mo
rum,
appar
nus, n
mund

Iosephus Patriarcha, licet dominaretur in tota terra Ægypti, & primus foret in aula Pharaonis Regis, nunquam tamen suæ prioris conditionis oblitus est, quam ut magis ostenderet, fratribus præcepit, ut palam profiterentur, & coram etiam Pharaone dicerent: Viri pastores sumus. Hinc appositè Spiritus sanctus loquens de Rege, usus est his duobus terminis, homini regi. Simile est regnum calorum homini Regi. ut doceret Regem debere in memoriam revocare, se esse hominem. proinde in publicis triumphis, præconis voce ad aures Imperatoris acclamabatur antiquitus, Memento te esse hominem. Huc facit egregiè insigne sceptrum, regiæ dignitatis signum, apposita hac brevi notula. Olim arbos. innuens hominem non debere efferri, quia ad summos honores evectus, sed mente recolere, quidnam olim fuerit, pulvis ex pulvere.

Ita prorsus Lechas secundus Poloniae Rex, hic enim cum ab aratro ad Regnum vocatus esset, vestimenta rustica, quibus in agro uti consueverat, in eminentissimo palatii loco voluit suspendi, ut vestium assiduus intuitus, originis suæ obscuritatem ei semper in memoriam revocaret, quo superbiæ tumore elatus non inolescere. ecce quam perbellè novit hic Princeps fugacem mundi gloriam, quam Lucas divino penicillo descripsit, dum momentaneam appellavit. Volens enim mundi instabilem vanitatem ante oculos mortalium proponere, dixit: Ostendit ei omnia regna mundi, sed in momento. Ecce, ait Ambrosius, rerum humanarum, non diuturnitas, sed vana fugacitas, quæ vix apparet, quod jam transiit. Ecce, ait Gregorius, momentaneum, quod delectat. Ecce vester mundus, ait Cyprianus, qui arridet, ut sæviat,

Luc. c. 4.

blanditur, ut fallat, extollit, ut deprimat, allicit, ut occidat. Caduca, & fragilia nimirum sunt hæc omnia, quæ nullo in loco, nullo in tempore, nulla in persona, stabilibus innixa radicibus consistunt.

Cum itaque rota fortunæ, adeo sit volubilis, quod diu nequit consistere, idcirco Princeps prudentiæ clypeo innixus, non debet alios parvifacere, sed moderando cæcam regnandi libidinem, nihil negligere, neminem non timere, recolens frequenter adagium illud, Etiam capillus unus habet umbram suam. Quod pulchrè exprimitur hoc insigni, nimirum, remora gubernaculo navis adhærentis, apposita nota academica, Sic parvis magna cedunt. remora enim parvus admodum pisciculus vix bipedalis, gubernaculo navis adhærens, velificantem navem remoratur. quis crederet? Elephantes licet prosternant acies, & armatos hostes proterant, minimo tamen suis stridore terri, solent terga hosti dare. Quid, quæso, vilius culice? at parvus culex potuit aliquando leoni non minimum facessere negotii, Quid gallus albus, si leonis robori comparemus? at leonem rugientem non solum comprimit, sed etiam territat, atque in fugam suo conjicit buccinatu, Quid? nonne legimus, eos qui grandes, & potentes viros prostraverunt, ab homunculis interdum fuisse superatos?

Quid magis est saxo durum? quid mollius unda?

Dura tamen molli, saxa cavantur aqua.

Quam pulchrè faciunt huic instituto verba quædam aurea multo sale aspersa, quæ olim dixerunt Scytharum legati Alexandro Regi, qui nimia imperandi libidine captus, nullis finibus contentus erat, Si dii habitum corporis tui, animi aviditati, parem esse voluissent, orbis te non caperet, al-

tera

tera manu orientem, altera occidentem contin- Q. Curt.
lib. 7.
geres, & hoc affecutus, scire velles, ubi tanti nu-
minis fulgor conderetur. ab Europa petis Asiam,
ex Asia transis in Europam. deinde si omne genus
hominum superaveris, cum silvis, & nubibus, cum
feris, ac bestiis gesturus es bellum. Sed quid? an
ignoras arbores magnas diu crescere, una tamen
hora extirpari? Leo quoque aliquando minima-
rum avium pabulum fuit. Ferrum rubigo consu-
mit, & nihil tam firmum est, cui periculum non
fit, etiam ab invalido. Proinde fortunam tuam
pressis manibus tene, lubrica est, nec invita teneri
potest, impone felicitati tuæ frænos, facilius illam
reges. egregium planè oraculum à barbaro ore
prolatum, sed non barbarè.

Insigni huic documento subscribit Archidamus
Agésilai filius, is enim cum à Philippo Macedo- Plutarc.
in Laco-
nibus.
num Rege, post cladem ab eo acceptam, litteras
aculeatas minarum & terroris plenas accepisset,
audacter respondit, Si tu (ô Rex) metieris umbram
tuam, illa nihilo major erit, quam erat ante victo-
riam. Salsè quidem. Quoniam non est sapientis
viri in rebus secundis animo intumescere, sed for-
tunæ volubilitatem, & humanarum rerum incon-
stantiam, præ oculis semper habere. cum verissi-
mum sit illud oraculum longo usu comprobatum,

Si fortuna volet fies de Rhetore Consul,

Si volet hac eadem fies de Consulo Rhetor.

Prospera cuncta tibi? noli considerare Princeps,

Lubrica fortuna est, vitrea, vana, levis.

CAPVT XXIV.

Rebus in adversis non frangatur animus Principis, & metuent eum omnes gentes.



EGIÆ fortitudinis præcipuum munus est, secundis rebus non extolli, adversis non deprimi, nullo metu frangi, nec se alium, in alia fortuna præbere, ut de ipso pleno jure possit decantari,

Etiam si fractus illabatur orbis,

Impavidum ferient ruina.

Quod quidem facile assequetur Princeps, si clypeo prudentiæ munitus existat. Vir enim prudens, ita firmat virtute sua volubilem fortunæ rotam, quod minimè commoveretur, nec ob ejus motum, nec ob ejus metum, sed instar cubi, impelli quidem potest, at non prosterni, quasi inclamet, Quod quod veritas. Cubus quippe, in quamcumque partem incubuerit, immotam stabilitatem habet, semperque sui similis est. Porro quanto magis fortuna conatur illum dejicere, tanto magis animi fortitudine resistit, quasi pila vento distenta, fluctibus huc, & illuc jactatur, non tamen submergitur, imo super undas exultando, per prosopopœiam inclamat, Inanes minæ. oppugnari quidem potest vir fortis, non expugnari. Verè opus gloriosum, in regno fortunæ, vicisse fortunam, at fortunæ telis frangi, non ingenui, & nobilis, sed vilis, & effœminati animi est. Quippe, non est mirum, in tranquillitate non concuti, mirum est ibi extolli aliquem, ubi omnes deprimuntur, ibi stare, ubi omnes jacent. sapienti viro nihil mali potest accidere,

Sen. ad
Lucil-
lume-
pist. 73.

re,

re, stat rectus sub quolibet pondere, & nulla res illum minorem facit. Huic sententiæ egregiè subscribit Ambrosius. Sapiens vir, ait, non metu frangitur, non potestate mutatur, non extollitur prosperis, tristibus non mergitur. siquidem vir fortis nunquam in alia fortuna est alius, sed semper idem. Quod Philosophi testimonio facili negotio comprobatur. inquit enim, Magnanimus, neque fortuna bona extollitur, neque mala deprimitur, quia de nullo infortunio tristatur, in tantum quòd deviet à via rationis. ac si dixisset, Vir prudens neque prospero rerum statu trahitur, neque earum ventis reslantibus, retrahitur, sed eundem semper agit cursum, & licet à diversa, & adversa fortuna agitur, ipse tamen nec diversus, nec alius, sed semper idem existens, eundem animum, mentemque eandem, in diverso & tempore, & statu gerit, quasi stella in orbe fixa, quæ licet orbis in gyrum agat, ipsa tamen non movetur, nota academica inclamante, Immobile in motu. Huc appositè facit, quod Plinius refert mirabile dictu de lapide quodam, quem Abeston vocant Græci. hic cum semel ad ignem applicatus, flammam conceperit, nunquam extinguitur, quamvis maxima aquarum vi perfundatur. Pulchrè Poeta,

Arcadia tellus lapidem producit Abeston.

Ferreus huic color est, natura mira potestas:

Nam semel accensus, conceptos detinet ignes,

Extinguique nequit, perlucens perpete flamma.

De Lauro scribit Geminianus, quod & brumali, & æstivo tempore nativam retinet viriditatem. Ecce vir fortis in diversa fortuna semper idem, Adamanti similis, qui nec ferro infringi, nec igne absumi potest, animi semper invicti signa

Ambr. in
epist. ad
Simpli-
cianam.

Arist. lib.
4. ethic.

Gemin.
lib. 3 de
vegetab.
c. 61.

ostendens. ità Leonidas Persæ cuidam minitanti, quod ipsi Lacedæmonii postero die ex sagittarum multitudine Solem non essent visuri, audacter respondit. In umbra igitur commodius pugnabimus. non minorem animi fortitudinem ostendit Pederetus, signa cum hoste collaturus, cuidam enim dicenti, magnum esse hostium numerum, tantò, inquit, gloriæ plus referemus, quanto plures interficiemus. Hinc Poetæ fingunt Æolum imperare ventis. sed quorsum? nimirum, ut ostendant Principem in tractando imperii clavo, nullis turbationum tempestatibus succumbere, sed strenue, ac fortiter imperare. qui enim prudentiæ innititur, non solum in adversa tempestate novit navigare, sed etiam enavigare. Quippe, quod vir prudens novit temporibus obtemperare, & honestè cedit, qui tempori cedit, testis Antæus; qui quo magis ad terram usque ab Hercule deprimebatur, eò attollebatur eminentius. en typus viri fortis, prudentiæ innixi, qui novit ex depressione attolli, ex incommodis commoda capere, & ex malis bona elicere. siquidem fortitudo expers prudentiæ, fortitudinis nomen admittit, induit temeritatis. Præclara viri fortis testimonio comprobatur. Quid est enim, quod Theseus è labyrintho Dædalico, in quem semel detruso, nullus unquam dabatur regressus, sed accepto ab Ariadne fili glomere, impunè evasit? novit qui sapiens est, non solum in pericula se immergere, sed etiam è periculis emergere. Iacent ergo omnes in imperii custodia vires, nisi adsit sapientis viri prudentia, quæ sola omnibus occurrat incommodis.

Quocirca Echinum, sapientis symbolum constituerunt antiqui, hac ducti ratione, Quoniam hoc animal, quasi temporum observans momenta, duobus latibul-

latibul-
stro ex
expos
tra
claus
Q
virum
servi
adve
mur,
fortu
proin
nia: q
riunt.
fultine
ditatio
rum a
viden
nè au
ste, p
D
Sene
ut nu
Phil
non
fuit.
Po
duob
rem
X
tunc
capit
genti
cidiss
Q

latibuli extruit orificia, unum Boreæ, alterum Austro expositum. Borea igitur spirante, ei, quod est expositum occludit, referat alterum, & è contra, Austro ingruente, pandit Boreale, altero clauso.

Quid ex hoc naturæ documento? hoc nimirum, virum sapientem non frangi debere, sed tempori serviens, forti prudentia tolerare debet quælibet adversa, Academicum illud decantando, Flectimur, non frangimur undis. Solet enim prævidere fortunæ conatus, multo ante quam occurrant, proinde non animo cadit, sed strenuè sustinet omnia: quia jacula, prævisa, ait Gregorius, minus feriunt. quia facilè, ait Seneca, adversam fortunam sustinere potest, qui semper expectat. quia præmeditatio futurorum malorum, ait Cicero, lenit eorum adventum, quæ venientia longè antè videris. videntur enim omnia repentina graviora. Hoc sanè aureum regnandi institutum experimento teste, plurimi docuere sapientes.

Cic. lib.
I Tusc.
cul. q.

De Socrate sapientissimo viro, nonne scribit Seneca, quod ita constans in utraque fortuna fuit, ut nunquam visus fuerit in vultu mutatus? verba Philosophi sunt hæc, Non hilariorem quisquam, non tristiorem Socratem vidit, æqualis semper fuit, in tanta inæqualitate fortunæ.

Sen. epist. 105.

Pericles Atheniensium dux, intra quatuor dies duobus filiis orbatus, non ingemuit, sed nec priorem frontis habitum mutavit.

Xenophon, filii morte nuntiata, sacrificium, cui tunc intererat, non omisit, coronam tantum, quam capite gestabat, deposuit, mox interrogans diligentius, atque audiens, quod strenuè pugnans cecidisset, coronam ipsam capiti reposuit.

Quid de Anaxagora? hic mortem filii nuntian-

ti respondit. Nihil novum, aut inexpectatum audio, ego enim cum sim mortalis, sciebam me genuisse mortalem.

Prov.
c. 16.

Demetrius Phalereus dux Atheniensium egregius, in diversis, & adversis fortunæ eventibus, nunquam diversus, & alius, sed semper idem fuit, quod ex hoc præcipue conjici potest. ob præclarissima gesta, trecentæ ei statuæ ab Atheniensibus erectæ fuerunt, at post Cassandri obitum, qui eum Atheniensibus præfecerat, æmulorum invidia in Ægyptum fugere fuit compulsus. ibi autem cum accepisset illas omnes statuas disjectas esse, & in matulas per ignominiam conflatas, subridens, ait, Statuas quidem evertere potuerunt invidi, at præclara gesta, quorum gratia, illas crexerunt, nullo unquam tempore abolere poterunt. Hinc Sapiens dicebat: Melior est vir patiens viro forti, & qui dominatur animo suo, expugnatore urbium. Verè fortis animus est, quem infortunia non dejiciunt, talis fortitudo fuit in Philippo Secundo Hispaniarum, atque Indiarum Rege, cujus contra Britannos classem maximam, cum Oceani rabies ita devorasset, ut vix nuntius ad regias aures elaberetur, eo Rex audito, mox ait, Classem ego contra homines, non contra ventos, & elementa conflaram. Fortis animus, qui mortem quasi per ludum suscipit, talis fuit in Anaxarcho philosopho, qui jussu Anacreontis tyranni positus in concavo faxo, ut tunderetur, per jocos dixit; Tunde, tunde, ô tyranne, vas Anaxarchi tundis, non Anaxarchum. Fortis animus, qui exilio non movetur: talis fuit in Agrippino Romano, cui ad mensam accedenti, cum repentinus fatescelles, à Nerone Cæsaremissus, sine mora exilium ad urbem Ariciam denuntiasset, Ergo, inquit, Ariciæ cœnabimus.

Fortis

Fortis animus, qui si injuriis fortè petatur, respondet. Non memini me læsum. sic dicebat Cato. Fortis animus, qui cohibet iram. talis fuit in Philippo Alexandri patre, cum enim urgerent Macedones, Sume pœnas, ô Philippe, de intoleranda Græcorum ingratitude, qui tantis abs te beneficiis ornati, de te tam turpiter obloquuntur, tunc Rex vir sapiens, sic respondit; Non benè suadetis amici, qui bene accepti mala reponent, quanto pejora mala provocati reponent? magnanimi Principis oraculum, non enim abjecti, sed strenui est perferre injurias, nam quemadmodum, ait Plutarchus, stomachi arguit imbecillitatem cibos non continere, ita infirmo, atque infimo se prodit animo, qui ne verbum quidem sustinere potest.

Nec silentio prætereundum egregiæ fortitudinis exemplum, quod sancta Melania cunctis mortalibus reliquit imitandum. nam calente adhuc mariti corpulculo, & nec dum humato, ecce nuntius refert duos filios simul occubuisse. Quis illam tunc non putaret more materno, sparsis crinibus, veste conscissa, lacerum pectus invadere gemitibus ad cælum usque elatis? mirum dictu. Lachrymæ gutta non fluxit, immobilis sterit, & virili pectore firma, ad pedes advoluta Christi, quasi ipsum teneret, dixit, Expeditius tibi servitura sum Domine, quia tanto onere me liberafti.

Sed quid dicemus de Imperatore Mauritio præstantissimo viro? hic cùm à Deo postulasset, ut de illo in præfenti vita vindictam sumeret, mox divinitus revelatum est ei, quod peccatorum suorum vindicta servo cuidam suo, qui appellabatur Phocas, commissæ est. Qui Phocas cum contra dominum suum conspiraret, regnumque tyrannicè occuparet. Mauritium tandem cum uxore,

&

Niceph.
lib. 18
hist. ec-
cles. cap.
40.

& octo filiis interfecit . At devotus Imperator cum intelligeret hoc à Deo fuisse permissum , adeo patienter , & strenuè , uxoris , & filiorum necem pertulit , quod humi prostratus , nihil aliud proferebat , quam illa Davidis verba , Iustus es Domine , & rectum iudicium tuum . O regiae fortitudinis exemplum tanto Principe dignum ! Ecce (ô Principes) egregia historiarum monumenta vobis proposui , ut hinc discatis in Regnis administrandis , non adversis frangi , sed (palmæ victricis ad instar) ad sydera elevari , audacter , & strenuè inclamando , Tu ne cede malis , sed contra audentior ito .

Rebus in adversis regalia corda probantur ,

Quæ concussa gravi turbine firma manent .

Magnanimi proprium , savis non frangier undâ ,

Et sapientis opus , cedere temporibus .

C A P V T XXV.

*In sublevandis pauperibus , sit pius Princeps , &
multiplicabitur substantia ejus .*

Sap. c. 7.



VOD de sapientia omnium virtutum parente , dixit olim Salomon Rex sapientissimus , hoc idem liceat Principi cuilibet , de regia in pauperes largitate proferre . Venerunt mihi omnia bona pariter cum illa . Eo quod nam bonum potest à Principe desiderari , quod ab eleemosyna non profluat abundè ? Quid , quæso , habes in votis ? thesauros tuos nec fraude , nec vi , in tuto collocare . Frange esurienti panem tuum . Siquidem panem , quem ponis in mensa pauperis , non perdis , sed deponis , non amittis , sed commit-

committis perpetuò servandum. Hoc probe no-
verat Sapiens, idcirco consulebat potenti ; Mit-
te panem tuum super transeuntes aquas, & post
multa tempora invenies illum. Hinc Beatus Lau- Eccl. c.
rentius tyranno dicebat; Facultates Ecclesiæ, quas 11.
requiris , in cælestes thesauros manus pauperum
deportaverunt.

Hoc idem sentiebat Martinus, singulari in pau-
peres benignitate insignis , cum enim sub signis,
gregarius adhuc miles ageret, & mendicus qui- Fulgof.
dam nudus, elemosynam ab eo postularet, argen- li. 4. c. 8.
tum autem, & aurum tunc ei non esset ad manum,
arreptam ex humeris chlamidem, dissecuit me-
diam, sibi que partem servans , mendico alteram,
magna liberalitate donavit. Quis tale facinus au-
divit unquam ? ô benignitatem incomparabilem.
dixit olim Poeta,

Nulla fides, pietasque viris, qui castra sequuntur.

At contrarium re ipsa ostendit Martinus egre-
gius miles. Quippe, qui castra adhuc sequens, cla-
rissimum suæ pietatis argumentum dedit. Onu- Onuphr.
phrius scriptor insignis , de Alexandro Quinto de vitis
Pontifice refert, quod ita in omnes, sed præcipuè Pontif.
in pauperes munificus fuit, ut prorsus nihil sibi re-
liquerit. Quare per jocum interdum dicere sole-
bat, se divitem Episcopum fuisse, pauperem Car-
dinalem, mendicum Papam , ob profusas, & in-
gentes largitiones.

Carolus Borromæus nostris temporibus inter Fulgof.
Sanctos relatus, nonne vendidit Principatum , ut li. 4, c. 8.
pauperibus subveniret ? quem postea perpetuo
duraturū invenit in cælis, in manu Dei depositum.
Noverat quippe vir sanctus , Principem non esse
dominum absolutum, sed dispensatorem bono-
rum, quæ à Deo accepit , proinde non dissipanda
pro

pro libito, sed prudenter dispensanda, nam quod pauperibus erogatur, non dissipatur, sed deponitur diu servandum, quod carmine satis eleganti expressit Martialis,

Martial.
lib. 5.

Callidus effracta fur nummos auferet arca,

Prosternet patrios impia flamma lares.

Debitor usuram pariter, sortemque negabit,

Non reddet sterilis semina jacta seges.

Dispensatorem fallax spoliabit amica.

Mercibus extructas obruet unda rates.

Extra fortunam est, quidquid donatur egenis,

Quas dederis, solas semper habebis spes.

Hinc Marcus Antonius omnibus divitiis distributis, frequenter discitare solebat, Hoc solum habui, quod dedi. Huc facit appositè quod olim accidit Romæ. Cum enim sepulchrum quoddam aperiretur, inventus est in eo lapis, in quo verba hæc insculpta erant, expendi. donavi. servavi. habui. habeo. perdi. Convenerunt eruditiores viri, qui hoc modo interpretati sunt, Quod expendi, habui. quod donavi, habeo, quod servavi, perdi. quasi mortuus loqueretur dicens, Solum bonum, quod feci, illud habeo in manu Dei depositum. verum est enim sacrum illud Ioannis oraculum, Opera illorum sequuntur illos. Hoc probè noverat optimus Princeps Amedæus, ut scribit Volaterranus, proindè facultates suas apud pauperes deposuit, quas deinde copiosè recepit. historici verba hæc sunt, Amedæus Dux Sabaudia, cujus erat avus ille Amedæus, qui in Concilio Basiliensi Pontifex factus est, rogatus quondam à quibusdam Oratoribus, si quos haberet canes, ostenderet, annuit Princeps, ut postera die redirent, cum verò adessent, Amedæus in porticu regia, ingentem à latere ædium mendicorum multitudinem eis

ABx

Huc solum habui
quod dedi

quod expendi. Donavi.
servavi.
habui. Habeo.
perdi.

Raphael
Volat. li.
3. geo-
graphiæ
de Gal-
lia Nar-
bonensi.

eis ostendit, una discumbentium. Hi sunt, inquit, canes mei, quos alo quotidie, quibus cælestem gloriam me spero venaturum. quasi alter Abrahamus, qui in ipso fervore diei, tanquam venandi, aucupandique gratia stabat. Hunc itaque ducem imitare (ô Princeps) tunc omnia feliciter cadent, & præ lætitia gestiens, exclamabis; Venerunt mihi omnia bona pariter cum illa. Adhuc sitis? Ecquid velles? bonorum multiplicationem? audi divinum verbum cælitus emissum, Honora

Prov.
c. 3.

Dominum de tua substantia, & de primitiis frugum tuarum da pauperibus, & implebuntur frumento horrea tua, & vino torcularia redundabunt, & bene dicit de primitiis, quia Deo meliora sunt offerenda. hinc patet solutio illius quæsi-

Gen. 4.

ti, cur Dominus respexit ad Abel, & ad munera ejus, ad Caim autem non respexit? quia, ut scribit Cyrillus, Abel obtulit quæ inter gregem præ-

Cyrril.
li. 2 in
Gen.

stantiora erant; obtulit enim ex primogenitis ovium; at Caimus deteriora Deo maximo offerre non erubuit, & meliora sibi servavit. Respexit autem primo ad Abel deinde ad munera, ad insinuandum, quod externæ oblationes non sunt Deo gratæ secundum seipsas, sed ratione offerentium placent, aut displicent. Verum cum de externis loquor oblationibus, non est sermo de Augustissimo sacrificio legis Evangelicæ, quo Christus offertur, hoc enim Deo acceptum est, licet à sacrificante indigno offeratur Domino. Sed quo signo cognoscitur sacrificium Abelis magis acceptum? per ignem de cælo missum, qui consumpsit sacrificium Abelis; Caini autem non consumpsit, ita refert Hieronymus lib. de traditionibus Hebraicis in Genesim. hoc exemplo discant Principes meliora offerre Deo, & centuplum accipient etiam

in hac

*Missæ Divinæ mæsti
acceptæ licet ab
indigno offeratur*

Prov.
c. 19.

Sotus 4
sentent.
diff. 19.
q. 1. a. 2.

D. Th. 4
sent. diff.
15. a. 2.

3 Reg.
c. 17.

in hac vita. verum est enim illud oraculum, Foeneratur Domino, qui miseretur pauperi. hæc sponsio Dei est, qui mentiri non potest. Fidelis est Deus in omnibus verbis suis. spondit ? datam fidem servabit. licet enim quidquid Deo damus, ab ipso receperimus, damus tamen ut nostrum, cujus ipse nos dominos fecit. Siquidem, ut ait Sotus, postquam Rex dono dedit oppidum civi, potest postmodum civis, si aliquid debeat Regi, indeolvere. Verissimum est, non inficior, quod quidquid boni habemus, à Deo habemus, sed immensa Principis benignitas, dum creavit hominem ad suam imaginem, ratione, & libero arbitrio dotavit, qui esset dominus suarum actionum, ac subinde suarum rerum. Nec valet argumentum, Servus non potest pro aliquo debito satisfacere, quia totum quod habet, domini est, non valet, quoniam licet homo sit servus Dei, non tamen eo modo, quo servus emptitius, nam hujusmodi servus, non est sui juris, nec liberum habet suarum rerum dominium, sed omnia sunt domini, at homo, Dei clementia, libera facultate decoratur, qua possit dona data Deo donare, & ab ipso longè majora recipere cumulatiore mensura. Quod multorum exemplorum auctoritate, haud erit difficile comprobare. mulier quædam Sareptæ incola, ut Regum narrat historia, hac virtute insignita, Helix propheta semel elemosynam impertivit. At quid hinc ? nonne multiplicibus, variisque beneficiis remunerata fuit ? illa siquidem audire meruit. Hæc autem dicit Dominus Deus Israel, hydria farina non deficiet, nec lecythus olei minuetur, usque ad diem, in qua Dominus daturus est pluviam super faciem terræ. nam qui facultatem tribuit pauperi, ipse est, ait Chrysostomus, qui beneficio fruitur,

cen-

centupla nempe foeneratione recipiens. Sicut ^{Chrys.} enim qui seminat, dum jacit granum, non perdit ^{hom.} ^{27 in} ^{Gen.} tum credit, sed multiplicandum expectat in messe; ita qui eleemosynam seminat, non amittit panem suum, sed multiplicat, etiam in hac vita. Huc facit opportune, quod legitur in speculo exemplorum. Abbas quidam hospitalis erat, & circa pauperes pius, quantoque amplius opera charitatis exhibuit, tanto illi, ac domui ejus Dominus benedixit. Post ejus mortem successor ejus avaritia ductus, hospitalitatem exclusit, consuetaque erga pauperes subsidia subtraxit. charitate igitur exclusa, proficere non potuit monasterii substantia, imo brevi temporis intervallo ad tantam inopiam devenit, ut vix haberent Monachi quod manducarent, die vero quadam vir quidam venerandæ ætatis venit ad ostiarium, quæsitque hospitium, quem quidem ille clam collegit, ac hospitalitatis officium illi impendit, hoc etiam adjiciens, Nullate capiat admiratio bone vir, quod tam negligenter & parce tibi procuro, quandoquidem magna rerum penuria in causa est, aliquando talem vidi monasterii statum, ut si advenisset Episcopus, cum maxima charitate, & rerum omnium copia fuisset receptus. tunc respondit ille senex dicens; Duo fratres expulsi sunt de hoc monasterio, nisi illi reducantur, nunquam bonus monasterii status erit. horum fratrum unus vocatur, Date, alter vero, Dabitur, sicque statim ab oculis ejus recessit. Ostiarius autem Abbati, fratribusque audita recitavit. resumpta est itaque hospitalitas, & cœpit monasterium, ut prius reflorescere, benedicente illis Domino.

Nec est valde dissimile quod scribit Georgius ^{Georg.} Cedrenus, exemplum verè memorandum. Cum ^{Ced. in} ^{compen-} ^{dio hist.} quidam

quidam Episcopus, ait, prædicaret inter Sarracenos, quendam eorum convertit, & baptizavit, postea autem cum suaderet ei, quod faceret opera misericordiæ, dicente Domino in Evangelio; Centuplum accipietis, & vitam æternam possidebitis. ille mox venditis omnibus dedit pauperibus, & obdormivit in Domino. Cum autem filii ejus traherent Episcopum ad judicium Sarracenorum, litentque Episcopo intentarent, super hoc quod patri centuplum promississet, neque tamen promissis sterisset, quandoquidem eos exheredes reliquisset, Episcopum respondisse fertur, Deum in alia vita illum patrem remunerasse. adductus itaque ad defuncti tumulum, mortuum adjuravit in nomine Domini Nostri Iesu Christi, ut diceret, utrum sibi benè fuerit de promisso persolutum, respondit cunctis audientibus defunctus; Centuplum accepi, & vitam æternam possideo. hoc audito omnes in admirationem rapti, laudabant Deum dicentes: Fidelis Deus in verbis suis.

Gregor.
Turon.
in hist.
Franc.
Prov.c.
19.

Paul.
diac.lib.
6.cap. 3
hitor.
Longob.

Hoc apprime intelligebat Tiberius Secundus Imperator. is enim ita copiose bona pauperibus erogabat, quod Imperatrix eum sæpius objugabat, cui ille, Nè turberis domina, Deus providebit fisco nostro, an nescis quod fœneratur Domino, qui miseretur pauperi? accidit autem quod altera die deambulans per aulam regiam, vidit lapidem marmoreum, signo crucis insignitum pedibus conculcari; Non est bonum, inquit, rem sacram pedibus conteri, & prorinus præcepit illum erui. sed sub isto alius denud lapis eodem notatus signo apparuit, quem itidem sustulit. tertium deinde vidit penitus similem, & hunc jussit elevari, mox thesaurum inastimabilem invenit. Quid dicis, ô Princeps, multiplicantur, non minuuntur opes pauperibus

ribus
tum
tur,
corru
fruct
direp
fruct
cit,
jure
omni
Se
les?
erui?
nam i
omni
ab om
insigni
violav
chrym
Zeno
facere
mibi
manu
mans
tes,
egenu
beatus
Graco
pectan
pectat
salutari
eter la
confer
sic de
offert.

ribus distributæ. Frumentum in horreis reconditum non augetur, imò sæpe à vermibus corroditur, à muribus vastatur, à tineis dissipatur, situ corrumpitur, at in terram projectum, uberrimum fructum affert, pecunia in arcula reposita, sæpius direptioni committitur, at in pauperes collocata, fructum centies multiplicatum in hac vita producit, & postea vitam æternam ministrabit. unde jure optimo licebit tibi acclamare, Venerunt mihi omnia bona pariter cum illa.

Sed quid amplius immoror? quid adhuc velles? ab omni angustia eripi? ab omni periculo erui? ab omni malo liberari? conclude eleemosynam in sinu pauperis, & ipsa exorabit pro te ab omni malo. Græca lectio habet, & ipsa eximet te ab omni afflictione. quod quidem exemplo sanè insigni comprobatur. Mulier quædam, cujus filiam violaverat Zeno Imperator, orabat sæpe cum lachrymis ante B. Virginem, dicens: Vindica me de Zenone Imperatore, cum ergo multis diebus hoc faceret, apparuit ei Beata Virgo dicens; Crede mihi mulier, ultionem tuam sæpe facere volui, sed manus ejus prohibuit me. erat enim pietatis amans. ita sentiebat Serenissimus Princeps & Vates, proinde dicebat: Beatus qui intelligit super egenum & pauperem, Divus Hieronymus legit; beatus qui cogitat de paupere. Euthymius ex Græco, beatus qui cogitat super inopem, non expectans, ut perat. Quemadmodum Sol non expectat preces, ut exoriatur, sed illico fulget, & salutatur ab omnibus, ita nec Princeps expectet laudes, & preces, ut benefaciat, sed sponte conferat beneficia, & æquè ac Sol amabitur, & sic de ipso decantabitur, Etiam non poscentibus offert. Sed quid eveniet? In die mala liberabit

Eccles. c.
29.

Prat. spi.
rituale
c. 175.

Psal. 40.

Beatus 4 cogitat
super inopem, non
expectat, ut perat
Arist. li.
5 Ethic.

eum Dominus. Symmachus legit in die afflictionis. dic quæso, ô Princeps, quibus curis opprimitur cor tuum? quid angeris? imperium turbatur? deficiunt populi? ingruunt infortunia? manus magnificas extende in pauperes, niox erit tranquillitas magna, & sedebit Regnum tuum in pulchritudine pacis. Ludovici Francorum Regis summa accedit auctoritas. Cum enim orbis totus diris seditionibus esset perturbatus, ipse suum Regnum magna tranquillitate regebat. sed quo præsidio? noctis tempore mutata veste ipsemet elemosynam pauperibus erogabat, dicebatque servo, Ecce præsidium civitatis, hi sunt milites egregii, qui regnum meum summo fœdere, summaque pace fulciunt, & nunc stipendium eis solvo. omni quidem jure beatus iste Princeps hac pietate stipatus poterat dicere: Venerunt mihi omnia bona pariter cum illa. Quid adhuc quæris? vis in Regno similis esse Deo? audi Deum ipsum invitantem. sed qua comite? pietate, Estote misericordes sicut & Pater vester misericors est. ac si diceret, Vos qui in terris vices meas geritis, imitamini pietatem meam in omnes creaturas sese diffundentem. Percurrite intellectu à summo cælo usque ad abyssos, & videbitis, quod ad omnes diffusum est oleum misericordiæ meæ, nec est creatum, quod se abscondat à calore meo. tu quoque, ô Princeps, opera pietatis impertire, quandoquidem Princeps apud Hebræos sonat beneficus, & tunc mihi similis eris, quod si secus feceris, ad Regni cælestis gloriam, ad quam aspiras, nunquam tibi patebit accessus. Cur putas voluisse Salomonem valvas Templi Mosaiici oliuæ construi tabulis? quoniam misericordiæ est symbolum. quasi vellet innuere, sicut per ostium patebat

Toto orbe bellis
fractis, sed Ludovici
in pace fuit
qz miseriam et
liberavit.

Luc. c. 6.

Cur templum Salomonis
habuit valvas
ex tabulis oliuæ

bat introitus ad Sancta Sanctorum, sic per misericordiam ad cælum semita recta. Quare Rex regum ex monte olivarum voluit in cælum ascendere? ut ostenderet per misericordiam, quæ olivarum monte figuratur, ad Paradisi gloriam ingressum parari. quod apprime figuratur per columbam, quæ egressa tempore diluvii rediit ramum gestans olivæ virentibus foliis in ore suo. paradisi non ingreditur gaudium, nisi qui misericordiæ decoratur foliis. hinc Dominus enixè hortabatur potentes ad pietatem, quæ ducit ad vitam, qua qui caret, ad salutis portum haud facile perveniet. En oraculi testimonium, Facilius est Matth. c. camelum intrare per foramen acus, quàm divitem 19. intrare in Regnum cælorum. Porro quia hic locus non est ita facilis, proinde duplicem expositionem adducemus, prima est Theophylacti, qui per camelum, funem nauticum intelligit, sicut enim iste funis integer, per foramen acus ingredi non potest, divisus in singula fila facile ingreditur, sic divitiis potens nisi pauperi subveniat necessitatem habenti, cælum ingredi nequaquam poterit. Altera expositio est Cajetani, qui asserit, Hierosolymis portam quandam esse ita angustam, quod foramen acus appellabatur. Per hanc portam camelus onustus, & collo erecto nullatenus ingredi poterat, nisi demisso prius capite, & sarcina deposita, sic dives nisi prius caput inclinet per humilitatem, & sarcinam deponat per pietatem, nunquam in Civitatem sanctam introibit. Cæterum si divitias in fila pauperibus distribuat, ad cælestem gloriam evolabit, ubi cum ingenti exultatione poterit cum Beatis canere, Venerunt mihi omnia bona pariter cum illa. Quid plura? hoc tantum dicam, quod est summa

Id est foramen acus.

rerum, exoptas nē ō Princeps extremum diem claudere feliciter? audi Hieronymum dicentem,

ō miseris aures
s. Hieron. audien-
ter uocem letanti-
um in Dno, et
fletum illi
suis agentes, qd
fletu miseres

Nunquam memini me legisse mala morte mor-
tuum, qui libenter opera pietatis exercuit, habet
enim multos intercessores, quorum preces im-
possibile est non exaudiri. Sed plus ultra, audi
rem dictu incredibilem, veram tamen; velles
post mortem, carnis tuæ incorruptionem? sit
erga pauperes munifica manus tua, & quod cupis,
succedet ex votis. Polydorus Virgilius de
Osualdi Scotorum, & Anglorum Rege, ejusque
elemosynis scribit, in hunc modum, Osualdus
bonus Princeps, miræ sanctitatis, ac pietatis, eo
ipso die, quo Christus Iesus à morte vitam re-
sumpsit, dum prandebat, discumbente cum eo
sancto viro, ac Episcopo Aidano, à ministris in-
tellexit, frequentes pro foribus domus circum-
stare pauperes cibum petentes. Tunc pius Prin-
ceps charitate motus, lancem argenteam cum ci-
bariis, quæ ad manus prima aderat, pauperibus
minutatim dividendam dedit. Aidanus ob hu-
jusmodi præclarum liberalitatis facinus ad Regem
conuersus, & ejus dexteram apprehendens, in-
quit, Nunquam putrescat ista manus. quod vir
utique sanctus divino afflatus spiritu cecinit,
ut rei probavit eventus. nam illa manus, con-
sumpto posthac corpore, integra semper man-
sit, quæ capsula decenti condita in urbe regia
multa cum veneratione diu servata est. En sanctæ
pietatis præmium, non solum substantiæ mul-
tiplicatio, sed etiam carnis incorruptio. Ad
hanc igitur concurrite Principes, ad hanc confu-
gite, sub hac requiescite. est enim porta salu-
tis, in qua inveniuntur omnia bona, proinde
licebit

Manus misericors
non putrescat
quæ sic formata
Osualdi Regis

licebit
ter cu
Ne

Cogit
m

C

post
tam
quib
ita q
habi
turu
rent
men
Cui
lustr
Hier
mor
ump
dere
cess
pè,
næ,
te el

licebit dicere, Venerunt mihi omnia bona pariter cum illa.

Nè sis ipse miser, miseris succurrere disce.

Dives opum est, inopi qui dare novit opem.

CAPUT XXVI.

Cogitet quotidie Princeps se brevi moriturum, mox tumentes superbiæ fluctus confringeret.



ORBIS totius Conditor, ac omnium dominantium Imperator, dum in admirabili Transfigurationis triumpho (Solis instar) gloriosus undique coruscaret, Moysè & Helia stipatus, præstantioribus Apostolis sociatus, choris Angelicis comitatus, in tam excelsò dignitatis culmine, constitutus, de quibus, quæso, agebat? an de triumphis? non ita quidem. sed de mortis memoria sermonem habuit, loquebantur de excessu quem comple- Luc. c. 9.
turus erat in Hierusalem. Quid hinc? ut edocerentur homines, & præsertim Principes, mortis memoriam, gaudiis humanis esse intermiscendam. Cui instituto etiam Ethnici, solo naturæ lumine illustrati, obsequentissimi fuere. Siquidem, Divo Hieronymo teste, antiquitus apud Romanos, in more positum erat, ut Imperatorem Romæ triumphantem, quispiam, Senatus nomine, præcederet inclamando, Respice ad eos, qui te præcesserunt, & memento te esse moriturum. nempe, ut hoc remedio temperarentur laudes humanæ, nè fortè Princeps, tantæ celsitudinis majestatem elatus, inani fastu intumesceret. Quin etiam

Claudius Paradinus, vir apprimè eruditus, recenset in coronationibus Imperatorum, hujusmodi genus usitatum fuisse. nempe, ut eo ipso tempore, quo capiti corona, manibus verò imperiale sceptrum imponebatur, egregius sepulchrorum fabricator, tres diversos lapides, alabastrum, iaspidem, & porphyrum afferret, ut ex illis, habito delectu, sepulchrum construeretur, alta voce inclamans,

Elige ab his saxis, ex quo Augustissime Caesar,

Ipse tibi tumulum, me fabricare velis.

Ptolemæus Philadelphus Ægypti Rex, inter medias epulas tristem mortis imaginem, ac mortui cranium, semper ad latus habuisse fertur, atque hanc à ministris interdum vocem in mensa repeti jussisse, Inspice Rex, & cogita, talem te cito futurum. Egregium hoc Ptolemæi factum, veterem Ægyptiorum laudabilem consuetudinem mihi revocat in mentem. refert Herodotus magni nominis historicus, apud Ægyptios hunc fuisse morem, nimirum, in magnis conviviis mortui hominis caput ante oculos proponere; moxque inter pocula subicere, Mementote, quo tandem redigendi sumus, eo sanè consilio, ut conditionis suæ memores, moderatius fruerentur voluptatibus. ob hanc causam sæpè admonebat Salomon dicens, Oculi sapientis in capite ejus. per caput intelligit Olympiodorus cælestia, ille tenet oculos in capite, qui purgato intellectu, contemplatur superna, eò quod caput, eminentia quædam sit, & totius corporis pars suprema, qui vero circa terrena occupatur, habere dicitur oculos in pedibus, qui sunt infima pars, de quibus Vates dicebat; Oculos suos statuerunt declinare in terram. quando ergo dixit Salomon; Oculi sapientis in capite

Herod.
lib. 3.

Eccl.c.2.

capite
habet
Chri
oculi
demp
platu
pium
creav
In ca
te lit
caput
dicit
ejus,
in pri
spice a
homin
quod
forma
De
dunt
gia p
tum,
ferre
Rex
pect
mo
gend
Pe
Vrin
giam
dice
mori
quan
non c

capite ejus, vult insinuare, quod sapiens, oculos
 habet ad cælum. Gregorius per caput intelligit
 Christum, dicente Paulo, Caput viri Christus.
 oculi ergo sapientis in capite ejus sunt, dum Re-
 demptoris sui opera, quæ imitari debet, contem-
 platur. In divinis litteris, caput significat princi-
 pium, unde, ubi vulgata nostra legit; In principio
 creavit Deus cælum, & terram; alii transferunt,
 In capite, confirmatur per illud Psalmi; In capi-
 te libri scriptum est de me. Titelmanus hic per
 caput, intelligit principium libri Psalmorum. dum
 dicit ergo Salomon; Oculi sapientis in capite
 ejus, perinde est, ac si diceret; Oculi sapientis
 in principio ejus. quod est principium ejus? re-
 spice ad primum caput Genesis; Formavit Deus
 hominem de limo terræ. hoc est principium, ad
 quod respicit sapiens, nempe, ad lutum, ex quo
 formatus est.

Lib. 2
 moral.
 c. 4.
 I Cor. c.
 11.

De Philippo Macedonum Rege, nonnè pro-
 dunt historiarum monumenta, ipsum in aulâ re-
 gia puerum habuisse, huic tantum muneri destina-
 tum, ut quotidie ad eum ingressus, tale quid pro-
 ferret? Memorare, ô Rex, te esse hominem. tunc
 Rex, miseram conditionem considerans, tales è
 pectore effundebat voces, Heu me miserum, ho-
 mo sum, & proinde mortalis, & in cinerem redi-
 gendus, quasi diceret,

Stobæus
 ferm. 19.

Post hominem vermis, post vermem fœtor, & horror,

Ælian.
 lib. 5. c.
 15.

Sic in non hominem, vertitur omnis homo.

Vtinam nostrorum temporum Principes, egre-
 gium hunc Heroem, paganum licet, imitarentur,
 dicerentque inclamantes, En homo sum, &
 mortalis, quod si mortalis, cur ita vivo; ac si nun-
 quam moriturus? si moriturus, cur in me vitia
 non commoriuntur? in vermes convertendus

sum, quomodo ergo me ipsum, ad meliorem frugem non converto? rationem exactè redditurus sum, quomodo ergo lachrymarum imbribus perfusus, toto corpore non contemisco?

Quid sum miser tunc dicturus,

Quem patronum rogaturus,

Dum vix justus sit securus?

Hæc est memoria in Principe laudanda, non illa quidem Mithridatis, qui duarum & viginti nationum, quibus imperabat, linguas adèd callebat, ut singularum oratores palam audiret, & redderet sine interprete responsum. non Cyri Persarum Regis, qui singulos sui exercitus milites, qui penè innumerabiles erant, propriis nominibus appellabat, non Themistoclis, qui recordabatur, etiam quæ noller, quæ vellet, non poterat oblivisci. non Senecæ, qui in prodigium usque eò processit, ut duo millia nomina recitata, quo ordine erant dicta, referebat. sed ejus in primis memoriam probò, qui sui nunquam capitur oblivione, oraculum Delphicum præ oculis habens, Nosce teipsum, quod est dictum, Memento te esse hominem, & proinde moriturum. deberet enim Princeps, tria hæc habere verba in corde radicitus infixæ. Scio me ascendere, ut descendam; virere, ut arescam;adolescere, ut senescam, & demum vivere, ut moriar. cui concinnè adagium illud, Homo bulla. quo admonemur, humana vita nil esse inanius, est namque (instar bullæ) quæ apparet in aquis momento temporis enascens, simul & evanescens, sic homo, Divo Iacobo teste, est vapor ad modicum parens, qui deinceps exterminabitur. Hinc

Iac. c. 4.
Isa. c. 40.

Isaias vocat hominem, herbam; Omnis caro fenum, & omnis gloria ejus quasi flos agri. Si quidem herba primò virescit, mox arescit, tandem

dem putrescit, homo virefcit in flore iuventæ, arefcit in fenio, putrefcit in morte. Adverte, quod dicitur, flos agri, non horti; quare hoc? quia flores horti, nempe, lilia, rofæ, hyacinthi, & id genus, per aliquos dies remanent florentes, at flores qui in agris crefcunt, variis periculis funt expofiti, qui vel à prætereuntibus carpuntur, vel pedibus proteruntur, vel à beftiis depafcantur, ita fermè de homine, proinde dicebat Iobus; Qui Iob c. 14. quafi flos egreditur, & conteritur, & fugit velut umbra. Porro ex omnibus floribus, qui in hortis, vel agris virent, nullus eft qui duas fuflineat brumas, aut bis nivofum gelu patiatur, rident quidem in Vere, folia explicant, venuftatem oftendant, odorem fpirant, & colorum varietate delectant, fed quàm primùm, ut aëris Hiems ingruit, & bruma rigere incipit, cervices demittunt, colorem amittunt, omnis decor evanefcit, & fenfim penitus emoriuntur. idem de hominibus dicendum. quis eft inter tot hominum millia, qui ad ducentos annos pervenerit? imò quis ad centum? quàm pauci ad fexaginta? Ad hanc rem facit appofite enigma illud ab Oedipo declaratum. Quodnam eft illud animal, quod dicitur quadrupes, bipes, & tripes? En homo, qui graditur in infantia quatuor pedibus, quia manibus quoque, pedum vice nititur, & reptat, deinde confirmato gradu, duobus pedibus fe fufciner, donec decrepita ætas baculum, quafi tertium pedem addit. fed quia mifer homo luteos habet pedes, proinde ad primum lapidis ictum, ftatua corporis citò corrumpit, in cinerem redigenda. inter mortuum & vivum differentia eft in folo puncto. Hebræi enim, fi credimus Eufebio, unico nomine fignificant hominem vivum & mortuum, nimirum, methim, fed cum

Eufeb. li.
io de
præpa-
rat. E-
uang. c.
2.

fcribi-

scribitur, solo puncto distinguitur, quia si scribatur cum telerè, duobus punctis sic dispositis (..) significat mortuum, si autem scribatur cum seba, punctis aliter dispositis, hoc modo, nimirum (:) significat vivum, itaque idem nomen diverso modo scriptum, significat vivum & mortuum. en vita brevis, quæ in solo puncto consistit. ô miseram Principum conditionem, quandoquidem Regina mortis sceptris ligonibus æquanti, tributa solvere, & ipsi, vel inviti coguntur.

Pallida mors æquo pulsat pede

Pauperum tabernas, Regumque turres.

Valer.
Max.lib.
8.

Quis unquam felicior Alexandro, qui ob res præclare gestas cognomen magni adeptus est? mors tamen illum rapuit, vermibusque corrodendum tradidit, cujus acerbi casus fama audita, plurimi ad sepulchrum convenere philosophi, quorum alter dixit, Heri ô Alexander multos poteras à morte liberare, hodie mortis jacula non potes evitare. alius verò sic discurrebat, Heri, ô Alexander, ingenti Imperio tumebas, proinde te gentes timebant, hodie super faciem tuam impune discurrunt vermes. Heri, ô Alexander, exclamabant alii, orbis totus non sufficiebat tibi, audiens enim ab Anaxagora plures esse mundos, non sine lachrymis dixisti, Heu me miserum, qui ne uno quidem adhuc sum potitus. sed hodie nobile corpus, exiguo regitur lapillo. Quod perpendens Philosophus moralis, in verba hæc aurea prorupit, Alexander orbi terrarum angustus est, orbis Alexandro angustus est. pulchre Poeta,

Æstuat infelix angusto limite mundi.

Sarcophago contentus erit; mors sola fatetur,

Quantula sint hominum corpuscula.

Hoc semper in corde fixum habebat Carolus, qui

qui rerum gestarum gloria insignis, magni cognomentum obtinuit. Hic cum in extremo mortis articulo constitutus, à suis rogaretur, quænam insignia sepulchro affigi veller? respondit, Sola mortis insignia sculpantur, hæc est enim Regina illa potens, quæ omnes meas victorias in nihilum redegit, & de me ipso victore, triumphum agit. Non petiit Ægypti pyramides, non mausolea Cariæ, non signa bello parata, non victrices Romani Imperii aquilas, non rerum gestarum memoriam, quæ apud posteros immortalis haberetur, sed solam mortis figuram, apposita inscriptione, Sola mors omnia æquat. Nec minori admiratione dignum est, quod olim Saladinus Ægyptiorum Regum maximus fecit, hic cum totum Orientem subjugasset, Occidentem terruisset, Asiam domuisset, rotum denique Orbem concussisset, ut morti se jam vicinum vidit, mandavit, ut statim ac spiritum exhalasset, tunica interior per omnes civitatis vicos, in hasta circumduceretur, & à præcone alta voce inclamaretur, Saladinus Orientis flagellum, Asiæ dominus, omnium populorum terror, ex omnibus suis victoriis in bello partis, tandem Reginæ morti cedens, nihil secum defert, nisi unicum hoc indusium, quo in sepulchro operitur. quasi & ipse diceret, Sola mors omnia æquat. hinc canit Poëta,

Floruit in toto, qui Rex Oriente potenter,

Nunc jacet. ex tantis, quid tulit? ecce nihil.

Vidit moriens illam vanitatem, quam vivens reputabat majestatem. Hinc Vates regius dicebat; *Psal. 48.*
Cum interierit homo non sumet omnia. si non omnia, igitur aliquid, sed quid sumet, cum nudus jaceat? opera sola. Opera illorum sequuntur illos. De magno Cyro nonne tradunt historici, verba

Gregor.
Turon.
lib. hist.

Anton. p.
2, tit. 17.
c. 9.

Fulgos.
li. 7, c. 2.

verba hæc aurea sepulchro affigi iussisse, ut ostenderet Reginæ mortis Imperium,

*O vir quicumque es, & undecumque advenis,
Ego sum Cyrus, qui Persis imperium constitui,
Pusillum hoc terra, quo meum tegitur corpus,
Mibi nè invideas.*

Plutarc.
in vita
Xerxis.

Factum planè memorabile, quod de Xerxe Rege veteres tradidere. cum dux iste potentissimus innumerabiles militum copias collegisset, & eas in acie constitutas, videndi desiderio flagraret, in verticem montis se contulit, è quo cum totum Hellepontum stratum navibus, & terram militibus coopertam cerneret, obortis lachrymis suspirabat, hoc spectaculo viso, mirabantur duces, & tam inusitati casus causam petentes, dixere; Vnde hic ejulatus, ô Rex? annè jam animum contrahis? num ante tubam pavor occupat artus? hactenus te strenuum ducem ostendisti, & modo in lachrymas ruis? quibus cum fletu ait, Non ita viri, non ita, nulla unquam me formido invasit, aliud quid mente revolvò, quod mihi lachrymas excutiat. hinc video tot militum millia, quæ in acie produxi, & heu, centum ab hinc annis, nullus omnino superstes erit, omnes in cinerem redigentur, de omnibus Regina mors triumphum ager, quasi dictum illud, & ipse decantaret, Sola mors omnia æquat.

Philippus Macedonum Rex, cum palæstram, in qua Græci luctabantur, ingressus esset, & inter luctandum, ad terram prolaberetur, jacentis sui corporis imaginem, in arena expressam videns, & quàm parum loci, occuparet, considerans, jocando corpit dicere, O quam minimam terræ partem, natura sortiti, orbem appetimus universum? Utinam corda Principum, quibus
totus

totus orbis non sufficit, regia hæc verba penetra-
rent, profecto superbix vestem exuerent. Proin-
de sapienter consulebat propheta; Vide vias tuas Hierem. c. 2.
in convalle. quæ verba Septuaginta interpretes,
apposite transtulerunt, Vide vias tuas in sepulchro.
quasi diceret; cogita, ô homo, quàm exiguum tibi
post mortem paratum sit domicilium, ut non nisi
septem pedum spatium, tibi concedendum sit.
Hoc fortasse Ethæi volebant innuere, dum sibi in Gen. 23.
Regem Ephron elegerunt, qui apud Hebræos so-
nat pulverem, quasi dicerent, non superbe impe-
rabit, qui pulverem se esse meminerit. Hoc appri-
me noverat Severus Imperator, hic enim mortis
memoriam præ oculis habens, sibi adhuc viventi,
loculum construi iussit, quem sæpè manibus con-
trectans, his verbis alloquebatur, Tu virum capies,
quem totus orbis terrarum non capit. ac si dice-
ret; Sola mors omnia æquat.

Dion.
Nic. in
vita Sc-
ver.

Huic rei facit egregie Epitaphium illud insigne,
quod sibi ipsi descripserat Poëtarum Princeps, is
enim extremum vitæ præsentiens, quatuor carmi-
na composuit, miro artificio elaborata. in quibus
ostendit, se compilando tres libros, vehementer
insudasse, librum nempe, de Bucolicis, in quo tra-
didit artem pastoralis curæ, librum de Georgicis,
in quo artem agri colendi descripsit, & librum
Æneidos, in quo scientiam militarem instituit.
sed hinc quid mihi? ecce nudus egredior pulvisso
terræ claudendus,

*Pastor, arator, eques, parvi, colui, superavi,
Capras, rura, hostes, fronde, ligone, manu.
De capris pastus, de rure sato, hoste subactio,
Nec lac, nec segetes, spolia nulla tuli.*

Sed jam satis superque prophanis historiis inhæsi-
mus, rationi consonum est, ut & sacræ quedam pro-
ducantur,

Ciacon.
in vita
Lucii
tertii.

ducantur. primus itaque in campum prodeat magnus ille Basilius Cappadociæ Episcopus, hic namque in solemnitatibus præcipuis, quando ex officii sui præscripto, magnificam pompam præferebat, nè fortasse intumesceret, uni ex domesticis mandabat, ut in mediis honoribus, in aurem mordicus diceret; Mortem cogita pater, & sepulchrum tuum perfici jube. Huic rei apposite facit Epitaphium pro Petro Comeftore apud sanctum Victorem Parisiis, cum hac inscriptione,

Petrus eram quem petra tegit, dictusque Comeftor,

Nunc comedor nimis, & docui, nec cesso docere

Mortuus; ut discat qui me videt intumultum,

Quod sumus, iste fuit, erimus quando, & quod hic est.

Hanc sacram philosophiam toto cordis affectu, observavit Pius Quintus æternis elogiis celebrandus ex Dominicana familia ad Pontificatum assumptus. hic enim piam hanc inscriptionem in sepulchro adhuc vivens sibi paravit.

Pius Papa Quintus Boschenfis, diem mortis præ oculis habens, monumentum istud erigi mandavit, pro cadavere suo reponendo, quando divina clementia visum fuerit, ipsum ab hoc sæculo nequam eripere.

Hinc in Summi Pontificis solemni coronatione, ad memoriam mortis in mentem revocandam, pia inolevit consuetudo, ante ipsum quandam concremari stipulam, quæ brevitate suæ flammæ, vitæ etiam fugacitatem designat, inde protinus acclamatur, Sic transit gloria mundi Pater sancte. ac si diceretur,

Vir bone, quid curas res viles? res perituras?

Nil profuturas, damno quandoque futuras?

Nemo diu mansit in culmine, sed cito transit.

Est brevis, atque levis, in mundo gloria quævis.

Quocirca Pater Augustinus, ut memoriam mortis

tis

tis in Principe excitaret, his verbis sepe alloquebatur, Inspice sepulchra, & discerne si potes, victum à Rege, fortem à debili, pulchrum à deformi, tunc memorare naturæ tuæ, ne extollaris, quasi diceret,

Cum tumulum cernis, cur non mortalia spernis?

Tali namque domo clauditur omnis homo.

Quid valet argentum? quidve annis vivere centum?

Post mortem fumus, pulvis, & umbra sumus,

Rex iste sapientissimus, pro cuius elogio æternitati commendatur divinum illud oraculum, Inveni virum secundum cor meum, quoniam probè noverat mortis meditationem valde conducere ad clavum Imperii ritè tractandum, proinde illam præ oculis semper habebat, & plorans frequenter dicebat; Cinerem tanquam panem manducabam. perinde ac si diceret, sicut panis est cibus ad vitam corporis sustentandam necessarius, ita mortalitatis humanæ recordatio, mirum in modum prodest, ad vitam animæ fovendam. Hac ratione adducti, egregiam hanc inscriptionem litteris aureis insignitam, sepulchro Palladii apposuerunt benevoli.

Ps. 101.

Hic jacet Silvius Palladius, qui ut moriens viveret, vivit ut moriturus.

Vtinam Christianus Princeps quotidie viveret, ut cras moriturus. neminem quippe læderet, jus suum unicuique tribueret, personam patris ageret, communi commodo consulere, non pro libidine potestatis moveretur, sed freno tantum rationis duceretur, ad summam rei administrandam, & tandem superbiæ fluctus comprimens, confusus, & tremens, exclamaret, Quid superbis terra, & cinis? hæc est via regia, ad ritè moderandas Imperii habenas. Proinde Pausanias Lacedæmoniorum Rex, cum Si-

Eccl.

c. 10.

Plut. e-
pist. ad
Trajan.

Sap. c. 7.

Psal. 88.

monidem philosophū rogasset, ut sibi dignum aliquod documentum traderet, ad potestatem Imperii rectè administrandam, respondit vir sapiens, Hominem te esse memento. ac si dixisset, nihil ad bonum regimen magis accommodatum, quam cogitare se citò moriturum. Quam doctrinam planè auream olim comprobavit Plutarchus. Cùm enim Trajanum Imperatorem, ejus discipulum, missa quadam epistola docuisset, quas virtutes sectari, quanam vitia evitare, & quibus rationibus, boni Principis officium implere oporteret, post varia, & quidem præclara monita, facile eum omnia impleturum dixit; si unica mortis, ad hæc omnia, accesserit memoria. Ego scio, inquit, quod hæc omnia feceris, si tui nunquam oblitus fueris. Quis non miretur, tanto Imperatori, ad tam amplum imperium prudenter administrandum, aliud præceptum non esse præscriptum, quam unicam mortis meditationem? Salomon quoque, quo nullus unquam fuit sapientior, quoties eum mentis elatio extra rationis terminos abriperet, ut vanos impetus retunderet, hoc ipso freno usus est. Sum quidem & ego mortalis homo, similis omnibus. quasi diceret, quis sum ego, nisi cibus vermium? terra ista, qua gravatus incedo, mihi protestatur, quod neque Regni potentia, neque sapientiæ fama, neque sanguinis claritas, neque divitiarum gloria, à Reginæ mortis unguibus me eripiant, quoniam sum homo mortalis, sicut & cæteri, & quis est homo qui vivit, & non videbit mortem? hinc supremus artifex, hominem de limo terræ formavit, ut terra ipsa, quæ inter omnia elementa infimum locum obtinet, & omnium pedibus conculcatur, suæ vilitatis illum admoneret. Hoc præclaro argumento utebatur etiam regius Vates,

tes, ad deprimendas mortalium elationes, dicens; Non apponat ultra magnificare se homo super terram. quod sic ex Hebræo vertit Divus Hieronymus linguarum peritissimus, Non apponat homo magnificare se de terra. doctè quidem, ac si diceret: Quid se magnificat homo de terra? si ex aliqua cælesti materia compactus esset, non mirum, at cum sit ex terra formatus, & cito in terram sit resolvendus, ad quid magnificare terram, vermibus corrodendam? Huc facit opportunè, quod de Brachmanis legitur. Cùm enim ab Alexandro petiissent donum immortalitatis, ipse verò respondiisset; Rem prorsus impossibilem postulatis filii, quia & ipse mortalis sum, tunc protinus adjecerunt, Cur ergo tam insana regnandi libidine flagras, ac si nunquam morti tributum soluturus? Celebrem statuam illam multiformem mente revolvat Princeps, cujus quidem caput aureum, brachia argentea, pectus æneum, tibiæ ferreæ, ac luteos pedes habebat. Imperii majestate, divitiarum còpia, potentiæ magnitudine, gemmarum splendore, refulget Princeps (non inficior) at luteos pedes habet, quia & ipse moriturus, & relictis splendoribus, suspirans, & gemens exclamabit, Solum mihi superest sepulchrum. Proinde regius Vates Principes admonebat, Vos autem sicut homines moriemini. perinde ac dixisset, Num vos æternos esse existimatis? num semper victuros, quia nunc sceptrà aurea manu gestatis? toto cælo aberratis. Nam statutum est omnibus hominibus semel mori, & mors sceptrà ligonibus æquat. Vbi quæso, Cæsar ille, in curru eburneo triumphans, quem quadraginta elephanti trahebant? Vbi Marcus Antonius à leonibus investus? ubi Aurelianus, carpento, quod à

Psal. 9.

Dan. c. 2.

Psal. 81.

Iob c. 1.

cervis trahebatur, insidens? mors sola triumphat, & unusquisque dicit, Solum mihi superest sepulchrum. Hinc pictores, ut mortis naturam exprimerent, illam proponunt oculis hominum, nudam, lumine cassam, auribus carentem, & falce armatam, nudam quidem, ut doceant mortales, quod hinc nudi exire debent, Nudus egressus sum, & nudus revertar, sed cur lumine captam? tria à Poetis cæca describuntur, amor, iustitia, mors. amor, quod omnes sine ullo personarum delectu feriat, vel potius ab effectu, quia amantes verè amantes, cæcos efficiat. ut quidam, experimento cognovit, proinde dicebat,

Nabam per gelidas brumalis gurgitis undas,

Nec mihi solstitium, nec grave frigus erat.

Omnis amor cæcus, non est amor arbiter aquas,

Nam deforme pecus, judicat esse decus.

Iustitia, quia omnes æquali lance judicat. mors verò quod obvia quæque ad terram prosternat. sed quorsum caret auribus? quia clamoribus non flectitur, lachrymis non movetur, & ad preces humanas veluti rigida rupes obsurdescit. hinc à Pericle Atheniensem duce, Atropos inexorabilis appellatur. Porro quid per falcem, quam feralis hæc Megæra manibus tenet, & vibrat? quoniam mors omnia solo æquat. Vbi nunc aurea tot Regum sceptra? ubi tot purpuratorum galeri? ubi tot Pontificum insulæ, & throni? mors omnia æquat.

Est commune mori, mors nulli parcit honori,

Debilis, & fortis, veniunt ad funera mortis.

Diogenes Cynicus cum sepulchra aliquando curiosius inspiceret, ubi defunctorum ossa cernebantur, Alexandrum Macedonem obvium habuit, & cum ille percunctaretur, quid inter mortuos ageret? in hac ossium congerie, patris tui Philippi calva-

calvariā quæro, sed à cæteris dignoscere non valeo. hoc commento docens, in mundi hujus theatro, magnum quidem esse hominum discrimen, at in atra mortis aula, inter pauperes, & Reges nullā prorsus differentiam. In densa sylva, quamdiu ipsa viret, diversa arborum genera videmus, nodosas quercus, umbrosas fagos, frondosas abietes, aliasque arbores, & numero plurimas, & colore varias, quarum aliquæ, terræ adhærent. nonnullæ vero caput, & comas intra nubila condunt, aliquæ è floribus, aliæ è frondibus, & aliæ è fructibus dignoscuntur, sed mox ut securis ad radicem accedit, & illæ in ignem conjectæ, & in cinerem redactæ, quis tunc laurum, à rubo discernet? Mundum hunc sylvam quandam, & homines arbores, si appellamus, non erit absconum, quandoquidem etiam mundi hujus sylva, quamdiu viret, variis coloribus distincta est, sed primum, ut mors falcem admovit, deinde in cineres redegit, nullum amplius adparet discrimen.

Ad hanc rem fortasse Daniel allusit, dum mortem comparat arieti, duobus cornibus armato, Dan. c. 8. quorum unum majus, alterum erat minus. nempe, ut discamus, nullam stirpem adeo nobilem reperiri, nec ullam originem adeo humilem, quam non feriat alterutro horum cornuum. cornu majori tangit Principes, & illustres heroes, minori verò pauperes, colonos, ac vilem plebeculam. eurrebat hic aries ab Oriente, ad Occidentem, ab Aquilone, ad Austrum, ut hinc manifestum fieret, mortem sine ullo ætatis intuitu, omnes invadere. Ad Orientem tendit, cum renellos infantes, vix dum vivere incipientes, abripit. Ad Occidentem, cum decoctos, & decrepitos senes de medio tollit. In Meridiem verò, cum juvenes in

ætatis flore constitutos, in quibus calor, & humor viget, intercipit. ad Septentrionem autem, cum frigescentes, & in senium vergentes prostermit. O mors verè parca, quia nemini parcis.

Quàm lepidè Apostolus ad memoriam excitandam invitabat, Statutum est omnibus hominibus semel mori; ac si diceret, respublicæ optimè constitutæ, præter jus civile commune, decreta quædam singularia præscribunt, quæ cæteras civitates non ligant. In universo hoc orbe tria sunt Regna, Regnum cæleste, inferorum, & terrenum, his tribus quædam leges peculiæ sunt, & propria statuta. In cælesti quippe Regno lex est, qua à morte omnes ejus incolæ præservantur. Præcipitabit Dominus mortem in sempiternum; & ideo dicitur terra viventium, Portio mea Domine sit in terra viventium, Regnum inferorum hanc legem habet, qua omnes morti perpetuæ subijciuntur, Mors depascet eos. terrenum verò, hoc decretum habet, quod semel omnes moriuntur; Statutum est omnibus hominibus semel mori. statutum irrevocabile ab omnibus observandum, tributum universale ab omnibus solvendum, iter commune, ab omnibus calcandum.

Apud Caietam in sepulchro marmoreo, æneaque urna, hæc inscripta reperiuntur Scipioni Africano,

Devisio Annibale, capta Carthagine, & aucto

Imperio, hos cineres marmore rectus habes,

Cui non Europa, non obstitit Africa quondam.

Respice res hominum, quàm brevis urna premit.

Hoc apprime cognovit Alexander magnus. sic divina referunt monumenta, Postquam Alexander Macedo percussit Darium Regem Persarum, post hæc cognovit, ut moreretur. Post triumphos, post victorias, post debellatum terrarum orbem. Quid super-

superest, ô Alexander? tandem, tandem tendimus in pulverem, ex quo formati sumus, & solum nobis superest sepulchrum. Quid vano labore consummeris, ô Trismegiste, in laudanda hominis natura? cur hominem, magnum miraculum ausus es appellare? magnum miraculum est homo. an ignoras hominem esse cinerem, & in cinerem redigendum? Cur tu Pythagora, hominem esse deum mortalem dixisti? homo est deus in humano corpore latens. si subtilius naturam ejus indagasses, vidisses utique fundamentum ejus esse pulverem, & proinde corruptioni obnoxium. Et tu Plato philosophorum Princeps, quomodo ausus es hominem appellare divinum genus? divinum quoddam genus est hominibus. Quomodo audes, ô Plotine, hominem è luto formatum, universum quoddam vocitare? homo est quoddam omnine. sed majori etiam encomio, tu ô Gregori Pontifex, hominem decorasti, siquidem illum universam creaturam nominasti. explicans enim illud Evangelicum; Prædicate Evangelium omni creaturæ, per omnem creaturam ipsum hominem intellexisti. esse namque habet commune cum lapidibus, vivere cum plantis, sentire cum animalibus, intelligere cum Angelis. Porro nullus vestrum scopum attingit. Vnus David pro rei dignitate, de homine locutus est, cum ait, Homo tâquam pulvis, quem projicit ventus à facie terræ. ac si diceret, noli intumescere, sed memento originem tuam à terra prodeuntem, in terram etiam tendentem, ex pulvere conditus es ô homo, in pulverem etiam reverteris. Non ineptè hic subjectionem Agathoclis exemplum, is cum esset figuli filius, ita illi arrisit fortuna, ut Rex Sicilia crearetur, veritus autem, ne regia dignitate insolesceret,

Psal. 1.

Alex. ab

Alex. li.

3, c. 21.

ut semper paternæ obscuritatis memor esset, figura vasa, una cum aureis, & argenteis ad mensam, quotidie voluit afferri. hanc vivendi rationem instituas, vellem, ô Princeps. tu enim figuli es filius, sic divina attestante Scriptura; Manus tuæ Domine fecerunt me. licet ad sceptrum te Deus evexerit, licet diadema capiti imposuerit, non superbia extollaris, sed pristinæ tuæ originis memor, inter aurum, & gemmas, vas luteum ante oculos pone, & memento sceptrum Regale, olim fuisse arborem. Cur ergo superbis terra, & cinis?

Huc perbelle faciunt variæ illæ hominis descriptiones, quas scientiæ in unum congregatæ, ex præscripto Minervæ tradiderunt. Dialectica primo loco dixit; Homo est breve quoddam Enthymema, pro antecedenti, habet ortum; pro consequenti, interitum. Astrologia ita hominem descripsit, Homo quasi luna mutabilis, quia nunquam in eodem statu permanet, sed semper ad corruptionem tendit. non tamen ante peccatum fuisset homo corruptioni obnoxius, justitiæ originalis clypeo protectus, sed in ipso momento, quo peccatum intravit in mundum, statim morti janua paruit. per peccatum mors, ait Paulus, non quod peccatum fuerit causa per se hujus defectus, sed quasi removens prohibens, quoniam per peccatum, sublata fuit iustitia originalis, per quam non solum animæ vires continebantur sub ratione sine omni deordinatione, sed totum corpus animæ sine defectu. Physica ita respondit, Homo est animal rationale mortale. Mathematica ad rem nostram propius accedens, brevi compendio conclusit, Homo est veluti figura sphaerica. Quæ quidem descriptio præ cæteris omnibus, placuit Minervæ. nec injuria, siquidem, sicut figura sphaerica,

in

D. Th. I.
2. qu. 85.

in idem punctum, quo incipit, terminatur, ita homo initium sumens ex terra, in terram tandem definit. Hæc est Academia, quæ ad meliorem frugem homines reducit. ita sctiebat Augustinus, Nil sic revocat à peccato, quam frequens cogitatio mortis. ita Hieronymus, Facile contemnit omnia, qui semper cogitat se esse moriturum. ita Gregorius, Non potest melius domari caro viva, quam cogitando, qualis erit mortua.

Antæus luctans cum Hercule, dum terræ adhærebat, non poterat superari. habet mortis vexillum ante oculos, terram te esse cogita, & mundi illecebras conculcabis, hac duce victor eris. Hinc antiqui terram appellabant magnam matrem, proinde infantes recenter natos, in terra tanquam in sinu materno reclinabant, imò ter bonam etiam vocitabant, ob triplicem bonitatem, nempe, quia nascentes homines excepit, exceptos toto vitæ cursu sustentat, ac defunctos intra gremium suum recipit, sed à vermibus corrorendos. quod considerans Ioannes ille magnus, qui ob sermonis suavitatem, os aureum nominatur, dicebat, Proficiscere, quæso, ad sepulchra, siquidem in illis cum dolore cernes naturam tuam dilapsam, corpora corrupta, ossa in pulverem redacta. considera tunc, quis sit sapiens, quis inspiens, quis Imperator, quis miles, quis dominus, quis servus. tunc dicas mihi, ubi sunt flores adolescentiæ in sepulchris? ubi serenitas frontis? ubi vultus lætitia? ubi orationis suavitas? ubi morum venustas? nonne omnia sunt cinis, vermis, & fœtor? Quid ergo superbis terra, & cinis? ô miser, solum tibi superest sepulchrum. O memoria salutaris, quæ adversus peccati insidias, insignem victoriam refert. potest quidem merito inclamare strenuus miles, Hac

duce victor ero. ô quam appositè ad rem præsentem facit egregium insigne, quod gerebat in stemmate regio, Iulianus Imperator, Aquila nempe à sagitta percussa, quæ confecta fuit ex ejusdem plumis, addita notula, Ex ipsa contra ipsam. mors ex peccato, at memoria mortis occidit peccatum, unde potest dicere, Ex ipso contra ipsum. Proinde Salomon exclamabat; Memorare novissima tua. sed quare? quia tunc occides peccatum, nam in æternum non peccabis. non enim ignorant sacram litterarum periti, quod ly, &, sæpe sumitur pro quia, sic intelligitur illud; Benedicta tu in mulieribus, & benedictus. quare benedicta? quia benedictus fructus. ita illud, posuisti in nervo pedes meos, & observasti semitas meas. quare continui pedes meos? quia tu dinumeras gressus meos. iratus es, & peccavimus tibi. quare iratus? quia peccavimus. ita in hoc loco, memorare novissima tua. quamobrem? quia non peccabis. experimento enim comperies, quod omnia tanquam fumus evanescent, & rubore perfusus, exclamabis, Quid superbis terra, & cinis?

Pl. 145.

*Cum n' spicienda
in principibz.*

Doctrinam hanc sanè auream, bene noverat David Rex Serenissimus, proinde dicebat; Noli te confidere in Principibus, neque in filiis hominum, in quibus non est salus. At quare, ô David sancte? exibat spiritus ejus, & revertetur in terram suam, in illa die peribunt omnes cogitationes eorû. Paraphrasis Chaldaica legit; omnes machinationes eorû. Magne Deus, quamnam dicendi copia sufficeret enarrare, varias ac immensas machinas, quas in mente sua erigunt potentes? arces quas fabricant? turres quas construunt? profecto si tunc ad mentem potentis pateret accessus, utiq; labyrinthum Creticum erectum videremus, diversis

diversis machinationibus circumseptum, nempe, tale Regnum possidebo, talem civitatem expugnabo, totius Orbis dominatorem aliquando me constituam. & ecce repente Regina mors ad radicem arboris admoyet falcem, quæ omnes machinationes ad terram proster- nit. & in illa die pereunt omnes cogitationes ejus. Nonne sic contigit Pharaoni potentissimo Regi? ita quidem prorsus dicebat enim, Persequar inimicos, comprehendam, dividam spo- Exod. c. 23. lia, implebitur anima mea, evaginabo gladium meum, interficiet eos manus mea. en insanæ cogitationes Regis, audiamus exitum, Flavir spiritus, operuit eos mare, submersi sunt quasi plumbum in aquis vehementibus. Et ecce in illa die, dissipatæ cogitationes ejus. siquidem de cunctis mortalibus mors sola triumphat, divites, & pauperes, populos, & Principes, juvenes, & senes sagittis aculeatis omnes transfodiens, & hoc fortè volebat innuere regius Vates, cum de regno Reginæ mortis loquens, dicebat; Gladium suum psal. 7. vibravit, arcum suum tetendit. gladius cominus percutit, eminus transverberat arcus, mors jugulat vicinos, senes nimirum, sed & distantes, nempe juvenes celeri cursu invadens, ad terram prosternit. Proinde Salomon omnium Regum sapientissimus, frequenter dicebat; Memor esto, quoniam mors non tardat. ac si dixisset, noli perpetuam tibi vitam polliceri, ô Princeps, noli tibi annos spondere Nestoreos, sed cogita, ubicumque degas, mortem tibi nocte, dieque instare, astare, citatoque gressu te insequi, ut te semel comprehendat, ubique te expectat, tu si sapiens eris quotidie expectabis eam, ita consulebat ille Poeta,

*Non est, crede mihi, sapientis dicere vivam,
Sera nimis vita est crastina, vive hodie.*

In ipso mundi primordio inerinis quodammo-
do, & robore destituta videbatur, homines au-
tem adeo validi, ut ei etiam insultarent, cum vi-
tam ad multas annorum centurias extenderent, &
ad millenarium numerum quàm proximè acce-
derent, sed paulatim tantam potentiam induit, ut
omnes invadat, obruat, ac facili negotio proster-
nat. Quis fuit ille lapillus, sublimi monte delapsus,
qui pedibus statuæ advolutus, ipsam dissipavit. &
in cinerem redegit? mox adeo excrevit, quod u-
niversum mundum replevit? statua illa humanæ
naturæ imaginem referebat. caput aureum, justi-
tia originaria est, lutei pedes, fragilitas mortua-
lium, lapillus, ipsa mors, mons ingens, peccatum,
à quo lapillus ille delapsus, qui omnia in cinerem
redegit. sed iste lapillus ad tantam magnitudinem
se extulit, mors nimirum, adeo potens facta est,
ut totus orbis terrarum sceptris ejus pareat; im-
perat in Africa, dominatur in America, regnat
in Asia, triumphat in Europa, adeo quod jure po-
test dici, quod uterque Polus, regni ejus limes est,
& denique omnes nationes, ad illius imperium
contremiscunt. Hic sane non possum non admira-
ri, quod inter illos purpuratos Principes, qui co-
ram Dario Rege tam sapienter de fortitudine dis-
ceptarunt, nullus omnino mortis meminerit. Qui
enim mortem omnium rerum fortissimam dixisset;
proculdubio veritatis scopum attigisset. ipsa,
namque Reginas debellat, Regibus imperat, po-
tentias omnes confringit, hinc meritò mulier illa
Thecuitis, coram Davide Rege ait; Omnes mori-
mur, & quasi aquæ dilabimur super terram. quasi
diceret, cogites tecum velim generose Princeps,
quod

quod sicut flumina, cum varios agros rigarunt, ac variis anfractibus per varias provincias defluerunt, in mare tandem delabuntur, non secus etiam homines, postquam dudum in vitæ hujus stadio evagati sunt, in terram decidunt, & in sepulchrum, velut in Oceanum descendunt, è quo nunquam amplius egredientur, nisi ad tubæ sonitum, cum acclamabunt Angeli; Surgite mortui, venite ad judicium. Sed cur ista mulier dicit, omnes? quia inexorabile fatum æquat omnia solo. Quis modo regnat in Persia, de prosapia Cyri? Quis in Media, de familia Darii? Quis in Græcia, de stemmate Alexandri? Quis Romæ de stirpe Cæsaris? Omnes omnes morimur. sed cur dilabimur, sicut aquæ? quia mors concitato cursu nos apprehendere nititur. Cujus rei egregium sancti Emblemata ^{Apoc. c.6.} nobis proponit Ioannes, dum se vidisse testatur; equum pallidum, & equitem ei insidentem, cui nomen mors. Vidi equum pallidum, & qui sedebat super eum, nomen illi mors.

Quorsum mortem equo insidentem? ut apertè exprimeret, quam citatis gressibus ad vitam hominibus eripiendam feratur mors. Quocirca vitam nostram cursui Solis persimilem dixere sapientes, & quidem appositè, lucidum namque illud astrum videtur non moveri, cum tamen interea tanto impetu feratur, ut ad singulos horæ quadrantes, centum viginti milliaria millia conficere, doceant philosophi. id ipsum de vita hominis dicere licet. videtur quidem loco quiescere, at cursoris instar celerrimi, semper ad finem properat. hinc est quod naviganti nos comparabat Gregorius, hic namque opinatur, arbores, agros, scopulos moveri, se vero loco quiescere, at non sic res se habet, navis iter agit, cætera vero neutiquam moventur,

Arist. 2
de ge-
nerat.

Iob c. 7.

ventur, sic homo vix natus currit ad corruptionem, licet ipse non sentiat. siquidem calor naturalis consumit humidum radicale, in quo consistit vita, quod, vel non restauratur per nutrimentum, secundum medicos, vel restauratur quidem, sed non secundum æquivalentiam, ajunt Philosophi. & sic necessario tandem sequitur corruptio, quia omne agens in agendo reparitur, lima limando ferum, conficitur, gladius scindendo, hebetatur, ita calor vitalis cibos decoquendo, minuitur, & demum opprimitur. sicut vinum cui imponitur modicum aquæ, convertit illam in seipsum, efficitur tamen minus validum, at si sæpius apponatur, tandem vinum corrumpitur, & efficitur aqua, sic nimirum, cum virtus humana non omnino restauretur per sumptionem alimenti, proinde, ut mors sequatur, oportet, quæ licet videatur moram trahere, alatis tamen pedibus volat. hinc dicebat Iobus, Militia est vita hominis super terram. notandum quod ubi invulgata editione dicitur, militia est vita hominis; in Græco legitur, Piraterium est vita hominis, sicut namque piratæ nullibi consistunt, nec anchoram jaciunt, ut securi persistant, sic & vita nostra quasi Piraterium, quia nullam ferre securam habet consistentiam. quod ex alio loco magis dilucidè colligitur; Dies mei, dicebat idem Iobus, transierunt quasi naves poma portantes. Hebræus legit, transierunt cum Ebe; est autem Ebe, si credimus Pagnino, fluvijs rapidissimus Arabiæ, qui tanto impetu fluit, ut naves deferat velocissimè. sed quæso, cur portantes poma, non alias merces? ut vitæ brevitatem ostendant, nam portantes poma, die, nocteque navigant, ne marcescant. Vatablus, & Pagninus ex Hebræo vertunt; Sicut navis voluntaria, dicitur autem voluntaria, quasi volet ad libi-

libitum voluntatis. & nos pro exigua hac vita tantum laboramus? meritò exclamabat divus Hieronymus, O brevis nostra æternitas! quotidie morimur, quotidie immutamur, & tamen immortales nos esse putamus. stultos Agrigentinos vocavit antiquitas, de quibus dicitur, Agrigentini epulâtur, ut cras morituri, ædificant ut semper victuri. hinc vita hominis comparatur vento; Memêto Domine, quoniam ventus est vita mea; nam ventus invisibiliter, & sine mora transit, vita nostra nil aliud est, quam cursus ad mortem, & quamvis homines laborent, ut diu vivant, currunt tamen ad terminum quem refugiant. In ipso quidem mundi initio, mors non nisi pedibus incedebat, ac quodammodo claudicans, dudum morabatur, antequam homini appropinquaret, nongentos enim ac triginta annos vixit Adam. Noë nongentis quinquaginta annis. & ante diluvium, nongentis & sexaginta novem annis cucurrit, antequam Mathusalem comprehenderet. At nunc insidet equo, & ita ad cursum educta est, tamque egregie callet jaculandi artem, ut nos interdum in ipso etiam vitæ limine transfigat. Quod deplorans Franciscus Petrarcha personam agens filioli sui, vix nati, mox ad interitum rapti, eleganti hoc carmine expressit,

Vix mundi novus hospes eram, vitæque volantis

Attigeram tenero limina dura pede.

Franciscus genitor, genitrix Franciscæ, secutus,

Hos, de fonte sacro nomen idem tenui.

Infans, formosus, solamen dulce parentum,

Hinc dolor, hoc uno fors mea lata minus.

Cætera sum felix, & vera gaudia vitæ

Nactus, & æterna tam citò, tam facile

Sol bis, Luna quater flexum peragraverat orbem,

Obvia mors, fallor, obvia vita fuit.

*Me Venetiam terris dedit urbs, rapuitque Papia,
Nec queror, hinc calo restituendus eram.*

Aspasia Periclis Atheniensium ducis uxor, cum in horculo collegisset botrum valde acerbum, dixit custos, Vviam habes hinc inde ipsa maturitate maturiorem, & acriorem colligis? tunc ipsa protinus respondit, Prægnantium hic mos est. ecce proprium mortis ingenium, uvam sæpe maturam non tangit, sed acerbiorum colligit. Et hoc fortasse volebat innuere Ioannes dilectus, dum mortem equitantem describit; ecce equus pallidus, qui sedebat super eum nomen illi mors. Quare sedet super equum? ob cursus sane velocitatem. Sed advertendum, quod pro pallido, Græce est verbum, quod sonat pallidum, & viride, sedet igitur mors super equum pallidum, & viridem, quia juvenes pariter, & senes ad terram prosterunt. siquidem mors quasi mulier prægnans, fructus libenter carpit immaturos. Hinc dicebat Iobus, Lædetur quasi vinea in primo flore. lectio Hebræa habet, Diripietur fructus immaturus. Septuaginta legunt, Vindemiatur quasi botrus ante horam. Ambrosius quoque huic doctrinæ subscribit, Non maturiores, hoc est, homines ætate confectos miratur mors, sed acerbiores suo gustui aptiores. Non confidas ergo, ô homo, quia adolescens, in primo flore inventæ, mors enim nullum respicit, sed acerbiores etiam tollit. Vis igitur de morte victoriam referre? mortem quotidie ante oculos propone. ita consulebat Musonius philosophus, interrogatus enim, quisnam aptior modus ad diem ultimum feliciter claudendum? respondit; Vive, ut cras moriturus.

*Dic homo, vas cinerum, quid confert flos facierum?
Copia quid rerum? mors ultima meta dierum.*

Flos

Flos es ? marcesces. candelis ? in morte nigresces.

Audis ? surdesces. formidas nulla ? parvesces.

Hac lege, lecta tene, lachrymis laxentur habena,

Ne pateat poena tibi janua, tempore cœna.

CAPUT XXVII.

Divini numinis timor, ac pietas in corde Principis, & semen ejus benedicetur à Domino.



IRMAMENTVM Regni timor Domini. usque eò Imperia florere, quousque sacras leges fideliter co- luere. Deus enim piorum amator, conatus illorum prosperare solet, eventusque felici, illorum consilia claudere. Proinde Salomon Rex potentissimus, dum coluit Deum, quid mirum, si cuncta pro votis habuit? ut à cultu Dei defecit, mox & Regnum ruere cœpit. sic divina referunt monimenta, Quia præcepta mea non custodisti, quæ mandavi tibi, disrumpens, scindam regnum tuum, & dabo illud servo tuo. Quoniam ad firmitatem Imperii, dux pietas, probitasque, ad imbecillitatem impietas, & improbitas semper fuit. Hinc omnium calamis, & vocibus laudanda Severi Imperatoris morientis verba, Firmum imperium meis relinquo, si boni erunt, si mali imbecillum. Noverat hoc & Theodosius, qui (Nicephoro teste) unicum verbum pro testamento filiis reliquit, sed gravissimum, nempe, Pietatem colerent, nec aliud. quasi in illa sola, universa imperii moles verteretur. Sciebat enim prudentissimus Princeps, quod timentes Deum, Deus ipse defendit; imò ad eorum tutelam, quasi scutum se opponit. nonnè ad

Gen. c.
15.

Iosue c.
10.

Abraham servum suum fidelem dixit : Ego protector tuus sum ? at textus Hebræus quomodo legit ? Ego scutum tuum. Percurramus quæso divina oracula , tunc dicite , ô Principes , quomodo Abrahamus trecentis tantum decem & octo vernaculis , quatuor Reges simul prostravit ? non arma hos , non miles , pietas fudit. Moyse manus in oratione protendente , Amalechitas vincit Israel , lassas remittente , vincit Amalech. Israel nullum stravit hostem , pro ferro , Moysis fuerunt preces. audiamus verba magni ducis Iosue , fiducia plena , Sol contra Gabaon , nè movearis , & Luna contra vallem Ajalon , steteruntque Sol , & Luna , donec ulcisceretur se gens de inimicis suis , quis non miretur ? obaudit cælum homini. stant sidera , lapides pluunt , ut pro milite , lapis de cælo Israeli esset in vindictam. Quorsum tot portenta ? toto corde colebat Deum , & Deus voluntatem timentium se facit. Quid de Gedeone ? nonnè trecentis tantum militibus stipatus , Reges Zebee , & Salmana cum quindecim armatorum millibus funditus delevit ? quod nam prodigium huic simile ? de cælo , non de trecentis victoria venit. proinde dicitur , Gladius Domini , & Gedeonis. Quid de Samfone , qui in asini fortuita mandibula , cum reliqua deessent arma , mille Philistæos prostravit ? cæli , non mandibulæ victoria fuit. Quid de Machabæis , qui quot prælia gesserunt , tot portenta visa fuere ? qui nulla prope manu , tot Regum victores fuerunt ? pietatis fuere cultores , ideo protegente manu Dei , semper victores.

Nec pigeat annales Imperatorum , & Regum evolvere , & videbitis victricem manum Dei super timentes eum. Quomodo Constantinus de Maxentio

xentio tot nobiles retulit victorias? Crux illi, aquilæ fuerunt, qua una, hostibus animos ademit, suis dedit. O militem verè pium, proindè in bello cælitus prosperatum, de illo enim memoriæ proditum est, quod cùm juxta Danubium debellare deberet adversus hostes acerrimos, copiose congregatos, pericula sui exercitus cogitans, timensque plurimam sanguinis effusionem, oculos ad cælum levavit, & in somnis vidit, ad orientalem partem, signum crucis in cælo, Angelosque adstare sibi dicentes: Constantine in hoc signo vinces; qui tali visione confortatus, similitudinem ipsius ex auro fecit, addita inscriptione; Iesus Christus vincit; & ante exercitum ferri iussit, moxque irruens in hostes, ipsos in fugam convertit, & multitudinem maximam interfecit. Quomodo de Licinio Gallicanus triumphavit? qui Ioanne & Paulo monitoribus, cùm se voto, Deo obstrinxisset, hostem mox fregit, victoriam retulit, Imperium Constantino firmavit? non fregerunt Licinium arma, fregerunt vota, omnibus armis validiora. Quomodo Eugenium robore exercitus, adeo potentem vicit Theodosius? quia martyrum monumenta imperatoriis stagnantia lachrymis, orationibus pulsata, viro pio pro armis fuerunt. Cùm enim in duro hostium procurfu, suos inferiores sensisset, projectis armis, invalido planè munimento, flere purpuram docuit, terram verere, inde supplici ad Deum dextera, ventos evocavit, qui hostilia in jaculatores suos retorserunt tela. stationem Solis olim Iosue imperavit, & impetravit; Theodosius novo prodigio ventos in subsidium evocavit, quorum famulatu, eadem qua venerunt via, tela redirent. hinc armatus Eugenius in exarmati Imperatoris manum venit.

Euseb.
de vita
Constanti-
ni lib.
I c. 11.

Niceph.
li. 8 hist.
eccles. c.
12.

pro lorica, & armis, cilicia, preces, & lachrymæ Theodosio fuerunt, pro milite, Deus. Vitreum (crede mihi) ô Princeps, est omne armorum munimentum, & Martius ardor eluditur, nisi timoris divini clypeo, hostilia rejiciantur hastilia: testis fit idem Theodosius Imperator, qui Maximi tyrannidem armis debellaturus, legatis per Ægyptum dimissis, sacros arenosæ regionis Anachoritas summis precibus exoravit, ut se pugnante, Moysis exemplo, ad cælum manus, oraque attollerent, tum sanctissimi Eremicolæ Sinuphii super humerali sibi pro lorica imposito, & senili ejusdem baculo, quasi lancea dexteram adarmans, pius ac strenuus Imperator, inter ferream telorum grandinem, universo cum exercitu, ita illæsus evasit, ut incruento milite, hostilia agmina victor cruentarit. Sed quid prophana loquor imperia? sacrum Ecclesiæ Regnum, nonnè aliqua ex parte labefactari videretur, nisi heroicis Religioforum laboribus, quasi validissimis columnis solidaretur? testis Innocentius eo nomine tertius Pontifex Maximus, cui in quiete Lateranensis Basilicæ moles ruitura videbatur, nisi opportuno Divi Francisci Atlanteos humeros suggerentis auxilio, suffulciretur. Catacalus Michaelis exercitus ductor, quomodo Sarracenos Sicilia expulit, qui nobilissimum Regnum misera premebant servitute? quia sacrato Christi corpore se, suosque firmavit. armis firmatam gentem frangere desperaverat Catacalus, fregit sacratissima Dominici corporis sumptione, qua hosti exitio, sibi, suisque pro ferro, & milite fuit. Ladislaus Poloniæ Rex, quomodo Russos populos potentes profligavit? oratione duce, comite pietate, adesse Rex debuerat, ac exemplo ad audendum præire, præivit pietate.

tate. nam templum ingressus alliditur terræ, lachrymis pugnat, & expugnat absens hostem, sicque regiæ lachrymæ exercitum ducebant, Polonos tutabantur, hostem prosternebant. plus proinde absentis preces, & lachrymæ, quam presentis arma potuerunt. Quomodo Hungaros acerrimos fidei hostes Henricus auceps Imperator debellavit? non telis, sed inclamante ante pugnam universo exercitu Kyrie eleison; inde consueta hostibus pendi vectigalia, vertit in pauperes, quo testatus Orbi esset, cujus dextera victoria sterisset. Egregium nec ullis retro sæculis auditum facinus Venceslai Bohemiæ ducis quis non admiratur? arma in hunc Radislaus Guniensium Princeps moverat, & utrinque exercitus stabat. at Bohemiæ dux insontem utrinque populum miseratus, Radislaum ad singulare provocat certamen, lætus ille conditionem accipit, prodit Venceslaus cilicio tectus, cui loricam injecerat, dexteram gladius armaverat, magis etiam crux, cujus signo se muniverat, Radislaus autem cataphractus, animis, viribusque fidens, prævalidam hastam cominus toto corpore intorquebat, cum subito cælo vox data, Nè ferias. Sterit attonitus Radislaus, inde arma projicit, pedibus denique Venceslai provocatur, victorem agnoscit, audaciæ veniam deprecatur. tunc Venceslaus cum ingenti utriusque exercitus gaudio, irruit in supplicis, ex hoste amici, amplexus. Quid in hac pugna egit triumphum? an arma? an miles? an robur? plus hic cilicium, quam arma valuerunt. Scite admodum scripsit sapientissimus Rex Salomon, O quàm magnus, qui invenit sapientiam, & scientiam, sed non est super timentem Dominum. quoniam nihil deest timentibus eum. Hinc florentissima Gallia,

sub Clodovei, Childeberti, Pipini, Ludovici, & aliorum Regum temporibus, qui proinde Christianissimi cognomen adepti sunt, quia Sedis Apostolicæ acerrimi defensores, divini numinis cultores, & veræ pietatis exempla. Clarissima Germania, sub Carolo magno, & aliis fidei Catholicæ propugnatoribus. Felicissima Austria, sub Leopoldis Christianæ pietatis amatoribus. Fortunatissima Anglia, sub Eduardis Romanæ Ecclesiæ egregiis protectoribus. At inter cæteros orbi dominantes, felices Hispaniarum Reges, quibus feliciter omnia cadunt, quia semper timorem Dei præ oculis habuere. Prodeat in primis Rex Sissebutus, scientiis eruditus, belli potens, moribus sanctus, quem Divus Gregorius religiosissimum appellat, hic ardenti æstuans siti, à Iudaicæ perfidiæ labe, totam Hispaniam emundari, ab ea omnes Iudæos primus relegare cœpit, cujus pietatis æmulator extitit, successor ejus Suinthilla, extremam deinde manum apposuere Reges verè Catholici, Ferdinandus, & Isabella, qui nihil pendentes magni momenti tributa, Mauros ab Hispania conati sunt pro viribus expellere; maluerunt ærarium minui pii Reges, quàm perfidæ gentis vestigialibus crescere. Sed hæc pietatis dona in illis ac posteris, divite dextera abunde compensavit Deus, quo munere? novi orbis incremento, ignorabant alterum orbem arma, pietas invenit, & dedit. Nec ardens zelus præscorum Regum, vel tantillum tepuit in novissimis eorum successoribus. siquidem Carolus Quintus perpetuis encomiis celebrandus, Austriaci seminis nobile germen, cum in Saxonica pugna Christi de cruce pendens effigiem, impio ab hoste glande trajectam vidisset, in hæc verba prorupit Princeps verè pius,

Greg. li.
7. epist.

pius, Vlscisci hanc injuriam Christe potes. protendensque dexteram lachrymis madentem, ait, Hac vincere Christe potes. & mox secuta victoria est, hostiumque duces in Cæsaris potestatem venerunt. Quid? nonne Solimanum strenuum in bello ducem, ad turpem fugam coëgit? nonne Tunisium viriliter expugnavit? nonne Algerii potentiam generose compressit? sed quibus ducibus? pietate & fide. Philippus Secundus in tractando imperii clavo, nulli secundus, Regni, & gloriæ paternæ hæres, nonne draconem orientalem marinis fluctibus gloriose submersit? Philippus itidem Tertius Hispaniarum Rex inclytus, nonne omnes Agarenos tanquam Catholicæ fidei hostes, ab omnibus suis Regnis tam prudenter, quàm religiose, hac nostra tempestate exturbavit? quid? nonne ferunt multoties dixisse, Mallem regnis omnibus privari, quàm Deum semel injuria afficere. ô heroes inclyti æterna memoria digni. Quæ unquam natio, ut ingenuè fatear, tot Regna, & Provincias incognitas invenit, ut Hispania? Quæ gens vexillum Crucis, & Christi gloriam nuntiavit insulis, & remotissimis regionibus, ut Hispania? hæc in Indias fidem deduxit, hæc in fines Orientis, & Occidentis sanctæ fidei nomen coram Regibus, & gentibus portavit. hæc in remotissimos Iaponios, & Sinas penetravit, & gloriam Christi inter illos posuit. Sed quid? nonne annis proxime elapsis, tres Principes legati venere ad urbem usque Romanam, ut obedientiam Christi Vicario præstarent? Venerunt autem ex Iapone, insula maxima, & remotissima, quæ ab Hispania distat sex mille leucas, quos summa gratulatione Gregorius XIII, Pont. Max. suscepit, & Xystus Quintus humanissime tractavit, & pluribus decoravit muneribus. Porro tantum,

Io. Federic.
Lumni-
us de
extremo
iudicio
& Indo-
rum vo-
catione
li. 2, c. 6.

Isa. c. 18.

& tam insigne opus, à quibus perpetratum? Patres Hispani hoc perfecerunt. Patres, nimirum, è Societate Iesu, qui in insula Iaponia Christi fidem prædicantes, Principes, Reges, Provincias, Christianæ fidei fideliter subjugarunt. ô Societas planè singularis, verè admirabilis, quæ tam brevi temporis intervallo, universum mundum peragravit, in dies ubique crescit, & in vinea Domini fructum affert uberrimum. De hac jure quidem potest dici, quod de Ecclesia dixit Augustinus, Aut miraculis crevit, aut sine miraculis, si miraculis, utpote à Deo factis, opus Dei esse comprobatur, sancta ergo est, si sine miraculis, hoc est maximum miraculorum, quod tempore misero, quando charitas friget, & iniquitas abundat, hæc sancta Societas tam feliciter, & tam copiose creverit. hujus Societatis præclaros viros Io. Federicus appellat cælestes nuntios. Explicans enim verba illa Isaïæ; Ire Angeli veloces ad gentem convulsam, & dilaceratam, ad populum terribilem, post quem non est alius; monet instare jam finem mundi, quia omni nationi prædicatum est Euangelium, dicit etiam hos veloces Angelos, quos Deus mittit, esse Patres Societatis Iesu, qui ad extremam Africæ penetraverunt, & usque ad Orbis fines pervenerunt. dicuntur Angeli, hoc est nuntii, eò quod maximarum rerum legatione funguntur. veloces autem sunt, quia & devotione, & spiritu alacres, per vastissimi maris pericula, in alium amplissimum Orbem convolarunt, de quibus etiam explicat illud Isaïæ; Qui sunt isti, qui ut nubes volant, & quasi columbæ ad fenestras suas? nubes vocat, propter celerem obedientiam, & propter contemplationem, qua in altum elewantur, columbas autem, quia fellis acerbitate caret hæc pacifica Societas

Societas Iesu, quo nihil mirabilius. isti tanquam
 nubes volarunt in omnes fines terræ, quorum stil-
 licidiis inebriatur Germania, salutiferæ doctrinæ
 pinguedine repletur Anglia, floret Gallia, trium-
 phat Hispania. sed qua institutione, tam præclara
 facinora perfecerunt? quia in timore Domini al-
 tissimum posuere refugium, Regum Hispanorum
 benigna adjuvante clementia. Proinde non mi-
 rum, si Deus omnium moderator, tot beneficiis,
 & in pace, & in bello eos cumulavit, ac in dies cu-
 mulat, eorumque dominia extendit, ab ortu Solis
 usque ad occasum. Quapropter divinum numen
 colat, & timeat Princeps, non eo tantum nomi-
 ne, quia Christianus, sed etiam ratione status con-
 servandi. Populi namque seditiones non audent
 excitare, existimant enim, Deum sibi propitium
 fore, ut clare constat Ægyptiorum testimonio;
 qui cum viderent, potentia calitus demissa, se de-
 mergi in profundum maris, dixerunt ad invicem,
 Fugiamus Israël, Dominus enim pugnat pro
 eis contra nos. hinc Philosophus docebat, Prin-
 cipem debere esse deicolam, quia tunc homines
 solent timere Regem, quando vident ipsum time-
 re Deum. Est enim formidabilis miles, in cujus
 dextera pugnat Deus; idè inimici David excla-
 mabant: Deus dereliquit eum, persequimini, &
 comprehendite, quia non est qui eripiat. hinc per-
 spicue colligas, nihil esse imbecillus homine, à Psal. 70.
 quo recedit Deus, proinde reprobis Cain time-
 bat dicens: Ecce projicis me hodie à facie tua, Gen. c. 4.
 omnis qui viderit me, occidet me. quem times?
 quis te occidet? an pater Adam? an mater tua
 Eva? nullus alius est in toto orbe terrarum, qui
 te possit occidere? timebat Cain duram illam
 Dei desertionem, nam quando alii deficerent, vel

Exod. c.
14.
Arist. lib.
1 polit.
c. 11.

ipsi lapides in eum insurgerent : at contra , nihil fortius homine , in quo Deus est , divino præcone acclamante : Omnia possum in eo qui me confortat. si Deus tibi adest , omnia habes. dixit Angelus Gedeoni; Dominus tecum virorum fortissime: Philip. c. mox ipse respondit; Si Deus nobiscum, quomodo tot mala? quasi innueret, ubi Dominus, omnia bona. Psal. 22. na. hinc confidenter exclamabat David : Non timebo mala , quoniam tu mecum es. quare Beatissima Virgo gratia plena? quia Dominus tecum. Huc apposite facit quod Lucanus memoriæ prodidit, nimirum, Cæsarem dixisse nautæ , qui dicebatur Amiclas, timenti, & expallescanti, quia mare intumescebat. Quid times? Cæsarem defers, & fortunam ejus , & times? pone, pone timorem, quoniam fortuna Cæsaris tecum est. hoc idem & potiori jure dicendum est homini justo. Quid times? nihil tibi deerit , quia Dominus tecum. at si quispiam diceret; nonne Deus in omnibus rebus? hoc est enim placitum theologicum , ab omnibus receptum , quod Deus est ubique per essentiam, præsentiam, & potentiam. per potentiam quidem, quia omnia subduntur Deo. per præsentiam, quia omnia nuda sunt oculis ejus. per essentiam, quatenus adest omnibus rebus, ut causâ essendi. Responsio in promptu est , quoniam est quidem in omnibus, sed dicitur præcipuè in justis per gratiam, qua privatur homo ob peccatum mortale , qua privatione , nihil infelicius. Quod experimento probans David , lachrymarum imbres sine intermissione fundebat , & interroganti , cur ploras David? confestim respondebat; Quia dicitur mihi quotidie, ubi est Deus tuus? Petrus egressus foras flevit amare. quamobrem? quia negavit Dominum suum. Magdalena plorabat juxta sepulchrum,

Judic. c. 6.

Philip. c. 4.

Psal. 22.

Sueton. in Cæsare.

Psal. 42. Matth. c. 26.

chrum, dicit Angelus; Mulier quid ploras? Tulerunt Dominum meum, & tu dicis quid ploras? & Ioan. c. 20.
 quanam major flendi occasio, quam sine Deo esse?
 à quo omnia bona, & sine quo omnia mala. Proinde mentis omnino expers existimandus est, qui præsidio Dei destitutus, prosperum rerum suarum sperat eventum. Hoc apprimè intelligebat Theodosius, quem paulò ante commemoravimus, qui, referente Cedreno, morti jam proximus, filiis suis lugentibus dicebat; In primis, ô filii, religionem, & pietatem excolite, per quam & pax servari, & bella confici, & hostes fundi, & trophæa statui, & denique victoriæ obtineri poterunt. Quocirca Gregorius magnus in epistola ad Reginam Galliæ, aureum hoc conscripsit apophthegma, Facite quod Dei est, & Deus faciet, quod vestrum est. Quid enim tam arduum, quod non obtineat Princeps, si timeat Deum, quando ipse Deus animæ timentis non dedignatur obedire, canente Regio vate, Voluntatem timentium se faciet. Psalm. 144.
 Deum, adversa spernentibus. quod sane oraculum Rom. 2. c. 8.
 Pauli testimonio comprobatur. Diligentibus Deum omnia cooperantur in bonum. Sed quid pluribus immoror? si Principes omnes recensere vellem, qui divini timoris clypeo muniti, in victoriis floruerunt, nec sermo explicaret, nec scribendi esset finis. nonnullos tamen, & quidem insignes nefas esset silentio premere.

Ioannes Commenus Imperator, cum adverteret suos milites graviter à Scythis urgeri, ac fortiter premi, ad imaginem Dei genitricis, quam præsentem habebat, cum gemitibus sese convertit, copiosasque lachrymas fudit, statim verò calescit robore armatus, Scythicam aciem profligavit, &

& eorum turmas facile dissipavit, ob hanc victoriam partam, vota Virgini perfolvit, vicit & Perfas, indeque triumphum egit, in quo magnifice quadriga est apparata, & à quatuor equis candidissimis ducta, Imperator verò non conscendit, sed Dei genitricis imaginem in ea collocavit, habenas quadrigæ viris potentissimis moderandas, & cognatis suis currum dedit curandum, ipse crucem manibus gestans, pedibus incescit. de hoc Principe jure potest acclamari, Ecce sic benedicetur homo, qui timet Dominum.

Gregor.
Turon.
lib. 2. c.
37. hist.
Franco-
rum.

Clodoveus primus Galliarum Rex Christianissimus, felix, & invictus in victoriis fuit. sed quamobrem? quia in divino numine spem omnem reponebat, quod vel ex hoc conjici potest; cum enim Arrianos ex Gallia eliminaturus, exercitum comparasset, nuntios ad beati Martini basilicam direxit, dicens; Ite, & forsàn aliquod victoriæ auspiciū ab æde sancta suscipietis. Tunc datis muneribus, quæ loco sancto exiberent, ait; Si tu Domine adjutor mihi es, & gentem hanc incredulam meis manibus tradere decrevisti; in ingressū basilicæ sancti Martini dignare propitius revelare, ut cognoscam, quia propitius dignaberis esse famulo tuo. mox accedentibus pueris ad locum juxta imperium Regis, dum sanctam ingrederentur basilicam, hanc antiphonam ex improvviso Primicerius incepit, Præcinxisti me Domine virtute tua ad bellum, supplantasti insurgentes in me subitus me, & inimicos meos dedisti mihi dorsum, & odientes me disperdidisti. Quod milites audientes, & Domino gratias agentes, vota que beato Confessori promittentes, læti nuntiaverunt Regi. hoc signo gavissus, fretusque Clodoveus, victoria, Deo cœlitus mirabiliter adjuvante, potius est. de hoc

Psal. 17.

hoc Pr
spiritu
Domi
De
tum e
sperat
equis,
Com
dives
quam
se cog
posit
bellan
supplic
sibi co
eisque
stantib
Deo.
nolite
canib
viris,
culo
teris
lius.
corru
autem
auferi
ter in
ejus v
pedib
Ne
Vitri
latum
chiæ
barba

hoc Principe verè pio, Vates regius exclamavit spiritu prophetico, Hic accipiet benedictionem à Domino.

De Othone Imperatore, nonnè litteris traditum est, cum in suis eventibus ferè semper prosperatum? ita planè. sed non in curribus, & in equis, sed quia nomen Domini supplex invocabat. Comes quidam, referente Liutprando, tunc prædives, & potens, erat cum eo, hic autem videns, quam plurimos ex regis acie tranfugas fieri, apud se cogitabat, quidquid à Rege in hac tribulatione posito, petiero, sine dubio impetrabo, cum acre bellum nobis immineat, & nè se deferam, timeat, supplicat ergo, ut Abbatiam quandam ditissimam sibi concedat, ut ex ejus redditibus milites aleret, eisque stipendia suppeditaret. Rex coram circumstantibus viriliter respondit: Obedire oportet Liutprandus
Ticinensis
hist. li. 4.
c. 15. Deo, magis quàm hominibus, scriptum est enim, nolite sanctum dare canibus. darem autem sanctum canibus, si monasteriorum prædia, quæ religiosis viris, Deo militantibus, sunt tradita, tulero, & sæculo militantibus dederò, si tibi cordi est, cum cæteris infidelibus avolare, quantò citius, tantò melius. tunc erubescens Comes, & ad Regis pedes corruens, se graviter deliquisse confessus est, hoc autem fecisse sui fratris intuitu, qui ei Regnum auferre moliebatur, at quia Rex sanctus constanter in suo proposito permansit, idcirco Deus ita ejus victoriam prosperavit, ut etiam frater nudis pedibus supplex misericordiam imploraret.

Nec minus mirandum, quod scribit Iacobus de Vitriaco ex Canonicis Regularibus ad Cardinalatum assumptus, refert enim pro muris Antiochiæ paucos Christianos contra innumerabiles barbaros pugnasse, & expugnasse. sed qua arte A. A. c. 5.

instructa

Jacob. a
Vitriaco
Cardin.
in histor.
Orient.
lib. 2. c.
19.
Paul. E.
milius
lib. 4.

instructa erat acies ? Lancea Salvatoris pro vexillo præcedente, vix nostris ab urbe egressis non in humana virtute, nec in pugnantium multitudine, sed tantum in Domino confidentibus, ecce ros de supernis infusus, consolatione mirabili ipsorum animos exhilarans, equos debiles, & jam ferè deficientes, subito robore suscepto, miraculose confortavit. ex quo factum est, quod nostrorum exercitus, innumeram infidelium multitudinem audacter aggrediens, & brachio forti pugnans, divino protectus adjutorio, gloriose de hostibus triumphavit, aliis gladio trucidatis, aliis terga vertentibus, & equorum velocium præsidio fuga elapsis.

Sed quid ? num veritatem istam, præclaro testimonio satis, superque comprobavit pugna illa navalis adversus Turcas apud Naupactum memoratu digna, & auditu jucundissima ? Cùm Selimus Turcarum Imperator Cyprio Regno paucis ante diebus expugnato, universum Ionium, atque ipsum Adriaticum sinum ingenti classe infestaret, omnium ferè Principum Christianorum classes, qui ad communis hostis bellum reprimendum, in unum conspirant, Ioanne Austriaco, Marco Antonio Columna, & Sebastiano Veniero ducibus, tandem nonis Octobris, Turcis occurrunt, Tunc barbarus, & recenti victoria terrestri ferox, & quod fideles, numero militum longe superaret, se invictum existimans, classem summo mane educit, & aspirante vento dat pugnae signum, præstant idem, & quidem strenue Christiani duces, quippe, qui majorem in Deo, quàm in viribus, spem collocatam haberent. Itaque ingenti clamore, & tormentorum fragore, undique concurritur, sub ipso verò pugnae initio, tanta vento-
rum

rum mutatio consecuta est, ut jam fidelibus aspi-
rarent, qui ante reserant venti. Quare eodem die
paucis horis dejiciuntur Turcæ de spe totius orbis
Imperii, quam antea temere conceperant, & uni-
versa classis, præter quindecim triremes, quæ duce
Occhialivo turpiter in principio pugnae fugam ar-
ripuerant, partim capitur, partim obruitur, exten-
dente manus ad cælum, quasi altero Moyse, Pio
Quinto, tunc Cymbam Petri feliciter gubernante,
& universo populo Christiano acclamante, Dex-
tera Domini fecit virtutem. O beati omnes, qui
timent Dominum. timent enim Deum, quid deest?
Vis, ô Princeps, sapientiam, ad Regnum rite ad-
ministrandum, ut postulabat Salomon; Da mihi Sap.c.5.
Domine sedium tuarum assistricem sapientiam, ut
mecum sit, & mecum laboret? time Deum, & ob-
tinebis. Initium sapientiæ timor Domini. Vis diu-
turnam vitam in Regno protrahere? time Deum,
& voti compos eris. teste Regio vate, Vis vitam,
& dies videre bonos? diverte à malo, & fac bo-
num. Quapropter si longa, & jucunda vitæ tempo-
ra exoptas, desine peccare, & feliciter vives. ita
pulchre consuluit Poëta,

Cur multum peccas, si multum vivere curas?

Hinc interrogatus olim Thales, quod nam rarum
vidisset; Senem tyrannum, respondit. Vix enim
quemquam illorum canescere, aut ad extremam
senectutem pervenire videmus. idem mihi de pec-
catore fas sit dicere, unum esse de raro contingen-
tibus, hominem improbum ad decrepitam ætatem
pertingere, cum peccata plerumq; filium vitæ præci-
dant, sic attestante oraculo Regio, Viri sanguinum Psal.5.
& dolosi, non dimidiabunt dies suos. Quod quidem
provenit, tum ex iustitia, nè alios pravo exem-
plo inficiant, Succide arborem, ut quid terram Luc. c.
occupat? 13.

occupat? tum etiam ex misericordia, nè addendo peccata peccatis, gravius in inferno puniantur. cui veritati multæ accedunt auctoritates, primo loco se offert Iobus Rex orientalis, qui interrogatus, quid illi eveniet, qui delicta delictis annexando, diu perdurat? Antequam, ait, dies ejus impleantur, peribit, manus ejus arefcet, & lædetur quasi vinea in primo flore. secundo loco accedit Rex Salomon, qui, patris ad instar, monet, & obsecrat, dicens; nè impie agas multum, nè moriaris in tempore non tuo. Nec deest gravissimum sacræ historiæ testimonium. Moyses historicus Regius describens tempus, quo duraturus erat mundus, habet hæc verba; Erunt dies illius centum viginti annorum. quæ verba explanans Strabo, inquit, ante diluvium centum & viginti anni concessi fuerunt homini ad agendam pœnitentiam, sed quia in malitia perstiterunt, omnis quippe caro corruerat viam suam, ante præscriptum terminum centesimo anno deleti sunt. sed quid? nonnè idem historicus refert Cham filium Noë à patre appellatum secundo genitum? Porro cum surrexit à somno, & advertit se derisum à filio, non amplius appellat eum secundo genitum, sed tantum dixit: Cum vidisset Noë, quæ fecit filius suus minor. sed quomodo minor? si duo tantum fratres fuissent, nulla utique difficultas esset; secundus enim proculdubio esset minor, sed cum tres fuerint, quomodo poterit esse secundo genitus, & minor? dum absque delicto vitam degit, vocatur secundo genitus; sic enim exigit jus naturæ, at vix in peccatum prolabitur, quod statim confurgit minor, hoc est, paucorum annorum. Nec silentio prætereundum memorabile factum, huic instituto valde accommodatum, quod refert

Bernar-

Iob. c.
15.

Ecclef.
c. 9.

Gen. c. 6.

Gen. c. 9.

Berna
Regn
im
paren
suspe
stant
que f
rium
voci
tum
decla
perv
tus,
& ne
lum
ptum
tis pec
rat di
virum
impr
bo. I
opta
temp
V
legit
indiv
at si
Quor
quia
tiz or
rant,
pecc
& de
nium
ri, on

Bernardinus Senensis, & contigit tempore suo in Regno Catalonia. Adolefcens quidam, ait, adhuc imberbis duo & viginti annorum, parentum non parens monitis, tandem ob latrocinia patibulo fufpenfus eft, ibi mox ei fuccevit, populo infpectante, barba, ac fenfim cum capillo incanuit, ipfaque facies decrepitum fenem exhibuit nonagenarium. ftupent omnes, intenti ora tenent, alternis vocibus clamant, Quid eft hoc? quodnam portentum? Porro Epifcopus loci, oratione præmiſſa, declaravit malefactorem illum uſque ad ſenium pervenire debuiſſe, ſed in flore juventæ fuit ſublatus, quia in paterna obedientia non ſe continuit, & nefandis facinoribus deditus erat; quæ ſtimulum morti præbuere, ut curreret ante præſcriptum tempus. ſic enim ait Paulus; ſtimulus mortis peccatum. ſimile de Anaſtaſio Imperatore narrat divus Antoninus, apparuiſſe illi horribili ſpecie virum cum libro, in quo ſcriptum erat, En ob tuam improbitatem quatuordecim annos vitæ tibi debito. Eia igitur, Princeps, qui vitam diuturnam exoptas, vide, ne impie agas multum, ne moriaris in tempore non tuo.

D. Bernardin.
Sen. to. 2
in Quadrag.

Vis populum obſequentem, & ad nutum tuis legibus obtemperantem? divinus timor ſit conſes individuus, quia timentem Deum, omnia timent, at ſi deficiſ a Deo, a te quoque omnia deficient. Quorſum creaturæ homini obedire detrectant? quia ipſe Creatori obſequi repugnavit. olim juſtitia originalis auxilio, omnia inferiora ſubjecta erant, & ſemper fuiſſent homini. Caterum Adamo peccante, & appetente propriam excellentiam, & dominium, quod non habebat, perdidit dominium quod habebat, rebellando enim ſuo ſuperiori, omnia inferiora rebellaverunt ſibi. terra ince-

Ægid. 2.
diſt. 22.
q. 1. a. 2.

pit deficere, spinas & tribulos germinando. caro
 incepit rebellare, quia statim sensit in membris
 suis, aliam legem repugnantem legi mentis suæ.
 animalia omnia inceperunt repugnare, quia facta
 sunt sicut silvestria, & dum vident hominem, non
 solum ei non obediunt, sed quantum possunt ab
 eo fugiunt, & si ad eum aliquando veniunt, hoc
 faciunt, magis ad nocendum, quam ad proficien-
 dum, & licet habeamus aliqua domestica, hoc est,
 ex quadam assuetudine, domando ea, sic enim sæ-
 pe faciendo, adgeneratur in eis quædam consue-
 tudo, quæ est altera natura. Quod si aliquis insur-
 gat dicens, si creaturæ irrationales, potestatem
 habent nocendi rationalibus, igitur creatura ra-
 tionalis non præest, sed subest; quod enim nocet,
 potestatem habet super alterum, cui nocet; huic
 objectioni ita satisfaciam, verum est, quod crea-
 turæ irrationales potestatem habent nocendi ra-
 tionalibus, & in hoc præferuntur eis, hoc autem
 non est, ex prima institutione, quia dictum est de
 homine, ut præsit volatilibus cæli, & bestiis terræ,
 sed est, ratione poenæ peccati, ut quia non serva-
 vit homo voluntariam, & debitam subjectionem
 respectu sui superioris, nec debita subiectio ser-
 varetur à suo inferiori. Si cupis itaque, Princeps,
 populum tibi fideliter subiectum, subijce te Deo,
 & voti compos eris. Filiorum tuorum felicem
 exitum videre desideras? in Dei timore tibi vi-
 vendum est, ne filii perdantur iniquitate patris,
 si enim divina testantur oracula, Ego sum Deus
 zelotes visitans peccata patrum usque in tertiam,
 & quartam generationem eorum, qui oderunt me.
 Si autem aliquis objiceret, filius non portabit ini-
 quitatem patris. talis responsio satisfaciet, hoc
 quidem verum, si loquamur de bonis spiritali-
 bus,

Alex. A-
 lenfis 2.
 p. q. 17.
 m. 2.

Gen. c. 1

Exod.
 c. 20.

bus. c.
 liis
 tris, i
 poenar
 jus. V
 claud
 ad tur
 dent
 menti
 Deus
 culato
 Verum
 mors.
 rea v
 dilabin
 non sic
 colligis
 Vates
 bitur e
 stis de
 potest
 Non
 Sed
 Docto
 qua, ju
 neque
 per qu
 per terr
 quia pe
 vitam
 erit; Pr
 rum ej
 peccat
 Hoc
 morien

bus, quoniam scelera parentum non efficiunt filiis; non enim filius damnabitur pro peccato patris, sed poenas dabit in bonis temporalibus, in poenam patris, quatenus filius, est quædam res ejus. Vis denique, ô Princeps, exitu felici diem claudere extremum? ad Dei timorem, tanquam ad tutissimum asylum confugito, & omnia succedent ex votis, sic divino acclamante oraculo, *Timenti Deum bene erit in extremis.* Siquidem Deus sic morientem, tanquam unice dilectum osculatur, mortuus est Moyse in osculo Domini. Verum est enim illud adagium, Bona vita, bona mors. Huc perbellè faciunt nobilis Thecuitis aurea verba, Omnes morimur, & quasi aqua dilabimur super terram. Cur quæso, sicut aqua, non sicut oleum? Si vas olei effunditur, sedulo colligis, at si aquam spargis, nihili facis. proinde *Vates ille dicebat; Effusus sum sicut aqua. dilabitur ergo homo, sicut aqua, quia mortuus à cunctis derelinquitur, non enim ejus odor sustineri potest.*

Non redolet, sed olet, quod redolere solet.

Sed aliam hujus loci explicationem afferunt Doctores, præsentī instituto magis consonam. aqua, juxta placitum philosophicum, neque dulcis neque amara, sumit vero qualitatem à meatibus, per quos transit, hinc aqua Ticini limpida, quia per terram arenosam transit, aqua Padi turbida, quia per terram luteam transitum agit. ita plane, si vitam recte institutam mors reperit, optima mors erit; Pretiosa in conspectu Domini mors sanctorum ejus. si vita malè acta, misera mors, Mors peccatorum pessima.

Hoc benè noverat perditissimus Nero, Nam moriens exclamavit; Turpiter vixi, turpiter moriar.

D. Th. 1.

2.9.87.

Eccl. c. 1.

Psal. 21.

Ps. 115.

Psal. 33.

Iob.c.9. riar. Huc allusit oraculum Iobi; Dies mei transie-
runt sicut naves poma portantes. bene navis, vita
hominis, quoniam celeri cursu fugit, & quasi ven-
tus volat; Memento Domine quoniam ventus est
Iob.c.7. vita mea. sed quare sicut navis portans poma? cur
non aurum? cur non sericum? hæc merces facile
putrescit, proinde mercator sollicitat nautas, ut
remis, velisque contendant ad portum, quasi di-
cat, periculum est in mora. Porro vix navis appel-
lit, vix funibus alligatur, vix jaciuntur anchoræ,
& confestim navis exoneratur. Quid autem rema-
net? solus odor, præterea nihil. Si fructus sani,
fragrans odor, si jam putruerunt, foetidus & in-
suavis. sic nobis prorsus continget. si bene vixeri-
mus, in Domino moriemur. O magna Regni fe-
licitas, cujus Princeps in corde radicitus imprimit
divini numinis timorem, nam vivens quotidianam
accipiet benedictionem à Domino, & moriens ac-
cipiet coronam vitæ nunquam morituræ. Quomo-
do Ambrosius ille Spinula, Catholici exercitus apud
Belgas generalis Præfectus, & Mediolani mo-
derator integerrimus, cujus magnum robur in ar-
mis, & in pace probata fides, quomodo, inquam,
tot celebres victorias retulisset, nisi divino numi-
ne invocato, comite iudicio? O dux invictissime,
atatis nostræ decus eximium, tu per virtutis semi-
tam incedens facilem tibi aditum aperuisti ad per-
petuam tui nominis celebritatem. de re jure opti-
mo liceat mihi dicere,

*Hic est Ambrosius, quo non præstantior alter,
Spinula bellipotens, cætera fama canit.*

Claud.
Parad.

Ad hunc scopum dirigebat cogitationes suas,
tanquam sagittas, insignis illa Navarræ Regina
Margarita, proinde pro stemmate gerebat helio-
tropiū, addita inscriptione, Non inferiora sequor.

quo l

quod perinde fuit, ac si dixisset, Quemadmodum herba solaris, Sole oriente folia pandit, occidente claudit, & quod Sol convertitur, ipsa quoque gyrum agit, ita Christianus Princeps, in Solem iustitiæ, oculos assidue defigat, ne freno divini timoris destitutus, prolabatur in præceps, sic admonente regio Vate, Contritio & infelicitas in viis eorum, Psal. 13.
 viâ pacis non cognoverunt. at quorsum tot mala? non est timor Dei ante oculos eorum. Hinc scire August. de Civ. Dei lib. 5. c. 24.
 admodum scripsit Augustinus Catholicæ Ecclesiæ decus & ornamentum. Nos non ideo felices dicimus Christianos quondam Imperatores, quia diutius imperarunt, vel imperantes filios placida morte reliquerunt, vel hostes reipublicæ domuerunt, vel inimicos cives contra se insurgentes, & cavere, & opprimere valuerunt, hæc enim, & alia id genus erumnosæ vitæ, vel munera, vel solatia quædam, etiam cultores dæmonum accipere meruerunt, sed eos re vera felices dicimus, si iusta imperant, si se homines esse meminerint, si potestatem suam, ad Dei cultum dilarandum dirigunt, si Deum timent, diligunt, colunt, si plus amant Regnum illud, ubi non timent habere consortes. Optime noverat quantum profit, & conveniat Principi, timere Deum. Ludovici Galliæ Regis Blanca Regina parens, idcirco frequentius verbum illud repetebat: Mallem, fili charissime, mortem te Clithoveus serm. 1. de S. Ludov.
 subire corporalem, quam quod unico peccato mortali tuum offenderes Creatorem. Quod piæ matris verbum, usque adeo infixit animo filius optimus, ut præservante illum divina gratia, per totum vitæ suæ curriculum, ne ullum quidem mortiferum criminis contagium contraxisse dicatur. sed quo duce? divini timoris præsidio munitus; Timor enim Domini, ait Sapiens, expellit peccatum.

nec dicatur, objectum timoris est malum, quomodo igitur timetur Deus, cum ipse sit summum bonum? quoniam huic difficultati egregie satisfacit Angelicus doctor distinctione planè aurea. duplex objectum potest habere timor, quorum unum est ipsum malum, quod homo naturaliter abhorret, alterum vero est illud, à quo malum provenire potest, primo modo Deus, cum sit summa bonitas, nequit timeri, nam objectum timoris est malum, Deus autem summum bonum, Deus igitur immediatè timeri non potest. quod sic intelligitur, quia motivum nullum est in Deo, quare timeatur, aut odio habeatur, sed omne motivum est, quia infligit nobis pœnam, ex quo nobis displicet, ita explicat Cajetanus. Verum secundo modo potest esse objectum timoris, quatenus ab ipso potest nobis imminere malum pœnæ, & hoc in bonū nostrum, malum enim pœnæ non avertit nos ab ultimo fine, quin potius ad ipsum nos ducit, eodem ferè modo dicimus Deum timeri, quo dicimus odio haberi, at constat Deum, secundum sui essentiam, ab homine apprehensum, non posse odiri, quia Deus est ipsa bonitas, quæ semper amabilis, si autem Deus apprehendatur ab homine per effectus, qui voluntati humanæ possunt esse contrarii, sicut inflictio pœnarum, quantum ad hos effectus, Deus potest odio haberi. & sic intelligitur illud Regii vatis dictum; Superbia eorum, qui te oderunt ascendit semper. eodem prorsus modo; Deus immediate, ait Divus Thomas, non potest timeri, timetur autem, ut causa mali, quatenus (ut bene advertit Cajetanus) est potens infligere malum.

Majestatem itaque Dei omnipotentis timeat Princeps, legi ejus subiciatur, supremo legislatori obediat, tunc omnia feliciter evenient, cum in manu

D.Th. 2.
2.q. 19.
a. 1.

2.2.q.
34.

Psal. 73.

manu
unqu
hinc d
bat, E
sed qu
nante
sciat,
re erg
unige
mul d
doce
bea
gisor
ni, qu
re, &
sciplin
eatis d
nos d
git, C
est in
cipit
lari.
inqui
terra
de, &
Vi
tatis
tam t
cere,
à pat
uxor
rens,
perra
Rege
ille P

manu Dei sint omnium jura Regnorum, & nullus
 unquam imperare sciat, qui non novit obedire.
 hinc divinus Vates assiduus precibus enixè roga-
 bat, Emitte agnum Domine dominatorem terræ. *Isa. c. 26.*
 sed quis unquam audivit agnum orbi terræ domi-
 nantem? imperare cum leone, nemo est, qui ne-
 sciat, at obedire cum agno, nullus omnino. Emit-
 te ergo, ô Domine, inquit Propheta, filium tuum
 unigenitum, verum, & pium legislatorem, qui si-
 mul & dominari, & obedire sciat, ut Principes e-
 doceantur, quomodo divinis legibus parere de-
 beant. Ad hanc rem egregiè facit Serenissimi re-
 gis oraculum, Et nunc reges intelligite; erudimi- *Psal. 2.*
 ni, qui judicatis terram. servite Domino in timo-
 re, & exultate ei cum tremore. apprehendite di-
 sciplinam, ne quando irascatur Dominus, & per-
 eatis de via justa. hic autem advertas, quod ubi
 nos dicimus apprehendite disciplinam, Felix le-
 git, Osculamini filium. Apud viros primarios, hoc
 est in more positum, quando Regni successor ex-
 cipitur, in signum subjectionis manum ejus oscu-
 lari. hunc planè morem insinuans divinus Vates,
 inquit, osculamini filium, Iesum nempe, cælorum,
 terrarumque Regem timere, obsequium illi & cor-
 de, & opere præstantes.

Vtinam Principes nostri temporis, ex hoc veri-
 tatis fonte aliquando potarent, non enim ita vi-
 tam traducerent, quasi existimantes, omnia sibi li-
 cere, Dionysii tyranni filium imitantes, qui cum
 à patre corripere, quod Syracusani cujusdam
 uxori vim intulisset, diceretque indignatione fu-
 rens, Audisti unquam hujusmodi facinus à me per-
 petratum? cui statim filius, Sed nunquam patrem
 Regem habuisti. quasi innuere vellet improbus
 ille Princeps, quod omnia sibi licerent, quia filius

*Fulgof.
 li. 7. c. 3.*

Regis, Cum tamen in maxima potentia, minima
licentia esse debeat.

*Principis ante oculos adsit divina potestas,
Sic firmum Imperium, sic erit alma quies.*

CAPUT XXVIII.

*Sub potenti manu Dei humiliet se Princeps, &
exaltabitur Regnum ejus. At si erecto collo in-
cedens, tanquam Deus adorari voluerit, de-
scendet in profundum quasi lapis.*



VAM gravi supplicio afficiantur
Principes, qui humanæ conditionis
obliti, divinos honores sibi temerè
adscribunt, impiorum Principum se-
ries hæc demonstrabit. Exexit se
Angelus adversus Deum, à calo em-
pyreo est præcipitatus. exaltavit se primus parens,
à terrestri Paradiso fuit expulsus. nimia elatione
permoti filii hominum, tanquam gigantes adver-
sus Deum, pugnare contenderunt, sed Deus di vi-
sis linguis dissipavit eos. Exaltavit se Pharaos, ausu
remerario dicens; Nescio Dominum. sed quid?
Submersus est in mari rubro, quasi lapis. Exalta-
vit se impius Philistæus, à pastore inermi proprio
jugulatur gladio. Exaltavit se parricida Absalon,
è quercu pendens, tribus lanceis confoditur. Ere-
xit se Adonias Regnum ambiens, vita pariter, &
Regno privatur. Intumuit Roboam hæres Salo-
monis, scissum est ab eo Regnum patris sui. Exal-
tavit se Rex Chaldaus, dicens, Quis est Deus?
cumbelluis tandiu conversatus est, donec respi-
scens, verum Deum agnosceret. Exaltavit se am-
bitiosus

bitiosus Aman, adeò, ut ab universis adorari curaverit, sed in patibulo, quod Mardocheo paraverat, ipse tandem suspensus occubuit. Exaltavit se Antiochus, nimia superbia elatus, intestinis putrefactis, vivus à vermibus corroditur. Exaltavit se Herodes Agrippa Galilææ Rex, seu potius tyrannus, permittens se à populo acclamari Deum, confestim percussit eum Angelus Domini, eo quod non dedisset honorem Deo, & consumptus à vermibus, expiravit. Erexit se monstrum illud horrendum Domitianus, ad tantam insaniam deveniens, ut divinum sibi honorem attribueret, hinc in primordiis litterarum se Deum, & Dominum jussit appellari. Deus, & Dominus noster Domitianus ita mandat. unde in epistolis conscribendis, hæc erat formula: Dominus, & Deus noster sic fieri jubet. inde postea institutum est, ut ne scripto quidem, ac sermone, appellaretur unquam aliter, unde quidam assentator dixit, Edictum domini majorem. Nonne dici voluit filius Palladis? quod si quis facere detrectasset, tanquam magni criminis reus detrudebatur in carcerem. sed quid? à suis per insidias interfectus est.

Philo-
strat. in
Tyaneo
lib.7.

Sueton.
in Do-
mitiano
c.13.

Cajus Imperator contendebat ab omnibus coli, ut Deus, sed ob tam nefandum crimen, gladiis cōfossus, cum uxore, & filia occubuit. Sed quid de Cosdroa Rege Persarum? hic volens ab omnibus coli, ut Deus, turrim ex auro, argento, & pretiosis lapillis construi fecit, & ibidem Solis, Lunæ, Stellarum, imagines collocavit, per subtiles etiam & occultos ductus, quasi Deus aquam desuper infundebat, & in subterraneo specu, equi quadrigas trahentes, in circuitu ibant, ut quasi terram moverent, & tonitruum simularent, dum au-

Sueton.
de Cajo
c.22.

tem tumens in throno aureo , sic resideret , tanquam Deus adorari cupiens , tunc Heraclius Imperator exercitum copiosum collegit. Signa cum hoste contulit , actres duces Cosdroe cum tribus exercitibus superavit , quibus cladibus fractus Cosdroas in fuga qua trajicere Tigrim parabat , Medarsen filium socium Regni designat , sed eam contumeliam cum Syroes major natu filius ferret atrociter , patri simul & fratri ex fuga retracto , necem attulit , Regnum ab Heraclio impetravit. ecce quam miserè obiit , qui ut Deus adorari ambiebat.

Nec silentio involvendus Caligula ille , ad savi-
tiam natus , hic omnium deorum simulachra de-
capitari iussit , & singulis singula capita , vultum
ipsius Caligulae referentia inferebat , ut solus ado-
raretur. sed tale flagitium an impunitum reliquit
caelum ? omnibus infensus , proinde & omnibus in-
visus , turpiter occubuit homo perditissimus.
Contra quorum insaniam Ioannes Gerson quon-
dam Cancellarius Parisiensis pulchrè cecinit hoc
carmine,

Vidi ego vesicam modico turgescere flatu,

Quae pestis sonuit quatuor impositis ;

At puer unus acu pupugit , displosa repente,

Vilis , & absque sono , flaccida derumuit.

O verè amentes , nimium seiplos amantes , qui
cum essent vilissima figmenta , cito verminibus tra-
denda , adeo insolenter cornua erexere , ut sacros
honores ambirent , qui divinis tantum numinibus
conveniunt. Nonne amens Sophon Carthaginen-
sis , qui domi suae plurimas aves humanam vocem
referentes alebat , instruebatque non sine magna
temporis jactura , ut suo modo proferrent , So-
phon est Deus. cumque illas volucres ritè instru-
ctas cerneret , ad bene pronuntiandum. quod am-
biebat,

biebat, è cavea dimittens, deitatis illius præcones
fuere, unde quotquot illas audiebāt in admiratio-
nem rapti, mutuo colloquentes, dicebant; Sane So-
phon est Deus, quandoquidem volucres cæli, di-
ferta voce deitatem illius proclamant. Nonne in-
fana Semiramis Assyriorum Regina? hæc enim
scuto suo columbam, & gladium pro stemmate
insculpebat; gladio potentiam portendebat, co-
lumba vero insinuabat, se tanquam deam ab Assy-
riis in columbæ figura adorandam. Quid de arro-
gantia Maximini, qui Romanis Senatoribus suos
pedes osculandos præbebat? Quid de Rege Chal-
dæo, qui in aurea statua effigiem suam populo
proponebat adorandam? Pharao regia dignitate
elatus, nonne dicebat, Quis est dominus, ut au-
diam eum, & dimittam Israel? nescio dominum,
& Israel non dimittam.

Thales Milesius jam senex, admirandum quod-
dam naturæ secretum, Madritæ philosopho Sire-
nensi communicavit, qui cum hoc nomine ingen-
tes ageret gratias, rogaretque, quam mercedem
pro tanto documento vellet? Satis, inquit Tha-
les, mihi erit, si id quod à me didicisti, cum pro-
ferre volueris, tibi non adscripseris, sed me ejus
repertorem prædicaveris. quanto magis & plenio-
ri jure, hoc à nobis exigit Deus, ut omnia quæ
habemus, non nobis, sed illi accepta referamus? à
quo enim accepimus esse? à Deo, Ipse fecit nos.
à quo scientiam? à Deo, Omne donum defursum
est, à quo Regna? à Deo, Per me Reges regnant.
Deus namque dicitur à dando, quod omnia det, si
igitur omnia à Deo, cur divinos honores affectas?
cur tibi adscribis, quod pleno jure competit Deo?
cur non clamas? Non nobis Domine, non nobis,
sed nomini tuo da gloriam,

O magna

O magna hominis insania , qui corruptioni obnoxius, putat tamen se deum esse. Toto quidem cælo aberrabant, qui jumentis dementiores, nulum deum asserebant, de quibus Vates regius; *Psal. 13.* Dixit insipiens in corde suo, non est Deus. nec abs re, dixit in corde suo: si enim voce proferre ausus fuisset, omnes creaturæ contra eum insurrexissent, per universa mundi climata exclamantes, Ipse fecit nos, & non ipsi nos. Quot quippe creaturas videmus, tot linguas mente concipe, quæ prædicant ore pleno, unum esse Deum, qui mare, qui terras, qui cælum numine complet. huic rei satis appositè facit Salomonis oraculum, Spiritus Domini replevit orbem terrarum, & hoc quod continet omnia; nempe cælum, cujus amplexu omnia continentur, scientiam habet vocis, hoc est, habet librum apertum ad narrandum mirabilia Dei. Quid splendor Solis & Lunæ? Quid Stellarum aureus fulgor? Quid immutabilis orbium cælestium motus? sunt voces, Dei potentiam prædicantes. Cæli enarrant gloriam Dei. Quid est aër, tot avium species recipiens, tantis diversarum vocum accentibus undequaque resonans? est vox, quæ prædicat Creatoris gloriam. Quid est mare, tam amplum, tot aquarum, atque piscium multitudine refertum? Quid terra tot floribus ornata? Quid tanta diversitas animalium? Quid denique omnes creaturæ in hoc mundi Theatro degentes? vivæ voces, quæ resonant Deum esse unum moderatorem omnium. Longè à veritatis scopo deviant & ipsi, qui plures deos posuere. Inter quos Manichæi omnium stultissimi, & jure dicuntur Manichæi à mania, quod verbum idiomate Græco significat ineptiam. isti statuebant duo principia, bonorum & malorum. pro bonis Deum, pro malis diabolum

lum constituebant. Porro, quia hoc deliramentum nituntur probare nonnullis sacræ Scripturæ locis, perperam tamen intellectis, proinde juxta Catholicum sensum explicare non erit inutile. Arguunt primo ex Ioanne, Vos ex patre diabolo estis. *diabolus ergo pater malorum, non igitur unus Deus 8. Ioan. c.* omnium opifex. Pro vera explicatione advertas, quod pater alterius, dicitur aliquis dupliciter, vel quia ab eo habet substantiam, vel quia ab eo habet mores, doctrinam ejus suscipiendo per imitationem. hoc modo diabolus erat pater Phariseorum. moventur præterea ex alio loco Ioannis, Regnum meum non est de hoc mundo. *Christus ergo non est Rex hujus mundi. Porro non concludunt, quia Regnum Christi sunt fideles, qui non sunt de hoc mundo. sunt quidem in mundo, sed quasi exulantes, & ad Regnum cæleste anhelantes. Conantur insuper suam sententiam confirmare ex Paulo, Deus hujus sæculi excæcavit mentes infidelium. diabolus igitur est deus hujus sæculi. sed hoc non urget, quia diabolus non dicitur deus affertivè, sed nuncupativè, eo modo, quo venter dicitur deus. & tamen quis ignorat ventrem non esse creatorem? est ergo Deus unus omnium rerum, creator, gubernator, & rector. In unitate quippe omnis natura consentit, Romanos geminos unum non capit Regnum. Rex unus est apibus, dux unus est gregibus, & in armentis rector unus. multo magis totius mundi unus est moderator. hoc idem docuit philosophus, Rerum natura malè administrari non vult, & multorum principatus non est utilis, unus ergo sit Princeps. idem prorsus confirmat in libris de cælo, In causis non datur progressus in infinitum, sed ad supremam quandam causam perveniendum, à nulla alia depen-*

Ioan. c. 19.

2 Cor. c. 4.

Cyprianus de idol & unitate.

Arist. 12 metaph. c. ult.

Arist. li. 1 de cæ-
 10. ferè Marcus Tullius. Prima lectio, ait, quam sen-
 Lib. 1 de sus communis, & naturæ lex docet, est, unum esse
 nat. deo- Deum, à quo condita sunt omnia. Oportet, in-
 rum. quit Cusanus, unum esse Principem, alioquin ma-
 Nic. Cu- gna oriretur confusio, quando in imperando plu-
 fanus li. res concurrerent. Quando enim unquam Regni
 3. de societas, aut cum fidecœpit, aut sine cruore desit?
 conc. Nonne Romanos fratres unum non capit Re-
 catholi- gnum, quos unum uteri cœpit hospitium? Nonne
 ca. Antonius Geram morti tradidit? Quis Germani-
 cum interfecit? Nero frater. Quis Titum? Do-
 mitianus. Pompeius, & Cæsar nonne affines fue-
 runt? non tamen amicitiaæ fœdus in æmula potesta-
 te tenuerunt. hinc Poeta,

Lucan.
 lib. 2.

*Nulla fides Regni sociis, omnisque potestas
 Impatiens consortis erit.*

Ric. 1
 sent. diff.
 21. q. 1.

In unum igitur conferendum est Imperium, quo
 humana gubernatio divinæ sit quam simillima. Est
 itaque unus Deus omnium rerum causa universa-
 lis. Vnus quidem, sed cum pluralitate personarum.
 Fuit quidem Deus, est, & erit semper unus, sed
 nunquam Deus fuit solus, quia quamvis ab æter-
 no non fuerit essentia alia, quam divina, tamen in
 illa essentia, est, & fuit ab æterno personarum
 pluralitas, quæ à Deo solitudinem excludit, adeo
 quod ista propositio, est falsa; Deus ab æterno fuit
 solus. ista vera, Solus Deus fuit ab æterno. & hic
 obiter notandum, quod si in divinis non essent
 plures personæ, Deus posset dici solus, hoc est,
 solitarius, licet sit cum Angelis, & animabus san-
 ctis. non enim tollitur solitudo per associationem
 alicujus, quod est extraneæ naturæ, nam dicitur
 aliquis esse solus in horto, quamvis sint ibi multæ
 plantæ, & animalia. pari ratione diceretur Deus
 solus,

D. Th. 1.
 p. q. 30.
 a. 3.

solus, Angelis, & hominibus cum eo existentibus, si non essent in divinis plures personæ. stultos igitur optimo jure appellamus, qui non cognoscunt unum esse Deum, qui regit universa. Cæterum longe dementiores illos esse judico, qui eo infamiae devenerunt, ut velut divina quædam numina, & nominari, & adorari ambirent, quasi Luciferi Hierem. c. 14. superbiam imitantes, qui erecta cervice blaterabat, Ascendam ad Aquilonem, & ero similis Altissimo. Sed, quid ais, ô insane? nonne cognoscis te creaturam esse, non creatorem? nonne mente percipis, te effectum, non causam? Quorsum ergo illud, Ero similis Altissimo? Pro hujus loci explicatione advertendum, quod duplex assignatur à Theologis similitudo, una quæ dicitur omnimodæ æquiparantiæ, sed hanc nec Lucifer, nec primi parentes appetiere, quia talis similitudo non cadit in apprehensione sapientis, qualis est diabolus, cujus naturalis cognitio, non est diminuta, ita attestante Dionysio, cujus verba Dionys. de div. nom. c. 4. sunt hæc, Divo Thoma referente; Data sunt dæmonibus, aliqua dona, quæ nequaquam mutata esse dicimus, sed sunt integra, & splendidissima, D.Th. 1. p. q. 64. a. 1. & hoc ideo quia simplices sunt, & propter simplicitatem suæ substantiæ, à natura eorum aliquid subtrahi non potest, unde naturalis cognitio in eis non est diminuta, potest tamen tenebrosa vocari, & nocturna, quatenus in Deum non refertur. Naturalia igitur etiam in malis Angelis remanserunt integra. hinc naturaliter cognovit, se non esse similem Deo, quantum ad æquiparantiam. Siquidem nulla relatio æquiparantiæ, potest esse inter Deum, & creaturam; nam talis relatio requirit extremorum mutuam, & æqualem dependentiam: Deus autem non dependet ab aliqua creatura.

Argent.
3 sent.
dist. 5.
a. 4.

tura. Vnde licet similitudo reperta inter duas creaturas, sit relatio æquiparantiæ, non tamen, ut est inter Deum, & creaturam. Alia dicitur similitudo imitationis, & hæc possibilis est creaturæ ad Deum, in quantum participat aliquid de similitudine ipsius, secundum suum modum, quodlibet enim bonum, in creatura existens, est quædam participata similitudo primi boni. Potest tamen dici, quod quantum ad aliquid, Deo æquiparari appetit, quatenus sibi inniti voluit, contempto divinæ regulæ ordine. Proinde Augustinus dicebat; Diabolus magis voluit sua potètia frui, quàm Dei. Quid enim est dicere; Similis ero Altissimo? nisi, quemadmodum Deus sua propria natura beatus est, non habens superiorem, ita ego beatus esse volo propriis bonis naturæ, nec me subijciam ordini, à superiore præscripto.

August.
de vera
relig.

D.Th. 1. In hoc Lucifer appetit esse similis Deo, quia
p. 9. 63. appetit ut finem ultimum beatitudinis id, ad quod
a. 3. virtute suæ naturæ poterat pervenire, avertens suum appetitum à beatitudine supernaturali, quæ est ex gratia Dei. Sunt igitur diabolo similes nefarii homines, qui variis illusionibus illecti, divinos sibi honores præscribunt. Non sic Antiochus, qui tandem morti proximus parvitatem suam cognoscens, dixit: Iustum est, subditum esse Deo, & mortalem non paria Deo sentire. Non sic Rex Israel, namcùm Rex Syriæ Benadab, unum ex optimatibus suis Naaman nomine, lepra cooperatum, ad Regem Israel mitteret, rogans, ut salutem ejus procuraret, Rex Israel lectis litteris, & audito nuntio, iratus nimis, scidit vestimenta sua dicens: Nunquid deus ego sum? ac si diceret, licet ego sim Rex, homo tamen sum, & quidem miser.

4 Reg.
c. 5.

Cùm

Cùm Sisanni Persarum Regi, quidam adulantes, pocula tantum mellita propinantes, dicerent, se mirari, cur omnia, quæ tantus monarcha concepisset animo, non quàm primùm opere compleret, tunc modestia singulari, quamvis barbarus, ait; Ego Dominus verborum tantum, & non rerum. perinde, ac si dixisset, multa quidem animo volvo, at solius Dei est, eadem in opus cogere, & exequi. Non sic Herodes Agrippa, qui improviso dolore percussus, dum sui eum deferebant, non valentem per se incedere, suspirans, & gemens dicebat; En ego vester deus, ducor ad mortem. Non sic Philippus Macedonum Rex, qui humanæ conditionis memor, non se deum, sed hominem mortalem appellabat, frequentibus suspiriis inclamando, Memento Philippe, te esse mortalem. Non sic Alexander filius, qui accepto lethali vulnere, ad Principes Regni, lumina mœsta convertens, dixit: Vos appellatis me Iovis filium, at vulnus hoc proclamat, me esse mortalem. Non sic Tiberius, monarcha secundus post Augustum, hic enim vetuit, se dominum appellari, neque unquam permisit, ullum templum sibi proprium extrui, quin & nomen patris patriæ à Senatu sibi oblatum, recusavit. Non sic Octavianus Imperator, qui divinos honores sibi à Romanis tributos, quantum potuit, respuit. Romani enim gravissimis bellis affueti, tunc autem temporis, universi Imperii quietem admirantes, id Octaviani Imperatoris prudentiæ, in Imperio gerendo, attribuebant, ideoque tanto beneficio grati, illum tanquam Deum colere, ac venerari decreverunt. ille verò non minus pius, quàm prudens, illorum votis repugnabat, quibus tamen urgentibus satisfactorius, Sibyllam, ea tempestate in oraculis reddendis nobilem, quid sibi faciendum

Sueton.
in vita
Tiberii
c. 27.

Diodor.
histor.
Rom. c.
57.

Cornel.
Tac. lib.
I annal.

ciendum foret, consulit. illa pollicita responsum, cum intra Imperatoris ædes, tempore quo Christus nascebatur, moraretur, quod Imperator quaesierat attente contemplans, sublati repente in cælum oculis, vidit prope Solem, aureum circum, in cujus medio, intuita quoque est pulcherrimam Virginem, intra brachia foventem Infantulum. tunc accersito Imperatore, quod viderat in cælo miraculum, indicavit, & puerum illum

Anton. 1
p. histor.
tit. 4.

omnino futurum Dominum, cui Reges omnes parerent, prophetico spiritu afflata, prædixit, auditaque de cælo protinus vox fuit, Hæc est ara cæli. mox Octavianus audito Sibyllæ responso, mandavit, ut eum nemo amplius vocaret dominum, quandoquidem jam, qui omnium erat verus, & legitimus Dominus, natus aderat.

Quid de Carolo Quinto Imperatore invisto?
hic cum in castris audiret Turcarum Regis legatum, de suo Rege magnalia prædicantem, illumque dominum dominorum vocitantem, iusto furore percitus, exclamavit, dicens; Mentiris barbare, quoniam non est dominus, nisi solus Deus; quasi Ecclesiasticum decantans oraculum, Tu solus Sanctus, tu solus Dominus. O piam Principis sententiam aureis litteris inscribendam. Nam re vera solus Deus est Dominus, qui jure creationis dominium gerit, ac principatum omnium rerum, quas condidit. Fuit ab æterno semper Dominus, at potestate tantum, quoniam ante creationem nullæ res erant, quæ illi obtemperarent, ut subditæ, nefas est enim inter divinas personas, dominium nominari, cum nihil sit in Deo, eo ipso inferius, sed quidquid in illo est, infinitum est. At post orbem conditum, Deus est Dominus omnium, & usu, & actu. Domini est terra & plenitudo ejus.

13x
Florian.
Nan. E.
piscop.
Scalensis in
Cat. arg.
super
Gen.
conclus.
23.

ejus. Nullus quippe titulus est major, nam verus Dominus duas conditiones sortitur, quæ nulli creaturæ conveniunt, soli autem Deo competent, quarum una est, ut possit pro libito uti re, cujus est Dominus, & eam augere, minuere, ad nihilum redigere, altera verò, ut nulla re indigeat. Ante creationem, non dicebatur dominus, quia non erant subditi, quibus imperaret, relativa enim dicuntur ad convertentiam, pater, ergo filius, dominus ergo servus; sunt quoque simul natura, adeò quod posito uno ponitur & alterum, non potest enim intellectu percipi, quod ponatur dominus, & non ponatur servus, aliter non diceretur ad convertentiam, nec illud debet urgere, pater est ante filium, ergo non simul natura, quoniam in relativis duo sunt. unum est ipsa forma relationis, secundum quam ad aliud sunt; alterum est ipsum fundamentum, & substantia, cui inest talis relatio. hoc prænotato, dicimus quod secundum formam relationis, nullum relativum antecedit suum correlativum, quoniam non est prior relatio paternitatis, quam relatio filiationis, nam in patre non potest esse relatio paternitatis, nisi in filio sit filiatio. porrò secundum fundamentum, nihil prohibet, quod unum sit prius altero, ille enim homo qui dicitur pater, antecessit hominem, qui est filius, non tamen prior fuit pater, quam fuerit filius, quoniam statim & simul, quod quis est pater, statim quoque est filius. ante creationem itaque non dicebatur dominus, quia non aderat servus, nunc autem omni jure dominus & solus dominus. quoniam dominium creatoris, relationem dicit ad creaturam; inde est, quod licet ab æterno, omnium rerum potestate dominus sit, actu tamen, ab initio solum creationis, rerum dominus est.

Polyd.
Virg. An-
gli. hist.
lib. 7.

Porro magnum discrimen est, inter dominium Dei & hominum, quod homo non est dominus naturæ rerum, sed usus tantum, Deus autem, & naturæ & usus. qua de causa dicitur solus Dominus, non tantum, quia antonomatice Dominus est, sed quia dominium creaturarum est à Deo, juxta illud: Per me Reges regnant, & quia homo rerum naturas nequit mutare, Deus autem potest naturas mutare, alterare, imò etiam ad nihilum redigere, proinde Deus solus est Dominus. Lepidam sanè historiam, scribit Polydorus Virgilius de Canuto Regè. hic cum juxta littus maris assedisset, dixissetque, Vnda tibi jubeo, nè pedes meos tangas. nihilominus unda infurgens, totum eum madefecit. tum ille suos Principes alloquens, En, inquit, vocatis me Regem, qui mari, qui terræ, latè impirem, cum tamen hanc parvulam undam meo imperio cohibere nequeo. Est Rex unus Iesus Christus Dei filius, cujus nutu cuncta reguntur, & Vintoniam profectus, statim coronam, quam gestabat, capiti imaginis Christi crucifixi, suis manibus imposuit, nunquam posthac, ejusmodi ornamento capitis usus insigni.

Non sic denique Rex ille inclytus, qui sedens in throno regio coronam in capite, & sceptrum in manu gerens, fuit à quodam philosopho adoratus, tanquam Deus, at subinde ad Regis solum conscendit, eidemque Regi assedit, quem cum Rex objurgasset, respondit philosophus, vel tu deus, vel tu homo. si deus es, jam te adoravi genuflexus; si homo, non facio injuriam, tibi assistens, nec enim terra erubescit, quod alia terra prope ipsam sit, & pulvis pulveri adhæret. tunc Rex argute dilemma dilemmate solvit, argumentum philosophi contra ipsum retorquens. Vel ego

ego sum homo, vel deus; si homo, non leviter peccasti, me adorans; si deus, assidere non debebas, cum nulla sit inter Deum, & homines, æqualitas. O quàm turpe igitur, & indecorum, hominem cito vermibus tradendum, velle adorari, vt Deum.

Humiliamini itaque, ô Principes, sub potenti manu Dei, per quem Reges regnant, nolite loqui sublimia glòriantes, sed servite ei, cum timore, mente recolentes, vos esse homines, non deos, & omnes Reges Deo comparatos, vilissimos esse vermiculos, totamque terram cælo comparatam, nihil esse. At nemo magnus in pufillo.

Regi calicolum, vos flectite colla, potentes,

Tunc dabit omnipotens, regia sceptrum dñi.

CAPUT XXIX.

Sacros Dei ministros pia veneratione complectatur Princeps, In primis autem Summo Sacerdoti Pont. Max. omnium fidelium capiti, Imperiales fasces humiliter submittat, & Regnum ejus germinabit sicut lilium.



VANTA veneratione digni semper fuerint Sacerdotes, vicem Dei gerentes, supremi Monarchæ nuntii caelestes, olim præclarissimi Principes, & virtute, & sanctitate insignes, abunde satis docuere. Proinde generationes illorum, divinis omni tempore benedictionibus repletas fuisse, historiarum tradunt monumenta.

Constantinum in primis Romanorum Imperatorem,

Euseb. li.
8 c. 2.

Hist. tri-
par. lib.
2. c. 5.

torem, tanquam præclarissimum speculum pro-
pono, ad quod lumina Principum convertantur.
is enim quandiu vixit, sanctos sacerdotes, utpote,
angelos humanos, deos terrenos, viros cælestes,
divino cultui dedicatos, maximis honoribus, &
muneribus cumulavit. Quod præclaro Ecclesiasti-
cæ historiæ testimonio comprobatur. In Concilio
enim Nicæno, cum esset inter Episcopos magna
dissensio, summam rei ad Imperatorem Constan-
tinum detulerunt, ipse autem à singulis suscepit
libellos, quos simul omnes in sinu suo continens,
ait ad Episcopos, Deus vos constituit sacerdotes,
& potestatem vobis dedit, de nobis quoque judi-
candi, idcirco nos à vobis rectè judicamur, vos
autem non potestis ab hominibus judicari, propter
quod, divinum expectate iudicium, non enim est
conveniens, ut homo iudicet deos. Cumque hoc
dixisset, omnes querimoniarum libellos iussit ex-
uri. Nec silentio involvam, quàm benignè ipse-
met Imperator tractaverit sacerdotes in Nicæna
Synodo congregatos. Nam Patribus regiam do-
mum præparavit, sedes, & subsellia in ea poni præ-
cipiens qui sufficerent ordini sacerdotum; rebus
itaque honorifice dispositis, invitavit ingredi, &
de præsentibus habere Consilium. Introivit autem
& ipse Princeps ultimus cum paucis, minori verò
sede, quam aliis posita, in medio eorum sedit, pri-
mo tamen petens, sibi hoc Episcoporum iussione
concedi. tanti apud eum semper valuit auctoritas
sacerdotii. Quid hinc? à manu Dei munifica, in-
gentibus honoribus, & beneficiis semper cumula-
tus fuit. Siquidem Imperii habenas diu & felici-
ter tractavit. Condidit Civitatem Romæ æmu-
latricem, in bellis gerendis semper invictus, sem-
per Augustus triumphavit. In tyrannis oppri-
mendis

mendis potentissimus, & tandem cuncta prospere agens, plenus dierum, è vita emigravit. cujus memoria semper in benedictione.

Valentinianus hujus nominis primus Imperator, Christianum Constantini animum secutus est. Auxentio namque defuncto, qui Mediolanensem præsulatum tenuerat, evocans Episcopos Imperator, hujusmodi apud eos habuit concionem, Nostis apertè, eruditi utique divinis eloquiis, qualem oporteat esse Pontificem, & quod non deceat eum verbo solum, sed etiam vita, gubernare subjectos. Talem itaque in pontificali constituite sede, cui & nos, qui gubernamus Imperium, sincere capita nostra submittamus, & ejus monita, dum tanquam homines deliquerimus, veluti curantis medicamenta suscipiamus.

Histor.
tripar.
li. 7, c. 8.

His dictis communi consensu pastor gregis ordinatur Ambrosius, cui tunc præsidualis cura fuerat commissa. Quo facto, hunc hymnum optimus Imperator Salvatori Domino obtulisse fertur. Gratias ago tibi Domine, omnipotens, & Salvator noster, quoniam huic viro ego quidem commisi corpora, tu autem animas. verba planè aurea, tanto viro digna.

Quis non admiretur Theodosii Imperatoris obedientiam Ambrosio sacerdoti humiliter præstitam? Apud Thessalonicam civitatem, quidam iudices lapidati fuere. Tunc Theodosius indignatus, delicti auctores interfici jussit, ubi septem millia gladio periere, non præcedente iudicio. Hujusmodi autem cladem plenam gemitibus, audiens beatus Ambrosius, cum Princeps venisset Mediolanum, & solemni pompa in sacram vellet intrare basilicam, occurrit sanctus Episco-

Histor.
tripar.
lib. 9.

Fulgof.
lib. 1.

Theod.
li. 5. hist.
eccles.
c. 17.

Sev. Sul.
pit. in vi-
ta S.
Mart. Ji.
6.

pus foris ad januam, & ingredientem his sermo-
nibus à sacri liminis ingressu prohibuit, Nescis, ô
Imperator, perpetrata à te necis, quanta sit ma-
gnitudo? an fortè recognitionem peccati prohibet
potestas Imperii? docet tamen, ut vincat ratio po-
testatem. Coæqualium hominum Princeps es, ô
Imperator, & conservus, unus est dominus Rex
omnium, & creator. Quibus igitur oculis aspicias
communis Domini templum? Quibus calcabis pe-
dibus sanctum Domini pavementum? Quomodo
manus extends, de quibus adhuc stillat sanguis
innocuus? recede ergo, recede, nè secundo pec-
cato, priorem nequitiam augere contendas. Sus-
cipe vinculum, quo nunc omnipotens Deus te li-
gavit. Mox obtemperavit Imperator. Noverat
enim quæ sunt propria sacerdotum, & quæ Re-
gum, gemens, & plorans, ad regalia remeavit.
Post multos dies transactos, permissu Ambrosii,
sacra limina ingreditur Theodosius, ibique pro-
nus in pavimento jacens, Davidicam emisit vo-
cem, Adhæsit pavimento anima mea, vivifica me
secundum verbum tuum. O verum Christiani
Principis exemplum, aureis litteris inscribendum.
Ad hanc rem optimè facit Maximi Imperatoris
reverentia erga Episcopum Martinum observata.
Cum enim ad Imperatorem Maximum, ferocis
ingenii virum, & bellorum civilium victoria elat-
um, plures ex diversis partibus Episcopi conve-
nissent, & fœda circa Principem, omnium adula-
tio notaretur, seque turpi inconstantia, regiæ clien-
telæ sacerdotalis dignitas subdidisset, in solo Mar-
tino apostolica auctoritas permanebat. Nam etsi,
pro aliquibus supplicavit Regi, ita tamen pruden-
ter egit, ut potius imperaret, quàm rogaret, & à
convivio Principis, frequenter rogatus, abstinuit,
dicens,

dicens, se mensæ ejus participem esse non posse, qui Imperatores, unum Regno, alterum vita expulisset, tandem victus præfati Maximi precibus, ad convivium venit, mirum in modum gaudente Rege, quod id impetrasset. Convivæ autem aderant, veluti ad diem festum evocati, summi atque illustres viri, nempe, Comites duo, magna potestate præditi, frater Regis, & patruus, medius inter hos, Martini presbyter accubuerat, ipse autem sellula juxta Regem posita confederat. Ad medium ferè convivium, ut mos est, pincerna primum calicem Regi, ut omnium nobilissimo obtulit, ille sancto Episcopo potius dari jubet, expectans, atque ambiens, ut ab illius dextera, poculum sumeret, Episcopus non recusavit, sed ubi ebibit, calicem, non Imperatori, sed presbytero suo tradidit, nullum nempe existimans digniorem, qui possit prior bibere, nec integrum sibi fore, si aut Regem ipsum, aut eos, qui à Rege erant proximi, presbytero prætulisset. Quod factum Imperator, omnesque, qui tunc aderant, ita admirati sunt, ut hoc ipsum eis, in quo contempti fuerant, placeret, celeberrimumque per omne palatium fuit, fecisse Martinum in regis prandio, quod in infimorum judicum conviviis, nemo Episcoporum fecisset. O regia dignitas sacerdotis, à summis Imperatoribus in tanto pretio habita, utpote, qui sciant, istos, non homines, sed angelos, & deos, à divinis oraculis appellari. Hinc in divinis litteris nomine regio decoramini; Vos estis regale sacerdotium, quia vos regibus, non Reges vobis præstant, & supra vos nihil erit in terra, sed ipsi vos eritis præfides orbis, duces hominum, custodes legum, & patres omnium. audiant sacerdotes, titulos insignes, quibus decorantur. Matthæus

Lucem appellat. Lucas, falem terræ. Hieronymus, generales Apostolorum vicarios. Gregorius, stellas mundi. Basilius ardentes faces. Theodoretus Dei coadjutores. Exodus Deos. Malachias, Angelos. Hieremias Reges. David Principes. Michæas duces. Et quæ dignitas, quæso, aut major, aut præstantior reperiri potest, dignitate Ducali, Principali, Regali, Angelica, Divina? Hinc servus Dei Franciscus frequenter dictitabat, Si Angelus, & sacerdos mihi eodem tempore occurrerent, prius sacerdoti, deinde Angelo honorem exhiberem. Sanctus quoque Antonius Abbas, quoties sacerdotem obvium habebat, caput aperiēbat, & in genua coram eo provolutus, benedictionem humiliter postulabat, eamque tantum faciebat, ut singulari se honore crederet affectum, si quando eandem obtinuisset. Nec immerito tot honoribus, & titulis cumulantur sacerdotes, utpote, qui peccata remittunt, abyssos claudunt, diabolos fugant, mortuos ad vitam revocant, miracula patrant. Proinde Vates regius divino afflatus spiritu canebat, Nimis honorati sunt amici tui Deus. Istos itaque tanquam Dei ministros venerare, ô Princeps, & copiosam recipies benedictionem à Domino. Sed in primis sacerdotem maximum, Pontificem summum, successorem Petri, Vicarium Christi, Romanæ Ecclesiæ caput visibile, in supremo dignitatis culmine, supra homines, citra Deum solum constitutum, cui Principes, Reges, Imperatores, fasces suos Imperiales submittunt, majestatem Pontificiam adorantes. ita factum fuisse legimus ab Attila Hunnorum Rege, qui ob suam feritatem Italiæ terror, & flagellum Dei dicebatur. is cum in conspectu Leonis Papæ, totiusque Cleri Romani, qui

qui ei occurrit, venisset, tacita quadam in viro sancto majestate perterritus, arma deposuit, & suas copias, ab indicto urbis excidio continuit, affirmans se clara luce vidisse, dum loquentis Pontificis verba exciperet, duos præstantes viros, Petrum, nimirum, & Paulum, strictis gladiis ejus capiti atrociter minitantes, ni sacerdotis Dei, dictis acquiesceret.

Quod itidem ferè de Mauritio Constantinopolitano Imperatore legitur, qui statim ab impia in Pontificem Maximum, Gregorium magnum, tyrannide abstinuit, superba dominatione, in Sanctissimi Pontificis obsequium commutata, ubi intellexit quendam inaudito, & prodigioso spectaculo, monachali habitu indutum, cujus nomen, adventus, & discessus omnes latuit, minaci ense in foro Constantinopolitano spectante populo, clamantem, dixisse, Imperatorem cito hoc gladio periturum, nisi sanctissimis monitis obtemperaret.

Federicus primus Imperator, Romanæ Ecclesiæ majestatem, & Summi Pontificis auctoritatem, & verbis, & rebus egregiè confessus est. Nam cum in Italiam venisset, Adrianum Quartum Pontificem, ita humiliter veneratus est, ut ad ejus pedes primum venerabundus accederet, deinde descendenti ex equo stapedem teneret.

Albertus
Kranth.
li. 6 hist.
Saxon.
c. 16.

Quid de humili erga Pontifices Romanos obsequio, Ludovici Imperatoris Germaniæ Regis? is cum Romam adiisset, & consiliis cum Benedicto Pontifice mature compositis, inde profectus esset, ejus è vita transitum in itinere cognoscens, mox mæstus urbem repetiit. Non multo post Nicolaus Romanus ex diacono eligitur, Cæsare præsentè consecratur, rursusque in Patriarchium Lateranensè deductus, coronatur, inde paucis inter-

interpositis diebus, cum Ludovicum de professione cogitare audisset, officii causa ad eum in castra venit. Quod ubi Ludovicus sensit, obviam aliquanto viæ spatio prodiit, & desiliens ex equo, frenum, per integrum sagittæ ictum, tenuit, & convivio, sub militari tabernaculo excepit, quo suavissimis sermonibus celebrato, donis ipsum magnificis coluit, & in urbem reverenter profectus, destinato in loco iterum ad frenum accessit, osculoque sancto pedi oblato, in tabernaculum se recepit; atque inde in Lombardiam perrexit. O memorandum exemplum ante fores Principum aureis litteris inscribendum. Sed quid de multis Galliarum Regibus? nonne illorum præcipuum munus fuit, Catholicam Ecclesiam tueri? Apostolicæ Sedis dignitatem defendere? turbulentorum hominum audaciam perfringere? Proinde optimo jure inter omnes Christianos Reges, miro omnium populorum consensu, atque applausu, Christianissimi dicti sunt. In primis autem Pipinus, & Carolus Pipini filius, qui ob res præclare gestas, magni cognomen obtinuit, ambo Romanam sedem usque adeo coluere, ut non modo sacerdotium ab omni vi hostili semper tutati sint, sed etiam summis sacerdotibus occurrere, illorum pedes osculari, & pedestres ipsi à frenis equorum, quibus sacerdotes vehebantur, illos in urbes suas introducere in magna gloria, atque in summa sui nominis, & diadematis claritate posuerint. Hoc autem fiebat, tum supremæ dignitatis veneratione, tum etiam grati animi ergo, in memoriam revocantes, quod quidquid præclari, atque præstantis habent, sive imperatoria munera, sive regios titulos spectaverimus, à sacerdotali munificentia acceperunt. Siquidem, quod Reges Galliarum occidentali

dentali imperio primi potiti sint, quodque tam celebri, & insigni elogio præ omnibus Principibus Christianis, Christianissimi dicantur, id certè totum sacerdotibus acceptum referre debent. Quod & libenter faciunt, sese viriliter opponentes, pro Sanctæ Romanæ Ecclesiæ dignitate tuenda. probe namque norunt, regiam illis potestatem, non solum ad mundi regimen, sed maxime ad Ecclesiæ præsidium, esse collatam, ut ausus nefarios comprimendo, & quæ benè sunt statuta, defendant, & veram pacem his, quæ sunt turbata, restituant, & Romano Pontifici totius orbis Pastori, obedientiam præstent.

Non negamus, ait Innocentius Tertius, scribens Constantinopolitano Imperatori, quin præcellat Imperator in temporibus, illis dumtaxat, qui ab eo suscipiunt temporalia, sed Pontifex in spiritualibus antecellit, quæ tanto sunt temporalibus digniora, quanto anima præfertur corpori. Nosse debet Imperatoria celsitudo, quod fecit Deus duo magna luminaria in firmamento cæli, luminare majus, ut præesset diei, & luminare minus, ut præesset nocti. Vtrumque magnum, sed alterum majus. Ad firmamentum cæli, hoc est, universalis Ecclesiæ, fecit Deus duo magna luminaria, idest, duas instituit dignitates, quæ sunt Pontificalis auctoritas, & Regalis potestas, sed illa quæ præest diebus, idest, spiritualis, major est, quæ verò carnalibus, minor, ut quanta est inter Solem, & Lunam, tanta inter Pontifices, & Reges, cognoscatur. Quam planè prærogativam ex eo intelligere potes, quod dictum est, non à quolibet, sed à Deo, non Regi, sed sacerdoti, non de Regia stirpe, sed de sacerdotali prosapia descendenti, Ecce constitui te super gentes, & super Regna, ut evellas,

Innoc.
de ma-
jor. &
obed.
can. so-
litæ.

Hierem.
c. I.

3. Reg. c.
19.

evellas, dissipes, ædifices, & plantes. Siquidem Summi Pontifices super Cathedram Petri sedentes, supremum imperium in toto orbe, super omnes potestates semper habuere. Isti enim tantæ Sedis auctoritate, Principes, Reges, Imperatores consecrant, coronant, deponunt. ô verè thronus Regius, ô cathedra salutis, ô sedes planè admiranda. de te quidem pleno jure dici potest, Non est factum tale opus in universis Regnis. Tu es enim navis illa singularis, ut ait beatus Clemens, in qua Apostoli tempestate quatiuntur, navis semper invicta, diris tyrannorum procellis sæpius oppugnata, nunquam tamen expugnata, fluctibus hæreticorum undique concussa, nunquam tamen excussa. quia portæ inferi non prævalebunt adversus eam. licet enim potentia tyrannorum, & hæreticorum deceptiones, aliquando infestent, & multos fideles à fide, & charitate avertant, totam tamen Ecclesiam non desolabunt. Dicit autem quispiam, quomodo portæ inferi non prævalebunt, cum hodie videamus magna ex parte prævaluisse? nonnè videmus totam Asiam, Africanamque à Mauris occupatam? Quid? nonnè, & Europam multis in locis hæresis labe inquinatam? quomodo igitur portæ inferi non prævalebunt? non prævalebunt adversus Ecclesiam, quia fundata supra firmam petram, quia Ecclesiastica hierarchia usque ad consummationem sæculi perdurabit, quia Regni ejus non erit finis. proinde licet ventis Aquilonaribus huc, illuc jactetur, nunquam tamen submergitur,

Fluctuat, at nunquam mergitur illa ratis.

Hinc Lunæ comparatur, pulchra ut Luna, quia Ecclesia aliquando plenior, aliquando minus plena, obscuratur hac parte Luna, illa clarescit, obscu-

obscu
& Cl
fectu
Sole
roru
voca
à Sol
Deus
Eccle
Luna
defic
Ego
tua.
defec
talis
sumus
pse P
nus u
mo n
men
redii
aliqu
cisse
nem
tri, n
Virg
fecer
qua d
gnum
tur,
cussa
adver
diris
perib
bitur

obscuratur Germania, & Anglia, clarescit Iapon,
 & China, & sicut Luna deficit, non Solis de-
 fectu, sed quia ipsa non respicit ex diametro
 Solem, sic obscuratur aliqua natio Catholica er-
 rorum tenebris, non propter Christum, cujus
 vocatio, & dona sunt sine pœnitentia, sed quia
 à Sole caelesti oculos averterunt, propterea eos,
 Deus dereliquit. Gaudeamus igitur, quoniam
 Ecclesia perpetuo durabit, timeamus verò, quia
 Luna est, nè in nobis deficiat, nunquam tamen
 deficiet tota simul, inconcussò manente oraculo;
 Ego rogavi pro te Petre, ut non deficiat fides
 tua. Si autem aliquis objiciat, quomodo non
 defecit fides, si Petrus Christum negavit? tunc
 talis responsio est adhibenda, De fide Petri pos-
 sumus loqui duobus modis, vel in quantum ip-
 se Petrus erat persona particularis, vel quate-
 nus universalis Ecclesiæ personam gerebat, pri-
 mo modo defecit fides Petri ad tempus, non ta-
 men finaliter, quia per pœnitentiam ad Christum
 rediit. Egressus foras flevit amare. Scio tamen
 aliquos doctores asseruisse, in Petro non defe-
 cisse fidem, sed ejus tantum exteriorem confessio-
 nem. Porro secundo modo non defecit fides Pe-
 tri, nam tridui tempore, salvata fuit fides in beata
 Virgine, quamvis tunc temporis in Apostolis de-
 fecerit fides, semper tamen remansit in Virgine, de
 qua dici potuit, Mens immota manet. in cujus si-
 gnum tempore passionis omnes cerei extinguun-
 tur, præter unum, qui viget accensus. Incon-
 cussa igitur manet ista veritas, Ecclesiæ navem
 adversis ventis agitari, sed nunquam obrui, à
 diris hostibus impugnabitur, sed nunquam
 peribit, in mediis tyrannorum flammis versa-
 bitur, sed flamma non nocebit ei ad interitum.

Rom. 2.

Luc. c.
22.August.
li. contra
menda-
cium, c.
7.Leo Pa-
pa serm.
9 de
pass. Do-
min.

hzc

hæc illa visio planè mirabilis, quam vidit Moyses. vidit enim rubum, qui licet arderet, non tamen comburebatur, proinde admirans ait; Vadam, & videbo visionem hanc magnam, quare non comburatur rubus? Quid obsecro per rubum? quid per ignem? Philo Hebræus per rubum ardentem, intelligit populum Hebræum injuria oppressum, per ignem, Ægyptios oppressores, sed rubus non comburebatur, quia illa tribulatio in bonum illorum convertenda erat, & ipsi incolumes evasuri.

Gregorius per rubum, legem Mosaicam intelligit. sicut enim ignis illuminabat rubum, sed rubi spinas non comburebat, ita lex Mosaica demonstrabat peccata, sed peccati spinas non auferabat.

Bernardus per rubum ardentem, qui non consumebatur, intelligit miraculum, quod futurum erat in Beata Virgine, de qua canit Ecclesia; Rubum quem viderat Moyses incombustum, conservatam agnovimus tuam laudabilem virginitatem. rubus quidem ardebat, quia peperit Filium, sed non comburebatur, quia Virgo permansit.

At Hieronymus per flammam inhaerentem rubo, sed rubum non comburentem, figurat Ecclesiam, quæ flammis tot persecutionum non consumitur. cui apposite accommodatur urbis Parisiensis insigne, Salamandra nimirum in medio flammarum, apposita hac nota; Circumdor, sed non uror. Huc egregie spectat, quod refert Plinius, ait enim, reperiri arborem quandam nomine larix, quæ igne non comburitur, quin potius, si in ignem projiciatur, ac si esset lapis, ejus flammis resistit, quod experimento probavit Cæsar, circa civitatem Gezgobiam, ibi namque erat turris ex hoc ligno confecta, cui ignem apponi jussit, & cum flammis

Plin. lib.
16. natu-
ralis hi-
stor.

Celius
Rodig.
gin. lib.
6 lect.
antiq.

flammis undequaque circumdaretur, nullum detrimentum passa est. En typus Ecclesiæ, quæ flammis hæreticorum undequaque opprimitur, sed nunquam deprimitur; imò sicut vinea, ait Ambr. 13
9, cap. 10, in Lucam.

dum ligatur, erigitur, & recisa non minuitur, sed augetur, ita Ecclesia sancta dum humiliatur, attollitur, & dum reciditur, coronatur. ita respondet Ecclesia Frederico Imperatore, qui carmine quodam adversus Ecclesiam temerè blaterabat,

Roma diu titubans variis erroribus acta

Corruet, & mundi desinet esse caput.

At Ecclesia egregiè respondit,

Niteris incassum navem submergere Petri.

Fluctuat, at nunquam mergitur illa ratis.

Replicavit Imperator,

Fata volunt, stellaque docent, aviumque volatus,

Quod Fredericus ego, malleus Vrbis ero.

Audaciam retundit Ecclesia dicens,

Fata volunt, Scriptura docet, peccata loquuntur,

Quod tibi vita brevis, poena perennis erit.

Hinc etiam malo punico comparatur, nam in cortice amarum, asperum, & durum, interius autem suavi constat dulcedine, habet etiam magnam granorum multitudinem, miro artificio dispositam, quæ quidem grana, oculis intuentium se obijciunt, quasi lapides pretiosi, quapropter inter alios fructus, à natura corona donatur. En symbolum Ecclesiæ, quæ licet interius maxima dulcedine gaudeat, propter spem Regni cælestis, exterius tamen, innumeras patitur amaritudines, & sicut malum punicum multis granis decoratur, ita Ecclesia meritorum copia abundat, coronatur malum punicum, semper regnat Ecclesia, imò quod magis oppugnatur, tantò magis dilatatur, & ma-

jores vires acquirit eundo. quasi vitis, quæ quò magis reciditur, eò magis abundat, cæsa uberior, oppugnari quidem potest, sed non expugnari.

Qui tibi bella movet, Genitrix sanctissima, non te

Ladit, at ipse suum trahit ense caput.

Calce ferit stimulum, nam se miser ipse cruentat,

Quique putat stimulos se dare, damna capit.

Fortior es calo, calumque & terra peribunt,

At tu sponsa Dei, tempus in omne manes.

O navis divina, validis prædiis undique stipata. Quos enim Remiges habet? Apostolos. quæ arma? Sacramenta. quos milites? Fideles. quæ vela? virtutes. quem ventum, qui per varios gurgites ad portum dirigat? Ecce Spiritus sanctus, qui semper affistit, de quo Vates in persona Ecclesiæ; Spiritus tuus bonus deducet me in terram rectam. quam arborem? Salvatoris crucem, arbor se extollit, usque ad sydera. Crucis vexillum, & imperium, usque ad Empyreum.

O navis prodigiosa, in qua novum celebratur certaminis genus, hic enim milites truncato capite cadunt, sed cadendo vincunt, sed patiendo regnant, sed moriendo triumphant. at quibus armis? non hastis ferreis, non acutis gladiis, non globis bellicis, sed patientiæ clypeo protecti. Cæduntur gladiis, more bidentium, non murmur resonat, non querimonia, sed corde racito, mens bene conscia, conservat patientiam. Proinde non ab re, illam turri Davidicæ compararunt expositores, ex qua mille clypei pendent, omnis armatura fortium. nulla quippe armatura fortior adversus persecutionum aculeos, quam viri fortis patientia, nam cum injuria non fiat, nisi nolenti, qui non ægrè fert injuriam, vim omnem retundit injuriæ. Verum quomodo arcet hostes sine gladiis, sine jaculis?

culis? sine globis? en novus pugnandi modus, quem prædixit nobilis illa mulier, Nova bella elegit Dominus. triumphos enim agit Ecclesia, non pugnando, sed patiendo, non gladios vibrando, sed proprium sanguinem effundendo. idcirco Tertullianus tormenta Martyrum appellabat vestes palmatas. hic est habitus victoriæ nostræ, hæc palmata vestis, tali curru triumphamus. hinc strenui milites in Ecclesiis, cum palmis pinguntur, palmas habent in manibus, quia vinculis ferreis, quibus obstringebantur, oscula dulcia imprimebant, benedicentes Dominum. idèd Paulus omiſſis titulis; Ego sum Apostolus, ego vas electionis, ego doctor gentium, solo hoc titulo gloriatur, ego victus in Domino. palmas in ore, acclamabant enim coram Regibus, Obedire oportet Deo, magis quam hominibus. palmas in oculis, ibant gaudentes ad carceres, ad vincula, quasi ad epulas, quoniam digni habiti sunt pro nomine Iesu contumeliam pati. palmas in pedibus, hinc Tiburtius calcato igne exultabat, Carbones isti mihi flores videntur. palmas in corde, Credimus Iesum Christum, & hunc crucifixum. palmas denique in omni loco, in omni tempore, coram omnibus, quia hæc erat vox omnium, Lætatur pro Christo gravior pati. Moyses dicebat, Vadam, & videbo visionem hanc magnam, quare rubus ardeat, & non comburatur, hoc idem de Martyribus dicendum, magna hæc visio, tot ictibus tormentorum, quasi malleis concutiuntur, & nihil moventur, quasi dicerent,

Etiam si fractus illabatur orbis,

Impavidos ferient ruinae.

Hinc merito Ecclesia assimilatur palmæ; Statura tua assimilata est palmæ, quia sicut palma ponderi

non succumbit, sed contra nititur, ita Ecclesia potest quidem oppugnari, nunquam tamen expugnari. Mirum plane est, quod de Templo Iunonis Laciniae, scribit Plinius, in Laciniae Iunonis ara sub dio sita, cineres manent immobiles; perflantibus undique procellis, nota deinde apposita, Flatus irritus omnis. hoc idem decantant Martyres, veniant procellae, insurgant venti, irruant infortunia, semper cum Domino erimus. Ecquid nos separabit à charitate Christi? an gladius? flatus, flatus irritus omnis. Sanctus Cyprianus martyr, accepta mortis sententia, an timuit? exultans, & gaudens respondit; Amen, amen. Deo gratias. Sanctus Sebastianus, dum ad martyrium ducebatur, in pectore gerebat chirographum ita scriptum, Quia Christianus sum. Edmundus Campianus Societatis Iesu Theologus, accepta in Anglia, pro fidei confessione mortis sententia, statim oculis ad caelum erectis, cecinit, Te Deum laudamus. omnes Sancti ibant gaudentes, quasi ore pleno acclamarent. Lætatur graviora pati, frangimur, non flectimur, secatur corpus in frustra, at mens immota manens, sollicitatur frustra. urit flamma foris, sed vis ardentior intus. isti erant viri, hoc est, victores, nam ubi vulgata habet, confortare, & esto robustus, exemplar Hebraeorum legit; Confortare, & esto vir. hinc Gregorius dicebat; virum dici à virtute, sed nostra aetate, homines permulti, viri perpauci. Proinde Diogenes Cynicus in meridie, per forum civitatis facem ardentem manu gerens, quærebat hominem, & dicentibus: Ecce quamplurimi adsunt, respondit; Isti non sunt homines, quia non ratione, sed libidine ducuntur. Porro in primitiva Ecclesia erant viri fortes, qui nullo metu frangebantur. Hinc

Eccle-

Ecclesia dicitur signum magnum, quia magnum miraculum à Deo effectum. Nonne magnum miraculum, contra tam diras tyrannorum persecutiones, Ecclesiæ non solum fundatio, sed (ut ita dicam) prodigiosa progressio? præcipuè si spectentur illi, per quos fundata est, pauci numero, humiles genere, absque ullo mundanæ potentiae præsidio. O felix navis tantorum Principum pretioso sanguine purpurata, sed præcipuè Petri, & Pauli, qui sunt Catholicæ fidei propugnatores accerrimi, & urbis Romæ vigilantissimi custodes, de quibus egregiè cecinit Venantius Poeta Christianus,

Venantius Fortunatus. li. 3 carminum.

Calorum porta, lati duo lumina mundi

Ore tonat Paulus, fulgurat arce Petrus.

Inter Apostolicas radianti luce coronas

Doctior hic monitu, celsior ille gradu.

Corda per hunc hominum referatur, & astra per illum,

Quas docet ipse stylo, suscipit ille polo.

Pandit iter calis hic dogmate, clavibus alter,

Est via cui Paulus, janua fida Petrus.

A facie hostili duo propugnacula præsumt,

Quos fidei turres, Vrbs caput orbis habet.

Onavis divinis elogiis celebranda, quæ multis quidem titulis, quasi rutilantibus gemmis decoratur, sed in primis quinque privilegiis gaudet insigniri, dicitur enim Vna, Sancta, Catholica, Apostolica, Visibilis. dicitur una, ratione communio-
nis fidelium, quam confitemur in symbolo, Credo Sanctorum communionem. est enim Ecclesia, collectio multorum, ad unius Dei cultum. hinc explodendus Henrici Octavi error, Anglorum Regis, qui eo insanix devenit, ut diceret, tot esse Ecclesias Christi, quot sunt Regna. ô virum perditissimum, immundæ libidinis causa, in miseriam

adeo turpem redactum. Eia igitur Christiani Principes, hujus Regis periculo sapere, Christi Vicario Romano Pontifici, in his quæ ad Christianam Religionem pertinent, humiliter obedite, & demum ante oculos vestros proponite Regem regum, Iudicem universalem, qui venturus est judicare eos, qui sub prætextu temporalis, & politici regiminis, Ecclesiasticam Summi Pontificis auctoritatem à Deo datam coarctare, non sine fidelium scandalo, & magno fidei detrimento præsumunt. hæc lubens dixerim Anglici regni calamitatem miseratus. Nam quod olim totius Christianæ religionis exemplar extitit, jam nostris temporibus omnium hæresum officinam non sine lachrymis videmus. Vnde non amplius Anglia, seu Angelica terra, sed diabolica, ab omnibus ore pleno decantatur. Verum redeamus, unde digressi sumus, nempe, ad Sanctæ Ecclesiæ unitatem, quæ satis superque probatur symboli Nicæni testimonio. Credo unam sanctam Catholicam, & Apostolicam Ecclesiam. Et jure quidem dicitur una, siquidem Ecclesia est corpus Christi, sed unius capitis, unum tantum est corpus, ut bene colligit Paulus, divisus est Christus? quasi diceret, ubi unum caput Christus, una tantum est Ecclesia, quæ est ejus corpus. Nec propterea Ecclesia biceps, quod in ea sint duo capita, visibile, & invisibile, quoniam etsi sint duæ personæ Christus, & Papa, Papa tamen est Ecclesiæ caput, ex Christo instituentem, & habet vices capitis, ex supremo capite, ac demum Papæ potestas, est derivata à Christo, qui propria virtute gubernat Ecclesiam, nec hinc sequitur, Ecclesiam esse bicipitem, quia hæc capita subordinata sunt, est enim Christus caput in cælis, habens Vicarium in terris,

D.Th.in
3 p.q. 8.
a. 6.

Titulo

Titulo etiam sanctitatis decoratur Ecclesia, divino attestante oraculo, Tota pulchra es amica mea, & macula non est in te. nec obstat axioma illud ab omnibus receptum, Bonum confurgit ex integra causa, malum ex particulari defectu. Cum igitur in Ecclesia sint multi peccatores, & proinde non ex omni parte, habeat sanctitatem, non debet dici sancta, præsertim cum denominatio fiat à majori parte, plures autem sunt peccatores, quam justi, quomodo ergo tota pulchra? Pro explicatione hujus difficultatis, notare debes, quod signa distributiva in sacris litteris, non uno tantum modo accipiuntur, sed aliquando pro omnibus, sine aliqua exceptione, hoc est, pro singulis generum, ut illud, in Adam omnes moriuntur. aliquando sumuntur pro aliquo tantum genere, hoc est, pro generibus singulorum, ut illud, In Christo omnes vivificabuntur. quod tantum intelligitur, pro genere salvandorum, ita quod illud signum significat, quod vel omnes quotquot salvantur, per Christum salvantur, vel quod ex omni genere gentium vivificantur aliqui. quando ergo dicimus, Tota pulchra es, intelligimus, ut distribuat pro generibus singulorum, hoc est, in quolibet statu, & gradu Ecclesiasticæ Hierarchiæ sunt amici Dei, sine macula peccati mortalis. Nec denominatio fit à majori, sed à nobiliori parte, à Sanctis nimirum, qui vivunt sine macula mortali, licet à peccatis venialibus non sint omnino liberi, quoniam venialia peccata non destruunt gratiam, & charitatem, in quibus sanctitas formaliter consistit.

Dicimus etiam Ecclesiam Catholicam, hoc est universalem, ratione loci, temporis, doctrinæ, & materiæ. ratione quidem loci, quia ubique

regnat Ecclesia. Dominabitur à mari usque ad mare, & à flumine usque ad terminos orbis terrarum, à polo arctico, usque ad antarcticum, fama fidei Christianæ evolavit. ab Oriente quippe ad Indias usque enavigavit, ab Occidente usque in Americam, à Septentrione usque ad Iapones, à Meridie usque ad Brasiliam. sed quid pluribus immoror? per omnia mundi climata, ad ipsos usque Antipodes protendit. siquidem in omni loco prædicatur Euangelium, vel prædicabitur.

Nec illud multum urget, nunquam in universo mundo prædicatum est Euangelium, sed satis est, quod omnes obliget, & saltem successivè, omnes illud suscipiant, ejusque fama totum peragraverit orbem. Hinc malo punico comparatur, coronam gestans in capite, quia Ecclesia regnat ab ortu Solis usque ad occasum. Vnde plenissimo jure Romanus Pontifex caput Ecclesiæ dicitur, & est Monarcha spiritualis in toto orbe, non quod præsit omnibus hominibus, qui sunt in toto orbe, sed quod præsit omnibus Christianis, toto orbo diffusis.

August.
de Civ.
Dei lib.
15.

Ratione temporis Ecclesia dicitur universalis, quia ab initio mundi perseverabit usque in finem. de qua Angelus Gabriel, Regnabit in domo Jacob in æternum, & regni ejus non erit finis. omnes Monarchiæ finem jam dudum acceperunt, at supremum Christi Imperium, in Ecclesia, nunquam cessabit. Ex parte doctrinæ fidei, Catholica est, quia universaliter est vera, nullumque errorem admixtum continet, aut continere potest. denique ratione materiæ, quia omnes indifferenter vocat, omnesque, nullo excepto, suis præceptis obligat, & demum quia ante mundi finem nulla erit natio, quæ ad fidem non sit convertenda, non quia actualiter ad omnes se extendat, vel tempore præterito

Turrec.
li. I. suæ
sum. c.
13.

terito
ad cu
beat
quia
recip
tate
recip
Q
Eccle
nim
vit,
stolici
tion
clesia
digne
Apost
cæ cu
Apost
que
diver
V R
succ
tres
sio,
Eccle
quid
sione
serun
tro u
tunc
P
mult
sed
conv
stiam

terito ad omnes simul se extenderit, vel in futuro ad cunctos pro eodem tempore se extendere debeat. Quoniam Ecclesia non sic dicitur Catholica, quia omnem hominem in singulari ad fidem actu recipiat, videmus namque multos in sua infidelitate mori, sed quia omnes nationes, & provincias recipit, ex eis aliquos convertendo.

Quarto loco dicitur Apostolica, quia succedit Ecclesiæ, quam moderati sunt Apostoli, nostra enim Ecclesia succedit illi, quam Petrus gubernavit, & hac ratione successor Petri vocatur Apostolicus, ut constat in publicis Ecclesiæ obsecrationibus, Vt domnum Apostolicum, & omnes Ecclesiasticos ordines in sancta religione conservare digneris, hoc est, Summum Pontificem, qui idem Apostolicus dicitur, quoniam doctrinæ Apostolicæ custos est, & doctor infallibilis. Et jure quidem Apostolicus, quia continua successione à Petro usque ad nostra tempora hæc successio duravit. à divo autem Petro usque ad Pontificem nostrum V R B A N U M V I I I, successerunt sibi continua successione Summi Pontifices, ducēti quadraginta tres. Et tanti valuit apud Augustinum hæc successio, ut dixerit, Multa sunt quæ me justè in gremio Ecclesiæ detinent, inter quæ numerat, tanquam quid potissimum, continuam Pontificum successionem, & tamen tempore Augustini non præcesserunt nisi triginta novem Pontifices à Divo Petro usque ad Anastasium, qui Sedem Apostolicam tunc temporis tenebat.

Postremo Ecclesia dicitur visibilis, quod ex multis Sacræ Scripturæ oraculis, posset probari, sed (instar omnium) locus Matthæi satis abundè convincit, ubi docetur, fratrum delicta ad Ecclesiam fore referenda, at si Ecclesia non esset visibi-

Turecr.

li. 1. c.

19.

Iren. lib.

3 con.

her. c. 3.

Matt. 18.

lis, quomodo ei denunciaretur incorrigibilis? Nec obstat argumentum Lutheri, omnes fideles credunt Sanctam Ecclesiam, sed fides est de non visis, ergo si credimus Ecclesiam, non videmus, & per consequens non est visibilis; alias diceremus, video Sanctam Ecclesiam, & non credo. non urget, inquam, hæc obiectio, seu deliramentum, siquidem hæc duo simul verè consistunt, respectu diversarum rationum, nempe, quod omnes fideles credimus Sanctam Ecclesiam, & quod videmus Sanctam Ecclesiam, aliud enim est quod videmus, & aliud quod credimus, in quo sensu dixit

Ioan. 20. Dominus Thomæ; Quia vidisti me Thomas credidisti. aliud vidit, & aliud credidit, ut doctè advertit Gregorius, vidit hominem verum, sed eundem credidit esse Deum. ita & nos dicimus de corpore Christi mystico, quod est Ecclesia. Nam aliquid videmus, nimirum, collectionem hominum qui adunantur in confessione fidei, sub uno Christi Vicario in terris, & aliquid invisibile, est in Ecclesia, quod credimus, nempe, fides, charitas, potestas spiritualis. hæc sunt, quæ credimus in Ecclesia, cum dicimus, Credo sanctam Ecclesiam.

O igitur Cathedra benedictionis, ter, quaterque beata, in qua post Petrum Apostolorum Principem, usque ad nostra tempora, quibus V R B A N V S Octavus Romanæ Ecclesiæ clavum feliciter moderatur, ducenti quadraginta tres Pontifices sederunt, & præfederunt. Cathedra, inquam, triginta trium Pontificum, qui eam initio nascentis Ecclesiæ tenuerunt, pretioso purpurata sanguine.

O Cathedra veritatis, extra quam nihil sanctum, nihil validum; nam velut Phoenix unica avis, non per omnes aëris regiones volitat, sed in solis

solis
quæ in
tra Ec
ctrina
culo
mean
eam.
tique
funda
Eccle
modi
go no
O
vestro
refim
vero f
Tu
stanti
Spiri
O
sub C
pieta
fural
O
ne Pr
unica
fregit
O
decer
sta ho
lis ad
tres a
totum
regna
& qu

solis Arabia petris reperitur, ita quoque veritas, quæ instar Phœnicis unica est, nusquam nisi in petra Ecclesiæ apparet, utpote, quæ nunquam in doctrina fidei errare potest, divino acclamante oraculo; Super hanc petram ædificabo Ecclesiam meam, & portæ inferi non prævalebunt adversus eam. si enim Ecclesia circa fidem errare posset, utrique non esset fundata supra firmum & certum fundamentum. sed quid? nonne dixit Dominus Ecclesiæ? Desponsabo te mihi in fide? at huiusmodi matrimonium est indissolubile. Ecclesia ergo non potest errare circa fidem.

Matt. 16.

Osee 2.
Cano
de locis
theol. li.
4. c. 4.

O Cathedra sanctitatis, tu es illa, quæ sub Sylvestro Pontifice in Concilio Nicæno Arrianam hæresim Iesum Christum solum esse hominem, non vero simul Deum, asserentem, condemnasti.

Tu es illa, quæ sub Damaso in Concilio Constantinopolitano, Macedonium, & Eunomium in Spiritum Sanctum blasphemos, profigasti.

O Cathedra Apostolica, nonne tu es illa, quæ sub Cælestino in Concilio Ephesino Nestorii impietatem, duas in Christo personas ponentem, confutasti.

O Cathedra salutis, nonne es illa, quæ sub Leone Primo in Concilio Chalcedonensi, Eutychetem unicam in Christo naturam promulgantem confregisti?

O navis verè regia, tu pro fide Christi gloriosè decertans semper triumphos agis, tu manu invicta hostes tuos debellans, vexillum Crucis extollis ad sydera, tu instar armati exercitus instructa, in tres acies divisa, superborum colla prosterne per totum orbem inclamans, Christus vincit, Christus regnat, Christus imperat. In prima acie pugnatur & quidem strenuè sub duce Summo Pontifice,

qui

qui Episcopos veluti tribunos militares pro salute omnium sibi creditarum, ad pugnam summa charitate incendit. in secunda turma, ecce Nobiles & Primarii una cum plebe admixti, qui in hac navi, militantes, manus movent viriliter ad praelia. omnes enim in Baptismo nomina dederunt, omnes in Confirmatione arma acceperunt, & omnes pro laborioso certamine gloriosa stipendia expectant. In tertia vero acie sese offerunt Religiosi diversis officii destinati, horum aliqui, in vallis vigilias agunt, & in propugnaculis veluti in specula excubant, ut sedulo explorent, ne quid respublica Christiana detrimenti patiatur, idque perficiunt in Monasteriis, & Collegiis. Ex his alii extra castra se subripiunt, hostes invadunt, ingentia damna inferentes, & hi sunt pracones Ecclesiastici, quorum sonus in toto orbe ferè intonuit, alii in montibus excubant, in desertis tentoria figunt, insidias hostiles detegunt, & aperto Marte aggrediuntur; hi sunt sancti Patres eremum incolentes. en navis egregie instructa, ut castrorum acies ordinata.

O Sedes vere divina, in qua sedet, & praesidet Episcopus universalis, totius orbis Pastor, Vicarius Christi in terris, Petri Apostoli verus successor. & merito quidem hisce elogiis decoratur. quoniam Vicarius is proprie dicitur, qui absentis vices gerit, successor vero, qui in defuncti locum substituitur. Cum igitur Christus Dominus absens sit, secundum praesentiam visibilem, Petrus autem mortuus sit, idcirco *VRBANVS* Octavus, Christi Vicarius, & Petri successor nuncupatur. Nec propterea Ecclesia dicenda biceps, quoniam haec duo capita ita se habent, ut alterum, alteri subordinetur, siquidem Christus est caput in caelis habens Vicarium in terris, ad quem omnia iudicia refe-

referu
Tres
uni
sed op
guber
pulare
mine
censer
quia
certu
Christ
poreff
regitu
teri or
Petri,
Eccle
S
Scio
nomi
regna
na de
cipit
purita
Medi
nem,
clesia
gnific
pes, &
pa cor
confir
fuit, u
posuit
Rege
Eccle
luti al

referuntur, & à quo omnes principatus pendent. Tres enim sunt regiminis formæ, Monarchia, quæ unius est principatus. Aristocratia, quæ paucorum, Arist.lib. sed optimatum, Democratia, quæ penes populum 3 polit. gubernationis summam ponit, quam vocant populari, ubi ad magistratus, populus sine discrimine admittitur. illa tamen Reipublicæ forma censetur optima, quæ unius est dominatio. Porro quia præstantissimum regimen est monarchia, & certum est, Ecclesiam Dei à sapientissimo Principe Christo institutam, optime gubernari, quis inficiari potest, ejus regimen debere esse monarchicum? regitur enim ab uno visibili summo Iudice, cui cæteri omnes Principes subjiciuntur. hinc in persona Petri, & successorum decantatur hoc distichon:

Ecclesiam pro navè rego, mihi climata mundi,

Sunt mare, Scriptura retia, piscis homo.

Scio quidem Imperatorem, mundi Principem nominari, super omnes nationes, provincias, & regna constitutum, in cujus signum triplici corona decoratur, argentea, in Aquisgranis, quam accipit ab Archiepiscopo Colonienſi, & significat puritatem, Ferrea quam accipit ab Archiepiscopo Mediolanenſi Modoetiæ, & significat fortitudinem, Aurea, quam dat Romanus Pontifex in Ecclesia sancti Petri ad altare sancti Mauriti, & significat excellentiam super omnes Reges, Principes, & nationes; est nihilominus sub potestate Papæ constitutus, quia Imperatorem tam electum & confirmatum, deponere potest, & de facto deposuit, ut egregie fecit Innocentius Quartus, qui deposuit Fredericum Romanum Imperatorem, & Regem Siciliæ, nam petiit ab eo, ut daret pacem Ecclesiæ, & mundo universo, at ipse pertinax, veluti alter Pharaon, audire renuit, quare cum fuisset per-

Euseb. li.
6 hist.
ecclef.
c. 25.

perjurus, sacrilegus, & de hæresi suspectus, Papa deposuit eum. Nonne Fabianus Pontifex inter ipsas etiam Ecclesiæ angustias, Philippum ecclesiasticis suppliciis punivit? Nunquam tamen nisi causa fidei, Regna per Pontificem mutata sunt, hac enim de causa Stephanus Papa transfudit Imperium à Græcis, in Germanos, & Innocentius Quartus, Regi Portugalliæ, Regni administrationem interdixit.

Ut dici-
tur 96.
d. c. Con-
stanti-
nus.

Nec objiciatur, quod Constantinus Imperator imposuit coronam Sylvestro Papæ, quia hoc fecit, non sicut dominum, & auctoritatem præbens, sed sicut minister obsequens, cujus signum fuit, quod tenens equum, famulatus, & obsequii officium exhibuit.

Licet autem ad tanti culminis sublimitatem sit erectus Romanus Pontifex, ut habeat jurisdictionem immediatam in omnes Christianos, ut sit super Reges, & omnes Principes, ut sit Christi Vicarius in terris, ut sit Petri in prælatione successor, ut sit Ecclesiæ universalis Episcopus, & totius orbis Pastor, ad imitationem tamen capitæ, qui non venit ministrari, sed ministrare, Servus servorum Dei, non dedignatur nominari. Hinc distichon graphicè elaboratum,

*Se vident tibi, Roma, prius domini dominorum,
Servorum servi, nunc tibi sunt domini.*

Cedren.
in vita
Leon.

O præclara Sedes in qua sedens Gregorius Secundus, Leonem Imperatorem, Iconoclastarum hæresi faventem, atque eam in Italiam inducere molientem, non solum excommunicavit, sed etiam prohibuit ab Italia solvi vectigalia, & proinde multavit eum parte Imperii.

Fulgos.
li. 6, c. 3.

In hac Sede sedens Innocentius Primus, Arcadium Imperatorem, atque ejus conjugem Eudoxiam,

doxiam, à communi fidelium grege separavit, quia Chrysofthomo Patriarchatus sui honore depulso, Theophilum Alexandrinum Patriarcham suffecerant.

In hac Sede sedens Innocentius Tertius, Otho- Blond.
nem Quartum Imperatorem, anathemate innoda- Decade
vit, & Imperatoris titulo privavit. 2. lib. 6.

In hac Sede sedens Innocentius Quartus in Concilio generali Lugdunensi, consentientibus universis Patribus, deposuit Fredericum Secundum, & dedit etiam Regi Lusitaniæ coadjutorem quendam, qui Regnum administraret, quandoquidem Regis negligentia, & respublica, & religio in Lusitania detrimentum patiebatur.

In hac sede sedens Gregorius Septimus, Henricum Quartum Imperatorem deposuit, & alium eligi iussit, quod & factum est.

In hac Sede sedens Clemens Sextus, Ludovi- Pighius
cum Quartum Imperatorem à Ioanne Vigesimo- li. Hie-
secundo, & Benedicto Duodecimo excommuni- rarch.
catum deposuit. Eccle-
siast. 5.
c. 14.

In hac potestate sedens Leo Tertius, cum cerneret Christianæ Reipublicæ curam, à Græcis Imperatoribus negligi, transtulit Romani Imperii iura, à Constantino Irenes filio, ad Carolum magnum Francorum Regem, eique Augusti titulum, & Imperatoris insignia contulit.

In hac Sede summæ potestatis sedens Zacha- Paul.
rias, deposuit Kildericum à Regno, quod ejus so- Diac. lib.
cordia, Catholica Religio in Galliis non modicum 6, c. 5, de
detrimentum pateretur, & transtulit Regnum in gestis
Pipinum Caroli magni patrem, quam translatio- Longo-
nem justam fuisse, nemo sanæ mentis negabit, præ- bard.
sertim, cum eventus docuerit, mutationem illam felicissimam fuisse, nunquam enim Regnum Fran-
corum

corum potentius, aut Religio in Gallia florentior fuit, quam tempore Pipini, & Caroli.

Blond.
Flavius
lib. 3 de
eadis I.

In hac tandem supremæ auctoritatis Sede, sedens Gregorius Quintus, Sanctionem edidit, ut penes solos Germaniæ Principes, jus esset eligendi Regem, qui post diadema à Romano Pontifice acceptum Imperator, & Augustus appellaretur. Electores verò Imperii septem constituit, nempe, tres Cancellarios, Maguntinum, Trevirenses, Coloniensem Archiepiscopos: Marchionem Brandenburgensem Camerarium, Comitem Palatinum Rheni dapiferum, Ducem Saxoniam, qui enses portat, Regem Bohemiam, qui pincernam agit, quod eleganti carmine descripsit Poeta,

Bellarmin. de
translat.
Imp.
Rom.
li. 3. c. 1.

Maguntinus, Trevirensis, Colonienfis,

Quilibet Imperii sit Cancellarius horum.

Est Palatinus Dapifer, Dux, Portitor ensis.

Marchio, Præpositus Camera, Pincerna, Bohemus.

Hi statuunt dominum cunctis per sacula summum.

Hanc itaque Vnam, Sanctam, Catholicam, Apostolicam, Romanam Sedem venerare, ô Princeps, Imperiales fasces, & sceptrum, humiliter submitte, pro hac tuenda te ipsum, resque tuas expone, Constantinum, Theodosium, Carolum, Principes ingenuos, Sanctæ Romanæ Ecclesiæ acerrimos defensores, tibi magistros constitue, & Regnum tuum accipiet benedictionem à Domino in æternum.

Principis æterni, sacros venerare ministros,

Tunc tibi perpetuum, cælitus auxilium.

Qui

CAPVT XXX.

*Qui sacram religionem coluere, diu & feliciter,
fere omnes regnauere. At qui in eam insur-
rexere, turpiter quoque occubuerunt.*



RO Constanti habeant Principes,
eos, qui ab Ecclesia Catholica de-
fecerunt; in maximas calamitates,
ferè omnes incidisse. Quod longo
rerum usu compertum, & plurimo-
rum exemplis comprobatur.

Si enim Iulianus, magni Constantini nepos, sed
auitæ pietatis immemor, calamum, & gladium,
adversus Romanam Ecclesiam, perfidus sumpsit,
nonnè etiam dignas dedit tanti flagitii pœnas? Si-
quidem in bello cadens, divinitus sagitta trans-
fixus, & manu cruore repleta, Christum blasphemans,
in aëremque sanguinem projiciens, dixit,
inclamando; Vicisti tandem Galilæe, vicisti. Et
vacuatus paulatim sanguine, circa noctis medium,
infelicem animam exhalavit.

Gregor.
Nazian.
orat. 2
in Iulia-
num.

Si Valens Valentiniani frater, Arrianæ factionis
studiosus, Deo dicatos viros, & veræ religionis
cultores, crudeliter afflixit, quomodo extremum
clausit diem? amisso exercitu, saucius, ac trepi-
dus fugiens, ab hostibus in vili tugurio circumsep-
tus, vivus à flammis absumptus est.

Amian.
Marc. li.
21 hist.

Si Anastasius Primus impio, & turbulentissimo,
Eutychetis errori favit, Christianum nomen dete-
stans, quid hinc? in suorum procerum conspectu,
de calo tactus ictu fulminis, concidit.

Ruffin.
lib. 12
hystor. c.
13,
Zonaras
lib. 4 an-
nalium.

Si Rex Theodoricus, in sanctissimos Romanos
Pontifices, & in omnes Catholicos diram tyrannidem

Greg. in
4 li. dia-
log. c. 30.

nidem exercuit, ob tantæ impietatis flagitium, quid ei accidit? apoplexi correptus, in sua impietate animam egit, & ut scribit Divus Gregorius, in ignem Lyparitanum submersus est.

Si Iustinianus Primus, Eutychiani delirii sectator, aliquando à catholica pietate defecit: quid hinc? nonne inops consilii, & mentis, amentissimus ex hac vita decessit?

Si Rex Desiderius, nec Deum timens, nec homines metuens, in Adrianum Christi Vicarium insurgens, quàm plurimas urbes Ecclesiasticæ ditionis, invadere, & occupare ausus est, ex hac impietate, quem eventum sortitus? non multo post Caroli magni copiis, Regno pulsus, funestissimam suæ temeritatis memoriam Longobardis omnibus reliquit.

Blond.
lib. 3 de-
cade 1.

Si Mauritius Imperator Divum Gregorium, & Romanam Ecclesiam perturbavit, adeo crudeliter, ut aliquando ad eum Gregorius ita scripserit: Etsi peccata Gregorii tanta sunt, ut pati talia debeat, Petri Apostoli peccata nulla sunt, ut vestris temporibus pati ista mereatur. Quid inde? in suorum odium prolapsus, conspiratione militum in eum facta, à Phoca cum uxore, & liberis, obtruncatur.

Io. Zo-
naras in
sua hist.

Si Heraclius pristina suæ pietatis oblitus, qua sibi tot victorias paraverat, sancta Romanorum Pontificum monita contemnens, Monothelitarum impietatem secutus est, quem finem sortitus? infelix hydropisi decessit, miserrimo illo morbi genere, cruciatus.

Paul.
diac. lib.
21.

Si Constans Imperator universa almæ urbis Romæ ornamenta diripuit, Christique Vicario Martino Primo, sceleratas manus ausu temerario iniecit, an divinam ultionem effugit? non ita. in Siculis balneis turpiter à suis occiditur.

Si

Si Constantius Arrianis favens, S. Dionysium ^{Ruffinus} Marlianum Mediolani Archiepiscopum in Catho- ^{lib. 10 c.} ^{20.}lica fide constantem permanentem in Cappadociam insulam relegavit, an divinam evasit ultionem? obscuro loco, & maximo cum animi mœore, vitam finivit.

Si Valentinianus Junior, Divum Ambrosium ^{Ambros. lib. 5 c. pist. 32.} Episcopum Mediolanensem, multis modis vexavit, imperavit enim, ut basilicam hæreticis traderet, ut in Palatio suo coram ipso, de fide disputaret, exilium, ni obsequeretur, comminatus, quid ei accidit, divina sic permittente iustitia? infami suspendio necatus est.

Si Michael Imperator Theophili filius, in Nicolaum Primum Romanum Pontificem, superbe nimis se gessit, & Ignatium Patriarcham Constantinopolitanum summa injuria deposuit, quo sine diem extremum clausit? cum ebrius cubitum iret, stans juxta lectum à suis domesticis trucidatur.

Si Federicus Ænobarbus, Sedem Apostolicam ^{Sabell. li. 5, enead. 9.} multis annis infestavit, erigens cervicem contra Summos Pontifices, nonnè divina ultio eum corripuit? cum in fluvio, animi causa, sese ablueret, repente submersus interiit.

Si Philippus, repugnante Sede Apostolica, ad Imperium evehitur, nonnè ultricem Dei manum sensit? in oppido Bambergæ, dum à prandio quiesceret, à Comite Palatino occiditur.

Si Federicus Secundus Imperator, non tantum Sedis Apostolicæ, sed & universi Cleri, per totum Imperium hostis acerrimus, ab Innocentio Quarto excommunicatus, non respuit, imo crudelior in dies effectus, quid ei contigit? à spurio suo Manfredò in Apulia interficitur.

Si Manfredus Apuliæ, & Siciliæ Regna occupans,

Sabell.
lib. 7. en-
nead. 9.

pans, Ecclesiæque persecutor acerbus fuit, proinde ab Alexandro Quarto excommunicatus, quo fine terminavit? à Carolo Regis Gallorum fratre, quem Urbanus Quartus, Sicilia & Apulia Regem declaravit, debellatur, & in acie occiditur.

Si Ludovicus Quartus Imperator, à Sede Apostolica bis excommunicatus, primum à Ioanne Vigesimo secundo, postea à Clemente Sexto, & in dies in Ecclesiam acerbior, an manum Dei omnipotentis evasit? cum in venatione esset, subita paralyfi omnium membrorum correptus, ex equo decidens moritur.

Si Iustinianus Secundus, Heracliana stirpis ultimus, impiam synodum reluctantem Romano Pontifice, indicere, & celebrare præsumpsit, quid hinc? abscessis naribus Chersonam relegatur, & licet opera Bulgarorum restitutus, iterum imperio deturbatus est, & cum Tiberio filio unico, con-
trucidatus.

Si Constantinus Quintus, piorum omnium hostis, duos Constantinopolitanos Antifites, omni supplicio excruciatos, capite multavit, non multo post divina ultio subsecuta est. Nam exiguo temporis intervallo, insanabili elephantia consumptus est.

Fulgos.
li. 1. c. 2.

Si Leo Quartus Imperator, avaritia impellente, per joci speciem, veluti alter Siculus tyrannus, templa diripiens, ex sanctæ Sophiæ capite, coronam auream, pretiosis gemmis onustam, sustulit, & eam sacrilego suo capiti imposuit, nonne Deus eam impietatem ultus est? ita quidem. nam pro gemmis, venenati carbunculi, Leonis caput oblederunt, & coactus diadema deponere, impium spiritum exhalavit.

Blond.
lib. 1. de-
cade 2.

Si Constantinus Sextus, legitima uxore spreta,
concu-

concubinam superinducens, sacrosancta matrimonii foedera violavit, ab Irene matre Regno expulsus, excæcatur.

Si Leo Armenius hujus nominis Quintus, divorum veneranda simulachra, & sacras reliquias excrucians, conculcavit, merito ab adversariis in æde sacra, multis vulneribus confoditur.

Si Henricus Quartus sacerdoti insultans, adversus Summos Pontifices arma sumpsit, permittente Deo, ab Henrico Quinto ejus filio, Regno privatus, & carcere, & miseriis pressus, vita excessit.

Si Vitiza Gothorum Rex, contra sanctorum Conciliorum sanctiones, in ditione sua sacerdotibus, non conjuges modo ducere, sed multas quoque habere permisit, nonne divinam ultionem sensit? prælio victus, captusque, lumina, Regnumque simul amisit, & in retro carcere decessit.

Si Honoricus Vandalorum Rex, cum Arriana hæresi laboraret, complures Catholicos Episcopos ab Africa exilio multavit, & multos etiam morte affecit, an tantum scelus semper impune fuit? non. post multum temporis, in dirum morbum incidit, & scaturientibus è corpore ejus undique pediculis, hoc supplicii genere, sceleris sui poenas luit, & experimento didicit, quam horrendum sit incidere in manus Dei offensi. Omnes, omnes, qui à tramite pietatis deviantes, Sanctissimæ Matris Ecclesiæ decreta neglexerunt, exitiales exitus habuere, ut eleganter cecinit Poëta,

*Ad generum Cereris sine cade, & vulnere pauci
Descendunt Reges, & sicca morte tyranni.*

Domitius Nero, crudelitatis exemplum, sævitiae portentum, horrendum naturæ monstrum, quantum Christiano nomini cladem intulerit, vix potest

Iunon.
fat. 10.

Ioan.
Bapt. E-
gnat. lib.
1.

test explicari. attendamus exitum. Diis, hominibusque invisus, ab omnibus derelictus, in miseram fugam compulsus, ut effugii locum inveniret, latibula omnia exquirebat, cum autem intelligeret, nullum spei locum relictum, & timeret, nè graviora ei in morte contingerent, sibi ipsi tortor existens, ferrum jugulo adegit, adjuvante trepidam manum eunucho Sporo. de cujus infelici exitu circumfertur, Nero, nè moriatur, moritur. ut evadat conjuratos, ipsemet adversus seipsum conjuravit.

Euseb. li. 2, c. 17
histor.
eccles. Domitianus ab omnibus contemptus, amicorum conspiratione trucidatus est.

Diocletianus nè in manus hostium deveniret, venenum sibi propinans, animam exhalavit.

Decius à Gothis superatus, & castris exutus, miserè in undis suffocatus est.

Euseb. li. 8 histor.
c. ult. Maximinus tam horrendis doloribus correptus est, ut medici etiam ethnici dicerent, divinam esse plagam.

Maxentius in Christianos, nonnè omne genus crudelitatis exercuit? sed quis exitus? ed miseræ devenit, ut deletis copiis fugiens, in Tyberim infilierit, ibique gurgitibus absorptus.

Valerianus à Rege Persarum in captivitatem ductus, Ephippiarii munus exercuit, stapedem tenens, barbaro Rege equum conscendente.

Euagri-
us lib. 4.
c. 16. Iustinianus senior donec catholicus fuit, felicissimè imperavit, ita ut Italiam, Africam, aliasque multas provincias Romano Imperio restituerit, at ubi hereticus factus est, & edictum proponere voluit, de sua hæresi recipienda, mox repentina morte sublatu est. O divinam ultionem merito illatam, non solum Principibus Ecclesiam persequentibus, sed etiam hæresiarchis ipsam dilaceran-

lacerantibus. audiamus & istorum tragicum finem.

Arrius dysenteria vexatus, & internis cruciatus torminibus, in latrinis animam exhalavit.

Manichæus fuit excoriatus vivus à Rege Persarum, cujus corpus pelle exutum, dilaniandum bestiis traditum, cutis autem tanquam uter, in signum tantæ iniquitatis, ante portas suspenditur. ad tantum enim dementiæ pervenit, ut se Pa-racletum vocitaret.

Nestorii impij linguam vermes, blasphemiarum vindices, corroderent, mori coegerunt.

Lutherus sacrilegus, vitam clausit multo suavius, nam benè potus, & cibo distentus, absque ullo externo pietatis signo, cubitum secedens, apud inferos pernoctavit.

Zuinglius armatus adversus Catholicos, agmen ducens, in acie interfectus est.

Carollstadius ministrorum Basileensium relatione, à diabolo suffocatus interiit.

Priscillianus hæresiarcha, cum focis, à Maximo Christiano Imperatore, necatus est.

Ioannes Hus, & Hieronymus de Praga, in Constantiensi Concilio, ab Imperatore Sigismundo exusti fuere.

Simon Magus, cum volare vellet, orationibus B. Petri dejectus, tibias fregit, & paulò post, cum summa ignominia obiit.

Montanus, & Theodotus, laqueis seipsos necaverunt.

Oecolampadius, cum vesperi sanus cubitum ivisset, manè inventus est ab uxore, mortuus in lecto.

Donatistæ quidam, cum canibus Eucharistiam projicerent, ab iisdem canibus lacerati sunt.

Michael Servetus in media Genuensium urbe igni traditus, tam iniquo, atque impatienti

Ruffin.
lib. 10
histor. c.
13.

Epiphan.
hæres.
66. Cy-
ril. Hie-
rosoly-
mit. ca-
techesi
6.

Euagri-
us lib. 1
hist. c. 7.

Cochlæ-
us in vi-
ta Lu-
theri.

Hieron.
li. de vi-
ris illu-
stris.

Ægesip.
li. 1. c. 2.
Euseb. li.
5 hist. c.
16.

Cochlæ-
us in a-
ctis Lu-
theri.

Optatus
li. 2 con-
tra Par-
menia-
num.

animo, supplicium pertulit, ut magnis clamoribus, sive, ut Calvinus ait, qui historiam mortis ejus conscripsit, magno boatu gladium flagitaret, sed cum in iudices planè inexorabiles incidisset, tandem aliquando est longissimo illo, acerbissimoque dolore consumptus.

Hieron.
Bols-
cus in
ejus vi-
ta.

Calvinus denique scelestissimus, infelicissimo exitu, vitam terminavit. quoniam à vermibus sextipedibus, veluti Herodes, veluti Antiochus, & tanquam Maximinus, fuit consumptus. quin, & invocatis dæmonibus, furibundus, & desperans, miserabili cruciatu, animam emisit. ecce tragicus finis. en infelix exitus. ecce miseranda calamitas impiorum, non quærentium Dominum, à quo bona cuncta procedunt, & sine quo nihil validum, nihil sanctum.

Hinc igitur alieno periculo sapientes, omnes edificant Principes, divinum numen colere, sacros Ecclesiæ ministros venerari, Sanctam Romanam Sedem humiliter adorare, in qua nunc singulari Omnipotentis Dei providentia, & communi omnium fidelium applausu, sedet Sanctissimus D. N. VRBANVS OCTAVUS, Pontifex Maximus, quem divina benignitas incolumem diu, & feliciter conserveat, ut orbis terrarum totus, sub aureo regimine triumphans, præ lætitia gestiens, decantare valeat, iam feliciter omnia.

*Qui colit Ecclesiam, felici navigat aura,
At qui contemnit, tendit ad exitium.*

EXPLICANTVR

Propositiones notabiliores quæ in
hoc opere continentur.



- D*EVs vult omnes homines sal-
vos fieri. 282
*Nunquid Deo cura est de bo-
bus?* 285
*Equaliter est Deo cura de
omnibus.* 286
*Princeps Regni Persarum restitit mihi viginti &
uno diebus.* 289
*Orabat scelestus Dominum à quo non erat miseri-
cordiam consecuturus.* 282
In Angelis suis reperit pravitatem. 287
*Ecce equus pallidus, qui sedebat super eum no-
men illi mors.* 400
*Dies mei transierunt quasi naves poma portan-
tes.* 398
*Majus est justificare peccatorem; quam creare
calum, & terram.* 284
*Quidquid potest Deus mediante causa secunda,
potest & immediate.* 284
*Deus non videt quot pulices quotidie nascan-
tur.* 285
Sancti merentur vitam æternam de condigno. 290
*Non sunt condignæ passionēs hujus temporis ad
futuram gloriam.* 290

Index Propositionum, quæ explicantur.

<i>Deus punit damnatos citra condignum.</i>	291
<i>Facti forma gregis pascite qui in vobis est gregem Dei.</i>	112
<i>Virgam vigilantem ego video.</i>	118
<i>Cur timebo in die mala ? iniquitas calcanei mei circumdabit me.</i>	126
<i>Ego Dominus creans malum.</i>	134
<i>Melior est iniquitas viri , quàm mulier benefaciens.</i>	140
<i>Avaritia idolorum servitius.</i>	161
<i>Quoniam non cognovi litteraturam introibo in potentias Domini.</i>	162
<i>Sic currite , ut comprehendatis.</i>	307
<i>Visitans speciem tuam non peccabis.</i>	308
<i>Militia est vita hominis super terram.</i>	398
<i>Per peccatum mors.</i>	392
<i>Gladium suum vibravit , arcum suum tene- dit.</i>	395
<i>Statutum est omnibus hominibus semel mori.</i>	390
<i>Vide vias tuas in convalle.</i>	383
<i>Oculi sapientis in capite ejus.</i>	376
<i>Cinerem tanquam panem manducabam.</i>	385
<i>Beatus qui intelligit super egenum & pauperem , in die mala liberabit eum Dominus.</i>	371
<i>Facilius est camelum intrare per foramen acus , quàm divitem intrare regnum cælorum.</i>	373
<i>Ecce projicis me hodie à facie tua.</i>	409
<i>Non sum medicus , & in domo mea non est pa- nis.</i>	90
	Acue-

Index Propositionum, quæ explicantur.

<i>Acuerunt linguas sicut serpentes.</i>	318
<i>Cor sapientis in dextera, cor fatui in sinistra.</i>	319
<i>Sagittæ potentis acutæ cum carbonibus desolatoriis.</i>	318
<i>Inclinato capite emisit spiritum.</i>	100
<i>Sta super me, quia tenent me angustie.</i>	101
<i>Factus est principatus super humerum ejus.</i>	95
<i>Voluntati ejus quis resistet?</i>	281
<i>In Christo omnes vivificabuntur.</i>	282
<i>Videbit omnis caro salutare Dei.</i>	282
<i>In domo Patris mei mansiones multæ sunt.</i>	292
<i>Dominus regit me, & nihil mihi deerit.</i>	299
<i>Ego flos campi.</i>	299
<i>Qui edunt me, adhuc esurient.</i>	299
<i>In quem desiderant Angeli prospicere.</i>	300
<i>Statura tua assimilata est palmæ.</i>	451
<i>Confortare & esto robustus.</i>	452
<i>Superbia eorum qui te oderunt ascendit semper.</i>	422
<i>Spiritus Domini replevit orbem terrarum.</i>	428
<i>Vos ex patre diabolo estis.</i>	429
<i>Regnum meum non est de hoc mundo.</i>	429
<i>Vadam & videbo visionem hanc magnam quare non comburatur rubus.</i>	448
<i>Posuerunt me custodem in vineis.</i>	272
<i>Percussit Dominus Ozam.</i>	272
<i>Sicut qui mittit lapidem in acervum Mercurii, ita qui tribuit insipienti honorem.</i>	268
<i>Factum</i>	

Index Propositionum, quæ explicantur.

<i>Factum est prælium magnum in cælo.</i>	229
<i>Iusto non est lex posita.</i>	217
<i>Tibi soli peccavi, & malum coram te feci.</i>	218
<i>Reddite quæ sunt Cæsaris, Cæsari.</i>	207
<i>In fenestra per quam demisisti nos.</i>	204
<i>Dabo clavim David super humerum ejus.</i>	211
<i>Dixit inspiens in corde suo, non est Deus.</i>	186
<i>Magnificat anima mea Dominum.</i>	188
<i>Dabis servo tuo cor docile.</i>	174
<i>Perfecto odio oderam illos.</i>	53
<i>Descendam & videbo.</i>	36
<i>Emitte agnum Domine dominatorem terræ.</i>	52
<i>Secundum mensuram delicti, erit etiam plagarum modus.</i>	27
<i>Peccata populi comedetis.</i>	17
<i>Fuerunt mihi lachrymæ meæ panes.</i>	19
<i>Ascendam ad Aquilonem, & ero similis Altis- simo.</i>	431
<i>Ego rogavi pro te Petre, ut non deficiat fides tua.</i>	347
<i>Ambula coram me, & esto perfectus.</i>	186

I N D E X
R E R V M N O T A B I L I V M,
Quæ in hoc theatro continentur.

A



BELIS sacrificium cur Deus re-
spexit. 367

Accedendum ad Principem sicut ad
ignem. 192

Achæus Lydia Rex cur precipitatus in flu-
men aureum. 209

Adam vixit nongentis & triginta annis. 399

Adulatio appellatur oleum veneni. 333

Adulator comparatur chamaleonti. 331

Adulatorum descriptio. 332

Adulatores comparantur Sirenibus. 327

Adulatores similes locustis. 331

Adulator in prosperis tantum servit. 331

Adulatores regni proditores. 189

Adriani Imperatoris dictum Principe dignum. 26

Æris pulchra descriptio. 281

Agathocles Rex Sicilia cur vasis figuleis utebatur. 391

Agrippina ambitio, & dementia. 228

Alexander magnus veneno sublatu. 351

Alexander magnus diligebat Aristotelem. 260

Alexandri magni regium responsum. 30

Alexander magnus exemplo suo milites accendebat. 15

Alexandri magni vigilantia singularis. 208

Alexander Quintus Pontifex in pauperes munificus. 365

Alexander magnus unam aurem servabat reo. 320

Alexandri desiderium insatiabile. 302

Alexandri Severi in eligendis ministris diligentia. 159

Alexandri magni continentia laudatur. 136

Alexandri

Index rerum notabilium.

<i>Alexandri Farnesi Ducis laudes.</i>	178, 179
<i>Alexander Magnus cur occidit Clytū.</i>	195
<i>Alexander Magnus litteratos forebat.</i>	260
<i>Amaranthi natura mirabilis.</i>	20
<i>Amedeus Dux Sabaudia in pauperes pius.</i>	366
<i>Amici figura apud antiquos.</i>	334
<i>Amicus verus dignoscitur in aduersis.</i>	337
<i>Amicorum omnia communia.</i>	336
<i>Amici veri Phitias & Damon.</i>	338
<i>Amici veri Pylades & Orestes.</i>	339
<i>Amici falsi fortunam, non personam sequuntur.</i>	340
<i>Amans est amens, & cæcus.</i>	300
<i>Amoris etymologia varia.</i>	69
<i>Amoris causa est bonum.</i>	70
<i>Amoris causa est cognitio.</i>	70
<i>Amoris causa est similitudo.</i>	70
<i>Amoris propria causa est amor.</i>	70
<i>Amor potest nasci solus, non autem crescere.</i>	71
<i>Amorem armatum & dormientem, cur pinxerunt anti- qui.</i>	44
<i>Angeli superiores illuminant inferiores.</i>	288
<i>Anglia omnium haresum officina.</i>	15
<i>Anima hominis ad imaginem deitatis.</i>	281
<i>Antei luctantis cum Hercule victoria.</i>	360
<i>Antigoni Regis dictum memorabile.</i>	213
<i>Antoninus Caracallus novercam duxit in uxorem.</i>	213
<i>Apelles fortunam sedentem cur pinxit.</i>	342
<i>Apelles donum Regis Agesilai cur appellavit furtum.</i>	204
<i>Apes humano usui mellificant.</i>	19
<i>Apes eligunt regem qui non habet aculeum.</i>	67
<i>Apum rex sine aculeo, & si habet, non ad vindictam.</i>	41
<i>Ars regendi, curis, & periculis obnoxia.</i>	103
<i>Arrogantia Maximini Imperatoris.</i>	427
<i>Aspasie uxoris Periclis responsum.</i>	400
<i>Attila terribus Leonem Papam veneratur.</i>	442
	Augu-

Index rerum notabilium.

<i>Augustini dictum celebre pro Ecclesia.</i>	408
<i>Augusti clementia Cinnam conciliavit.</i>	51
<i>Augusti Caesaris laudabile dictum.</i>	26
<i>Austriaca familia cur ad tantum potentia culmen.</i>	406
<i>Augustini distichon contra murmuratores.</i>	320
<i>Aurum omnia expugnat.</i>	155

B

B <i>Ajazetus rex Turcarum captivus.</i>	347
<i>Baculus in aqua cur videtur fractus.</i>	35
<i>Barberina familia, more apis, pro bono communi laborat.</i>	19
<i>Basili Imperatoris egregium dictum.</i>	12
<i>Beati possident Deum totum, sed non totaliter.</i>	298
<i>Belisarius ludibrium fortune.</i>	348
<i>Beneficia sunt compedes aurei.</i>	204
<i>Beneficia non omnibus equaliter distribuenda.</i>	267
<i>Bernardi dictum de conditionibus Pralati.</i>	13
<i>Bernardi fratris minoris pulchra responsio.</i>	296
<i>Blanca Regina Gallie verba aurea.</i>	421
<i>Bonitas Dei in creatione.</i>	283

C

C <i>Ajus Imperator volebat coli ut Deus.</i>	425
<i>Caligula crudelitas.</i>	228
<i>Caligula humanum sanguinem sitiebat.</i>	83
<i>Caligule ambitio.</i>	228
<i>Calisthenes cur ab Alexandro occisus.</i>	193
<i>Cambyxis regis temeraria crudelitas.</i>	194
<i>Cambyxes cur excoriavit judicem.</i>	153
<i>Canuti regis pulchra historia.</i>	463
<i>Carolo Quinto elogium insigne ascriptum.</i>	128
<i>Carolus magnus in bellis cur victor.</i>	78
<i>Carolus</i>	

Index rerum notabilium.

Carolus Borromaeus vendidit principatum, ut aleret pauperes.	365
Carolus Quintus cur objurgavit legatum barbarum.	324
Carolus Quintus Solimanum superavit.	407
Caroli Quinti pietas mirabilis.	407
Carnalia peccata minoris culpa, majoris infamia.	131
Carnis voluptas ignis devorans.	130
Carnis voluptas vincitur fuga.	138
Catonis senioris dictum.	54
Cecus ferens claudum quid adumbrat.	169
Certamen inter Zeuxim & Parrhasium.	35
Cesar cur tam infelicitate occubuit.	182
Casaris verba superbia plena.	351
Christus cur tantum tres Apostolos duxit ad montem.	272
Christo nascente tres Soles in calo apparuere.	278
Christi anima apprehendit Deum, sed non comprehendit.	286
Christus cur inter Moysen & Heliam.	55
Christus in cruce pendens cur caput inclinavit.	99
Christus cognoscit omnia quae cognoscit Deus scientia visionis.	306
Christus quare moriens dixit, sitio.	303
Cyprianus accepta mortis sententia, respondit, amen.	452
Cyri caput in ure sanguine pleno.	239
Cyri continentia admirabilis.	138
Cyri memoria incredibilis.	378
Clementia Principis severitate miscenda.	53
Clementia Principis firmat Regnum.	44
Clodoveus baptizatur à B. Remigio.	15
Constantinus Imperator cur prosperatus.	78
Constantinus jubeat ante exercitum crucem ferri.	407
Constantinus sacerdotes venerabatur.	438
Consilii templum apud antiquos subterraneum.	124
Consiliarii quales esse debeant.	196
Cosidroas ambiebat adorari ut Deus.	425
Corona,	

Index rerum notabilium.

Corona, & angustia apud Hebræos sunt idem.	101
Correctio quomodo fieri debet.	59
Contentio inter Solem, & Aquilonem.	50
Cor hominis cur superius latum inferius angustum.	297
Creationis opus præstantissimum.	283
Creationis opus nulli creaturæ communicabile.	284
Culpa temporalis quomodo punitur poena aterna.	28
Cupressus symbolum iustitia.	29

D

D avid quare quotidie plorabat.	20
David cur plorabat in omni loco.	21
David quare non satiabatur lachrymas effundere.	21
David cur magis pestem elegit, quàm famem, & bellum.	105
Damocles cognovit pericula Principum.	88
Delphinus anchoræ alligatus quid significet.	34
Delatoribus non facile credendum.	316
Delatores comparantur serpentibus.	318
Democratia vocatur popularis.	325
Deus cur habet stellas in manu, & gladium in ore.	49
Deus cur gestat gladium in femore.	58
Deus quomodo malum creat.	134
Deus voluntate antecedente omnes ordinat ad gloriam.	61
Deus est scutum timentium se.	401
Deus est sphaera intelligibilis.	278
Deus nulli denegat auxilium sufficiens.	282
Deo meliora sunt offerenda.	367
Diadema regum spinosum.	103
Dies naturalis quis dicatur.	207
Dignitates sunt spinis circumseptæ.	100
Dives cur difficile salvatur.	373
Dionysius tyrannus sibi adurebat capillum.	77
Diogenis dictum Alexandro magno.	127

Hh

Diony-

Index rerum notabilium.

Dionysius Marlianus Mediolani Archiepiscopus à Constantio Imperatore ob fidei constantiam relegatus.	467
Domini nomen cur non ante creationem?	297
Dominandi libido nulli parcit.	224
Domitianus in epistolis se nominabat Deum.	425
Dominus quasi do minus.	50

E

Ecclesia comparatur Luna.	446
Ecclesia dicitur una.	454
Ecclesia dicitur sancta.	455
Ecclesia comparatur Phœnici.	459
Ecclesia cathedra sanctitatis.	459
Ecclesia comparatur navi.	459
Ecclesia Romana est universalis.	456
Ecclesia dicitur Apostolica.	357
Ecclesia dicitur visibilis.	357
Ecclesia comparatur rubo qui non comburebatur.	448
Ecclesia cur comparatur malo punico.	449
Ecclesia cur assimilatur palma.	451
Ecclesia fundatio & progressio magnum miraculum.	453
Ecclesia quinque privilegiis decoratur.	453
Ecclesia validis presidiiis armata.	450
Echinus cur symbolum sapientis.	360
Edmundus Campianus Societatis Iesu Theologus accepta pro fide mortis sententia canebat, Te Deum laudamus.	452
Eleemosyna liberat ab omni malo.	371
Eleemosyna multiplicat facultates.	370
Elephantes suis stridore territi fugiunt.	356
Eligens indignos affert magnum damnum.	272
Epitaphium Pii Quinti Pontificis.	384
Epi-	

Index rerum notabilium.

<i>Epitaphium Scipioni Africano adscriptum.</i>	390
<i>Epitaphium Silvii Palladii.</i>	385
<i>Epitaphium Cyri Regis.</i>	382
<i>Exempla Principum timentium Dominum.</i>	404
<i>Exemplum notabile pro eleemosyna.</i>	366

F

F <i>Abius Maximus in regendo prudentissimus.</i>	85
<i>Fabritii Romani fides admirabilis.</i>	237
<i>Fidem servare etiam hosti debet Princeps.</i>	233
<i>Finis productionis creaturarum quis fuit.</i>	26
<i>Formica descriptio subtilis.</i>	279
<i>Fortuna quare appellatur vitrea.</i>	342
<i>Fortuna cur pingitur rota insidens.</i>	344
<i>Fortuna inconstantis descriptio.</i>	354
<i>Fortune vera etymologia.</i>	346
<i>Franciscus majorem reverentiam Sacerdoti, quam Angelo exhibuisset.</i>	442
<i>Franciscus Lateranensem Basilicam humeris sustinebat.</i>	404

G

G <i>Allia Reges Ecclesia defensores.</i>	406
<i>Gallus albus suo buccinatu leones fugat.</i>	356
<i>Germania floruit in fide sub Carolo magno.</i>	406
<i>Gloria celestis satiat desiderium hominis.</i>	300
<i>Gloria celestis magnitudo.</i>	293
<i>Gloria Paradisi superat omne desiderium.</i>	287
<i>Gregorius XIII legatos Iaponios honorifice excepit.</i>	407
<i>Gregorius Magnus Cathedram spinosam appellabat.</i>	98

Index rerum notabilium.

H

H eliotropium, Solis cursum imitatur,	9
Henricus Octavus Anglia Rex cur à fide defecit.	271
Henricus Quartus Rex Callia pro insigni gerebat malum granatum.	56
Henrici Octavi error detestandus.	453
Herodias qua morte occubuerit.	75
Hercules occidit hydram non gladio, sed igne.	61
Hieronymi opinio de gloria Paradisi.	293
Hispania fidem deducit in Indias.	407
Hippomenes superavit Atalantam, qua industria.	152
Hispani Reges à suis regnis expellunt Mauros, & Iudæos.	406
Homo est arbor inversa, cur?	296
Homo quomodo dicitur ad imaginem Dei.	297
Homo comparatur naviganti.	397
Hominis vita similis cursori.	397
Hominis vita cur dicitur piraterium.	398
Hominis vita cur comparatur militia.	346
H minum cur Deus formavit de limo terra.	386
Homo in morte quid secum sumit.	381
Hominis vita cur comparatur herba agri.	378
Hominis in productione cur dicitur faciamus.	309
Homo inter omnia animalia crudelior.	104

I

I esuita appellantur nuntii caelestes, nubes, & columba.	408
Iesuita appellantur Angeli veloces.	408
Imperatores sint benigni in audiendo subditos.	322
Imperatores qui adulatores abhorrebant.	323
Imperatoris verum hieroglyphicum.	116
Impe-	

Index rerum notabilium.

<i>Imperium mundi cur pile comparetur.</i>	345
<i>Imperium maximum imperare sibi.</i>	126
<i>Imperare res periculosa.</i>	105
<i>Imperium tamdiu floret, quamdiu in timore Dei.</i>	401
<i>Imperia crudelia non diuturna.</i>	50
<i>Imperatoris barbari in fratres crudelitas.</i>	223
<i>Imperator triplici corona decoratur.</i>	461
<i>In aula mortis nullum discrimen.</i>	389
<i>Ioannes Picus appellatur phoenix.</i>	295
<i>Isaias petit agnum, cur non leonem, & taurum.</i>	52
<i>Iuliani Imperatoris stemma.</i>	394
<i>Iuliani Imperatoris vigilantia.</i>	108
<i>Iustitia bonum alienum.</i>	26
<i>Iustitia comparatur Soli.</i>	24
<i>Iustitia quomodo Sole splendidior.</i>	24
<i>Iustitia mirabilis pictura.</i>	34
<i>Iustitia in Principe accidens inseparabile.</i>	40
<i>Iustitia servanda non geometrica, sed arithmetica.</i>	27
<i>Iustitia cur dicitur cingulum lumborum.</i>	154
<i>Iustitia nostri temporis comparatur statua multiformi.</i>	154
<i>Iustitia sine clementia crudelitas est.</i>	62
<i>Iusto non est lex posita.</i>	217

L

L <i>Abor improbus omnia vincit.</i>	254
<i>Laconicus sermo laudatur.</i>	185
<i>Lachryma cur appellantur panes.</i>	19
<i>Lacedaemonii ad bellum ituri cur amori sacrificabant.</i>	68
<i>Laurus semper viridis.</i>	359
<i>Leges araneorum telis comparantur.</i>	43
<i>Leo Decimus litteratorum Mæcenas.</i>	267
<i>Leo Decimus pro metris mitras dabat.</i>	267
<i>Leo symbolum vigilantia.</i>	107

Index rerum notabilium.

<i>Leo rex animalium à puero ligatur, & ducitur.</i>	307
<i>Lechas Polonia Rex ab aratro ad regnum.</i>	355
<i>Libri sunt optimi consilarii.</i>	176
<i>Lingua serpentis quinque habet conditiones.</i>	318
<i>Livia Augusti uxoris consilium sapiens.</i>	51
<i>Lothi uxor cur in statuam salis conversa.</i>	303
<i>Lucifer quomodo appetit esse similis Deo.</i>	432
<i>Ludovici Regis Germania obsequium factum Pontifici.</i>	443
<i>Ludovicus Rex Gallia suis manibus eleemosynam erogabat.</i>	372
<i>Ludovicus Rex Gallia vocabat pauperes; milites sui regni.</i>	372
<i>Ludovicus Rex potius mori cupiebat, quam peccare.</i>	157
<i>Luna inter planetas cur magis influit.</i>	110
<i>Luxuria regnorum perniciēs.</i>	125

M

M <i>Artinus proposuit sacerdotem Maximo Imperatori.</i>	441
<i>Martini in pauperes benignitas.</i>	365
<i>Mauritius Imperator à Phoca occiditur.</i>	363
<i>Mahumetus cur prohibuit philosophia studium.</i>	271
<i>Mathusalem vixit nongentis & septuaginta novem annis.</i>	399
<i>Memoria mortis utilissima.</i>	378
<i>Melania in adversis constantia.</i>	363
<i>Mercurii statua cur in birui collocatur.</i>	268
<i>Meritum de rigore iustitia, de condigno, de congruo.</i>	234
<i>Metusest malus custos regni.</i>	63
<i>Minerva ab antiquis pingebatur armata.</i>	254
<i>Mithridatis memoria insignis.</i>	378
<i>Mi-</i>	

Index rerum notabilium.

<i>Miser cordia Dei attributum principale.</i>	59
<i>Mors in mundi initio claudicabat, nunc equitat.</i>	399
<i>Mors more pregnantium carpit acerba.</i>	400
<i>Mors sedet super equum velociter currentem.</i>	400
<i>Mors cur sedet super equum pallidum & viridem.</i>	400
<i>Mortis memoria sit ante oculos, & victor eris.</i>	398
<i>Mors inexorabilis omnia aequat.</i>	397
<i>Mors cur equo infidet.</i>	397
<i>Mors cur pingitur cæca, surda, nuda, armata.</i>	388
<i>Mors cur comparatur arieti.</i>	389
<i>Mors ubique dominatur.</i>	398
<i>Mors omnium rerum fortissima.</i>	396
<i>Mors cur gerit gladium, & arcum.</i>	395
<i>Mos laudabilis in coronationibus Imperatorum.</i>	375
<i>Monarchia est principatus unius.</i>	461
<i>Mulieris impudica descriptio.</i>	133
<i>Mulier præcipitat etiam sapientes.</i>	133
<i>Mundi fallacia.</i>	329
<i>Musonii consilium salubre.</i>	400

N

N ero in primordio Imperii mitissimus fuit.	65
Nero Imperator matrem Agrippinam necavit.	82
Nero fratrem Britannicum veneno necavit.	82
Nero Senecam morti condemnavit.	82
Neronis finis miserabilis.	82
Nicolaus Quintus Pontifex, doctos fovebat.	267
Nobilitas vera propriis meritis ininitur.	266
Noë vixit nongentis & quinquaginta annis.	399
Nomen Dei quomodo exprimitur Chaldaice.	277

Index rerum notabilium.

O

O beliscus cui antiquitus erigebatur.	26
Octavius Farnesius appellabatur dux Gratiarum.	40
Olivamifericordia symbolum.	373
Orationis virtus mirabilis.	402
Osualdus Rex Scotorum in pauperes pius.	374
Osualdi dextera in pauperes munificere mansit incorrupta.	374
Oza cur à Deo percussus.	272

P

P anis est cibus omnibus communis.	20
Pastor comparatur anima, grex corpori.	114
Pastoris officium est tondere pecus non deglubere.	203
Parasiti acutum dictum.	344
Pauli Æmilii Romani dictum.	94
Paulus videns divinam essentiam non fuit comprehensor.	307
Pauperum causa negliguntur.	158
Pecunia cur dicuntur opes.	153
Pecunia cur dicuntur facultates.	153
Pelopidas Imperator vigilabat pro salute populi.	26
Pericles cur imperio se abdicavit.	90
Periclis aurea verba.	115
Petrus & Paulus Roma custodes.	453
Philippus quare nato Alexandro exultabat.	254
Philippus Macedo timebat fortunam prosperam.	342
Philippus Secundus draconem orientalem submersit.	407
Philippi Tertii Hispania Regis pia mens.	407
Philippus Quartus Hispaniarum Rex Ecclesia militantis clypeus.	17
Philippi Macedonum Regis prudentia.	85
	Pius

Index rerum notabilium.

<i>Pius in pauperes bene moritur.</i>	374
<i>Pipinus & Carolus Romana Ecclesia defensores.</i>	445
<i>Pylades & Orestes veri amici.</i>	339
<i>Pythagora sapiens responsum.</i>	132
<i>Pyrrhi Regis finis miserabilis.</i>	349
<i>Plato vocabat hominem, genus divinum.</i>	391
<i>Plato deridebat Dionysium custodibus septum.</i>	90
<i>Platonis consilium laudabile.</i>	10
<i>Plotinus vocabat hominem, quoddam omne.</i>	391
<i>Polycratis felicitas portentosa.</i>	348
<i>Populus timet Principem quando videt ipsum timere Deum.</i>	409
<i>Prelati non residentes quibus comparantur.</i>	110
<i>Prelatus cur appellatur forma gregis.</i>	112
<i>Prelati absentia quantum noceat populis.</i>	110
<i>Prelaturas cur multi recusarunt.</i>	98
<i>Primum mobile omnes sphaeras secum trahit.</i>	9
<i>Principi nihil licet nisi honestum.</i>	213
<i>Principes qui fuerunt iustitiae amatores.</i>	214
<i>Principes qui fuerunt litterarum amatores.</i>	253
<i>Princeps debet esse litteris ornatus.</i>	253
<i>Princeps sine litteris, quid sit.</i>	253
<i>Principes qui litteratos beneficiis fovebant.</i>	260
<i>Principum vitia non possunt abscondi.</i>	23
<i>Principes superbi, à Deo humiliati.</i>	425
<i>Principes qui Ecclesiam persecuti sunt mala morte occubere.</i>	465 & seqq.
<i>Principes cum amicis usque ad aras.</i>	31
<i>Princeps timens Deum victoriis decoratur.</i>	409
<i>Princeps debet aliquando latere Solis & imbris instar.</i>	151
<i>Principes cur olim pingebantur sine oculis.</i>	155
<i>Principis malum exemplum populum inficit.</i>	16
<i>Principes cur comparantur stellis.</i>	12
<i>Principum errata magis notantur.</i>	10

Index rerum notabilium.

<i>Princeps per clementiam fit similis Deo.</i>	46
<i>Princeps bonus mansuetudine agni regit.</i>	52
<i>Principis munus prodesse, non obesse.</i>	52
<i>Principes sunt specula orbi theatro exposita.</i>	23
<i>Principes cur comparatur centro.</i>	29
<i>Princeps fit alienus ab omni affectu.</i>	29
<i>Principum actiones imitantur populi.</i>	13
<i>Princeps in ferenda sententia maturè procedat.</i>	34
<i>Princeps non debet statim credere, sed prius videre.</i>	34
<i>Principes qui sine consilio regunt, malum exitum habent.</i>	178
<i>Principes debent vitare onerosa tributa.</i>	208
<i>Princeps an teneatur parere legibus.</i>	210
<i>Princeps non subditur legibus quantum ad vim coactivam.</i>	218
<i>Principes multi ludibrio fortune expositi.</i>	350
<i>Princeps debet esse facilis omnibus.</i>	312
<i>Princeps dicitur cor populi.</i>	208
<i>Princeps debet imperare subditis sicut pater liberis.</i>	65
<i>Princeps ad puniendum tardus, ad premiandum velox.</i>	67
<i>Princeps malus semper timet.</i>	76
<i>Princeps deberet semper vigilare.</i>	107
<i>Principis nimius rigor excitat seditiones.</i>	85
<i>Princeps debet esse instar solis.</i>	267
<i>Princeps in magistratibus debet proponere digniores.</i>	274
<i>Princeps comparatur pictori.</i>	267
<i>Princeps cur comparatur centro.</i>	268
<i>Princeps dando officia indignis, restitutioni est obnoxius.</i>	270

Index rerum notabilium.

R

R anuttii Farnesii dictum notabile.	40
Ranuttius Farnesius custos justitia.	40
Ranuttii Farnesii Gymnasium Pythagoricum.	122
Ranuttii Farnesii ducis laudes.	149
Reges Gallia Ecclesia defensores.	406
Regis nomen cur scriptum in femore.	206
Rex quomodo distinguitur à tyranno.	65
Rex erga populos, sicut pastor erga greges.	114
Rex multis laboribus & periculis est obnoxius.	97
Regnum sine justitia, latrocinium.	43
Regni custodia amor populorum.	49
Regia Principis qualis esse debeat.	23
Regni onus à Carolo Quinto bene cognitum.	99
Regnandi libido savor etiam in fratres.	222
Rex bonus pastori comparatur.	199
Reges Gallia cur appellati Christianissimi.	406
Relativa sunt simul natura.	435
Relativa dicuntur ad convertentiam.	435
Responsio aurea Ecclesia, Federico Imperatori.	449
Respublica Christiana jubilat sub Urbano Octavo.	19
Reus punitur loco delicti.	20
Rodolphus Austriacus facile omnes audiebat.	150
Rodolphus Imperator Austriacus laudatur.	314

S

S acerdotum laudes & tituli.	438
Sacerdotes quibus titulis decorantur.	441
Salamandra typus Ecclesia.	448
Salamandra in medio flammarum non uritur.	448
Sapiens non frangitur adversis.	361
	Saul

Index rerum notabilium.

<i>Saul Regi cur appositus armus ad manducandum.</i>	95
<i>Saul regnavit annis quadraginta, cur scriptura dicit, du-</i>	
<i>bus tantum annis.</i>	40
<i>Sceptrum regium cur dicitur virga vigilans.</i>	118
<i>Scipio major continentissimus,</i>	136
<i>Senatores apud Thebanos pingebantur sine manibus.</i>	155
<i>Seneca memoria portentoſa.</i>	378
<i>Seneca cur Neronis jussu moritur.</i>	193
<i>Sejani ma'itia mirabilis.</i>	144
<i>Seleuci Locrenſium regis exemplum.</i>	214
<i>Xenophontis conſilium optimum.</i>	11
<i>Sejani finis miſerabilis.</i>	345
<i>Semiramis columbam & gladium cur gerebat in ſtemma-</i>	
<i>te.</i>	427
<i>Silentii virtus laudatur.</i>	124
<i>Silentium eſt principis ornamentum,</i>	119
<i>Silentium a Philoſophis laudatum & obſervatum.</i>	120
<i>Simon dormis? cur non dicit Petre?</i>	117
<i>Siſſebutus Rex Hiſpaniarum Iudaos expulit.</i>	406
<i>Sixtus Quintus Iaponios muneribus decoravit.</i>	407
<i>Sigismundus Imperator adulatorem colapho percuffit.</i>	333
<i>Socrates conſtans in utraque fortuna.</i>	361
<i>Societas Ieſu opus Dei mirabile.</i>	408
<i>Soli comparatur Juſtitia.</i>	24
<i>Sol obedivit Ioſue imperanti.</i>	402
<i>Sophonis Carthagenenſis dementia.</i>	426
<i>Speculum ſymbolum Juſtitia.</i>	27
<i>Stella cur videntur parva, cum ſint majores terra.</i>	35
<i>Struthio non incubando, ſed intuendo animat ova.</i>	209

T

T <i>Amberlanus in obſidione quid obſervabat.</i>	57
<i>Terra pulchra deſcriptio.</i>	280
<i>Teſtudo caret corde inter alia animantia.</i>	133

Theo-

Theodoſi
Theodoſi
liis
Themist
Themist
Theodoſ
Thaleris
Tiberiu
Tiberii
Tiberiu
Tiberiu
Tiberiu
Timent
Timoris
Thoma
Trajan
Trajan
Trinita
Tyrann
Tyrann
V
Verita
Verita
Verita
Veſpaſ
tun
Vigila
Virtut
Vir for
Viſus
Vira

Index rerum notabiliū.

Theodosius orando, & flendo victorias reportavit.	404
Theodosius Imperator quodnam testamentum reliquit filiis.	401
Themistoclis memoria singularis.	378
Themistoclis aureum dictum.	32
Theodosius Imperator quomodo obedit Ambrosio.	439
Thaletis Milesii dictum.	427
Tiberius Imperator invenit thesaurum.	370
Tiberii inaudita crudelitas.	83
Tiberius interdixit mortuos deslere.	83
Tiberius indignos eligebat ad magistratus.	271
Tiberius ministros non removebat.	145
Timentes Deum prosperantur.	401
Timoris objectum quodnam sit.	288
Thomæ Cantuariensis Episcopi responsum egregium.	157
Traiani Imperatoris egregium dictum.	32
Traiani anima an à poenis inferni erepta.	290
Trinitatis mysterium describitur.	278
Tyrannus raro senex.	86
Tyrannorum conditio.	25

V

Venus cur pede premit testudinem.	133
Venus componitur ex ve, & nus.	132
Veritas cur molesta principibus.	191
Veritatis duplex effectus.	191
Veritas filia temporis & memoria.	22
Vespasianus pro insigni gerebat delphinum Ancoræ alligatum.	200
Vigilantia prodest populis.	109
Virtutes morales sunt connexæ.	42
Vir fortis semper idem.	359
Visus sepe decipitur.	35
Vita solitaria quietis amica.	92
Vita	

Index rerum. notabilium.

<i>Vita hominis cur comparatur vento.</i>	399
<i>Vita hominis cur dicitur navis voluntaria.</i>	398
<i>Vita hominis cur comparatur navi poma portanti.</i>	398
<i>Ulysses cur malo navis adhærebat.</i>	129
<i>Voluntas antecedens, & consequens quanam sit.</i>	281
<i>Urbanus Octavus Vicarius Christi Petri successor.</i>	460
<i>Ursa parit catulos informes, quos lambendo format.</i>	48

F I N I S.

*La an di e fu
Hos qui res nris de neve aue
A far mi. Ch in vul L.*

BIBLIOTHE. UNIV.



JABELLONICAE

+

Iunua su soboles, chalyber feruig reuuso
Ignis ne genit, igne perire volo
Lumina si posui, gemit mihi lumina nulla,
Prompta dabo centum, plurae milites tibi
Adde mihi pellem, nos uictor Vera docebo
Publii et forma tunc tibi censor ero.


Postuma su proles, nec n' post fata parentis
Nata, ac sit credis mortui mihi n' erit
Mortua uita de mi' felix, dū Vtra manebat
Haud potuit Vultu cernere gregem neor
Hic miserae tu manebant solatia morti
Vir dica, qd sim mortui dulce caris

Signate signa temere ne tangis et argis
Roma tibi subito motibz dabit amor
Si bene te ~~tuus~~ tua laus taxat sua laude senectus
O ut avar animus nixam ~~off~~ fin ~~de~~ tuis.

Ne solido sapiat, nulli sua sufficit otas;
Nors prius à tergo, quam sapiamus, adq't.

Sero namq; sapit qui sapit in tunculo. 1664

Rex Populi cu' gente bona duc Signa forma
Populian Vigna m' Regium tenebat.



calcat linitiv filia mūr itv
Bibliotheca Casimirovici Masji.
2 Xcl, Masji

Biblioteka Jagiellońska



stdr0002571

